



BIBLIOTECA NAZ.  
Vittorio Emanuele III

XXIV

B

17

NAPOLI





Lang, Isaac Eph.

PHILOSOPHIÆ  
LEIBNITIANÆ  
ET  
WOLFFIANÆ  
U S U S  
IN  
THEOLOGIA,  
PER PRÆCIPUA FIDEI CAPITA.  
PRÆMITTITUR  
DISSERTATIO  
DE  
RATIONE ET REVELATIONE,  
NATURA ET GRATIA.



*Inscript.*  
*Bibl. Berol.*  
*1. 9.*

AUCTORE  
**J. TH. C.**  
WURTEMB.

*Catalog.*  
*Ch. 1. 11.*  
*1760.*

---

FRANCOFURTI ET LIPSIAE.  
A. M. DCC. XXVIII.

THE UNIVERSITY OF CHICAGO

U. C. L.

CHICAGO, ILL.

LIBRARY OF THE UNIVERSITY OF CHICAGO

DEO.

ECCLESIAE.

ORBI LITTERARIO.

BONISQUE OMNIBUS.

SACR,



## PRÆFATIO.



isto Tibi , Benev. Lector !  
Philosophiæ Leibnitianæ  
& Wolffianæ usum in  
Theologia. Quod institu-  
tum si mecum adprobave-  
ris , grates me debere profiteor , sin mi-  
nus, non est cur Tibi succenseam, qui pro  
tua conscientia non minus hoc scriptum  
damnas, quam ego quidem pro mea il-  
lud ipsum emittendum esse duxi; Cum  
interim solus Deus Arbiter conscientiæ  
& rectius informatæ & minus instructæ  
exsistat.

Con-

Consilium , ut intelligis , eò pertinet , ut hujus Doctrinæ innocentia pariter ac incredibilis in sanctissima disciplina publice cognoscatur utilitas.

*At enim, inquis, num bardi fuerunt, qui ante hos novos homines docebant, num sapientia omnis nata cum his ac demortua est? Quis immenso fastu inflatus (\*) hæc talia sibi arroget? Gigantes antiquos judico, quorum humeris Recentiores suffulti longius prospiciunt, quam illi prægrandes, quibus gloria cedunt. Non enim Virorum magnorum laudes perspicaciæ gradu, sed adminiculorum sui temporis copiâ, ac opportunitate metimur, quæ quo vehementius minuitur, eo major illis parata est gloria: Ut vel Euclidis exemplo constat, cujus scientiam & mediocres hodie Mathematici supe-*

rant , gloriam verò ne æquant quidem summi.

Forte & alia dubitatio tenet animum ancipitem. *Si Veteres Philosophia hujus placitis poterant præclare carere, & ignorare, quæcunque nunc adeo extolluntur, certe & nobis ea nescire in Theologia studio versantibus licet.* Quæ cum Religione connexa sunt quocunque modo, tamdiu possunt salva veritate ignorari, quamdiu nondum distincte & per partes sunt evoluta; sufficit enim interea generalis & minus determinata eorum cognitio: At quamprimum nova in iis lux exoritur, ut ex generali doctrina specialior evadat, majorque existat rerum explicatio: ignorari quidem ea recens inventa possunt, incolumi manente veritate, negari autem absque detrimento non possunt. Idem hic judicium ferendum puto, quod alias Theologi de quibusdam fidei capitibus



tibus plus minus à fundamento remotis, item de eruditis, qui ante & post natas in Ecclesia controversias vixerunt, pronuntiant. Ante Lutherum v.g. quis Patribus non ignoscat paulo negligentius de justificatione cogitantibus, simul vero atque in isthac materia uberiores explicationum radii emicuerunt, negari non potest, nec debet, quod antehac tuto ignorari poterat. Εἰς τὴν Διαπύρεσιν Χριστιανισμῶν I. Cor. 12. v. 4. *non respectu solum singularum personarum, sed & integrorum temporum.*

Methodus à me illa cooptata est, quam plerumque Theologi sequuntur, non geometrica, sed *cumulativa*, quâ materiæ cognatæ in certas digeruntur classes. Etiam si enim alteram alteri pro re nata præstare non ignorem : tamen ut hanc anteponerem illi, & instituti ratio, & seculi genius poscebat. Ut medita-

ditionis seriem gratâ respirandi morâ  
distinguerem, paragraphis passim quæ-  
dam, data occasione, inserui ex hi-  
storia litteraria, cujus studio nihil dul-  
cius, nihil ad demulcendos meditatio-  
nis profundæ impatientes animos ad-  
commodatius existit. Indulgendum  
id igitur erat genio auctoris. Inter ea  
quæ singulari ratione exposui eminent  
v. g. doctrinæ de *libertate*, *omnipresencia*  
*Christi*, *justificatione*, *satisfactione*, *præ-*  
*destinatione* &c. Quas ut benevolus Le-  
ctor à capite ad calcem patienter & cum  
cura expendat, enixe rogo.

Stylum potuissem comitiorem exhi-  
bere, imo revera exhibuissem in alia  
occasione, nisi ea cura attentionem ma-  
xime hoc libro necessariam minuisset.  
Quæ tamen sermonis præcipua virtus  
est, *perspicuitatem* videlicet phrasium  
dictionumque adeo non neglexi, ut  
quan-

quantum per ipsas doctrinas fieri potuit, plurimum in ea posuerim operæ. De modestia, qua fui usus, dicere nihil adtinet; Ejus enim neglectus vituperium quidem contrahere, observatio vero laudem conciliare nullam potest, cum eam adhibendo fecerim, quod necessarii est officii.

Cæterum finire licet brevem hanc antecessionem verbis Joach. Langii de Republica litteraria præclare meriti, contraria licet sentientis, in *nova Anatom. System. Wolffiani* p. 7. *Hæc sunt quæ in Philosophia Leibnitiana probe expensa deprehendi: Id quod nunc denuo coram DEO cordium scrutatore & totius generis humani Judice, & simul coram Ecclesia Evangelica, ac universo Eruditorum ordine non sine plerophoria publice profiteor ac contestor.*

(\*) Hujus fastus recentioris Philosophiæ asseclas coarquit excellent. Dn. Walther in der Philosophischen Bigotterie p. 6, & alibi. Sed novit Vir doctissimus

mus : *quemque suos pati manes.* Nescio, cur Vir eruditus sub finem citati scripti epistolæ Parisiis in Germaniam missæ mentionem faciat, cujus quædam fragmenta talia dedit : *Wolffius, Mathematicus Marpurgensis, tanti non sit à Jesuitis Gallis, ac ipse gloriatur. Vidi ego nuper epistolam à Jesuita celebri Colonienfi P. des Bosses ad Tourneminium datam, in qua hæc subjicit verba, postquam de argumentis, quæ Wolffius rejicit, disseruerat : si cela ne convaincre Mr. Wolff, je lui dirai, qu'il ne fera jamais voir, qu'il n'est pas Athée lui-même.* Quis Parisiis in Germaniam hanc epistolam miserit? equidem præclare novi; quia ejus auctor, nimirum *Danica legationis apud Gallie Regem Præco* mecum ea de re collocutus est, haud obscure præ se ferens, visam à se epistolam Patris *des Bosses* in Gallia, communicatam à Patre Tourneminio: At perspectum quoque & exploratum habeo ex testimoniis authenticis, *negare Jesuitam Colonensem, à se exaratas unquam tales literas:* Interest igitur honoris, ut Dominus *Walther* ostendat, immerito se à Patre citato *criminis falsi* postulari. Cæterum in explicanda superstitione Philosophica multa solide & eleganter dixit clarissimus *Walther*, licet in characterum adplicatione fuerit paulo infelicior; Puto enim, longe alia *subiecta*, in quæ illi cadant, posse substitui. Ex scripto etiam præfenti judicabit Lector, num *Leibnitium Wolffius Atheum faciat?* quæ iniquissima nonnullorum obtreectatio fuit, quâ Parisienses trahere in partes cupiebant.



# INDEX CAPITUM ET ARGUMENTORUM

## DISSERTATIONIS PRÆLIMINARIS.

### Cap. I.

#### *De Harmonia Rationis & Revelationis.*

<b>R</b> ationes pro isthac harmonia.	Pag. 6
Solvuntur dubia Bælii & Huetii.	p. 11

### Cap. II. *Dissert. Prælim.*

#### *De usu rationis in Theologia.*

De ratione <i>subjective</i> spectata, ubi agitur de Theologia impii.	p. 32
De ratione <i>objective</i> considerata.	p. 41

### Cap. III.

#### *De natura & gratia.*

Quomodo omnis actio judicanda?	p. 57
De officiis erga DEUM, quid in iis natura & gratia sit?	p. 61
De officiis erga alios quosvis.	p. 64
	De

# I N D E X,

<u>De officiis erga seipsum.</u>	<u>P. 77</u>
<u>in singulis enumerantur naturæ &amp; gratiæ gra-</u>	
<u>dius, alii aliis sublimiores. De socialitate</u>	
<u>Christiana.</u>	<u>P. 79</u>

## **TRACTAT. CAP. I.**

### **Seçtio. I.**

<u>Expenduntur recentiores DEI definitiones, enarra-</u>	
<u>tis, quæ hinc inde disceptata fuerunt in partem</u>	
<u>utramque.</u>	<u>p. 86</u>
<u>Ostenditur usus definitionum in probandis DEI vir-</u>	
<u>tutibus.</u>	<u>p. 96</u>
<u>Ubi varia illustrantur ad rem facientia.</u>	

### **Seçtio II.**

#### De existentia DEI.

<u>Recensentur dubia adversus argumentum de contin-</u>	
<u>gentiâ mota.</u>	<u>p. 109</u>
<u>Una cum responsionibus ad ea datis.</u>	<u>loc. cit.</u>
<u>Commonstratur triplex usus philosophiæ Leibnitia-</u>	
<u>næ in probanda DEI existentia, isque omnino</u>	
<u>singularis, &amp; huic disciplinæ proprius.</u>	<u>p. 122</u>

### **Seçtio III.**

#### De infinita DEI natura.

<u>Examinantur argumenta Veterum pro hac veritate.</u>	
	<u>p. 143</u>
<u>Eademque suppleantur ex recentiorum doctrinis.</u>	<u>p. 146</u>
	<u>Seçtio</u>

# I N D E X.

## Seção IV, Capitis I.

### Quod DEUS sit unus.

Examinantur argumenta pro hac veritate.	p. 151
Supplentur ex Leibnitii Doctrinis.	p. 156

## Seção V.

### De Sanctitate DEI.

Ubi exhibetur ejus vera notio.	p. 161
Ufus notionis in evertendo absolutismo.	p. 162
in aliis fidei capitibus.	p. 165

## Cap. II.

### De S. Scriptura.

Ufus principii de suffic. rat. in stabilienda scripturæ auctoritate & confiranda Pontificis.	p. 169
de interpretatione scripturæ ex doctrinis recen- tiorum.	p. 177
demonstrantur canones hermenevtici ex notioni- bus eorundem.	p. 179
difficultas interpretandi.	p. 182
tollitur per princip. suffic. ration.	p. 184
de analogia scripturæ & fidei ex mente recen- tiorum.	p. 189
cujus datur exemplum.	p. 191

## Cap. III.

### De Creatione.

Quod sine princip. suffic. ration. creatio ex nihilo probari nequeat.	p. 196
	exami-

# I N D E X.

examinantur argumenra eorum qui principium	
hoc distincte non urserunt,	p. 198
probatur creatio ex nihilo.	p. 202
aliud ratiocinium.	p. 203
Mundus non fuit ab æterno.	p. 208
An sine ratione præpollente conditus?	p. 211
confirmatur decisio adversus dubia,	p. 212

## Cap. IV.

### *De Homine.*

Quod anima sit materiæ expers contra hodiernos	
Materialistas,	p. 223
de libertate,	p. 242
de immortalitate animæ.	p. 260

## Cap. V.

### *De peccato originali.*

An concupiscentia sit positivi quidpiam ?	p. 278
de actionibus gentium,	p. 289
traduntur & alia, videnda suò locò.	

## Cap. VI.

### *De Providentia & mali permissione.*

Patrum de permissione mali sententiæ resolvi debent	
in Leibnitii decisionem.	p. 296
argumentum decretorium pro sententia Leibnitii.	p. 305

## Cap.



# INDEX.

---

## Cap. VII.

### *De omnipræsentia Carnis Christi.*

Quid sit esse præsentem ?

P. 311

quid sit omnipræsentia ?

P. 320

quid sit corpus ?

P. 328

& alia complura.

## Cap. VIII.

### *De Satisfactione.*

De satisfactionis necessitate.

P. 348

de ejusdem perfectione contra Arminianos.

P. 356

## Cap. IX.

### *De Prædestinatione.*

An sit absoluta ?

P. 363

An Leibnitius Supralapsarius.

P. 405

## Cap. X.

### *De justificatione.*

An DEUM possimus demereri ?

P. 423

An aliena nobis imputetur justitia ?

P. 432

## Cap. XI.

### *De Lege divina.*

Num jus Naturæ lex, an consilium ?

P. 435

num à decreto DEI justitia omnis pendeat ?

P. 443

an detur lex positiva universalis ?

P. 469

Cap.

## *I N D E X.*

---

### *Cap. XII.*

#### *De Lege Ceremoniali.*

De ceremoniis in V. Test. p. 484

de ceremoniis in Nov. Test. p. 489

### *Cap. XIII.*

#### *De Conversione.*

An ad eam nos quidquam conferamus? p. 495

an ei possint mortales oblectari? p. 496

### *Cap. XIV.*

#### *De Vita & morte.*

De vita corporis, animæ, & suppositi. p. 498

de vita animali, carnali, spirituali &c. p. 502

Plura quidem in quibusvis capitibus tractantur, sed indici huic omnia, quo minùs inserantur, angustia paginæ prohibet. Possunt reliqua ex lemmatibus in margine cognosci.





Σ. Θ.

*Discursus Preliminaris*

DE

**RATIONIS CUM REVELA-  
TIONE HARMONIA LEGITIMO-  
QUE EJUSDEM IN THEOLO-  
GIA USU.**

**CAP. I.**

*De harmonia rationis cum reve-  
latione.*

§. 1.

**Q**ui de philosophiæ recentioris in *Introitu*  
Theologia usu verba nunc facturus  
sum, haud inepte forsan fecero, cum  
prius dixerò quædam de rationis  
cum cœlesti doctrina conformitate,  
pariter ac usu in eadem, non contemnendo, sub-  
junctis quibusdam, quæ ad naturæ gratiæque ope-  
rationum discrimen pertinent, observationibus.  
Tria id institutum capita sistet, quæ omnino præ-  
senti discursui & posse & debere præmitti vi-  
dentur.

A

§. 2.

## §. 2.

*Divisio  
Capitulum.*

Primum caput, idque præfens nonnulla de rationis cum revelatione conformitate exhibebit. Duos præternavigare scopulos, evitato utrinque naufragii periculo, hoc opus, hic labor est. Inter duos errores, è diametro sibi invicem oppositos, mediam invenire veritatem, non minorem profecto, æqualem certe, vel & ampliorem requirit peritiam. Eo nunc contendendum nobis est, conatūne duntaxat inani, an eventu, qui respondeat, felici, peneſ lectorem B. judicium esto.

## §. 3.

*Divisio  
tium sen-  
tentiarum.*

Sunt nimirum, qui rationis, & philosophiæ imperium, eo usque propagatum cuperent, ut vel ipsa S. Scriptura ad eam tanquam legem normamque exigeretur, nihil probaturi, quod cum rationis axiomatibus non consentit: (a) Sunt vero vicissim, qui contrariam ineuntes viam, rationem veluti mysteriū DEI iniquam, carpunt, damnant, proscribunt, & prorsus eam commercii cum Theologia nihil habere volunt, quocunque tandem consideretur modo. (b) *Medio tutissimus ibis.* Cui autem celeberrimus auctor Bayle classi sit adscribendus, difficile est pronuntiari. Jam enim à ratione revelationi insuperabiles posse objici difficultates affirmat, jam autem ex adverso fidei, licet profligatæ, triumphum se ambabus largiri sive falso sive verè contendit. (c)

(a) Huc pertinent primo Sociniani, & qui propius ab ipsis absunt, ex Arminianis nonnulli. v. g. *larratus ille Liberius de S. Amore in epistolis theologicis, qui ex Theologia cuncta pene mysteria excelle jubet p. 27.*

leqq

seqq. cujus sententiam forsan infra tangemus. Sunt porro huic numero addendi, infamis Spinoza in tractatu theologico-politico de libertate cogitandi. Antonius Collinus recentior Scriptor, qui de eadem cogitandi libertate commentatus est Gallico scripto. Nec non Johannes Tolandus in libro, quo Christianam disciplinam mysterii expertem esse probare voluit. Aliquantum ab his non multum tamen differunt, qui philosophorum sectas Veterum cum Scriptura S. conciliare student, etsi finem consequi nequeant, ejus verba detorquent, mentemque corrumpunt. Vid. Budd. observat. de syncretismo philosoph. Tom. III. observ. 12. seqq. p. 218. Nec prætereundus Medicus Amstelodam. Ludov. Mejer, qui auctor esse perhibetur exercitationis paradoxæ: *Philosophia Scriptura Interpres* vid. Henrici Ludolph. Benthem. *Kirchen-Staat Hollands* / P. II. C. II. §. 5. p. 60. Wolffius Manich. ante Manichæismum p. 358. in ea quoque perversa sententia est Chauvinus, de religione naturali, quem confutavit Buddæus in parerg. p. 509. item Lockius in scripto anglie edito, quod titulum hunc præ se fert de *rationabilitate*. Scripta eristica gallice edidit Clericus anno 1703. in 8vo. &c. &c. supersunt innumera quæ non addam.

- (b) Notissimum est Philosophos à Tertulliano hæreticorum Patriarchas vocitatos fuisse, de quo effato Adami Rechenbergii exstat dissertatio. Accusatur & à Romanensibus Lutherus, quod Philosophiam damnaverit omnem, vid. Heumanni acta Philosoph. P. X. num. III. p. 579. Fanaticos autem potissimum in hanc sententiam, quæ Philosophiæ usum proferbit, eamque Theologiæ adversam esse docet, ivisse, notius est, quam ut à me heic enarrari debeat. Poireti enim v. g. liber, qui inscribitur *fides & ratio collata*, testis ejus rei esse potest, namque in ea ita refutavit Lookium, ut in contrarium incurreret errorem. Historiam certaminis Hoffmanniani Helmstadæ recenset præter alios Joh. Herman ab Elsvvich de varia Aristotelis in scholis Protestantium fortuna. §. XXVII. p. 76.

(e) Nolo certi quid definire, nec enim id possum, licet me non fugiat esse qui malis suspicionibus Autorem onerent, contendentes, id eum egisse, ut sacras litteras rationi quippe, ut putabat, adversas, conculcarent. Vid. Budd. Isagog. Theolog. histor. p. 235. a. qui in eo secutus est adversarios Bælii Jacquellotium cæterosque,

## §. 4.

*Definitio  
rationis.*

Expromturi igitur nostram sententiam à definitione *rationis* exordium esse arbitramur. *Placet enim, quoniam omnis disputatio de rationis cum Theologia conformitate futura est, ante definire quid sit ratio? omnis enim que suscipitur de aliqua re institutio, debet à definitione proficisci, ut intelligatur quid sit id, de quo disputetur.* (d) Rationem licebit cum Ill. Leibnitio describere per *connexionem veritatum*. (e) Causam facti ipse Vir celeberrimus indicavit. (f) Etiam si enim Viri docti nonnulla contra definitionem isthanc monuerint; (g) non ea tamen videntur esse tanti, ut nos ab eadem jure dimoveant. Si quæ ab aliis rationis vocabulo comprehenduntur, quibus præsens rationis definitio ad commodari nequit, tum nec ad ea nobis applicare constitutum est, id, quod hisce paginis pro rationis usu, demonstrare, in animum induximus. Simplex v. gr. quam vocant, notio, inter primas rationis operationes collocatur. *At enim nexûs veritatum titulo ornari non potest.* Sit ita sane! parum aut nihil id derogat, tractationi, quam meditamur, nunc jam secuturæ. Liceat igitur philosophorum jure uti, quorum institutis (b) definitiones nominales arbitrarie esse solent.

(d) Verba sunt Ciceronis de offic. L. 1, c. 1. §. 1.

(e) Vid.

(e) Vid. discursus Theodicæ Leibnitii præmiss. §. 1.  
*Ratio est veritatum nexus.*

(f) Causam, quare complures vocis definitionem mirantur, hanc esse dicitur illustris Scriptor, quoniam, quibus paradoxa videatur, homines nunquam conversati sint cum viris, qui distincte suam de ratione mentem exposuerint. loco citato. §. 1. Theod.

(g) Walchius in Lexic. Philosoph. sub artic. Vernunft. definitionem hoc argumento oppugnat: Wir müssen dieses auch von der Beschreibung des Herrn Wolfens sagen / der in Metaph. §. 368. schreibt: Die Einsicht / so wir in dem Zusammenhang der Wahrheit haben, heißt Vernunft. Dann es gibt noch andere Wirkungen / die man der Vernunft zuschreiben muß / auch zuschreiben pfleget. Qui plura rationis voce complectuntur, latius accipiunt eandem, quam Recentiores, qui suorum nominum potestates adcuratius & arctius circumscribentes, eaisa aliter adpellant, quæ cæteri sub rationis vocabulo innuunt, quæve pro veritatum nexu haberi non possunt. Non litigabimus de vocabulis.

(h) Vid. Clerici Logic. P. II. Cap. 12. §. 2. 3. 4. Non quærimus enim, inquit, quo sensu alii utantur voce quapiam; sed quis futurus sit apud nos, ejus usus, exponimus. Igitur primo definitionem significationis, quam voci cuiquam tribuere constituimus, prorsus pendere ex arbitrio nostro observabimus. Licet enim nobis sonus, qui per se nihil significat, prout libet, ideam annexere &c. &c.

§. 5.

Rationis vocabulum cum alia, atque alia, pro discursus varietate, significet, idque nunc indicet facultatem hominis, nunc doctrinas à lumine perfectas naturali, queis homo imbui, & ad veritatis scientiam formari debet: perspicuum est, par esse, ut parumper inflectatur Leibnitii definitio. Pri-

*Diversa  
vocis  
acceptio,*

mo enim sensu ratio (subjective ut barbarè loquuntur) accepta *perspicientia est nexûs veritatum*: Altero autem significato recte per *veritatis nexum*, meâ quidem tenui sententiâ, explicari potest. Utroque modo nunquam corrupta, nunquam depravata, dummodo talis revera sit, qualis hoc loco describitur, esse solet. (i) Qui corruptam accusant, alio eos vocabulum sensu adhibere, indubium est.

(i) Ubi revera non perspicitur veritatis nexus, ibi nec locum ratio habet. Omnes igitur errores, præjudicia inprimis adversus Sacram concepta Scripturam, non rationis, accurate loquendo, titulo insigniuntur, sed abusum potius rationis juxta recentiorum placita innuunt. Vid. Disput. Prof. Tubing. Weismanni in locum ad Coloss. 2. v. 8.

#### §. 6.

Status  
controvers.  
sic.

Primæ igitur quæstionis de conformitate fidei cum ratione, cardo in hoc vertitur: non, an *summa, eademque infinita DEI ratio, seu veri perspicientia suprema, nexum dogmatum, per naturam cognitorum, cernat cum Theologia*; id enim penes omnes litigantes utrinque partes extra controversiæ aleam positum est: neque porro id agitur, ut disceptetur, num sola ratione adjuti, *exactam philosophicarum doctrinarum cum Theologia mysteriis harmoniam ostendere, τὸ πῶς, seu, quomodo? utriusque generis placita cohæreant, distinctius exponere queant?* Hôc enim pactô religionis mysteria explicari possent: id est desinerent esse mysteria, quod nemo dixerit temere: Sed id potissimum quæritur: *nunquid Philosophia sententias inculcet, firmissima demonstratione roboratas, quæ propositiones*



tiones exhibeant, scripturæ effatis è diametro oppositas? (k) id porro disquiritur, an fieri non possit, ut, qui sacra Theologiæ arcana tuetur, Respondens, sophismata objectorum ratiociniorum com-  
monstret, & intentatam inter utramque discipli-  
nam pugnæ suspicionem amoliat? posteriorem  
nos quæstionem affirmandam, priorem autem per-  
negandam esse arbitramur, reclamante Bælio, aliis-  
que, qui vel palam cum eo faciunt, vel clandesti-  
nâ tacitâque cogitatione.

(k) Vid. Theod. Leibnitii §. 60.

### §. 7.

Nimirum etiamsi à nobis utrorumque dogma- *Declara-*  
tum, & ad fidem & ad Philosophiam pertinen- *tio ulterio-*  
tium consensus, per partes, plenâ enarratione com-  
monstrari nequeat: tamen nec adversarii probare  
eorum pugnam possunt, longe subsistentibus ra-  
tionis rectæ decretis, infra Religionis mysterio-  
rum sublimitatem, haudquaquam vero iisdem re-  
pugnantibus. (l) Quæstione sic formatâ, non alic-  
num erit indicare, quibus eam rationibus fulcire,  
qualibusque argumentis, istam firmare liceat?

(l) Vid. Leibnit. Theod. §. 73. qui quo magis, in-  
quit, à perspicuitate dogma quodvis recedit, eo dif-  
ficilius est pervestigare axiomata, ex quibus formari  
rationes in contrarium possent. Imo si vel maxime  
adversarius thesin ejusmodi invenerit à ratione profe-  
ctam, tamen plurimum negotii facesset, ostendenda  
ejus thesæos adversus mysteria revelationis pugna.

### §. 8.

*Rationes  
pro consen-  
sitate fi-  
dei & ra-  
tionis,*

Quod si ratio fidei adversa foret, tum quæ-  
dam philosophiæ theses invicta demonstratione

nix inimicis veluti cornibus conflingerent cum Theologiæ capitibus, possent igitur duæ thesæ sibi mutuo contradicentes esse simul veræ, atqui hoc prima omnis humanæ divinæque cognitionis (m) fundamenta penitus everteret; fieri igitur non potest, ut veritas à ratione profecta, contraria sit ulli revelationis articulo.

(m) Vid. iterum Leibnit. Theod. §. 3. ejus mentem brevioribus heic verbis complectar. Aut ea, quæ à ratione possunt revelationis dogmatibus obverti, invicta demonstratione nituntur, aut non. Si prius veritas veritati erit contraria, nam quicquid demonstratione fundatur certa, veritas est æterna, nulli obnoxia dispensationi. Si posterius autem eveniat, probabilis tantum est rationis revelationi opposita objectio. Atqui ejus generis argumenta nihil adversus fidem proficiunt. Quis enim nescit, revelationem omni verosimilitudine superiorem esse?

### §. 9.

*Secunda  
ratio.*

Excipit hoc argumentum aliud quoddam non minoris, me arbitro, roboris. Quælibet veritas à DEO est. Intellectum enim DEI immensam veritatum cunctarum regionem veneramus. Nemo forsan de eo dubitat, liceat id tantisper nondum plene demonstratum præstruere. Est vero, quicquid à DEO proficiscitur, amicissima contemplatum harmonia, nullus heic hiatus, (n) nulla lacuna, nullus ergo relinquitur locus suspicandi, quod ulla in quocunque genere veritas alteri contradicat. Aquam aquæ (simili enim quominus rem arduam illustremus, quid obstat?) non ut ignem repugnare, sed insinuari facillime, ipso condocemur usu; quamvis altera cælo velut immediate depluat, altera autem ex fonte hauria-

hauriatur subterraneo. Surroga, si placet, in locum aquæ pluvialis Scripturæ placita divinitus inspirata, in vices vero aquæ, ex scaturiginibus Telluris haustæ, veritates per naturam notas: non deerit similitudinem adplicandi proclivitas.

(n) Vid. dedicatio Syrbii, quam institutionibus Philosophiæ primæ, novæ & ecclésiæ præmisit, ubi haud obscure fatetur, quod summa religionis sit & rationis consensus, salvo tamen utriusque discrimine, & alterutius insigni prærogativa. Plura lege in discursu ejus Anonymi, qui in germ. linguam transtulit Theodiceam Leibnitii, §. 44. Operi huic subjuncto.

### §. 10.

Addere licet rationem tertiam. Sensuum in religionis causa haud plane nullum subsidium est. Quicquid sacræ circa Messia munia Tabulæ docent, id secundum sui partem maximam ex eorum testimonio pendet: (o) Quem autem fugit, rationem facultatem esse, à sensibus incoactam. Rerum enim singularium à sensibus representatarum similitudines observat ratio, detegit nexus, judicat, pronuntiat, exque iis novas elicit veritates. Quæ omnia si revelationi adversari, vel saltem ex parte repugnare possunt, profecto nec fides tuta sensibus tribuitur, quorum occasione se ratio exercere cœpit. Quam vero id periculosum sit dictu, nemo vel obiter sacrarum literarum peritus ignorat. (p) Nisi forte fuerit, ut cum Dan. Huetio omnem sensibus fidem denegare, & ima credibilitatis, quæ in revelatione inest, fundamenta laxare in animum induxeris tuum. Certe si naturalis facultatis cogitatio te movet, ut fidem inter rationemque, comminiscaris pugnam,

*Tertia  
ratio.*

cur non eodem argumentò ductus sensuum testimonia, pro religione facientia damnas? quin etenim facultates naturales sint, nemo mortalium negavit unquam. (q)

(q) Vid. 1. Joh. 1. v. 1. 2. Daß da von Anfang war/ daß wir gehöret haben/ daß wir gesehen haben mit unsern Augen/ daß wir beschauet haben/ und unsere Hände betastet haben vom Wort des Lebens &c. &c.

(p) Innua Huetii opus posthumum. sub. Tit. Traité Philosophique de la foiblesse de l' esprit humain. quod & germanice versum à quodam Würtemberga M. Grossio, quem & Stolle citat in supplement. ad Historiam litterariam, professus, se non in omnibus cum auctore Grossio facere.

(q) Loquor de sensibus à natura tributis, de quibus quaestio est, imo vero esse debet. Non de sensibus quos vocant spirituales, ingeneratis per spiritus divini efficaciam in animis piorum semet exercitatem. Multa de sensuum distinctione internorum, externorumque, rectene an secus? alii judicent, Poiretus tradidit, in libello, qui inscribitur: *Fides & ratio collata* pag. 41. seqq.

## §. II.

*Distinctio  
inter id  
quod supra  
& contra  
rationem.*

Quemadmodum ratio nostro sensu accepta, nunquam ei, quod divinitus revelatum est, adversatur, ita tamen non semper ejus sublimitatem æquat. Quamvis enim ratio sit perspicientia nexûs veritatum naturalis, nihilominus tamen vel acutissima præditus ratione non animadvertet unquam, quo veritates naturales modo cum revelatis cohæreant? Id exploratum esse probavi, quod alteræ alteris non contradicant, quæ autem utraq; connectantur (r) à mortaliū nemine, Theologo quantumvis con-

summa-

summatissimo, pervideri potest. Eò mens Theologorum spectat, inter id, quod *supra* & *contra rationem est*, communiter distinguendum. Quicquid connectitur cum veritatibus exploratissimis, quæ Philosophiam excolentibus, vel & naturali mentis capacitate utentibus parent, id *rationi Consentaneum* adpellatur, quotquot autem propositiones, veritati aliunde jam demonstratæ, non in speciem, sed revera contradicunt, isthæ *contra rationem* esse dicuntur. Sin autem nonnullæ propositiones, cum veritatibus naturæ cognitæ non combinari videantur, (s) neque vero etiam iisdem repugnent, ex sublimiori nimirum origine pendentes, tum *rationem illa superantes* ad altius forum referri debent.

(r) Vid. discurs. supra citat. germanic. §. 47. distinctionem hanc omnis ferme Theologorum cohors approbat, ut eorum testimonia allegare supervacuum foret.

(s) Dixi consultò (videantur) etiamsi enim nobis in hac mortali vita constitutis naturalium veritatum cum revelatis nexus haudquaquam sit perspicuus; comitante mortales vel pientissimos nunquam non intelligendæ debilitatis umbræ: nullum tamen dubium est, quin D<sup>e</sup>us nexum illum intelligat, imo spes affulget, teste Paulo, 1. Cor. 13. v. 9. 10. fore, ut, quæ hiatibus varic interstincta videntur, tandem aliquando ab intellectu cœlesti gloriâ vestiendo sint combinanda aptissime; ut de mystenis plenissimam & coherentem simus impetraturi notitiam, salvo tamen Dei & cœlitum discrimine, neque enim aut angeli, aut cœlestes animi, omnia intelligunt distinctissime vid. Leibnit. Theod. §. 23.

§. 12.

Sed nunc animum subit, quod contra doctrinam tanto firmatam præsidio vastæ magnitudinis

*Dubia  
Bali.*

dinis eruditione conspicuus Goliath Bayle molitus est. Num revera ille rationis adversus fidem dubia tantopere extollendo revelationis ea omnia spernentis triumphum augere, illustrioremque præstare, an vero simulata pietate aliud agere, fideique rationi obsistere impotis vanitatem vel nihil tale cogitantibus obtrudere voluerit? decidere heic nihil attinet; DEus est solus καρδιο-γνώστης. Audiamus argumenta ejus non omnia, sed ex gravissimis quædam. Displicet Baylio, quam inter id, quod supra, & contra rationem est, explicavimus, differentia, eamque oppugnat sequenti discursu à me in compendium mittendo. *Distinctionem inter id, quod est contra (t) & supra rationem in ambiguitate vocis (ratio) positam; aut enim per eam denotari rationem generatim eandemque supremam, tum nec contra eam nec supra eam mysteria fidei esse posita: aut vero significari concretive rationem in hominibus spectatam, tum ne sic quidem illam consistere differentiam; neque enim rationem suorum dogmatum cum fidei mysteriis conformitatem perspectam habere, eaque propter videri sacra illa rationi opposita.*

(t) Vid. Leibnit. Theod. §. 63.

### §. 13.

**Responsio.**

Argumenti autem consequentia hiatu laborat. Quod si enim vel maxime mortales solo rationis, imo vero & revelationis lumine adjuti nunquam philosophicarum sententiarum cum mysteriis harmoniam cognoscunt, haudquaquam tamen documento id est, quod revelatio rationi, aut

aut vicissim, adverteretur. Qui enim harmoniam utrorumque dogmatum non pernoscent, intelligunt tamen pugnam ab utrisque abesse. Id quod ad tuendam distinctionem omnino sufficit. Placuit anonymi cujusdam pro illustranda responsione adcommodatum exemplum. (u) Fingamus amissos esse Euclidis elementorum geom. libros posteriores superstitie duntaxat primò. Fac quæso, præterea benev. lector! In manibus nostris versari quasdam Archimedis propositiones, sed sine demonstratione; Nunquid re sic nata, deficiente propositionum intermediarum, quæ intelligendis Archimedæis enuntiationibus inserviunt, catenâ serieque, harum ideas animo formare, aut fundamenta concipere liceret? Minime vero! veruntamen ex adversa parte nemo sine temeritatis nota Archimedæas istas propositiones contradictionis argueret. De similibus simile esto iudicium. Contende, si lubet, rationis placita cum Euclidis, articulos autem fidei sublimiores cum Archimedis propositionibus. Si Euclideanum theorematum eo, quem finxi, casu, cum Archimedæis nexus non ostendi, nec tamen etiam pugna doceri potest: profecto philosophicarum doctrinarum cum Theologiæ capitibus deficiente nexu & consensu à mortalibus pervestigabili, non continuo arguitur pugna, aut à contradictionibus exorta dissensio.

(u) Auctor discursus sæpe citati german. de luminis naturæ cum Scriptura convenientia. §. 44.

§. 14.

Dubium omne nihil aliud est (x) quam argumentum, cujus conclusio nostræ thesæ adversatur.

Confirmatur, ultimus.

fatur. Inviſtum autem argumentum illud adpellatur, quod in demonſtratione certiſſima poni ſolet. Nec ſuppetit alia explorandæ demonſtrationis via, quam ut ſyllogiſmus demonſtrandi vi pollens ſecundum omnes ſui partes examinetur, excutiatuſque & forma ejus & materia. Quodcunque igitur dogma inviſtis premitur dubiis, illud erroris loco jure habetur, aliter enim veritas veritati contradiceret, quod prorsus abſurdum. Indiciuſ namque veritatis eſt demonſtratio, inſuperabile vero dubiuſ à demonſtratione haud differt. Quodſi igitur veritati dubiuſ tale obſtiterit, demonſtratio, id eſt veritas obſtiterit: duæ igitur propoſitiones ſibi contradicentes ſimul veræ eſſe poſſunt, quod, quam abſurdum ſit, dici vix poſteſt.

(x) Vid. Theod. Leibnit. §. 25.

### §. 15.

*Aliud Bælii dubium.*

Dulcius ex ipſo fonte bibuntur aquæ. Derivabimus Bælianos diſcurſus non ex aliorum ſcriptis, ſed ex ipſius Auctoris eruditiffimo libro. *Mysteria, inquit (y) Evangelii ſunt ordinis naturam ſupergredientis non ſubſcicienda examini regularum rationis. Non ſunt tradita eo conſilio, ut in ſpecimina diſputationum philoſophicarum transformarentur, id enim nec eorum præſtantia permittit nec ſublimitas. Sacrarum rerum hujus generis non fert natura, ut in conflictu diſputandi victoriam reportent. Essentialis earum character eſt fide obſequioſa credi, nec exponi ſcientiæ. Deſinerent eſſe myſteria, id quod ſunt, ſi ratio difficultates eiſdem obverſas è medio tollere quiret. Tantum igitur abeſt,*



ut reprehensionem mereatur, quisquis contendit, philosophicis oppugnationibus non posse oblucri fidem, ne potius is bene animatos offendat, quicunque id in dubium vocare, affirmato contrario, audeat.

(y) Damus hic verba Bælii ipsa ex Dictionaire edit. troisiem. p. 2991. in éclaircissement sur les Manichéens. Ce qui faut conclure de cela est, que les Mysteres de l'Evangile étant d'un ordre surnaturel ne peuvent point, & ne doivent point être assujettis aux regles de lumiere naturelle. Ils ne sont pas faits pour être à l'épreuve des disputes philosophiques: leur grandeur, leur sublimité ne leur permet pas de la subir. Il seroit contre la Nature des choses qu'ils sortissent victorieux d'un tel combat, leur caractere essentiel est être un objet de foi, & non pas un objet de science. Ils ne seroient plus des mysteres, si la raison en pouvoit résoudre toutes les difficultez, & ainsi au lieu de trouver étrange que quelcun avoue que la Philosophie peut les attaquer, mais non pas repousser l'attaque, on devroit se scandaliser si quelcun disoit le contraire.

#### §. 16.

Sunt bona mixta malis, convoluta erroribus veritas. non esse eo consilio mysteria nobis tradita, ut in philosophicarum dissertationum specimina transformarentur, unanimi profiteamur omnes ore, at à vero alienum est, in disputandi conflictu non posse, qui mysteria defendit, respondentem reportare victoriam. Nunquam respondens obstringitur ad explicandam, quam tuetur, thesin. Satisfecit officio, si alterutram præmissarum negaverit, vel & liberalitate ductus, (z) limitaverit. Opponentis contra est negatas propositiones eo usque probare, donec cum

*Responsio.*

cum evidentissimis veritatibus cohærere intelligantur. Atqui fieri nullo pacto potest, ut evidentissima rationis doctrina è diametro fidei mysteriis contradicat, quod supra probatum est. *Essentialis quidem sacrorum character est, fide credi; nec exponi scientia.* Sin hæc verba de specialis mysteriorum modi explicatione capias, non refragabor, at id non officit meæ causæ, sin id velis, non posse certissimâ scientia pervideri, an contradicat revelationi Philosophia, nec nego te audiendum.

(2) Vid. Theod. §. 73.

§. 17.

*Aliud Bælii dubium*

Omisit hoc Bælii dubium Leibnitius, quod hic inferendum putavi, aliud continuo pariter à Viro illustri prætermissum subjuncturus. (aa) *Spiritus, inquit, disputandi minime adprobatus videtur in œconomia Evangelii.* Christus doctrinâ, quam divinitus acceperat, prædicatâ fidei obsequium protinus commendat: *Sequere me, & servaberis.* Atqui ea, quam requirebat fides, non impetrabatur longo rationum examine, erat enim Dei donum à solo profectum divino Spiritu, nemini nisi ignorantibus largiendum. - - *Quoties Jesus Christus & Apostoli ad disputandum semet accinxerunt, quærebant doctrinæ fundamenta in libris prophetarum, in perpe- tratis portentis, nentiquam sane in lumine naturali.* Quodsi Paulus argumento contra Ethnicos ad hominem usus est, diu eidem non institit. Methodus apostolica, quanta, quanta fuit à philosophorum ratione docendi discrepabat. Hi enim ostentabant dogmata evidentia, systema undiquaque connexum, &

Je

se obstrictos reddebant, de iis qua inculcabant, satisfaciendi universo mundo. At id contra fiebat penes Apostolos. Haud obscure Paulus pra se fert, suam doctrinam obscuram, cui perfectius cognoscenda vel ipsemet impar sit. 1. Cor. 13. v. 12. Addit Vir dicens nil sacrarum rerum intelligi posse, nisi DEUS ingeneret caelestem discernendi facultatem. 1. Cor. 2. v. 14.

(44) Vid. Dictionaire in 'claircissement sur les Manicheens pag. 2991. edit. tert. verba hæc sunt L'Esprit de Dispute est la chose, qui paroisse la moins approuvée dans ceconomie Evangelique. Jesus Christ ordonne d'abord la foi, & la soumission. Sui moi, Croi & tu seras sauvé. Or cette foi qu' il exigeoit, ne s' aqueroit point par une suite des discussions philosophiques, & par de grans raisonnemens : cet étoit un don de Dieu, cet étoit une pure grace du Saint Esprit, & qui ne tomboit pour l' ordinaire que sur des personnes ignorantes - si Jesus Christ & ses Apôtres sont descendus quelquefois au raisonnement, ils n' ont point cherché leur preuves dans la lumiere naturelle, mais dans les livres des Prophetes, & dans les miracles, & si quelquefois saint Paul s' est prévalu de quelque argument *ad hominem* contre les gentils, il n' y a guere insisté. Sa methode étoit entièrement differente de celle des Philosophes. Ceux-ci se vantent d' avoir des principes si evidens, & un Systeme si bien lié - & ils exposent à rendre raison de leur Doctrine à tout le monde- saint Paul au contraire reconnoît, que sa doctrine est obscure, qu' il ne la sait qu' imparfaitement. &c.

### §. 13.

Plura heic à quæstionis momento abludunt, *Responsio.*  
 pauca merentur responsionem. Sospitatore  
 proposita Evangelii doctrina fidei commendatione

nil prius habuisse, nil antiquius mirum non est. Docebat enim populum maxima ex parte rudem qui studia haudquaquam professus, longum religionis examen suscipere non poterat. Verum enimvero, (bb) quin alii laboribus quotidianæ vitæ inservientibus vacui rationum pro veritate fidei facientium pondera examinare aut debuerint, aut potuerint, dubitandum non est. Hinc mandatum explorandi omnia 1. Thess. 5. hinc exemplarum qui Apostolicos sermones ad amussim sacerarum litterarum exegerunt Actor. 16. pervulgatum est Lydiæ exemplum. Quid? quod ipsi Patres Ecclesiæ in acie contra Ethnicos stantes ad rationem naturalem provocaverint, superstitionum idololatricarum vanitatem ostensuri? Nonne id argumento est, vanam istam religionem esse, cui recta ratio repugnat? Quodsi est, fatearis oportet, ostendi debere & posse, non adversam rationi fidem esse, nec hanc quidquam absurdi, aut à ratione alieni continere; Concedas, oportet: Religionem posse & debere rigorosissimum examen subire eorum, queis à laboribus vacat, tum ut exploretur, an religio cum sacris tabulis conspiret, tum vero etiam, ut investigetur, doceatne absurdi quiddam, quod rationi dissentaneum sit, nec ne? Cæterum, quod ad examen accedere debeat divina vis Spiritûs, quâ mens ad assentiendum arcano dulcique instinctu inclinetur flectaturque, veritas est indubia, quam nobis inculcando à disputationis momento Bælius discessit.

(bb) Celeberrimus Ecclesiæ Doctor Origines similia ferè docet in libr. adv. Celsum L. I. Cap. 2. Concedit viam examinis omnibus commendandam fore, si per  
 ago

negotiorum quidem, quæis alimenta paranda sint, occupationes, à curis his omnibus liceret esse liberis. Nunc cum præsentis vitæ necessitas aliud postulet, quid quæso rudibus aliud commendari potest, quam simplex & obsequiosa fides? Non dissuasit tamen (ut Pontificii solent) quantum per labores fieri potest, examine rerum sacrarum tali, quod certa proportionem negotiis respondeat.

## §. 19.

Mittimus nunc præsentem adversarium reliquis quippe armis à Leibnitio spoliatum ita, ut actum ageret, qui litem satis peroratam suscipere renovandam. Oculis nunc obversatur alius quispiam ratiocinandi facultatis inimicus, qui eo consilio, si quisquam alius, dubitandi artem ad supremum evexit fastigium. Non dissimulo me innuere Huetium, cujus de infirmitate intellectus libellum posthumum paulo ante citavi. Omnem hic auctor movet lapidem, ut incerta omnia ostendat, lectoribusque persuadeat à sola fide firmati in scientiis animi præsidium petendum esse. Quò consilio id quidem fuerit factitatum? ignoro, quò eventu? conjicio, quò veritatis universæ periculò? prorsus pervideo. Dabimus quædam ejus argumenta. (cc) Provocat primo eruditissimus Gallus ad complura sacrarum literarum testimonia Eccles. 8. v. 16. 17. Sap. 9. v. 15. seqq. Eccles. 3. v. 10. 22. 1. Cor. 1. v. 19. Cap. 3. v. 19. Coloss. 2. v. 8. ad Constantini Imperatoris Orat. ad coet. sanct. c. 8. &c. quibus documentis omnibus nihil aliud declaratur, quam homines imbecillitate in-

*Aliud  
Huetii  
dubium.*

*Responsio.*

multa clare, infinita obscure tantum sibi repræsentare; Paucis: oracula isthæc recte examinata significant, plurimum interesse inter nostram DEI-que supremi rerum cognitionem, est enim hæc instar Oceani, ex quo mortalium hausta guttæ cujusdam perexiguæ similitudinem induit. Quid hisce sanius, quid verius dici posset? nunquid vero ex eo consequitur (dd) incerta omnia, lubrica, vana esse? Minime verò! *non (ee) enim esse debemus ii, quorum vagetur animus errore, nec habeat unquam, quid sequatur. Quæ enim esset ista mens, vel qua vita potius, non modo disputandi, sed vivendi ratione sublatâ. Nos igitur, ut ceteri omnia incerta esse dicunt, sic, ab his dissentientes, alia certa, alia incerta, alia probabilia esse contendimus.*

(ee) Vid. *Traité Philosophique de la foiblesse de l'Esprit hum.* chap. 2.

(dd) De divinæ humanæque cognitionis differentia si ex professo viri iudicio pollentes scriberent, nullus dubito, fore ut Huetiana scepticismum promovendi cupiditas radicitus evelleretur.

(ee) Verba sunt Ciceronis de offic. L. II. c. 2. §. 13.

#### §. 20.

*Secundum  
Huetii  
dubium.*

Sequitur nunc (ff) novum Huetii ratiocinium speciosissimo tinctum colore, quod me iudice nemo solidius confutaverit, quam qui arduâ Idealistarum, quos vocant, castra expugnandi facultate polluerit. (gg) Ita vero ille: *quis est, qui affirmare audeat, speciem illam, quæ ex corporibus in sensum incurrentibus, emanat, veram objecti similitudinem referre? Quâ arte, quâ industriâ intellectus meus, qui de imaginis oblata objectique similitudine judicare debet, ideam illam cum te externa*  
compa-

comparare & contendere potest? Siquidem ambæ extra intellectum collocata sunt; neque enim imago isthac detineri, nec considerari diutius potest. - Nos abutimur voce similitudinis, quoties v. gr. statuam quandam suo exemplari non absimilem esse dicimus. Agitur enim de vera perfectaque similitudine, que non representare solum debet externam rerum figuram, magnitudinem, colorem, sed & depingere omnes corporis conditiones partesque internas, ex quibus componitur. Cui representandi modo, si vel tantillum defuerit, eo respectu dissimilitudo orietur. Atque species v. g. arboris, qua animum subit nostrum, plurimum differt ab arbore, qua extra nos ponitur, ipsa. Arbor enim est conspicua, immobilis, solida, species vero & imago ejus in mente, mobilis, peregrina, fluxa &c. Si vel maxime vera perfectaque ex rebus ad nosmet imagines tenderent, verendum tamen est, ne spatium intermedium, quod ipsis est emetiendum, imagines interpolet, mutet, adulteretque. Capiamus exemplum à calore, qui nunc vesperti inclinante ad crepusculum die, nunc interdiu pleno solis lumine cernitur, comprobatur expertentia, vesperti spectatum aliter adparere, quam sub meridiem. Cogitemus etiam colorem solis lumine collustratum, qui flamma ardentis fulgore illuminatus àlio tempore veluti diversus nobis offertur. &c.

(ff) Lege hæc verba in libro Huetii citat, chap. 3. p. 34. seqq. qui est ce, qui osera dire, que l' image, ou ombre, ou espece, qui s' ecoule de ce corps exterieur, qui se presente à nous, est la veritable ressemblance, sans aucune difference &c. Verba non sum xατὰ πρόδα secutus, sensum potius expressi, ac ubi opus videbatur, additis vocabulis quibusdam declaravi.

(12) Facio igitur cum Bulfingero Wurtembergensi, antehac Prof. Tub. nunc Petrop. qui in diluc. de DEO anima mundo p. 239. §. §. 248. Difficilius, inquit, est refutare idealistas quam primo videri intuitu solet. Saltem ex sensatione ductum argumentum non probat immediate. Puto autem id probare si cum aliis hujus systematis sententiis combinetur. Id non exhibeo, ut & cæteris liberum sit, suas contra idealismum vires experiri.

### §. 21.

*Responsio.*

Hi sunt fructus Philosophiæ Cartesianæ, quæ sensibus fidem (bb) denegans ad veracitatem DEI velut ad sacram ancoram confugere solet. (ii) Non improbo penitus isthanc philosophiam, quæ multa tradidit egregia, (kk) minus tamen sufficientem esse eam, existimo cum Viris doctis. Dubia enim gravissima opponendo sibi ipsi, cum rectam solvendi viam non inveniret, optatam scepticis occasionem præbuit, quadrata miscendi rotundis, omnemque labefactandi veritatem. Neque tamen admiratione indignum est, quod Huertius ex Cartesii pharetra sagittas depromat, quem Episcopum fuisse eruditionis & pietatis laude florentem toto litteratorum orbe pervulgatum est. (ll) Sed his ratiociniis occurrendum erit. Ac primo quidem, quod res inter, nobis obversantes, imaginemque earum, quâ mens nostra afficitur, non possit plane nulla esse similitudo ex principio sufficientis rationis, non quod fateamur ultro, ex sensuum actione, qui circa rerum phænomena occupati sunt, (mm) intelligitur. DEUS enim, qui voluit, ut certos in corpore nostro à sensuum objectis excitatos motus idea mentis hæc aut alia sequatur, (nn)



(nn) decrevit id fieri non sine ratione, *aliter enim quiddam existeret absque ratione*, quod contra Axioma pugnat. Quodsi igitur ratio DEUM moverit, quare hunc præcise corporis motum comitem esse voluerit hujus nec alterius ideæ: Profecto non plane nulla similitudo inter imaginem rei, remque ipsam in mente depictam intercedit. Ratio enim illa DEI ex objecto petita, qualem-cunque imaginis & rei repræsentatæ convenientiam indicat. Nec sufficit æquipollentem DEI voluntatem nulla ratione motam cum Cartesianis, qui arbitrarias essentias fingunt, allegare. Quæritur enim subinde, cur DEUS hunc *determinate* motum cum hac mentis idea constanti decreto sociatum voluerit? ipsam voluntatem DEI pro ratione citare, est idem per idem probare, & fundamenta erroneæ de arbitrariis essentiis sententiæ jacere. (oo)

(bb) Vid. Cartesii princip. & quidem meditat. prim. p. 5. nempe quicquid hactenus ut maxime verum admissi, à sensibus accepi. Hos autem interdum fallere deprehendi. At prudentiæ est, nunquam illis confidere, qui nos vel semel deceperunt &c. Sed forsan quamvis sensus circa minuta quædam & remotiora fallant, pleraque tamen alia sunt, de quibus dubitari plane non potest, ut me jam hîc esse, foco assidere &c. Manus enim has totumque corpus meum esse quâ ratione possit negari? nisi me insanis comparem, qui aliquando constanter asseverant se esse reges cum sint pauperrimi, purpura induti, cum sint nudi; Præclare sane, tanquam non sim homo, qui soleam noctu dormire, & ea omnia in somnis pati, vel interdum etiam minus verisimilia, quam isti vigilantes &c. Atqui nunc certe vigilantibus oculis intueor hanc chartam: quasi scilicet non recorder a similibus etiam cogitationibus me aliàs in somnis fuisse delusam &c.

(ii) Vid. Annotationes Wolffii in suam Metaph. §. 20. p. 36. ubi propter hanc causam Cartesium notat. Adde quod Malebranche in Entretien sur la Metaphysique Cartesii sententiam illustraturus revelationis cuiusdam genus effinxit, quò sensus adco fallaces, audiendos tamen esse erudiamur.

(kk) Consentit Leibnitii iudicium. Vid. Recueil des diverses piéces sur la Philosoph. Math. par MS. Leibniz. Clarke &c. Tom. II. p. 135. M. Des Cartes l'avoit fait, mais non pas assez. Il étoit allé trop vite dans la plûpart de ses dogmes. Et l'on peut dire, que sa Philosophie est à l'Antichambre de la verité. Et ce qui l'a arrêté le plus, c'est qu'il a ignoré les véritables loix de la mecanique ou du mouvement, qui auroient pû le ramener.

(ll) Accedit quod inter Cartesii adversarios maxime eminerit Huetius, strinxeritque contra eum *Consuram Philosoph. Cartesianæ*.

(mm) Recentioris Physicæ, & Cartesianæ, & Gassendianæ &c. prorsus expertus est, quisquis negat, ea omnia, quæ sensibus nostris obijciuntur, nonnisi phænomena esse, sed bene fundata vid. Recueil supra cit. T. II. p. 139. les choses matérielles en elles mêmes ne sont que des phænomenes bien reglez; lege, si lubet, totum Malebranchii de inquirenda Veritate librum I, de erroribus sensuum, vix poteris ab hac veritate cohibere assensum.

(nn) Vid. Sturmii Physic. conciliatrix. cap. 9. p. 91.

(oo) Sententiam de essentiis arbitrariis Cartesius stabilivit, quem pone secutus est in cogitationibus rationalibus Poirct.

## §. 22.

Continua-  
tur  
responsio.

Sed plura in illo Huetii ratiocinio sunt, quæ reprehendi debent. Eriam si enim idea corporum, quam animo fovemus, rebus ex asse non respondeat, nec per suam naturam possit (pp) deficiente semper perfectâ inter mentis imaginem reique obver-

obversantis indolem, similitudine : id tamen non obstat, quò minus ordinem phænomenorum illorum observare, successionum leges eruere, unumque ex altero elicere queamus. (99) Sufficit id ad scopum physicum, qui rationes phænomenorum inquirat. At quomodo *metaphysice* (Error enim Idealistæ metaphysicus est) rerum, si quæ extra nos sunt, vera possit præsentia demonstrari? hoc opus hic labor est. Existimo primum contra Idealistas ostendi posse, continui compositionem non esse impossibilem, præsto quippe est filum ariadnæum, quod secutis, ex famoso illo philosophorum labyrintho emergere licet, in quo suæ causæ potissimum (rr) præsidium Idealistæ querunt. Partes enim materiæ in infinitum, ut ajunt, divisibiles, revera non existunt, sed ut possibiles tantum concipiuntur. (ss) (brevitati heic studeo, qui hæc non assequitur, alios adeat) Præterea concedit Idealista creatum à DEO mundum, atqui DEUS id, quod præstantius est, nunquam non eligit. Quis autem non videt majorem harmoniam (perfectionem) impetrari, ubi mentium actionibus res corporeæ motibus suis respondent, quam ubi solæ mentes in mundo existere finguntur? Sic eminus tantum ostendo, quibus armis Idealistas non sine fructu adgredi liceat. Transeant hæc. Ex iis quæ præstruxi, patet, non vacillare veritatem quantumvis sensuum imagines rebus ipsis exacte non respondeant, sua igitur sponte ruit, quicquid Huetius huic opinioni inædificavit.

(Op) Sensus enim sunt facultates res confuse repræsentandi, atque quæ tales hominis finitam indicant natu-

ram, ex quo conflatur & efficitur, ut nunquam homo more DEI, cuncta distinctissime suo sistere animo possit. Vid. Wolff, Metaph. §. 749.

(99) Bulffinger. in Dilucid. p. 114. §. 118. ita differit: Idealista ex phœnomeno Solis obliqui deducit phœnomenon frigoris hyberni. Negat existere res his phœnomenis respondentes, ordinem vero successio- nis eundem servare debet. Substituë in locum Idealistarum Huetium, idem de ejus opinione judicium erit.

(100) Legat, cui volupe est, Veterum argumenta contra extensionem, quibus Idealistarum opinioni præ- ludi cœptum est, non diffitebitur certe, difficultates circa continui compositionem, in vulgari sententia scaturientes, inauditas prorsus & irrefragabiles esse. Inveniuntur pleraque apud Bælium in Dictionnaire sub artic. *Zenon*. Citavimus difficultates nonnullas: p. 290. ait. Il n'y a point d'étendue, donc il n'y a point de mouvement. La conséquence est bonne. Car ce qui n'occupe aucun lieu. comme l'étendue, ne peut point passer d'un lieu à un autre ni par conséquent se mouvoir. Cela n'est pas contestable. La difficulté n'est donc qu'à prouver qu'il n'y a point d'étendue. Voici ce qu'auroit dire Zenon. L'étendue ne peut être composée, ni de points mathématiques, ni d'atomes, ni de parties divisibles à l'infini donc son existence est impossible. La conséquence paroît certaine, puis qu'on ne sauroit concevoir que trois manières de composition dans l'étendue. Il ne s'agit donc, que de prouver l'antécédent. Peu de paroles me suffiront à l'égard des points mathématiques, car les esprits les moins pénétrants peuvent connoître avec la dernière évidence, que plusieurs neants d'étendue joints ensemble ne feront jamais une étendue. Il n'est pas moins impossible ou inconcevable qu'il soit composé des atomes d'Epicure, c'est à dire de corpuscules étendus & indivisibles. Car toute étendue quelque petite qu'elle puisse être, a un côté droit & un côté gauche, un dessus, & un dessous, elle est donc un assemblage de corps distincts - la

divi-

divisibilité à l'infini est l'hypothèse qu' Aristote a embrassée; & c' est celle de presque tous les Professeurs en Philosophie, dans toutes les Universitez depuis plusieurs siècles - . mittam cætera in compendium. Si extensio datur, datur extensorum contactus, atque extensa in infinitum divisibilia, ergo cum se mutuo contigerunt, suas invicem dimensiones penetrant quod est absurdum. Superficiem non statues, est enim extensionis terminus, qui à re divisibili in infinitum exulat. Vid. præter Bælium Artem. Cog. P. IV. C. I. Libertum Fromondum in libro, quem Labyrinthum de compositione continui interscripsit.

(u) Vid. de materia difficili, quæ solide pro ea explicanda tradit Wolff. in Phys. P. I. §. 4.

### §. 23.

Persequi omnia ob instituti temporisque rationem non possumus, unicum ergo, quod speciosissimis adscribo, Huetii dubium confutare, erit consultum. Ita vero scriptor famigeratissimus arguatur: *Quodcunque ratiocinium proponatur pro tuenda ratione id subinde ex ipsa ratione oriatur: atqui hac principis petitio est defendere (tt) rationem per rationem, Ergo vana omnis est pro tuenda ratione contentio.* Bona verba quæso. Qui ex ratione pro ratione pugnat, is haudquaquam incertum probat per æque incertum, sed ex doctrina notiori, quæ & ipsa rationis nomine venit, ignotiorem stabilire connititur. Ratio enim est, ut sub initium dixi, *perspicientia nexus veritatum*, qui rationem igitur defendit, is dari cum primis veritatibus aliarum sententiarum connexionem affirmat, non petit ergo principium. Nisi ipsum veritatis summum axioma in dubium vocare velis, quod hoc est: *Non potest idem simul esse & non esse (uu)* quod

*Novum  
Huetii  
dubium  
soluitur.*

quod & facit Huetius videtur, qui hoc ipsum nondum esse concedit exploratum, *utrum propositio qualibet vera sit an falsa?* Verum enimvero, aut, *id incertum esse*, innuit absentiam divinæ cognitionis infinitæ, quæ nunquam rebus creatis conceditur, aut riguroso sensu intellectum labefactare conatur propositionem primam: *idem non potest simul esse & non esse*: tum contra negantem principia non est disputandum. At enim dicis cum Huetio. (xx) Fides rationis defectus compensat, & certas veritates præstat, quas ratio non nisi inexploratas exhibet: Recte tu quidem, sed doctrinæ tuæ minus consentanea loqueris. Annon enim religionis fundamenta sensuum innituntur testimonio? 1. Joh. 1. v. 1. 2. Si verum est, quod tanto ardore contra sensus caussaris, *fallere eos semper*, unde nosti, non deceptos Apostolos fuisse, portenta Christi illis suis oculis cernentes, vulnera in crucem acti contrectantes, vocem Cælo demissam: *Hicce mihi probatur Filius* audientes? &c. Nunquid & istis sensuum operationibus fidem denegare oportet? Haudquaquam sane! Fatendum igitur est, aut ipsam fidem instabilem fluxamque esse, aut suam rationi restituendam existimationem, jure velut postliminii.

(xx) Vid. sæpe cit. *Traité Philos. de la foiblesse* &c. L. I. C. II. p. 89. quelque preuve que je puisse inventer pour défendre la certitude de la raison, elle sera incertaine. C'est donc une pétition de principe, que défendre la raison par raison. Car les argumens que l'on propose pour cela, comme certains, sont produits par la raison &c.

(uu) Vid

(un) Vid. libr. modo citat. p. 267. Pour réponse à ce raisonnement, je vous dis que vous supposez encor comme veritable, & comme une chose accordée, ce qui est en contestation; savoir, que toute argumentation, c'est à dire, toute preuve, qui se fait par raison, preuve, ou ne preuve pas donc, direz vous, si cette preuve est vaine & sans effet, il s'ensuit qu'il y a des demonstrations, puisque la preuve que j'ai apportée, pour montrer qu'il n'y a point demonstration est sans effet. L'avoue que cette preuve n'est pas veritable, je dis qu'elle est seulement vraisemblable, & ce qui n'est que vraisemblable, ne conclut rien de certain, ce qui est pourtant necessaire pour une demonstration.

(xx) Libro II. cap. 2. p. 181.

§. 24.

Amplius dicendi campus superesset, si longius excurrendo cuncta vel curatius intueri, vel aliorum vestigia premendo ab aliis dicta repetere instituissemus. Sed id jam non agimus. Quemadmodum hucusque nostra omnis ratio eo spectabat, ut inter fidem rationemque, vel suavem concentum percipi, vel nullam certe pugnam committi, demonstraremus: ita nunc ad alterum caput, cito pede, progrediendum est, quo *de usu rationis in Theologia* paucis statuetur.

CAP. II.

*Discursus Preliminaris.*

§. I.

Rationem duplici vestimento quasi seu circumstantia conspicuam varie intueri licet. Aut enim consideratur in homine (subjective) *Sensuum in fide minus.*

tum est nexûs veritatum perspicientia, aut in disciplinis præceptorum extra hominem (objective) tum, ut jam antecedenti capite monui, merus veritatum nexus est. Utroque modo suam in Theologia navat operam. Priori significato amplificato sensus hac vice complectamur. Eorum est portenta DEI pro conservandâ seu firmandâ religione observare, (a) ex conspicuo gratiæ divinæ signo vehiculoque fidei fomenta suggerere ne extinguatur, (b) ex stupenda mundi machina Conditorum agnoscere, (c) ex pœnarum DEI vestigiis justitiam metiri, judicare, judicatamque toto venerari pectore (d) verbo: sensuum est ea objecta omnia non per transennam adspicere, quotquot scalarum vices obire possunt, quibus ad cognitionem reverentiamque DEI aditus præbetur, atque adscensus. Facilia hæc sunt, & à nemine, quod sciam in dubium vocantur, si à solo discesseris Huetio.

(a) Vid. Ep. Ebr. Cap. 2. v. 4.

(b) Vid. Matth. 26. v. 26. 27. 28. 1. Cor. 10. v. 16. c. 11. v. 24. 25, 26.

(c) Vid. Rom. 1. v. 20. Jesaj. 40. per tot.

(d) Vid. 1. Cor. 10. v. 6. 11. &c.

## §. 2.

*De rationis usu.*

Rigoroſe loquendo à ſenſibus ratio quam plurimum differt (e) coarctato igitur rursus vocabuli ſignificatu, quod par eſt, dicendum, quodnam ejus, hoc intuitu in rebus ſacris officium ſit, quiſve uſus? loquimur autem etiamnum de ratione, quæ facultas eſt, veritatum nexus perſpiciendi. Rationem in amplectenda

fide



fide generatim necessariam esse, haud opinor, quisquam negaverit, nisi & bovem cognitionis sacrorum pietatisque capacem dixerit. Sed quousque ejus limites extendantur? definitu arduum est. Dixi, ad nauseam forsan usque, naturalem illam hominis vim in perspicendo veritatum nexu, rationem adpellari, sed num ea facultas veritatum etiam revelatarum combinationes seriesque pervidet? num suis ea viribus isthas connectiones pernoscere, cognitisque assentiri, exque honoratis iisdem suo assensû, novâs elicere hæcenus ignotas potest? Responsio est perdifficilis facta non veritatis ipsius, sed hominum, problema tam facile mirifice intorquentium, culpâ & errore. (f) Hæc enim est famosa illa quæstio de Theologia irrogeniti, quem vocant, seu impii, num divina àque spiritu profecta dici mereatur, nec ne? Maximo agitata inter ipsos Augustanæ confessionis minus variatæ Promachos, animorum motu.

(e) Vid. Ciceron. offic. L. I. c. I. §. 3. inter hominem & beluam (sensibus præditam) hoc maxime interest, quod hæc tantum, quantum sensu movetur, ad id solum, quod adest, se accommodat, paullulum admodum sentiens præteritum atque futurum. Homo autem, quod rationis est particeps, per quam consequentia cernit, causas rerum videt, earundemque progressus & quasi antecessiones non ignorat &c. Relinquo lectori judicium, annon hæc rationis descriptio cum nostra penitus consentiat. Quid enim quæso est rerum antecessiones & consequentia cernere, quam nexus veritatum mentis oculo intueri?

(f) Scripta, quibus disceptatum fuit, magno numero laudat Pfaffius in introduct. in Histor. litterariam notis amplis illustrat. P. I. L. II, ad §. X. p. 281. seqq. reliqua

qua huc spectanti tradit P. II, L. III. ad epilog. p. 444. seqq. Prodiit olim Tubingæ Dissertat. Præsid. J. W. Jægero. quæ inscribatur; *Specimen moderat. Theolog. laudabilis potius quam vituperabilis in controversiis modernis &c.* quæ partes ligantes logomachiarum arguuntur. Nuper autem emissum fuit aliud scriptum sub tit. *Salome Christo affinis, hoc est, Synopsis logomachiarum, ut vulgo vocant, pietificarum, breviter recognit. reconciliandis fratrum animis &c. destinata à Georgio Augusto Pachomio, sub quo Zelnerum latere docti autumant.*

## §. 3.

*Quæstio  
de Theol.  
impia,*

Nunquam naturæ vires gratiæ operatio tollit, emendat potius. In ratione autem quæ veri est perspicientia, duo observari possunt; ipsa primo cognoscendi vis, quæ non est rei defectus, sed res omnino vera. Secundo, cum hac conjungitur virium cognoscendi constans limitatio, certa que ad objecta determinatio, quorum alia post alia procedente tempore menti semet sistunt; neque enim noster animus divina præditus vi, omnia cognoscit uno obtutu, nec etiam distinctissimè, quæ solius DEI prærogativa est. Hanc limitationem cognoscendi virium, qua fit, ut huc nec ultra extendatur ratiocinandi facultas, defectum, seu cum Scholasticis rei privationem non male adpellaveris. Emendatio omnis versatur circa supplendos defectus, res quæ talis bona est semper, defectus vero ejus supplemento indiget, solummodo quippe malus. (g) Quæ cum ita habeant, luce meridiana clarius est, rationem ipsam quæ vis est perspicendi rerum nexus, ex Pio per fidem non tolli, sed jam multo antea natura præstructam, per gratiam confirmari. *Est enim res, non rei defectus.*

Non

non generatur ergo nova ratiocinandi vis, naturalis illa veri perspicientia extollitur ad sublimiorem in fidei articulis dignoscendis usum. Hoc sensu vel impius res sacras cognoscere, cognitasque dijudicare potest. Si non posset, nova ei vis ingeneranda, facultasque naturalis prorsus extinguenda foret, quod absurdum. Quid plura? vis agendi generatim eoque & ratiocinandi, media est inter nudam agendi (ratiocinandi) facultatem seu possibilitatem, atque inter facultatis exercitium. (b) Parit enim nisum conatumque tendendi à facultate ad exercitium. Exemplo rerum gravium manu suspensarum, quæ deorsum tendunt, seu arcus tensi vim elasticam exercentis. Atqui dudum ostenderunt Viri celebres, *characterem substantiarum omnium in quadam agendi patiendiue vi positam esse.* (c) Quod si igitur naturalis ratiocinandi vis per fidem tollitur, ipsa hominis, seu animæ potius substantia aufertur, novâ à spiritu substitutâ, quod à Flacii Illyrici errore proxime abest.

(g) In quo mali natura posita sit, solidissimè nisi me omnia fallunt, Bulfingerus demonstravit in Tractatu de origine mali Sect. II. p. 186. seqq. §. 242, seqq. Nunquam positivi, ut cum Scholasticis loquar, quiddam malum esse potest. Semper collocatur in defectu.

(h) Vid. Acta eruditorum ad annum 1694. p. 112. ubi ita Leibnitius. Vis activa actum quendam sive *intellektuelen* continet, atque inter facultatem agendi, actionemque ipsam media est, conatumque involvit, atque per se ipsam in operationem fertur.

(i) Vid. Acta erudit. ad annum 1695. p. 145. ubi agere, Leibnitius inquit, est character substantiarum. De rebus cunctis cogitari nihil potest præter extensionem.

& agendi patiendique vim. Jam vero quod extensio substantiarum character esse non possit, probat Leibnizius Recueil supra cit. p. 228. in examine principiorum Malebranchii, nil igitur supererit quam vis agendi patiendive. Accidentia vero in hujus varia limitatione collocata sunt.

## §. 4.

Primus  
gradus  
gratia.

*Quid igitur gratia homini emendando confert?* inquis; Dicam id nunc continuo. Occupata est in supplendo rationis naturalis defectu. Quisnam aut qualis iste est? audi si placet. Defectus est absentia ejus, quod præsto esse deberet. Deficit igitur ratio, non in eo, quod veritatis naturalis nexum perspicit, sed quod sibi relicta veritatum revelatarum nexus, imo vero existentiam (sit venia minus latinæ voci) ignorat. Accedit propterea Dei favor novas isthas veritates hominibus, nil tale merentibus, per sacras tabulas declarantis. Quarum si nonnullos nexus, ratio ex se, adminiculis præfidiisque Hermenevticis instructa, perspicere incipit, initium divina ejus collustratio capere dicitur. *Hæc est gratia præveniens. Est enim ratio collustrata nil aliud quam perspicientia nexus inter veritates revelatas (k) illuminatio hæc posset vocari objectiva.* Attingit enim non ipsam rationem, quæ quippe suis hucusque viribus novarum veritatum nexus intelligit, sed posita est in novi luminis ortu; Ne dicas quæso, hominem ratione sua recte utentem, ex se, plane rerum factarum, si proponantur, nihil intelligere; experientia enim tibi reclamat, eorum hominum, qui v. g. satis sentiunt quantumvis impii, quid sibi velit propositio, quod *Sospitator sit Deus.*

*Deus.* Qui plane cognoscunt nexum hujus cum altera. *Si Deus, ergo adorandus &c.* Accedit quod aut gratia præveniens ante meditationem verbi vim suam exserere debeat, aut post. Sin illud statuas, sejungis more Fanaticorum à verbo gratiam spiritus. Verbum enim hætenus non intellectum, non meditatam, perinde est, ac si prorsus penes impium non esset, separatâ operante gratiâ. Sin hoc affirmaveris, profecto suis viribus homo recta utens ratione, verbi decreta intelliget, propositionum revelatarum nexus perspicendo, aliter progressus oriretur in infinitum.

(k) Vid. Bulfingeri Dilucidat. de DEO, anima &c. §. 178. p. 263. Si quis ex verbo DEI nôrit mysteria salutis, quam apte & sapienter omnia sibi respondeant, ad glorificandas DEI perfectiones ordinata: Facultatem illam cognoscendi diversarum in œconomia gratiæ partium, rationem dicere licebit, *eandemque revelatione illuminatam.*

§. 5.

Ita corrigitur per Θεσπευσίας primus ratio- *Secundus*  
nis defectus, ut quæ hucusque ad solas naturales *gradus.*  
composita erat veritates intelligendas, jam ad sublimiores meditandas revocetur. Favoris id divini ejusdemque immeriti documentum esse nemo dubitat. At nunc alius gravior hiatus, amplior rationis, ut ita dicam, lacuna occurrit per gratiam explenda superiore. Non deficit in eo ratio nostra, quod veritatibus naturâ notis assentiatur, peccat in eo quod propositis revelatis ægerime præbeat assensum. Duplex hic defectus est. Primo sibi relicta non assentitur cœlesti doctrinæ, per se quippe ejus ignara, post, eâ satis ex verbo

Dei expositâ, ægre aut plane non à se impetrat, ut ei fidem tribuat. Intelligit quidem Præconis orationem, sed eam judicat stolidam. Huc pertinet oraculum 1. Cor. 2. v. 14. *π δὲ Θεοῦ* enim assensum indicat. (1) Mundi totius Servatorem profiteri in cruce solenni integræ nationis sententiâ actum, stultissimum arbitratur. 1. Cor. 1. v. 20. Sed id non fit, nisi ab hominibus barbaris, sensuum servitute ductis, vel ab iis qui extra Ecclesiam constituti variis contra religionem nostram præjudiciis occupantur. Qui in Ecclesia vero educantur homines dociles, illi, licet sint expertes divini spiritûs, instituto gravissimarum pro veritate Christianæ religionis facientium rationum examine, ultra provehuntur, possuntque ad assensum qualemcunque doctrinæ sacræ tribuendum moveri. Bonus ille per se est, sed non sufficiens. Laudatur assensus, culpatur debilitas. Est ergo heic res, est rei defectus. Adprobatur altera, compensatur alter. Supervenit spiritus nimirum sancti gratia per verbum semet exserens, quæ animum divino instinctu dulcique afflatu percellit, prestat, urget, ut firmissimum veritati assensum præbeat. *Hoc est spiritus S. testimonium* Rom. 8. v. 16. *Hæc gratia nunc in animo operans.* (m)

(1) Vid. Cleric. Comment. in Nov. Test. in h. l.

(m) Historiam gratiæ & prædestinationis prolixè nuper rime exhibuit, Doctissimus Hottinger, in volumine, quod inscribitur *Fata doctrinæ de gratiâ & prædestinatione*, Tiguri Anno 1727.

### §. 6.

*Tertius  
gratiæ  
gradus.*

Tristis est defectuum rationis copia. Plurima complectitur ratio, quæ ad Philosophiam perti-

pertinent, & ad iis assentiendum invictis ducitur argumentis. Testes sunt qui Mathesi operam navant, qui disciplinam moralem certissima methodo tradere in animum inducunt. At scientia isthæc sterilis manet destituta virtutis, quæ illinc nasci deberet, fructu. En defectum novum! placet scientia, (n) displicet sterilitas. Explet ergo iterum, quod deest, exoptatissima suppremi Numinis per Servatorem oblata gratia. Vivam ea præstat cognitionem, quæ ignava, minus efficax, imo, phrasi scripturæ, mortua erat. *Vivam dico cognitionem, eam quæ motivum seu incitamentum obtemperandi moresque & mentem emendandi præbet.* (o) *Hæc est gratia inhabitans operantem secuta,* nec ab eadem nisi in eo distincta, quod majores jam in animo radices egerit, quam illa. Major enim vis est, quæ in formanda ad pietatem rota mente versatur, quam quæ in eliciendo ab intellectu doctrinæ cœlestis assensu ponitur. *Quo diutius animum occupat, eo evadit, Quamvis* more plantatum, robustior. Multa tum sentit pius, multa ipso rerum sacrarum usu & in animo & extra eum experitur, quæ solo rationis licet perspicacissimæ auxilio utenti pervia nunquam fuerunt. Huc pertinet 1. Cor. 2. v. 9. Non potest id non contingere. Attentionem enim rationis, quæ hucusque non nisi naturales animadvertit veritates, gratia Dei aliorsum, ad sacra nimirum, ad arcanas Dei vias convertit. Quemadmodum igitur attentio (p) nil aliud est quam rerum hætenus à mente non observatarum distinctio; ita tali vitæ instituto plura, imo innumera discerni posse, quæ antehac neglecta erant, ul-

tro cognoscitur. Ecce novi defectus, quo ratio laborat, novum supplementum. Qui S. Scripturam penitus callent, improbi Theologi, norunt in sacris *plura generalia*, norunt articulorum nexus, oraculorum expositiones, dubia adversariorum, lites, fata Ecclesiæ &c. at *specialiores in singulorum piorum animis vicissitudines*, gratiæ intervalla, arcanos Dei recessus, ignorant, nec scire ob infinitam varietatem possunt. Superat igitur vel vilissimus homo probus impium Theologum doctissimum, & ab eo etiam superatur, in suo quisque genere. *Hanc vero experientiam spirituales* hanc forsan quoque illuminationem internam adpellarunt Speneriani, quam recte vel eruditissimis Theologis nondum emendatis hoc sensu denegarunt. Non iniqua igitur forsan est eorum suspicio, qui plurimum heic logomachix intercessisse autumarunt, namque eorum adversarii de ea locuti sunt collustratione mentis quam §. 4. exposui, quam vere spirituales sensu indicato vocare, haud quidquam obstat.

(p) Inepti sunt qui scientiam pietate cassam, quanta quanta est, carpunt. Non cognitio damnanda, sed sterilitas. Ea est donum Dei per se præstans, hæc autem est vituperandus defectus. Abusus Theologiæ mysticæ h. l. notandus venit. Amorem illi commendant, damnant cognitionem, vid. Rom. 10. v. 2.

(o) Definitio hæc est Wolffii, me iudice, genuina & secunda, vid. Metaph. p. 133. Moral. pag. 100. 101.

§. 169 Diejenige Erkenntnuß wird lebendig genennet / welche einen Beweg-Grund des Wollens abgibt / das Gute zu thun / das Böse zu lassen. Hingegen die ist todt / welche keinen solchen abgibt.

(p) Vid. Metaph. Wolffii. §. 263. Wir finden bey der Seele ein Vermögen / so wohl bey ihren Empfindungen



dungen als Einbildungen / sich auf eines unter ihnen dergestalt zuriichten / daß wir uns dessen mehr als des übrigen bewußt seynd / welches wir Aufmerksamkeit nennen. Collat. cum §. 729. Metaph. ejusdem.

## §. 7.

Ita quatuor eodemque præcipuos rationis defectus indicavimus subjunctis totidem gratiæ *Anac. phaleosus.* eos supplentis gradibus. Prima lacuna est, quod ratio veritates solum naturales perspiciat, revelatarum contra ignarissima sit. Coit hæc filitæ per verbi præcœnium. Secundus hiatus est, quod iis expositis, ægre assentiatur, aut saltem non firmo animi motu. Compensatur iste, per spiritus S. Testimonium, has veritates obsignantis. Tertius defectus est, quod paucissimæ veritates, quas ratio perspectas habet, efficaces sint, suppletur vero per gratiam excitantem. Quartum quod rationi sibi relictæ deest, in eo ponitur, quod non solum haud se extendat ad veritates revelatas generatim cognoscendas, sed quod gravius est, multo minus specialiores Dei operationes in animo singulorum nôrit. Occurritur huic naivo per experientiam, quam spiritualem vocant. (q) Nunquid hæc ad gratiæ laudes esferendas non sufficiunt? Ratio igitur, quod his ita disputatis patet, quatenus aliquod Dei donum est, usum in Theologia omnino præstat; nexum veritatum (omnis generis) detegendo, ratiocinando, confutando errores, applicando doctrinas ad singulares casus &c. Quatenus autem hominum culpâ imminutum Dei donum est, gratiæ eget medicinâ. Parum cauti propterea sunt, quotquot vocibus

vagis nil determinati sonantibus, prolixo affectu, zelo inconsulto, magna orationis facundia, verborumque flumine contra rationem declamant; aut enim revera cum his nostris meditati facerent, si distinctius animi sensa exponere quirent; aut in Fanaticorum castra palam transierunt.

(g) De qua leges Pfaffi dissertationem eruditam de gustu spirituali. Adde Philipp 1. v. 9.

§. 8.

*Simile.*

Possunt hæc pro instituto sufficere. Dabo tamen, illustrandæ sententiæ causâ, & in Tyronum gratiam simile, quod sequitur. Stephani lapidibus obruti oculos quis facultatum naturalium titulo vocandos neget? legimus vero eum in extremo mortis (r) periculo constitutum vidisse stantem in Cælo, claudentem Patris dextram Christum. An quæso, ut naturales oculi Christum cernerent cœlesti gloriâ vestitum aliud quiddam præter singularem Dei operationem, novique objecti præsentiam necessarium fuit? num oculi naturales eruti? minime vero, sed elevati ad sublimem illum usum. Atqui par est rationis in rebus fidei conditio. Nil amplius requiritur quam novarum veritatum doctrina, quam facultatis justo per se debilioris emendatio, quam denique perpetua ad augendam scientiam faciens exercitatio. Existimo, quæ hætenus disputata sunt lucem, præfiscini! intricatissimis de gratia litibus nullo non tempore omnium seculorum Doctores exercitantibus affundere posse. Arbitror latere in his paginis filum quoddam Ariadæum, cujus ductu ex conturbante perplexarum  
inter

inter Speneri affeclas aliosque ortarum contentio-  
num labyrintho exire liceat. Fœcunditatem osten-  
derem, adque multas generatim hæc dicta lites  
adplicarem, nisi aliorum spectaret disputationis  
consilium.

(r) Aëtior. 7. versibus ultimis. Singularem de dextra  
Dei opinionem Clericus, non explorate quidem, tra-  
dit in Notis ad N. T. Hammond. P. I. p. 271. ad Marc.  
16. v. 19. Itaque forte, inquit, (nihil enim adfirmo)  
voce *Deus* intelligere possemus lucem inaccessam omni-  
bus, præterquam Christo, quæ Symbolum est divi-  
næ præsentiae, & ad cujus dextram partem sedeat is,  
quem regem Cœli & terræ constituit Pater. Aliud  
nihil videre potuisse videtur Stephanus, cum εἶδε δό-  
ξαν Θεοῦ καὶ Ἰησοῦ ἐστῶτα ἐκ δεξιῶν αὐτοῦ Θεοῦ  
*vidit gloriam Dei & Jesum stantem ad dextram Dei.*  
h. e. gloriæ seu lucis inaccessæ. Deum enim propriè  
dictum sine dubio non vidit, & durum est dicere Je-  
sum *ad dextram Dei*, pro *summa gloria* fruentem &c.

§. 9.

Attigit discursus, quem hucusque continuavi,  
rationem in homine spectatam, quæ facultas est. *De ratio-  
ne objecti-  
ve sumta.*  
Nunc ordo postulat, ut nonnulla dicamus de ra-  
tione, quæ denotat veritatum connexiones homini  
obversantes. Ubi est connexio, ubi series re-  
rum, ibi aliud primum, aliud secundum, aliud  
denique ultimum est. *Quod in serie veritatum  
primum est, ex quo cetera ducuntur, adpellatur  
principium.* De rationis igitur hoc modo sumtæ  
principiis nunc dispiciendum, *an & quousque  
ea in sacris adhibere conveniat?*

§. 10.

Rationis principia, imo vero doctrinæ *Distinctio  
principio-  
rum rat.*  
omnes in duos ramos abeunt. Sunt enim vel  
C 5

veritates necessariz, vel mutabiles. Neces-  
 rias adpellamus (s) *quarum oppositum involvit*  
*Contradictionem*. Mutabiles vero dicimus, *quarum*  
*oppositum non exhibet contradictionem*. Prioris ge-  
 neris doctrinæ sunt in Algebra, Geometria, Auth-  
 metica, Logica, Metaphysica, dicere & ausim,  
 in disciplina Matheseos puræ qualibet. Poste-  
 rioris ordinis veritates in Physica, in genere mo-  
 rum aliisque artibus invenire licet. Hæ omnes  
 nituntur principio sufficientis rationis, id jubet  
 eligere excellentissimum quodque. Contra prio-  
 res axiome contradictionis fulciuntur, quod  
 brutam necessitatem eandemque absolutam pa-  
 rit numeris omnibus. Ut Triangulum rectum  
 duos habeat angulos æquales duobus rectis, ita  
 verum est, ut contrarium exhibeat contradic-  
 tionem. At alia est legum motus conditio, neque  
 enim illæ ita sunt à Deo stabilitæ, ut vel tan-  
 tilla illarum mutatio contradictionem involvis-  
 set, ubi ita fuisset Creatori visum. Minime  
 vero! Est hoc multo præstantissimum Leibnitii  
*εὐρημα*, quo vel solo Spinozæ error penitus pro-  
 fligari potest. (r)

(s) Ita recte describit veritates Leibnitius necessarias in  
 Theod. §. 2. & 12. ait: *Cavendum omnino esse, ne in*  
*defendendo mysteriis veritates necessarias deseramus, ne*  
*veritatis hostes occasionem arripiant omnibus sacris il-*  
*ludendi*. Scil. qui veritatem necessariam deserit, ejus  
 oppositum i. e. contradictionem concedit, profitetur-  
 que cœlestem doctrinam quantumvis contradictioni  
 obnoxiam amplectendam esse.

(r) *Recueil de diverses pieces par Mr. Leibniz &c. T. II.*  
 p. 133. Il est vrai que je n'entrai dans le plus profon-  
 des qu'après avoir conversé avec Mr. Huygens à Paris.  
 Mais

Mais quand je cherchai la dernière raison du Mécanisme & des loix memes du mouvement; Je fus tout surpris de voir qu' il étoit impossible de les trouver dans les Mathématiques, & qu' il falloit retourner à la Métaphysique. Nempè veræ motus leges supponunt in corpore vimaliquam, quæ ex ipsa materiæ utpote passivæ consideratione non resultat. Quæ nec in extensione nec in impenetrabilitate materiæ fundatur, & cujus originem in conceptibus corporum geometricis, in trina dimensione, situ, structura &c. ne quicquam detegas. Verba sunt non mea sed Dilucid. p. 186. §. 169.

## §. II.

Primâ nunc quæstione disceptatur, num utriusque an alterutrius, an neutrius generis veritates Philosophicas in Theologia adplicare liceat? Respondemus cum Theologis quorum in hac doctrina eruditio comprobata est: nunquam (u) è Theologia aut posse aut debere necessarias rationis veritates arceri. In promptu est argumentum. Quæ hæc DEUS mutare potest, ea ipse rata habet, imo habere, nisi semet abnegaverit, debet. Arqui veritates necessarias mutabiles non esse docuimus, non est ergo hæsitandum, circa id quod consequitur. Ipse DEI spiritus ad principium contradictionis provocat. Rom. 11. x. 6. Adprobato igitur fundamento, quicquid eidem jure superstruitur adprobasse censendus est. Hinc sua Mathefi in Theologia constans, & perpetua existimatio. Multiplicatus enim v. g. duodenarius numerus 144. in scripturis æque constare dicitur ac alibi in Arithmetica, vid. Apoc. 7. v. 4. -- 8. Præcipuum logices idque imum fundamentum hac continetur regula: (x) Quod si

Quanam  
in Theol.  
adhiberi  
liceat?

A.

A. respondeat B. & C. respondeat eidem B. consequitur necessario ut etiam A. respondeat C. atqui ea nititur servator contra Judæos disputans Joh. 8. v. 47. Insensatus sit gnaviter, quisquis de innumeris similibus cæteris idem non sentiat.

(u) Theologi v.g. Musæus in Tr. de usu principiorum rationis distinguunt inter principia formalia & materialia. Illa in sacris admittenda esse rectissime contendunt. Hæc autem nulla alia lege adsciscenda docent, quam ubi eorum necessitas explorata est.

(x) Vid. Leibnitii Theodic. p. 89. §. 22.

### §. 12.

*Num fides  
his princi-  
piis con-  
traria  
queat esse?*

Faciles in eo omnes forsan experiar. Interim de iisdem necessariis veritatibus porro disquiritur: num eis contraria revelatio docere queat? num ad fidem revelationi tribuendam sumus obstricti, si manifestissimis his doctrinis palam adversetur? Neutiquam sane! id enim interest maxime inter genuinam spuriamque revelationem, quod altera absurdorum alienorumque à ratione dogmatum coargui possit, altera non item. Quod ni concesseris, paululum admodum ipsa Muhamedanorum fides à Christianorum disciplina differet, aut prorsus nihil. (y) Contra de veritatibus quæ mutationi obnoxiae, (z) seu, ut accuratius loquar, contingentibus, longe aliter statuendum.

*Num con-  
tingenti-  
bus ada-  
versa  
queat esse?*

Etiamsi enim sæpe & ad illas confirmatio DEI pertineat in scripturæ tabulis; sic enim stellarum motus, DEI ipsius calculo adprobatus est, Jes. 40. Tamen DEO nihil obstitit, quo minus legem isthanc à suo pendentem arbi-

arbitrio suspenderet, & siue solem (aa) si veteram juberet quiescere.

(γ) Vid. eund. citato Tract. §. 29. Hic est, inquit, scopus eorum, qui veritatem Christianæ religionis publice propugnarunt. v.g. Aug. Steuchi, Mornæi, Grotii. Oportet enim melioribus nostra sacra characteribus distingui, quam Turcarum Ethnicorumque; aliter Zoroaster quispiam, aut Brama &c. tantundem fidei mereret, ac Moses, vel Servator Mundi.

(x) Loquimur de veritatibus rerum existentium finitarum. Essentiam enim si spectes, veritas omnis necessaria est.

(aa) Fateor enim lubens, melecto Zimmermanni Tract. de Scriptura Gubernante inductum fuisse, ut terram moveri crederem. In qua sententia confirmatus fui, postquam Matheseos quodam gustu imbuebar.

### §. 13.

Conveniunt heic plerique in veritate generali ac in adplicatione ejusdem ad singulares casus, dici vix potest, quantum aperiatur sententiæ bivium. Sunt enim, qui veritatum necessariorum foro adscribunt doctrinas, quas alii (bb) contingentium classi adjudicandas putant & vicissim. Tum difficultas haud exigua oritur, quo pacto alteræ ab alteris distinguendæ sint. Si fieri potest ut corpus immensa & extraordinaria DEI potentia omnibus locis sistatur præsens; non recedendum est à litera verborumque stricto significato, queis sacrum Epulum Matth. 26. 1. Cor. 10. & 11. describitur. Sin autem per naturam id fieri nequit, si contradictionem (cc) id involvit, corpus existere multis aut omnibus præsens locis, à litera recedendum, quicquid ea pressius accepta aut intellecta videatur innuere.

Sed



Sed quis hîc litem decideret? accuratius Philosophiæ studium, quod vulgo spernitur, (dd) quo solo argumento, si ab aliis omnibus discederemus, ejus in Theologia necessitas comprobatur. Atqui infra distinctius, uti spero exploratum dabimus, corporis præsentiam pluribus omnibusve locis ἀσύνετον non esse.

(bb) Idem observavit Leibnitiuss in Theod. §. 20. 21.

(cc) Huc pertinet disputatio Cancell. Tub. Pfaffii: *Num contradiçtoria proprie loquendo possint credi?* quæ traduntur egregia. Nec non Dan. Maichelii examen dissertationis Turretinianæ, de argumento fere eodem.

(dd) Vid. Judicium Theol. facultat. Halensis de Philosophiæ studio præmissum *der bescheidenen Entdeckung / der schädlichen Wolffianischen Philosophie.*

#### §. 14.

*Quo respectu principia rationis adhibeantur?*

Pervenio interim ad aliam quæstionem, quâ, quo respectu veritates Philosophicæ in Theologia adhibeantur? examinatum est. Num adplicentur, quâ indifferentes, an quâ naturâ notæ, an quâ per spiritus auctoritatem ex obliquo comprobata? Primum Musæus (cc) & Pfaffius Prof. olim Tub. Postremum Klemmius ejusdem Acad. Doctor tuetur. (ff) Adoptamus hanc sententiam neglectâ priori. Non difficile enim est solutis hujus sententiæ ratiociniis meliora substituere. Doctores, inquiunt, *in Theologia per omnes ætates rationis axiomatibus recte uti sunt, ergo etiamnum ea adhibere eo consilio licebit.* Sed sciendum est, adhibitas à Doctoribus rationis doctrinas, non quia à ratione proficiuntur, sed quoniam accurato examine instituto comprobatas easdem in Scriptura animadverterunt. Urgent: *Nil deo-*

*ganur*



gatur conclusioni Theologica etiamsi in majori propositione syllogismi rationis axioma universale adhibeatur. Namque Canon ejusmodi indifferens, determinatur per Minorem propos. Theologicam. Respondeo: plurimum omnino conclusioni Theologicæ detractum iri, si ab enunciatione Philosophica penderet; ratio enim, quare prædicatum conclusionis subiecto adaptatur, à majore prop. petitur. Cum in minore duntaxat indicetur, contineri subiectum conclusionis subiecto Majoris. Pergunt: nulla omnino rationis axiomata in argumentis sacris adplicantur, nisi quorum oppositum contradictionem involvit, certissima igitur conclusionis veritas, stat velut Marpesia cautes. R. Certa tum quidem conclusio est, at auctoritate DEI non hixa, i.e. haudquaquam Theologica. Ratio enim conclusionis majore continetur, illiusque conditio respondet naturæ hujus. Cætera ratiocinia Musæi non allegabo, ex his responsionibus judicanda.

(ee) Vid. Musæus de usu principiorum rationis p. 453.

(ff) Pfaffius in supplem. Thummii p. 585. ait in illo trito syllogismo: *Gignens & genitus realiter differunt, atqui Pater & filius in divin. differunt, ut Gignens & genitus E, realiter.* Majorem non esse Philosophicam sed indifferentem. me iudice verò theologica est, auctoritate DEI ex obliquo comprobata. Non potest enim revelationis auctoritas non habere rata Philosophiæ necessaria axiomata.

### §. 15.

Præsidium causæ nostræ, quod videlicet *Argumenta* axiomata rationis, ut auctoritate DEI approbata, *ca nostra.* in argumentis sacris adplicari possint, ex eo quaeritur: Majoris universali natura nititur conclusio,

sio, minor duntaxat monet, subjectum conclusionis comprehendere subjecto majoris. Jam aut major propositio conclusionem probat, tanquam per naturam nota, aut tanquam ratihabita auctoritate DEI. Sin illud adfirmaveris, fundamentum fidei, quæ conclusioni tribuitur, naturale erit. Sin hoc concesseris, in castra transisti nostra, quod non sine grati significatione animi agnoscimus. Plura non addo, possunt de cæteris ipsi scriptores, quos allegabam, vocari in consilium.

## §. 16.

de funda-  
mento cer-  
titud. inter  
rac. &  
revelat.

Incido nunc iustò ordine in gravioris multo contentionis mentionem. *Quod nam revelationis sit fundamentum?* Lockius certitudinem rationis (gg) revelationi anteponit. Poiret rationis certitudinem plane ad res divinas explorandas haudquidquam facere docet. (hh) Protestantes cæteri plerique mediâ incedunt viâ, nec firmitatem rationis fidei anteponentes, nec vero etiam affirmantes, quod ratio prorsus nihil ad sacra investiganda faciat. (ii) Vanum est Lockii ratiocinium. (mittam in compendium prolixius dicta à Viro celeberrimo) Cognitio, quâ revelationem genuinam esse, exploratum habetur, augetur à ratione, aut ab alia eademque nova revelatione. Sin hoc eveniat, dabitur progressus in infinitum, redeunte identidem de nova isthac revelatione argumento eodem. Sin primum placuerit, revelationis firmitas in rationem resolvitur. Quod Auctor docet. R. miscentur separanda. Differt à fundamento auctoritatis divinæ ex revelatione elu-

elucetis, agnitio ejus, qua ratio percellitur. Agnitio, quod hæc auctoritas divina sit, ratio-  
nis est, fundamentum autem auctoritatis, ob  
quod agnoscitur, pertinet ad revelationem. Ve-  
lim simile, si placet, audias. (kk) Fac sena-  
torum collegium, Præside extincto priore, novô  
animari, jussu Principis, Antistite. Quis neget  
hujus esse ostentare Senatorum collegio pro fa-  
cienda fide literas quas vocant *credentiales*? sed  
num senatores gloriari propterea possunt, Anti-  
stitis auctoritatem suo ipsorum judicio niti? Mi-  
nime vero! atqui eadem sacrarum literarum con-  
ditio est. Præsident illæ rationi, quâ superiores  
multo existunt. Vice *Credentialium* litterarum  
characteribus certis opus est, quibus ratio mota  
agnoscere sublimiorem illam auctoritatem possit.  
Quis autem inde judicet, auctoritatem revela-  
tionis niti ratione? quis metuat propterea proces-  
sum per infinita; quis denique Lockii argutiis  
commoveatur?

(gg) Vid. Poirer Tract. *Ratio & fides collata* cui inter-  
ger Lockii discursus præmissus est, verba auctoris  
hæc sunt: *Quoniam multo magis certum est, rectam  
rationem esse infallibilem, quam particularem ejus usum  
circa revelationem, quem divina fides præsupponit, es-  
se rectum; aperte sequitur, Certitudinem rectæ rationis  
præstare certitudini, quâ divina gaudet fides. Aut  
pronuntiandum est, ipsorum Cœlitum de gloria æter-  
na certitudinem eorum ratione niti adhuc firmiore,  
quod absurdum; aut fatendum convictonem de rebus  
sacris in hac vita ortam, quod testimonio Spiritus sul-  
citur, primitiarum nomine insignito Rom. 8, absque  
rationis adminiculo persistere.*

(bb) Respondet ad ratiocinium Lockii Poirer cit. Tract.  
p. 173. h. m. *Rectam supponere rationem in homine pa-*

nitus corrupto, aque sibi constat ac morbidus sanus, recta obliquitas, lignum ferreum. Hoc ergo ens rationis secundum auctorem jam superat, divinam fidem & veram falsamque discernet revelationem? Tam egregium auctor posuit Theosophia fundamentum, eben, in qua incidimus tempora! Hicce dum vitat vitia, in contraria currit. Negat rationis certitudinem prorsus. Refutatus est à Jægero. In *Judicio Poireti de Lockii sententia*.

- (ii) Inter innumeros vid. Buddæus Theolog. dogmat. p. 202. §. 33. not.\* *Id vero dum negamus non omnem prorsus rationis usum negamus aut rejicimus, ut ex hæcenus dictis patet; quod & copiosius B. Joh. Musæus noster ostendit de usu princip. rationis &c. Campegius Vitringa in dissertatione de Philosophia Græcorum vitio affectuum corrupta L. III. C. 12. p. 633. seqq. de usu rationis sequentia differit, in compendium mittenda: Paulus pronuntiat gentibus Evangelii doctrinam stultitiam fuisse, 1. Cor. 1. v. 23. jam alterutrum statuendum est: Vel quod Evangelium repugnet sana rationi, h. e. rectis & genuinis rationis principiis, vel quod Philosophorum perceptiones de doctrina religionis secundum sanam rationem formata non fuerint. Prius dici nequit. Est enim  $\Phi\alpha\upsilon\tau\iota\sigma\iota\varsigma\ \tau\eta\varsigma\ \alpha\lambda\eta\theta\epsilon\acute{\iota}\alpha\varsigma$  Rom. 1. Ergo posterius affirmandum. Vid. Hermannii Wittii Dissertat. de usu & abusu rationis quæ est 17. in P. II. miscellaneorum ejus sacrorum. Augustinus, *absq.* inquit, Epist. ad Consentium quæ est 222. ut hoc in nobis DEUS oderit, in quo reliquis amantibus excellentiores nos creavit. Addantur Huetii quæstion. Alnet. de concordia rationis & fidei L. I. Cap. 4. & 5.*

- (kk) Simile apud Leibnizium occurrit. Theod. §. 29.

### §. 17.

*Confir-*  
*mantur*  
*dicta.*

Primo enim divina sacrarum litterarum (ll) auctoritas characteribus quibusdam, totidem velut radiis, animos hominum ferit, percellitque, ut recte advertentes non possint non  $\Theta\epsilon\acute{o}\varsigma\ \eta\ \alpha\gamma\kappa\alpha\lambda\omega$  agnoscere.

scere. Post, fractâ h. m. tanquam glacie, percussos tot veritatis criteriis Spiritus S. prensat, movet ad assentiendum vehementi nisu, obsignat. Quo factò revelationis certitudo, non amplius à ratione, quin neque à prima ejus agnitione pender, sed ab operatione spiritus, mentes in veritate confirmantis 1. Joh. 5. v. 6. Simile quid legitur Joh. 4. v. 42. Nuntiaverat Samaritana uxor civibus suis, præsto esse, qui Messia virtutibus characteribusque ornatus videatur v. 29. Advolant tum incolæ, fit ad Christum hominum confluxus, cernunt portenta, audiunt doctrinam commoti vehementer, exsequente munus per verbum Spiritû S. tum ingenuè profitentur: *Non tam posthac nuntio tuo ducti, quam ipso usu confirmati fidem hisce tribuimus.* Liceat cum uxore rationem rectam contendere, officio fungentem suo, characteresque revelationis observantem, agnoscentem. Quodsi eâ tum inducantur mortales, ut ad Christum veniant, i. e. locum revelationi ulteriorem cedant, superveniet Spiritus operatio obsignaturi, quæ illuminata ratio incoata reliquit.

(U) Cedro dignum Hunnii tractatum de majestate Sacra Scriptura, non possum quin hic laudem.

### §. 18.

At alia sedet Poireto mens, rectam ipse rationem negare videtur (*mm*) nihilque prorsus ab ea utilitatis in Theologiam redundare contendit. Id vero supra confutatum est, ut plura dicere nil amplius attineat. Interim non diffiteor, aut minus consentanea Poiretum docere, aut Lockium passim male intellectum, perperam refutasse. Ita

Poireto  
mens.

D 2

enim

enim ille: (nn) *At rationem solam, si revelatio facta non fuisset, has veritates Evangelicas reperturam fuisse, id quidem probandum superest, &c.* Valde dubito, an ea unquam fuerit Lockii sententia, de fundamento certitudinis disputat ille, *num in ratione querendum?* haud vero affirmat, rationem veritates Evangelicas invenire potuisse. Sed transeant isthæc, cum Lockii causam non perorandam suscipiamus, interno quippe spiritus sensu edocti, quid inter animi firmitatem à ratione, & à DEO profectam intersit? (oo)

(mm) Loc. cit. p. 173.

(nn) Vid. citat. Tractat. p. 174. §. 432.

(oo) Dubium non contemnendum Doctrinæ de testimonio Spiritus S. obvertit Lirnborch. Theolog. Christian. L. I. Cap. 4. §. 17. Nos agnoscimus, inquit, Spiritus S. gratiam argumentis, quibus Script. S. divinitas probatur, conjungi, ut eorum vis roboretur; &c. Non tamen credimus testimonium Spiritus S. ut internum testimonium, peculiare ac distinctum ab argumentis externis, ac vi sua peculiari agens, necessarium esse ut homo infidelis de Scriptura divinitate convincatur. Quia Spiritus confirmans non datur, nisi jam credentibus Joh. 7. v. 38. & 14. v. 17. &c. (2) Esse talem Spiritum nemo scire potest, nisi ex Scriptura, & Spiritus suggestio etiam ad Scripturam tanquam Lydium lapidem exploranda est - quin sic committitur circulus. Si enim quarantur, unde cognoscant, Scripturam esse divinam: Respondent ex testimonio Spiritus, si argentur, unde sciant, testimonium illud esse Spiritus, regeantur ex Scriptura. Posset hæc argumentandi ratio compensari simili ratiocinio, quod sine dubio vel ipsis adversariis fatentibus, fraude caret, si queratur: unde veritas cujusdam vaticinii dignoscenda, recte respondemus: Ex eventu, sin urgeas, unde sciam, hanc veram esse vaticinii impletionem, te non invi-

invito, dicere licet, ex consideratione vaticinii. Sed profundius rimabimur argumenti oppositi vim. Est Spiritus S. Testimonium à verbo distinctum quidem, sed non divisum aut separatum. Limborchius qui opinionem de Testimonio Sp.S. peculiari vi agente, confutat, Fanaticos ferit, non protestantes Theologos. Secundo hinc & fatiscit consequentia, non recte arguitur: *Testimonium Spiritus Sancti non indulgetur nisi jam credentibus, ergo supervacuum est.* Ipse enim Limborch fatetur ad argumenta Scripturæ cognita, adprobata, accedere robur majus à DEI gratia profectum. Post miscentur separanda. *Alius est actus credendi directus, alius reflexus.* Conceditur Spiritus testimonium iis qui fidem conceperunt *actû directô*, ut eandem etiam persentiscant *actû reflexô*, non igitur est supervacuum. Quid verò de illo dilemmate habendum? *Cornu gerit illud - - caveo.* At salva res est. Sejunge, ubi volupe fuerit, circulum à regressu demonstrativo. Ne verba tantum dare, & fumos vendere videar, ibo in rem præsentem. Methodus Pontificiorum, *ab auctoritate Pontificis Scripturam, & vicissim ex Scriptura illam probantium, circulus est vitiosus.* Nostra arguendi ratio regressus demonstrativus. Regressus demonstrativus ratiocinatur ab effectu ad causam, à causa ad effectum, pro conitione adversariorum, alterum siue alteram concedentium. Ubi nexus causæ & effectus exulat, ibi hæc methodus degenerat in circulum vitiosum. En facti Specimen!

Regressus demonstrativus.

<i>Causa</i>	<i>Effectus</i>
Spiritus in verbo operans	testimonium Spiritus
<i>Effectus.</i>	<i>Causa</i>
testimonium de sacris licet h. l. descensus contra eum qui de sacrorum veritate ambigit, causam vero, (operantem Spiritum) concedit, imo sentite potest, ubi moneatur.	Spiritus per verbum operans, licet h. l. ascensus contra eum qui de Spiritus operatione dubitat, i. e. causam originem Scripturæ celestem concedit, i. e. effectum,

Circulus vitiosus.

*Supposititia causa*  
Scripturæ auctoritas  
*Supposititiis effectus*  
Pontificis auctoritas  
neque enim illa stabilis hanc, atqui ascensum postulant contra Protestantibus qui principium inficiantur. Idemque descendunt apud suos qui Scripturam Pontifici postponunt. Vitium igitur in methodo inest.

Sic oculis subijci potest utriusque methodi discrimen. Observemus interim sequentia. Fieri aliquando solet, ut scrupulis de S. litterarum veritate vexetur tentatus, motus vero & instinctus DEI in animo sentiat, aut sentire, attentione adhibita, possit. Tum recte ad motus hosce provocatur sine principii petitione. Contingere vero & solet, ut qui de divini verbi auctoritate certissimus est, de inhabitantis præsentia Spiritus anceps existat, tum illa peropportune potest ad probandam hanc allegari. Nunquam autem descensus adscensusve fieri debet nisi contra eum, qui adscendendi aut descendendi initium comprobat.

## §. 19.

locitur  
objectio.

Cardo eorum quæ hætenus disputatis obverti possunt, in eo agitur: (pp) Licet, inquiunt, ratio se intra spheram continens & qua revelationis sunt agnoscens, non pugnet contra fidei mysteria: tamen quando ea non se continet intra suam spheram, sed iudicium sibi sumit de illis, quæ sunt vera revelationis, ac pura fidei, ac de illis pronuntiare cupit, ex suis naturalibus principiis, non ex verbi præscripto, tunc ex accidenti fit, ut mysteria fidei sint contra rationem, videlicet temere & præstere ea oppugnantem. Forsan, qui hæc rege-rit, re penitus examinata, non dissentit à nobis. Idem enim ille, (qq) soluto adversarii ratiocinio, quod lumen lumini non possit esse contrarium, unum venerantia auctorem ambo, declarat, verum id est de ratione in naturalibus & civilibus, adeoque illis, ad quæ humana ratio ex principiis naturalibus asurgere potest; item de ratione quatenus NB. per S. Scripturam illuminata lucem & ductum verbi sequitur; sed de ratione ex suis principiis novos fidei arti-



articulos excogitante, vel fidei articulos in Scriptura expositos oppugnante, concedi non potest. Ira noster est, quem ex adverso militare putavimus. Si ratio nova credendi dogmata pro piaculis obtrudit, sin antiqua DEI auctoritate nixa oppugnat, revera non est ratio, sed ejus speciem duntaxat mentitur. Ratio enim est *veritatum nexus*. Cohærent omnes veritates, si non in finito, in immenso certe tamen DEI intellectu. Quicquid ergo veritatibus alteris, sive Philosophicis sive Theologicis adversatur, id cum eis haudquam connectitur, i. e. istud rationis nomine adpellari nequit, ex data definitione. Cæterum id in rem nostram est, quod eodem auctore, ratio tum demum per Scripturam collustrata dicatur, ubi ductum fidei sequitur. Si quid enim judico, id consentaneum nostris est doctrinis, quæ *perspicientiam nexus veritatum revelatarum vocitavimus rationem collustratam*. Profiteor etiam ingenue, me abhorreere à Bellarmini methodo, qui jam dari perfectionis consilia ex ratione probat, (rr) jam purgatorium, (ss) jam transsubstantiationem, (tt) jam satisfactiones humanas, (uu) nec facere cum Gregorio di Valentia, qui rationis dictamen DEI cultum recte præscribere posse affirmat. (xx)

(pp) Vid. Gerh. Confessio Cathol. p. 283, cujus hæc sunt verba.

(qq) Gerhard. Confess. Cathol. loc. cit.

(rr) Bellarmin. L. II. de Monach. Cap. 12.

(ss) Idem L. I. de purgatorio Cap. 11.

(tt) Idem L. III. de Eucharist. Cap. 22.

(uu) Idem L. IV. de poenit. Cap. 5.

(xx) Gregorius di valent. L. I. de Miss. sacrif. Cap. 4.

## Discursus Præliminaris

## CAP. III.

## De augusta Gratia &amp; Naturæ differētia.

## §. I.

*Introitus  
ad doctrin.  
de nat.  
& gratia.*

**F**Uimus hucusque in eo, ut non obstante grandi intervallo, quod à revelatione rationem submovet, usum hujus exponeremus in illa, perinebat isthæc disputatio ad utriusque disciplinæ theoriam. Nunc de gratiæ & naturæ in animo motibus (si quidem motus dicendi sunt) sermo institueretur, quod ad pietatis praxin pertinet, adque ejus studium sapienter discernendum, peropportune facit. Doctrina est, si quæquam, multo præstantissima, in qua excolenda passim Theologi versabantur. (a) Per naturam cum Buddæo (b) intelligimus *complexum omnium facultatum, propensionum &c. à natiuitate generatarum (maturescenteque judicio & ætate auctarum) quâ mentem, quâ corpus, non exclusis causis, ex quibus ista facultates, in quantum moralitatem recipiunt, oriuntur.* Gratia vocatur, quidquid *extraordinaria DEI operatione homini adjungitur, ad præstandum DEO gratum cultum, formandamque pietatem.* (c) Cæteras vocabuli significationes consulto omittimus. Ex his definitionibus sponte intelligitur, inter utriusque originis vires plurimum interesse. Cum vero *haudquidam ab altero discrepet reapse, quod eidem ex parte omni simile sit*

su nullosque exhibeat characteres, quibus ab eo discerni possit: (d) Perspicuum est, ob summam rei gravitatem certa suppetere debere *κρίσις*, quibus alterarum virium operationes, distinguantur ab alteris. Hæc igitur investiganda sunt:

(a) Speneri Tract. de natura & gratia idiom. germ. pervulgatus est, nec meo præconio eget. Adde quæ Buddæus de hoc argumento Theolog. suæ morali inseruit. Cap. I. per totum, quæ Malebranchius in libello gallico de *natura & gratia docum.* Hulfemanni Tract. de auxiliis gratiæ in omnium versatur manibus. Conferantur etiam Andreæ Riveri Theol. reform. nec non Didac. de Alvarez de auxiliis gratia commentationes.

(b) Vid. Theol. Moral. Cap. I. p. 28.

(c) Buddæus Theol. Moral. p. 37. C. I. §. 39. tres significationes exhibet. Primo denotare ait, benignum favorem ad salutem procurandam Ephes. 1. v. 7. post, vocem eam sonare, ait, benevolentiam Numinis, merito Christi provocatam. Act. 40. 12. &c. Tertio apud Scriptores Ecclesiasticos, eâ operationem DEI gratiosam, in animo hominis innui, observat.

(d) Dici vix potest, quam grave, quam sæcundum sit hoc axioma, namque sine eo sanctissima dogmata Philosophiæ defendi nequeunt. Dabimus infra specimen. Verba Leibnitii hæc sunt, Recueil des diverses pièces sur la Philos. T. 1. p. 50. Les grandes principes de la raison suffisante & de l'identité des indiscernables changent l'état de la Métaphysique, qui devient réelle & démonstrative par leur moyen: au lieu qu'autres fois elle ne consistoit presque qu'en termes vuides.

## §. 2.

In actione qualibet duo sunt animadvertenda, *Quid ob-*  
nec pauciora? Animi scilicet destinatio, seu im- *servand.*  
pullus, quo ad agendum inducebatur, ipsum- *in qualibet*  
*actione.*

que externum opus, quod in sensus incurrit. Circa externum opus nulla est difficultas, quod enim manifeste vel bonum vel malum est, oculisque subjicitur, id nec fugit, nec decipit quemquam. Lege verba Pauli Gal. 5. v. 19. Cum tamen contingat frequentissime, ut actio honesta turpis cujusdam suspicionem temere moveat, & vicissim, ut actio turpis mentiatur speciem honestæ, teste Paulo 1. Tim. 5. v. 24. 25. Maxime spectandus est animi impulsus, seu ratio ea, quâ mens inducta hoc illudve agendum suscepit. Neque enim corporis humani motus, quo opus externum continetur, vel vituperio vel laude per se dignus est; omnia ex animi metienda destinatione.

## §. 3.

*distinctio  
divini  
cultus.*

Nunc inædificabimus præstructis. Disceptatur, quomodo Christiani in DEUM cultus, à gratia nimirum profecti, operationes, distinguantur à conatibus naturæ? Huic ut satisfiat quæstioni, definiendus est cultus generatim. *Cultum DEI* vocamus *actionem quamlibet, ad quam suscipiendam perfectiones DEI impellunt.* (e) Consentanea est hæc definitio paulo ante dictis. Monui quippe, ex animi destinatione metienda esse cuncta. Atqui definitionis secunditas est incredibilis, mox ejus intelliges momentum. Speciatim *Christianus DEI cultus istas complectitur actiones, ad quas edendas revelationis vel auctoritatis vel efficacia induxit.* Germana hæc est definitionis prioris filia. *Cultus DEI naturalis continetur actionibus, quæ ex consideratione DEI, per solam ratio-*

*rationem cogniti, ordinantur.* Sororem hanc prioris agnoscas. Non omnes autem actiones hominis ad cultum DEI sive Christianum sive naturalem pertinere, manifestum est. Sunt igitur ordinis inferioris. Pietas enim sola honestati coronam imponit. An ergo plane honestatis sunt expertes? non sunt. Inest in eis quædam, at vero tenuis honestas, eademque gradibus distincta iterum suis. Aliæ autem actiones sunt ab omni honestate prorsus alienæ, nec eduntur nisi pravarum propensionum impulsu vehementi. Cognoscis igitur, naturæ operationes esse generis duplicis, vel pro subducto varie calculo, triplicis. Sunt actiones pietatis naturalis, eademque generis supremi, sunt actiones honestæ, quas non format pietas, eademque generis medii. Quales isthæ? continuo dicam. Sunt denique operationes, quæ à natura prodeunt, undique turpes, scdæ, detestandæque, pravorum affectuum infelices partus.

(e) Definitio st Wolffii Die Handlungen / die wir in Ansehung Gottes vornehmen / werden Gottesdienst genennet. Moral. C. 6. §. 717. p. 517. Distinguendum vero est inter cultum mediatum & immediatum. Cultus immediatus actiones parit, quas non edidissimus, si de DEO prorsus nihil habuissimus perspicuum. v g. templum frequentare, orare &c. Cultus mediatu actiones complectitur, ad quas tam DEI cognitio quam præsentis viæ necessitas impellit, ut: laborare, edere, bibere, namque & hæc in gloriam Dei suscipienda Coloss. 3. v. 17. vid. Bülsing. Dilucidat. p. 599. §. 498.

§. 4.

Actiones sæpe frequentatæ proclivitatem pugna cul-  
agendi pariunt, vel & commonstrant; quo ma-  
tius ar-  
jor

Sed quis hîc litem decideret? accuratius Philosophiæ studium, quod vulgo spernitur, (dd) quo solo argumento, si ab aliis omnibus discederemus, ejus in Theologia necessitas comprobatur. Atqui infra distinctius, uti spero exploratum dabimus, corporis præsentiam pluribus omnibusve locis αὐτῶν non esse.

(bb) Idem. observavit Leibnitius in Theod. §. 20. 21.

(cc) Huc pertinet disputatio Cancell. Tub. Pfaffii: *Num contradictoria proprie loquendo possint credi?* quæ traduntur egregia. Nec non Dan. Maichelii examen dissertationis Turietinianæ, de argumento fere eodem.

(dd) Vid. Judicium Theol. facultat. Halensis de Philosophiæ studio præmissum *der bescheidenen Entdeckung / der schädlichen Wolffianischen Philosophie.*

#### §. 14.

*Quo respectu principia rationis adhibeantur?*

Pervenio interim ad aliam quæstionem, quâ, quo respectu veritates Philosophicæ in Theologia adhibeantur? examinatum est. Num adplicentur, quâ indifferentes, an quâ naturâ notæ, an quâ per spiritus auctoritatem ex obliquo comprobata? Primum Musæus (cc) & Pfaffius Prof. olim Tub. Postremum Klemmii ejusdem Acad. Doctor ruetur. (ff) Adoptamus hanc sententiam neglectâ priori. Non difficile enim est solutis hujus sententiæ ratiociniis meliora substituere. Doctores, inquit, *in Theologia per omnes ætates rationis axiomatibus recte uti sunt, ergo etiamnum ea adhibere eo consilio licebit.* Sed sciendum est, adhibitas à Doctoribus rationis doctrinas, non quia à ratione proficiuntur, sed quoniam accurato examine instituto comprobatas easdem in Scriptura animadverterunt. Urgent: *Nil derogatur*

*gatur*

gatur conclusioni Theologica etiamsi in majori propositione syllogismi rationis axioma universale adhibeatur. Namque Canon ejusmodi indifferens, determinatur per Minorem propos. Theologicam. Respondeo: plurimum omnino conclusioni Theologica detractum iri, si ab enunciatione Philosophica penderet; ratio enim, quare prædictum conclusionis subiecto adaptatur, à majore prop. petitur. Cum in minore duntaxat indicetur, contineri subiectum conclusionis subiecto Majoris. Pergunt: nulla omnino rationis axiomata in argumentis sacris adplicantur, nisi quorum oppositum contradictionem involvit, certissima igitur conclusionis veritas, stat velut Marpesia cantes. R. Certa tum quidem conclusio est, at auctoritate DEI non hixa, i.e. haudquaquam Theologica. Ratio enim conclusionis majore continetur, illiusque conditio respondet naturæ hujus. Cætera ratiocinia Musæi non allegabo, ex his responsionibus judicanda.

(ee) Vid. Musæus de usu principiorum rationis p. 455.

(ff) Pfaffius in supplem. Thummii p. 585, ait in illo trito syllogismo: *Gignens & genitus realiter differunt, atqui Pater & filius in divin. differunt, ut Gignens & genitus E. realiter*. Majorem non esse Philosophicam sed indifferentem, me iudice verò theologica est, auctoritate DEI ex obliquo comprobata. Non potest enim revelationis auctoritas non habere rata Philosophiæ necessaria axiomata.

### §. 15.

Præsidium causæ nostræ, quòd videlicet *Argumenta nostra*, axiomata rationis, ut auctoritate DEI adprobata, in argumentis sacris adplicari possint, ex eo quaeritur: Majoris universali natura nititur conclusio,

sio, minor duntaxat monet, subjectum conclusionis comprehendere subjecto majoris. Jam aut major propositio conclusionem probat, tanquam per naturam nota, aut tanquam ratihabita auctoritate DEI. Sin illud adfirmaveris, fundamentum fidei, quæ conclusioni tribuitur, naturale erit. Sin hoc concesseris, in castra transisti nostra, quod non sine grati significatione animi agnoscimus. Plura non addo, possunt de cæteris ipsi scriptores, quos allegabam, vocari in consilium.

## §. 16.

*de fundamento certitudinis, inter rat. & revelat.*

Incido nunc iustò ordine in gravioris multo contentionis mentionem. *Quod nam revelationis sit fundamentum?* Lockius certitudinem rationis (gg) revelationi anteponit. Poiret rationis certitudinem plane ad res divinas explorandas haudquidquam facere docet. (hh) Protestantes cæteri plerique mediâ incedunt viâ, nec firmitatem rationis fidei anteponentes, nec vero etiam affirmantes, quod ratio prorsus nihil ad sacra investiganda faciat. (ii) Vanum est Lockii ratiocinium. (mittam in compendium prolixius dicta à Viro celeberrimo) Cognitio, quâ revelationem genuinam esse, exploratum habetur, aut oritur à ratione, aut ab alia eademque nova revelatione. Sin hoc eveniat, dabitur progressus in infinitum, redeunte identidem de nova isthac revelatione argumento eodem. Sin primum placuerit, revelationis firmitas in rationem resolvitur. Quod Auctor docet. & miscentur separanda. Differt à fundamento auctoritatis divinæ ex revelatione elu-



elucetis, agnitio ejus, qua ratio percellitur. Agnitio, quod hæc auctoritas divina sit, rationis est, fundamentum autem auctoritatis, ob quod agnoscitur, pertinet ad revelationem. Velim simile, si placet, audias. (kk) Fac senatorum collegium, Præsidente extincto priore, novò animari, jussu Principis, Antistite. Quis neget hujus esse ostentare Senatorum collegio pro facienda fide literas quas vocant *credentiales*? sed num senatores gloriari propterea possunt, Antistitis auctoritatem suo ipsorum judicio niti? Minime vero! atqui eadem sacrarum literarum conditio est. Præsident illæ rationi, quâ superiores multo existunt. Vice *Credentialium* litterarum characteribus certis opus est, quibus ratio mota agnoscere sublimiorem illam auctoritatem possit. Quis autem inde judicet, auctoritatem revelationis niti ratione? quis metuat propterea processum per infinita, quis denique Lockii argutiis commoveatur?

(gg) Vid. Poiret Tract. *Ratio & fides collata* cui integer Lockii discursus præmissus est, verba auctoris hæc sunt: *Quoniam multo magis certum est, rectam rationem esse infallibilem, quam particularem ejus usum circa revelationem, quem divina fides præsupponit, esse rectum; a parte sequitur, Certitudinem rectæ rationis præstare certitudini, quâ divina gaudet fides.* Aut pronuntiandum est, ipsorum Coelitum de gloria æterna certitudinem eorum ratione niti adhuc firmiore, quod absurdum; aut fatendum conviçt onem de rebus sacris in hac vita ortam, quòd testimonio Spiritus fulcitur, primitiarum nomine insignito Rom. 8, absque rationis adminiculo persistere.

(hh) Respondet ad ratiocinium Lockii Poiret cit. Tract. p. 173. h. m. *Rectam supponere rationem in homine po-*

mitus corrupto, aque sibi constat ac morbidus sanus, recta obliquitas, lignum ferreum. Hoc ergo ens rationis secundum auctorem jam superat, divinam fidem & veram falsamque discernet revelationem? Tam egregium auctor posuit Theosophia fundamentum, cheu, in qua incidimus tempora! Hicce dum vitat vitia, in contraria currit. Negat rationis certitudinem prorsus. Refutatus est à Jægero. In *Judicio Poireti de Lockii sententia*.

- (ii) Inter innumeros vid. *Buddæus Theolog. dogmat. p. 202. §. 33. not.\** Id vero dum negamus non omnem prorsus rationis usum negamus aut rejicimus, ut ex ha-  
*Benus dictis patet; quod & copiosius B. Joh. Musæus*  
*noster ostendit de usu princip. rationis &c. Campegius*  
*Vitringa in dissertatione de Philosophia Græcorum*  
*vicio affectuum corrupta L. III. C. 12. p. 633. seqq.*  
*de usu rationis sequentia differit, in compendium mit-*  
*tenda: Paulus pronuntiat gentibus Evangelii doctrinam*  
*stultitiam fuisse, 1. Cor. 1. v. 23. jam alterutrum sta-*  
*tuendum est: Vel quod Evangelium repugnet sana ra-*  
*tionis, h. e. rectis & genuinis rationis principiis, vel quod*  
*Philosophorum perceptiones de doctrina religionis secun-*  
*dum sanam rationem formata non fuerint. Prius dici*  
*nequit. Est enim*  $\Phi\alpha\lambda\sigma\iota\sigma\mu\circ\varsigma$  *τῆς ἀληθείας* *Rom. 1.*  
*Ergo posterius affirmandum. Vid. Hermannii Witsii*  
*Dissertat. de usu & abusu rationis quæ est 17. in P. II.*  
*miscellaneorum ejus sacrorum. Augustinus, absit,*  
*inquit, Epist. ad Consentium quæ est 122. ut hoc in*  
*nobis DEUS oderit, in quo reliquis amantibus excellen-*  
*tiores nos creavit. Addantur Hæctii quæstion. Alnet. de*  
*concordia rationis & fidei L. I. Cap. 4. & 5.*

- (kk) Simile apud Leibnitium occurrit, *Theod. §. 29.*

### §. 17.

*Confir-*  
*mantur*  
*dicta.*

Primo enim divina sacrarum litterarum (ll) auctoritas characteribus quibusdam, totidem velut radiis, animos hominum ferit, percellitque, ut recte advertentes non possint non  $\theta\alpha\upsilon\mu\iota$   $\eta$  agnoscere.

scere. Post, fractâ h. m. tanquam glacie, per-  
cussos tot veritatis criteriis Spiritus S. prenât, mo-  
vet ad assentiendum vehementi nisu, obsignat.  
Quo factô revelationis certitudo, non amplius  
à ratione, quin neque à prima ejus agnitione pen-  
det, sed ab operatione spiritus, mentes in veri-  
tate confirmantis 1. Joh. 5. v. 6. Simile quid le-  
gitur Joh. 4. v. 42. Nuntiaverat Samaritana uxor  
civibus suis, præsto esse, qui Messiaë vittutibus  
characteribusque ornatus videatur v. 29. Advo-  
lant tum incolæ, fit ad Christum hominum con-  
fluxus, cernunt portenta, audiunt doctrinam com-  
moti vehementer, exsequente munus per verbum  
Spiritu S. tum ingenuè profitentur: *Non tam  
posthac nuntio tuo ducti, quam ipso usu confirmati  
fidem hisce tribuimus.* Liceat cum uxore rationem  
rectam contendere, officio fungentem suo, cha-  
racteresque revelationis observantem, agnoscen-  
tem. Quodsi eâ tum inducantur mortales, ut  
ad Christum veniant, i. e. locum revelationi ul-  
teriore cedant, superveniet Spiritus operatio  
obsignaturi, quæ illuminata ratio incoata reliquit.

(U) Cedro dignum Hunnii tractatum de majestate Sa-  
cræ Scripturæ, non possum quin hic laudem.

### §. 18.

At alia sedet Poireto mens, rectam ipse ra-  
tionem negare videtur (*mm*) nihilque prorsus ab  
ea utilitatis in Theologiam redundare contendit.  
Id vero supra confutatum est, ut plura dicere nil  
amplius attineat. Interim non diffiteor, aut mi-  
nus consentanea Poiretum docere, aut Lockium  
passim male intellectum, perperam refutasse. Ita

Poiret  
mens.

enim ille: (nn) *At rationem solam, si revelatio facta non fuisset, has veritates Evangelicas reperturam fuisse, id quidem probandum superest, &c.* Valde dubito, an ea unquam fuerit Lockii sententia, de fundamento certitudinis disputat ille, *num in ratione quarendum?* haud vero affirmat, rationem veritates Evangelicas invenire potuisse. Sed transeant isthæc, cum Lockii causam non perorandam suscipiamus, interno quippe spiritus sensu edocti, quid inter animi firmitatem à ratione, & à DEO profectam interfit? (oo)

(mm) Loc. cit. p. 173.

(nn) Vid. citat. Tractat. p. 174. §. 432.

(oo) Dubium non contemnendum Doctrinæ de testimonio Spiritus S. obvertit Limborch. Theolog. Christian. L. I. Cap. 4. §. 17. Nos agnoscimus, inquit, Spiritus S. gratiam argumentis, quibus Script. S. divinitas probatur, conjungi, ut eorum vis roboretur; &c. Non tamen credimus testimonium Spiritus S. ut internum testimonium, peculiare ac distinctum ab argumentis externis, ac vi sua peculiari agens, necessarium esse ut homo infidelis de Scriptura divinitate convincatur. Quia Spiritus confirmans non datur, nisi jam credentibus Joh. 7. v. 38. c. 14. v. 17. &c. (2) Esse talem Spiritum nemo scire potest, nisi ex Scriptura, & Spiritus suggestio etiam ad Scripturam tanquam Lydium lapidem exploranda est - - quin sic committitur circulus. Si enim quarantur, unde cognoscant, Scripturam esse divinam: Respondent ex testimonio Spiritus, si argentur, unde sciant, testimonium illud esse Spiritus, reverterunt ex Scriptura. Posset hæc argumentandi ratio compensari simili ratiocinio, quod sine dubio vel ipsis adversariis fatentibus, fraude caret, si quæ- ratur: unde veritas cujusdam vaticinii dignoscenda, recte respondemus: Ex eventu, sin urgeas, unde sciam, hanc veram esse vaticinii impletionem, te non invi-

invito, dicere licet, ex consideratione vaticinii. Sed profundius rimabimur argumenti oppositi vim. Est Spiritus S. Testimonium à verbo distinctum quidem, sed non divisum aut separatum. Limborchius qui opinionem de Testimonio Sp.S. *peculiari vi agente*, confutat, Fanaticos ferit, non protestantes Theologos. Secundo hincit & fatiscit consequentia, non recte arguitur: *Testimonium Spiritus Sancti non indulgetur nisi jam credentibus, ergo supervacuum est.* Ipse enim Limborch fatetur ad argumenta Scripturæ cognita, adprobata, accedere robur majus à DEI gratia profectum, Post miscentur separanda. *Alius est actus credendi directus, alius reflexus.* Conceditur Spiritus testimonium iis qui fidem conceperunt *actû directô*, ut eandem etiam persentiscant *actû reflexô*, non igitur est supervacuum. Quid verò de illo dilemmate habendum? *Cornu geris illud - - caveo.* At salva res est. Sejunge, ubi volupe fuerit, circulum à regressu demonstrativo. Ne verba tantum dare, & fumos vendere videar, ibo in rem præsentem. Methodus Pontificiorum, *ab auctoritate Pontificis Scripturam, & vicissim ex Scriptura illam probantium, circulus est vitiosus.* Nostra arguendi ratio regressus demonstrativus. Regressus demonstrativus ratiocinatur ab effectu ad causam, à causa ad effectum, pro conitione adversariorum, alterum sive alteram concedentium. Ubi nexus causæ & effectus exulat, ibi hæc methodus degenerat in circulum vitiosum. En facti Specimen!

Regressus demonstrativus.

<i>Causa</i>	<i>Effectus</i>
Spiritus in verbo operans	testimonium Spiritus
<i>Effectus.</i>	<i>Causa</i>
testimonium de sacris licet h. l. descensus contra eum qui de sacrorum veritate ambigit, causam vero, (operantem Spiritum) concedit, imo sentite potest, ubi moneatur,	Spiritus per verbum operans, licet h. l. adscensus contra eum qui de Spiritus operatione dubitat, i. e. causam originem Scripturæ celestem concedit, i. e. effectum.

Circulus vitiosus.

<i>Supposititia causa</i>
Scripturæ auctoritas
<i>Supposititius effectus</i>
Pontificis auctoritas neque enim illa stabilis hanc, atqui ascensum postulant contra Protestantes qui principium inficiantur. Idemque descendunt apud suos qui Scripturam Pontifici postponunt. Vitium igitur in methodo inest.

Sic oculis subijci potest utriusque methodi discrimen. Observemus interim sequentia. Fieri aliquando solet, ut scrupulis de S. litterarum veritate vexetur tentatus, motus vero & instinctus DEI in animo sentiat, aut sentire, attentione adhibita, possit. Tum recte ad motus hosce provocatur sine principii petitione. Contingere vero & solet, ut qui de divini verbi auctoritate certissimus est, de inhabitantis præsencia Spiritus anceps existat, tum illa peropportune potest ad probandam hanc allegari. Nunquam autem descensus adscensusve fieri debet nisi contra eum, qui adscendendi aut descendendi initium comprobatur.

## §. 19.

loitur  
bjeſſio.

Cardo eorum quæ hætenus disputatis obverti possunt, in eo agitur: (pp) Licet, inquiunt, ratio se intra spheram continens & quæ revelationis sunt agnoscens, non pugnet contra fidei mysteria: tamen quando ea non se continet intra suam spheram, sed iudicium sibi sumit de illis, quæ sunt intra revelationis, ac pura fidei, ac de illis pronuntiare cupit, ex suis naturalibus principiis, non ex verbi præscripto, tunc ex accidenti fit, ut mysteria fidei sint contra rationem, videlicet temere & præstere ea oppugnantem. Forsan, qui hæc regerit, re penitus examinata, non dissentit à nobis. Idem enim ille, (qq) soluto adversarii ratiocinio, quod lumen lumini non possit esse contrarium, unum venerantia auctorem ambo, declarat, verum id est de ratione in naturalibus & civilibus, adeoque illis, ad quæ humana ratio ex principiis naturalibus asurgere potest; item de ratione quatenus NB. per S. Scripturam illuminata lucem & ductum verbi sequitur; sed de ratione ex suis principiis novos fidei arti-

articulos excogitante, vel fidei articulos in Scriptura expositos oppugnante, concedi non potest. Ita noster est, quem ex adverso militare putavimus. Si ratio nova credendi dogmata pro piaculis obtrudit, sin antiqua DEI auctoritate nixa oppugnat, revera non est ratio, sed ejus speciem duntaxat mentitur. Ratio enim est *veritatum nexus*. Cohærent omnes veritates, si non in finito, in immenso certe tamen DEI intellectu. Quicquid ergo veritatibus alteris, sive Philosophicis sive Theologicis adversatur, id cum eis haudquam connectitur, i. e. istud rationis nomine adpellari nequit, ex data definitione. Cæterum id in rem nostram est, quod eodem auctore, ratio tum demum per Scripturam collustrata dicatur, ubi ductum fidei sequitur. Si quid enim judico, id consentaneum nostris est doctrinis, quæ per *perspicientiam nexus veritatum revelatarum vocitavimus rationem collustratam*. Profiteor etiam ingenue, me abhorrire à Bellarmini methodo, qui jam dari perfectionis consilia ex ratione probat, (rr) jam purgatorium, (ss) jam transsubstantiationem, (tt) jam satisfactiones humanas, (uu) nec facere cum Gregorio di Valentia, qui rationis dictamen DEI cultum recte præscribere posse affirmat. (xx)

(pp) Vid. Gerh. Confessio Cathol. p. 283. cujus hæc sunt verba.

(qq) Gerhard. Confess. Cathol. loc. cit.

(rr) Bellarmin. L. II. de Monach. Cap. 12.

(ss) Idem L. I. de purgatorio Cap. 11.

(tt) Idem L. III. de Eucharist. Cap. 22.

(uu) Idem L. IV. de pœnit. Cap. 5.

(xx) Gregorius di Valent. L. I. de Miss. sacrif. Cap. 4.

## Discursus Preliminaris

## CAP. III.

De augusta Gratia & Naturæ dif-  
ferentia.

## §. I.

*Introitus  
ad doctrin.  
de nat.  
& gratia.*

**F**Uimus hucusque in eo, ut non obstante grandi intervallo, quod à revelatione rationem submoveret, usum hujus exponeremus in illa, pertinebat isthæc disputatio ad utriusque disciplinæ theoriā. Nunc de gratiæ & naturæ in animo motibus (si quidem motus dicendi sunt) sermo institueretur, quod ad pietatis praxin pertinet, adque ejus studium sapienter discernendum, peropportune facit. Doctrina est, si quæquam, multo præstantissima, in qua excolenda passim Theologi versabantur. (a) Per naturam cum Buddæo (b) intelligimus *complexum omnium facultatum, propensionum &c. à nativitate generatarum* (maturelcenteque judicio & ætate auctarum) *quā mentem, quā corpus, non exclusis causis, ex quibus ista facultates, in quantum moralitatem recipiunt, oriuntur.* Gratia vocatur, *quidquid extraordinaria DEI operatione homini adjungitur, ad præstandum DEO gratum cultum, formandamque pietatem.* (c) Cæteras vocabuli significationes consulto omittimus. Ex his definitionibus sponte intelligitur, inter utriusque originis vires plurimum interesse. Cum vero *haudquidam ab altero discrepet reapse, quod eidem ex parte omni simile sit*



si nullosque exhibeat characteres, quibus ab eo discerni possit: (d) Perspicuum est, ob summam rei gravitatem certa suppetere debere *κρίσις*, quibus alterarum virium operationes, distinguantur ab alteris. Hæc igitur investiganda sunt:

(a) Speneri Tract. de natura & gratia idiom. germ. pervulgatus est, nec meo præconio eget. Adde quæ Buddæus de hoc argumento Theolog. suæ morali inseruit. Cap. I. per totum, quæ Malebranchius in libello gallico de natura & gratia docuit. Hulfemanni Tract. de auxiliis gratiæ in omnium versatur manibus. Conferantur etiam Andreæ Riveri Theol. reform. nec non Didac. de Alvarez de auxiliis gratiæ commentationes.

(b) Vid. Theol. Moral. Cap. I. p. 28.

(c) Buddæus Theol. Moral. p. 37. C. I. §. 39. tres significationes exhibet. Primo denotare ait, benignum favorem ad salutem procurandam Ephes. I. v. 7. post, vocem eam sonare, ait, benevolentiam Numinis, merito Christi provocatam. Act. 40, 12. &c. Tertio apud Scriptores Ecclesiasticos, eâ operationem DEI gratiosam, in animo hominis innui, observat.

(d) Dici vix potest, quam grave, quam sæcundum sit hoc axioma, namque sine eo sanctissima dogmata Philosophiæ defendi nequeunt. Dabimus infra specimen. Verba Leibnitii hæc sunt, Recueil des diverses pièces sur la Philos. T. I. p. 50. Les grandes principes de la raison suffisante & de l'identité des indiscernables changent l'état de la Métaphysique, qui devient réelle & démonstrative par leur moyen: au lieu qu'autres fois elle ne consistoit presque qu'en termes vuides.

§. 2.

In actione qualibet duo sunt animadvertenda, Quid ob-  
nec pauciora? Animi scilicet destinatio, seu im- servand.  
pulsus, quo ad agendum inducebatur, ipsum in qualibet  
D 5 que actione.

que externum opus, quod in sensus incurrit, Circa externum opus nulla est difficultas, quod enim manifeste vel bonum vel malum est, oculisque subicitur, id nec fugit, nec decipit quemquam. Lege verba Pauli Gal. 5. v. 19. Cum tamen contingat frequentissime, ut actio honesta turpis cujusdam suspensionem temere moveat, & vicissim, ut actio turpis mentiaturs speciem honestæ, teste Paulo 1. Tim. 5. v. 24. 25. Maxime spectandus est animi impulsus, seu ratio ea, quâ mens inducta hoc illudve agendum suscepit. Neque enim corporis humani motus, quo opus externum continetur, vel vituperio vel laude per se dignus est; omnia ex animi metienda destinatione.

## §. 3.

*distinctio  
divini  
cultus.*

Nunc inædificabimus præstructis. Disceptatur, quomodo Christiani in DEUM cultus, à gratia nimirum profecti, operationes, distinguantur à conatibus naturæ? Huic ut satisfiat quæstioni, definiendus est cultus generatim. *Cultum DEI* vocamus *actionem quamlibet, ad quam suscipiendam perfectiones DEI impellunt.* (e) Consentanea est hæc definitio paulo ante dictis. Monui quippe, ex animi destinatione metienda esse cuncta. Atqui definitionis secunditas est incredibilis, mox ejus intelliges momentum. Speciatim *Christianus DEI cultus istas complectitur actiones, ad quas edendas revelationis vel auctoritatis vel efficacia induxit.* Germana hæc est definitionis prioris filia. *Cultus DEI naturalis continetur actionibus, quæ ex consideratione DEI, per solam ratio-*

*rationem cogniti, ordinantur.* Sororem hanc prioris agnoscas. Non omnes autem actiones hominis ad cultum DEI sive Christianum sive naturalem pertinere, manifestum est. Sunt igitur ordinis inferioris. Pietas enim sola honestati coronam imponit. An ergo plane honestatis sunt expertes? non sunt. Inest in eis quædam, at vero tenuis honestas, eademque gradibus distincta iterum suis. Aliæ autem actiones sunt ab omni honestate prorsus alienæ, nec eduntur nisi pravarum propensionum impulsu vehementi. Cognoscis igitur, naturæ operationes esse generis duplicis, vel pro subducto varie calculo, triplicis. Sunt actiones pietatis naturalis, eademque generis supremi, sunt actiones honestæ, quas non format pietas, eademque generis medii. Quales isthæ? continuo dicam. Sunt denique operationes, quæ à natura prodeunt, undique turpes, scdæ, detestandæque, pravorum affectuum infelices partus.

(e) Definitio est Wolffii *Die Handlungen / die wir in Ansehung Gottes vornehmen / werden Gottesdienst genennet.* Moral. C. 6. §. 757. p. 317. Distinguendam vero est inter cultum mediatum & immediatum. Cultus immediatus actiones parit, quas non edidissimus, si de DEO prorsus nihil habuissimus perspicuum. v.g. templum frequentare, orare &c. Cultus mediatum actiones complectitur, ad quas tam DEI cognitio quam præsentis vitæ necessitas impellit, ut; laborare, edere, bibere, namque & hæc in gloriam Dei suscipienda Coloss. 3. v. 17. vid. Bülfing, Dilucidat. p. 399. §. 498.

§. 4.

Actiones sæpe frequentatæ proclivitatem <sup>pugna cul-</sup> agendi pariunt, vel & commonstrant; quo ma- <sup>tus auz</sup> jor

honestat.  
& prava  
propensio-  
nis quid?

jor est proclivitas, eo gravior est agendi impulsus. Major autem fit, si pro contraria parte pauciores militent agendi rationes. Hinc oritur tranquillitas, victoria honestatis, ubi ad hanc promovendam, pronitas connitatur. Ex adverso, si pro altera parte etiam impulsus in animo ebulliant, committitur pugna. Quò vehementiores illi sunt, eo discrimen est magis anceps, deliberatio difficilior. Illa autem vis, sive gratiæ, sive naturæ, imperium capeßere dicitur Rom. 6. v. 12. 14. quæ victoriam sæpe reportando, sic faciendi pronitatem consecuta est. Unica victoriâ alterius partis, impulsusque, debilitatem alterius non indicat, si de victoria dolor existat, majorque conatus amissâ compensandi. Sed nec gratiæ victoriâ una alterave, redeunte continuo graviore affectuum impetu, imperium animi probat, pulsus duntaxat arguit Spiritus S. exteriores. (f) Sic, actiones ex animi impulsu æstimando, distinctius multo philosophari licet, vel & θεολογῆν, quam aliâs facitare solent.

(f) Non intelligo h. l. pulsus, quibus oblectari homo non posset. Licet eam opinionem in Ecclesiâ, invexerit Augustinus primus. Haud vero ut Hottinger Histor. de gratia & prædestinat. p. 28. T. I. Paulus. Memorabile est quod Saravius Epistol. ad Salmas. p. 196. prodit: Jesuitas palam præ se ferre, quod Augustinus non sit regula fidei. Pater Adamus, teste eodem in defensione Augustini p. 24. haud obscure præ se tulisse dicitur, quod Gabriel à porta, è Soc. Jesu sæpe optaverit, ut Augustinus de gratia nunquam scripisset. Paulus Leonhardus in respons. ad expostulationes contra scientiam mediam pag. 117. 118. queritur quod

quod Augustinus stans in acie contra Manichæos, in errores Pelagii pronus fuerit; militans autem contra Pelagianos prope à Manichæis abfuerit. Sunt & inter Proterestantes plurimi, qui non inficiantur, iusto rigidiorum esse Augustini in hoc articulo sententiam. Ne dicam de Commentario Philosoph. P. III. p. 4. nec de Bibliotheca universali T. XIV. p. 187. Rogo tantum Ben. lectorem, ut legat Dahlæum de usu Patrum p. 153. ubi accusatur, quod more Philosophorum Academ. fluctuante plurimas res tractaverit.

§. 5.

Jam demum ipsum persequemur institutum. *De officiis erga DEUM*  
 Actionum antiquo more tria constituo genera, *vel DEUM enim spectant, vel alios quosvis, vel semetipsum.* Dispiciamus quid in unoquoque genere naturam agnoscat matrem? quid gratiam? Naturam tria complecti diximus, pietatem naturalem, honestatem, sceleratasque demum turpitudines. De his dicere nil attinet. Nec enim speciem honesti mentiuntur, eoque ulteriori *xp̄l̄xp̄l̄* opus non est. De illis verba sumus facturi. Capiamus initium ab officiis erga DEUM: Cœtus sacros frequentare non inter postrema, erga DEUM officia ponitur. Confluunt in loca DEO sacra, boni & mali omnes, quid igitur hîc gratiæ, quid naturæ tribuendum?

§. 6.

Operationes naturæ per gradus numerabo, *Gradus officii de freq. templ.*  
 adscensu ab imo factô ad summum. Naturæ vis est duplex. Vel depravata ab affectibus distortis, vel recta quæ ad sanam pertinet rationem. De quibus paulo ante dictum. In frequentando igitur templo, *hoc enim officium primo exami-*

*examinandum sumus*, naturæ depravatæ opus est, sin homines sacris intersint publicis, incitati studio declinandi infamiam; ne profanarum gentium numero habeantur. Simile quid de Mago Simone memoriæ prodidit Lucas Actor. 8. v. 13. qui, cum tota Samaria ad Petrum conflueret, baptismi causa; ne solus desipere videretur, baptizandum se curavit publico in loco. At testimonium ejus conceptum v. 23. Excusatio naturæ corruptæ gradus tum existit, quum (g) destinato consilio vacui, mera consuetudine ducti sacros intramus parietes. *Opus operatum* id vocant barbare, cujus turpitudine quidem, elegantiore voce utique indigna est. Vid. Jesaj. 1. v. 12.

(2) *GRA-  
TIA.*

(g) Consuetudo vel est actionis tantum adjunctum, quo pacto ejus pretium auget non minuit. Habitum bene agendi, quis culpet? vel est causa impellens, tum actionem reddit detestandam. De hac consuetudine mihi nunc est sermo.

### §. 7.

(3) *GRA-  
TIA.*

Vides, Lector benevole! me definitione cultus §. 3. tradita, omnia metiri, sed meriar etiam per sequentes paginas (b) Pervenio nunc ad instinctus naturæ recta ratione pollentis. Primo quidem, quotquot Tempia subeunt, ne turbas in societate excitent, ii rationi quidem consentaneè, sed minus Christiane agunt. En tertium naturæ, sed nunc non depravatæ gradum! ratio rerum nexus expendit. Igitur quoniam hi tales suarum actionum consequentia vident, declinant; cum ratione id conjunctum est. Verum enimvero, & Athei prudentiores hac parte, id

id præstare possunt, non est ergo id gratiæ specimen. Turbas excitari neglectis sacris publicis vel Exemplo Servatoris cognoscitur Joh. 7. v. 11. (2) *Gratiam.* Cum hoc gradu quartus conjungi potest, superior is quidem, nec tamen naturam supergrediens. Complures ex honestioribus, bona indole & Philosophicâ DEI cognitione imbuti in celebritate sacrorum comparent, quia DEUM id præcepisse sentiunt. Num id gratiæ non est? profecto ita videtur, sed videtur tantum. Sospitatorem Matth. 7. v. 22. judicasse accepimus, quod multi olim illucescente extremo die, causaturi sint, Domine! annon tuo nomine vaticinati sumus, Diabolos pepulimus? &c. sed id ferent resp. Non amo vos. In nomine vero Christi præstare quiddam, phrasi Scripturæ, sonat auctoritate DEI munitum, seu frerum id facere.

(h) Vid. Bulffing. Dilucid. p. 197. Ratio formalis divini cultus consistit in edendis actionibus ex motivo perfectionum divinarum. Verus cultus est, si vera sit perfectio, falsus, si falsa. Hinc multa dependent, quæ in judicandis actionibus religiosè utiliter queunt adtendi. Hinc tota Paganismi refutatio, hinc revelationis discernenda criteria, hinc discrimen cultus naturalis & revelati. Hinc nota cultus hypocritici, in externis tantum possit, hinc regula actionum seu ceremoniarum, hinc solutio questionis: cur rudes sæpe sincerius Deum colant scioli?

§. 8.

Si minutius omnia excutere vellem, plures naturæ gradus indicarem, sed ab instituto id alienum est. Expendamus vero, quid in eo officio à gratia oriatur? Quisquis loca DEO sacra frequentat Christi monito per Paulum expolito  
*Gradus gratiæ.*  
 or em-

- obtemperaturus Hebr. 10. Is aliquo gratiæ, prævenientis certe quidem, instinctu agit. Sospitatoris enim notitia & admonitiones non nisi ex revelatione cooriuntur. Tenuè istud est initium.
- (2) *Gradum.* cui succedit impulsus præstantior. Mandatis morem aliquando gerimus, quæ ipsa non magnopere amamus, est ea conditio gradûs præcedentis; at ubi in rem ipsam quæ præcepta est, amore ferimur, excellentior est impetus. Qui igitur ædes factas intrat, quod salutare id esse perspectum habet, in gratia fecit profectus. Lege 1. Thess. 2. v. 13. Amplectimur eo casu verbum DEI, ideo quia divinum, & à Christo coortum intelligimus. Majus huic gradui robur accedit, ubi consilio, incrementa pietatis capiendi, ad loca sancta procurrimus Jacob. 1. v. 21.
- (3) *Gradum.* *Gradum hunc tertius coronat.* Cellos nobilissimosque istos animos judico, qui in visitanda templa propendent, quod jam olim verbi divini dulcedine gustatâ Hebr. 6. v. 5. Sibi temperare non possunt, quin occasionem tam opportunam arripiant avidissime. Est isthæc gratia operans. Possemus similia de precibus, cæterisque omnibus erga DEUM officiis docere, sed hæc nobis sufficiant, infra futuris prolixioribus.

## §. 9.

De officiis  
erga alios.

Quæ nunc de officiorum erga alios quosvis examine dicturi sumus, ita comparata sunt, ut & ampliorem & generalem ideam totius doctrinæ de natura & gratia animo offerre possint. Sequor ordinem priorem. Incoaturus à naturæ operationibus, desiturus in gradibus gratiæ. Natura,



tura, quod nunc aliquoties judicavi, est vel corrupta, vel recta ratione pollens. Percurramus ordine singulas classes. Sunt primo, qui ab aliis offendendis abstinere, quod id suis commodis inservire intelligunt, privata utilitate ducti. *Infimus hic honestatis gradus est*, vix umbram virtutis spargens. *Refero igitur eum ad Naturam corruptam.* Reprehendit id Christus Matth. 5. v. 47. *Si, inquit, beneficia in beneficos erga vosmet conferitis, quid singulare quaeso, aut eximii praeistis?* Paulo tolerabilior est gradus, qui nunc sequitur, alter. Videas nonnullos metu detrimenti pacem colentes, ne quid mali vicissim ex eorum violatione sibi immineat. Perexiguum id est, paulo tamen primo acceptabilibus. Qui metu enim, aut male, aut non bene agit, excusatus peccat, quam qui quadam delinquit cupiditate inflammatus. Ergo & hic gradus, non obstante specie virtutis externâ, corruptæ naturæ fructus est. Tyrii à suscipiendo contra Herodem bello abhorruerunt, eam maxime ob causam, quod ex ejus Terris alimenta subvecta sunt, Tyrum. Aetor. 12. v. 20. Nondum desinit corrupta natura virtutum larvas induere. Est enim & tertius gradus aliquantum ab illis primis distinctus. Invenire licet, qui, etiamsi crasso privatae utilitatis studio ducti, alios conciliare nolint, meliora quippe agitant: tamen illi non aguntur, nisi placendi studio, quod ad laudes inanes captandas comparatum est. Vulpeculas describit Paulus. Ephes. 6. v. 6. Characteremque earum in ἐφθαλμοδουλείᾳ quaerit. *En Complaisance du Tarinse.* Naturæ abortum quis heic non agnoscat?

## §. 10.

(1) Gra-  
dus natu-  
rae rati-  
onalis.

Sed nunc natura altius adscendit rectam secuta rationem. Non desunt, qui Magistratum reverentia in officio continentur suo. Cum enim ratio recta dicat, summos Imperantes honorandos, obsequio colendos, manifestum est eos, qui hac moventur cogitatione, boni quid præstare, sed à natura, quæ ratione ornatur recta, profectum. *Civilis est ea honestas.* Disß ist die *Bogtey = Heiligkeit.* Laudatur cum ratione consensus, culpatur defectus ejusdem incredibilis. Non enim propter universi generis humani societatem, iras, bella, turbas evitat; sed propter specialem civitatis, in qua vivendum est, conjunctionem, ordinem, leges, decreta. Rationis naturâ ingeneratæ vis multo majores facere profectus potest. Ecce hujus rectitudinis gradum superiorem! societatis universalis, quò totum genus humanum copulatur, curam gerere, eademque inflammatum haud agere quidquam, quod eam laceßere, violare, conturbare posset, rationis longius, quam vulgo fieri solet, prospicientis specimen est, *Christianum tamen nondum est.* Differt hic impulsus ab intuitu privatæ utilitatis. Hæc enim est rationis corruptæ, illa rationis rectæ, hæc vel in perditissimos latrones cadit, qui & ipsi socios defendunt, tuentur, colunt; illa nonnisi viris honestis ratione præditis sanâ competit. *Habes hic jussi reguli regulam* (1) lege sis Rom. 12. v. 18. hæc societati paucorum, illa universorum hominum paci publicæ studet.

2) Gra-  
dus Regu-  
lae jussi.

(1) De Regula jussi eleganter & perspicue more suo, Thomæ in Fundam. J. N. & Gentium L. I. Cap. 6.

§. 42. Regula, inquit, *justi est: quod tibi non vis fieri, alteri nec faceris.* §. 62. 63. ejus Cap. Cereclavia inde practica derivat. Non turbabis alios, nec impedies in usu juris sui siue superiores, siue inferiores, siue pares omnes enim sunt aque homines. Non vulnerabis, non occides, non contumelia afficies, non nocebis mendacio, non furtum facies, non damnum dabis, non violabis fidem.

§. II.

Turpitudinis odio mala vitare, conatus est (3) *Gradus Decori* excellens, virtutis autem amore declinare peccata, *regula.* multo excellentior. Atque, & eo ratio, sibi relicta, sana tamen, contendit. Cum pacem colimus, ne quid res generis humani omnis publica detrimenti capiat, (namque, quod ego juris in alios statuo, omnibus erga omnes competit) in eam ferimur pacem, ob indignitatem bellorum, quæ aversamur. Sed ubi amore universalis inter homines conjunctionis, turbas declinamus, de novo superiorem rationis conscendimus gradum. Proh DEUM immortalem! cui potest esse vita vitalis (k) qui non in amicitia benevolentia con-  
quiescat. Si dulce est, habere vel unum, qui cum omnia audeas sic loqui, ut tecum, dici vix potest quantum suavitatis pareret, in mensæ multitudinis hominum omnium conjunctio. Amicitia enim, quanto magis universalis illa Generis humani, si quidem ea existere per homines possit) res plurimas continet, quo te cunque verteris, prosto est, nullo loco excluditur, nunquam intempestiva, nunquam molesta est. Profecto non aqua, non igni, pluribus locis utimur, quam amicitia. Quæ cogitatio si animum percellat, uti non potest non

percellere, viribus rationis prudenter utentem, sublimiore te loco constituit naturæ cognitio. Hæc est regula *Decori*. (1) Lege Ps. 133. v. 1.

(k) Sunt verba Ciceronis in Lælio de amicitia. Cap. 6. §. 7. seqq.

(l) *Decori* regula, auctore eodem Thomasio, loc. cit. §. 41. est. *Quod vis, ut alii tibi faciant, tu ipsis facies. Axiomata practica hæc eliciuntur. Remittes sponte de jure tuo. b. e. prestabis indigentibus ad qua jure cogi non poteris. Condonabis, si opus sit. Si liber es, prestabis officia humanitatis. Si servus, plura laborabis, quam ad qua jure obstrictus eris. Sin imperas, premia dabis, pœnas, si fieri potest, remittes. §. 69. prestabis ea hilari, sincera, nec fucatâ fronte &c. Putas hæc adeo esse egregia, ut nonnisi à Christianorum disciplina tradi queant, sed falleris, magna vis est rationis, si colatur, & longe tamen sublimior fidei & gratiæ,*

#### §. 12.

(4) *Gradus. Regula bonæ vestis.*

Nondum tamen sumus assecuti rationis fastigium, ergo & hæcenus à gratiæ initio absumus plurimum. O perversos mortales! quorum paucissimi, decoctis rationis viribus, nec huc quidem penetrant, cum tamen naturali auxilio possint. Superest nimirum cacumen celsius. Possumus tantum proficere, ut studio non pacis externæ, ejusdemque universalis, non amicitiae communis omnium, sed internæ quoque tranquillitatis amore, mala vitantes, persequamur virtutem. Quis enim nescit, turpibus factis conscientiae tranquillitatem, gravissimo detrimento, turbari? *Auri sacra fames quid non mortalia petitorum cogit?* angit, mordet, cruciat, coquit? quos dolores sibi pariunt avari? 1. Tim. 6. v. 10. atque ea pœna est vitiorum omnium justissima.

Fugit

Fugit igitur hos motus sana ratio, ut animo quietem conciliet. Hæc est regula honesti (m) prioribus omnibus præstantior.

(m) Regula honesti juxta Thomæ cit. loc. §. 40. hæc est. Quod vis ut alii sibi faciant, fac tibi. Atqui in dignaris, siue rides, siue doles si alios videas affectibus abreptos, propensionum, mancipia ergo à similibus abstine. Si delectaris gustu & re venerea maxime durabili jucunditate fruuntur temperantes, si gloria, maxima gloria est, vincere se ipsum, nobilissima vindicta inimicis benefacere. Fugies occasiones, quæ irritant cupiditates tuas, quares, quæ eas supprimunt. Quodsinimis adhuc imbecillis sis, ut nec fugere possis fugienda, nec quærere quærenda, saltem non fugies occasiones cupiditatibus adversas, quæ quotidie, te non quærente, se tibi offerunt. Nec quares occasiones cupiditates excitantes, quæ se non sponte offerunt. Succubisti cupiditatibus, surges, ne perpetuo jaceas, vicisti; cogitabis, quod succumbere possis, ita evitabis & securitatem, & desperationem &c.

§. 13.

Uti vero primos gradus superat, ita superatur & ipsa pietate. Quatuor hucusque numerati sunt adscensus rationis, naturali honestate conspicui omnes, at sine pietate, hæc ergo splendidissimam virtuti imponit Tiaram. *Movet enim cognitione DEI animum in obsequia Creatoris, prioresque rationes omnes sublimiori cogitatione obsignat.* Non assurrexerunt ad hunc gradum rationis Chineses. Viderunt aliquid, sed velut è longinquo. *Hinc eorum apophthegma. Nil facere sapientem cujus nolit conscium Cælum.* Pacem publicam promovete universorum, haud malum est, amicitiz communi studere, bonum. Pacem internam curate, melius, verum enimvero, su-

(s) Gradus. Regula piæ

premi Numinis reverentiâ , priora isthac præstare lubentem , multo est optimum. Consecutæ videntur hunc gradum obstetrices Aegyptiacæ , quas timore DEI ab enecandis Ebræorum recens natis infantibus abstinuisse accepimus Exod. 1. v. 17. Gratiæ enim num instinctu pulsæ fuerint , dubium manet.

## §. 14.

(6) *Gratiæ  
gradus  
sogia.*

Miraris forsân sive vim rationis , sive discursum meum , nec meliora Christianos gratiâ adjutos præstare posse autumas ; sed frustra ! inanes hi essent cuncti rationis conatus , nisi sextus , isque supremus gradus accederet. Cum tantam suis viribus præceptorum lucem consecuta est ratio , non potest non eis obtemperandi instinctus sequi , saltim apud eos , qui candore sunt conspicui ; At quanta heic imbecillitas , quanta pravorum affectuum pugna , cupiditatum impurarum nisus deprehenditur ? Prostant quidem in animo incitamenta , virtutem hanc omnem , suis gradibus distinctam , colendi ; interim major longe affectuum , ex altera locatorum parte , vis , isthac vel semper , vel sæpe superat , opprimit , conculcat. *Non exsequitur homo quæ recta videt , rapitur autem ad ea perpetranda , quæ turpia , & ab his virtutis gradibus abhorrentia intelligit.* Rom. 7. v. 15. Hinc inquietudo , hinc morsus conscientiæ ob peccata , reclamante rationis instinctu , admissa. Novit enim recta ratio DEUM justum , ut velit , potentem , ut queat plectere. Pietas id docet naturalis , quam ad gradum quintum paulo ante revocavimus. Quid hic consilii ? aut pœ-

naturum

narum divinarum metu desperandum, postque mortem pereundum est, (immortalitatem enim animi ratio argumentis sive certis, sive verosimilibus assequitur) sive aliunde quærenda medicina, quam cum Philosophia non exhibeat, ad investigandam revelationem commovetur homo. *Usus hic adpellatur pedagogicus*, longeque præstantissimus est. (n) Arbitror vero eum supremo loco constituendum esse. Quo enim curatius ceteros virtutis gradus percurrit, prælucente rationis lumine, studiosus honestatis, quoque plura Philosophiæ, alia aliis sublimiora præcepta, imbibit, eò se infirmiores cognoscit, ad ea sequenda, eoque major est medicinæ quærendæ impulsus. Non igitur abnuo, posse & inferiore constitutum gradu, ad inquirenda auxilia (o) ferri, sed id debiliore fieri motu, contendo. Ratio est in promptu: Notitiæ omnes præstant instinctum, debilem, si tenues existant; vehementiorem, si sint ampliores. Idque verum est, quamvis ille instinctus non semper animadvertatur. (p) Atqui quotquot in supremos rationis gradus enituntur, inferioribus luminibus, plura & clariora addiderunt, ergo & efficacior eorum est impulsus, ergo de sua imbecillitate gravius convicti, multo avidius medicinam anhelant. Hic igitur Philosophiæ termini constituti, heic velut Herculis columnæ occurrunt, quæ *Plus Ultra* inscribi haudquaquam potest.

(n) Pædagogicum esse luminis naturalis usum, communis Theologorum, & Philosophorum vox est, quam Bælius passim in *Continuation des pensées diverses écrites à un Docteur de Sorbonne à l'occasion de la Comète qui parut 1689*, gentium notitias, ad verum

DEUM querendum, prorsus nil fecisse contendat, vid. T. I. p. 104. §. 24. seqq. edit. Amstælodam.

- (o) Auxilia dico, ita tamen ut à Pelagii errore absum. Neque enim natura cum gratia concurrat, sin ipsam emendationem à Spiritu perficiendam spectaveris. Est hæc vox *auxilii* Scholasticorum, qui auxilia gratiæ crepabant. Vid. quæ observavit Hulsemann de auxiliis gratiæ C. 1. §. 18. p. 28. Quantum ad rem ipsam, de inferiore nimirum rationis gradu, Buddæus Theol. Mor. p. 34. C. I. §. 17. monuit, *posse ex quolibet statu naturalis immediate transitum fieri ad statum gratiæ*. Concedo id, sed cum indicata in Textu cautione.
- (p) Falsam esse Cartesii sententiam, quod nihil in animo fiat, cujus non finis conscius, inde cognoscitur, quia nobis nihil æque necessarium, ac vulgatum illud: *Noſce te ipsum*. Has notiones, quas non animadvertimus, *obscuras* vocat Leibnitius. legatur dñe verthery: digte Harmonia præstabilita sub nota (x) p. 83.

### §. 15.

(x) *Gratians gratia praven.*

Ubi deficit ratio, ibi incipit gratia. Ultimimus igitur rationis, idemque supremus gradus proxime attingit gratiæ infimum, toto licet genere ab illo distinctum. Exorto verbi divini præconio lux nova oritur. Offert se tum animo Sospitatoris idea, supplicio quidem affecti, sed à DEO Patre in celsissimum divinæ Majestatis thronum collocati. Concipit igitur animus metum. Sin Judicis universalis, cujus Servator personam gestat, cogitatio accesserit, augentur motus animi. Vid. Actor. 2. v. 37. Primò enim ad Judæos Novi Testamenti factò sermone habitò, corda auditorum ideo perculsa sunt, quòd Majestatis Christi fuit facta mentio v. 36. Idem contigit Actor. 10. v. 42. Postquam vivorum mortuorumque



rumque Arbitrum Petrus adpellaverat Jesum. Nimirum hæc est legis, Evangelii de Christo luce, collustratæ operatio, Lex præcipit, urget, minatur. (9) Evangelium vero Christum præsto esse docet. Utrumque in hoc motu conjunctum est. Cum quidquid revelatio doceat, gratiæ significatio & argumentum sit, non ineptum erit; hunc impulsus *gratiam* vocare *sed prævenientem*, quæ licet effectu per malitiam privari possit, inevitabilis tamen existit. Quantacunque enim persequenda improbitate protervia utaris, nunquam Christi Judicis, hujus ubi sacris initiatus es, cogitatio prorsus ex animo ejici potest, redeuntibus subinde conscientiæ & metûs stimulis. Pertinet vero isthæc consideratio ad officium Christi regium.

(9) De differentia legis & Evang. prodit nuper dissertat. inaug. Præf. Hagmajero Tub.

§. 16:

*Habenti dabitur.* Matth. 13. v. 12. Qui <sup>(2) Gradus gratiæ præven.</sup> locum huic impulsui præbet, ejus animum subibit Christi non solum tremenda Majestas, paulo ante indicata, sed & benignitas incomparabilis. Non est Rex modo, sed & Propheta præstantissimus, qui manca rationis dogmata supplet, animi medicinam promittit, docet, cujus ex ore mella fluunt, Cælo delata, Esaj. 55. v. 10. 11. Deut. 32. v. 2. Cujus lingua doctrinas explanat auro gemmisque cariores Ps. 19. Quique præterea affectum erga nos spirat dulcissimum. Majestas fulgore suo oculos perstringit, metumque parit. Benignitas vero allicit, conciliat. Super-

rat ergo hic gradus illum primum. Qui hoc instinctu ducitur spiritum persentiscere occipit spontaneum. Vel ipsos lapides excavat mollis guttarum defluxus, quis quæso huic tantæ benignitati semet præberet impenetrabilem? Effertatos cætera milites, advinciendum Prophetam hunc emissos, auditâ ejus doctrinâ, ita commotos fuisse, ut manus non injecerint, lectissimus Christi discipulus testatur Johannes. Evang. cap. 7. v. 46. Prope abest à regeneratione, quam vocant, quisquis ita affectus animo esse solet.

## §. 16.

(3) *Gratus gratia  
peritum-  
pentis.*

Religionis nostræ auctorem veneramus Sacerdotem supremum, imo vero, & unicum. 1. Tim. 2. v. 2. Quam ardua vero isthæc doctrina est! Ebræor. 5. v. 10. 11. Innumeris DEUM homines peccatis offendunt. Vel ipsa ratio id novit, & si sana est, deplorat, id argumentum erat, quod supra dictum, quærendi Medicinam. Sed nunc inter iram DEI excandescentem, hominesque rebelles arbitrum se sistit Servator, quod Sacerdotis munus est. Hebr. 5. v. 1. Cumque placari ira DEI sine sanguine nequeat Hebr. 9. acerbissimam mortem ultro subit. Aut nihil prorsus rerum omnium intelligimus, aut hoc novum idque inauditum amoris documentum est. Præstans est Prophetæ beneficium, qui errantes docet, instruit, præstantius Sacerdotis sanguinem proprium fundentis pro eluendo alieno peccato. Excellens est Prophetæ munus, qui reddit sapientes, excellentius Sacerdotis, qui præstat DEO gratos, quos perosos fecerat summa improbitas. Vincit igitur hic

*hic tertius gradus secundum.* Hac est doctrina libertatis, immunitatisque ab ira DEI, ejusdemque consequentibus. Joh. 8. v. 36. Quicumque hoc pervidet omnem Jac. 1. v. 25. Quotquot hoc impulsu aguntur, ut divini sanguinis cogitatio penitus sit animo infixæ, ut mortis tam sanctæ memoria nunquam non redeat, percellat, urgeat, ad vitam tanto beneficio dignam, ut amor oriat in Servatorem incredibilis, bona, famam, vitam, & omnia pro illo honorando profunderè paratus, illi profecto regenerationis initium sunt assecuti, fidemque vivam illam, & efficacem suo conceperunt animo. *Quid enim quæso fides est, quam conatus animi, tranquillitatem & felicitatem omnem in sanguine Christi ponentis, ejusdemque representatione ad omnem actionem conituentis, quæ DEO, quæ Servatori probatur?* hunc instinctum rectissimè gratiam vocaveris internam. *Quæ enim hætenus comes erat animi, nunc occipit esse incolæ.* Id enim in animo esse dicitur, quod vim ejus agendi dirigit, non una alterave vice, quæ gratiæ prævenientis conditio est, sed quoties agendi occasio offertur. Sic enim est gratia alteris, & contrariis quidem affectuum pravorum agendi incitamentis fortior, non una vice, sed sæpius, imperat ergo, eoque inhabitat. (r)

quid sit  
fides?  
quomodo  
oriatur?

(r) Dominatur itaque gratia, cujus impulsus fortiores sunt naturæ adfectibus, quoties auctoramentum peccandi existit. Non dominatur veròque externa est, si ejus instinctus debiliior fuerit, quam ut impetum naturæ effrenis possit cohibere. Hinc licet regenerationis punctum velut saliens discernere, ex gradu debilitatis & fortitudinis metimur renatæ indolis, initium, incrementum, decrementum.

## §. 18.

(4) *Gratus gratia  
nunc operantis in-  
terna.*

Tertio igitur gradu victrix existit gratia, pertrumpit obstacula, aditum parat, animum intrat. Tres hi gradus ad secundum locum de redemptione pertinent, cum contra rationis rectæ conatus, ex primo symboli apostolici, de creatione agentis, articulo, cooriantur. Incrementa vero gratiæ internæ, de qua nunc dicendum, ad tertium Symboli illius locum referuntur. Hinc *quartum gradum* perlustrare licet. Sunt qui suos adfectus temperant, pravis propensionibus obfiunt, mores ad Christi voluntatem formant, malorum patientes, modestos, temperantes se præbent, nullam aliam ob causam, quam ut gratam, pro sublato peccatorum reatu, & condonata pœna, mentem significant. Equum quippe judicant, ut, qui sanguine Christi rubentes, pretiosissimo liquore velut madent, sibi caveant a peccatorum inquinamentis. Quo enim plus peccatorum condonatum est, eo major amoris in Christum impulsus oritur Luc. 7. v. 47. Vitæ ista conditio novus homo adpellatur, ad imaginem DEI, & Christi effectus. *Habes igitur gradum quartum, qui in operante primus est.*

## §. 19.

(5) *Gratus,  
dus,*

Succedit nunc alius paulo sublimior. Nam licet peccatorum condonatio pietatis summum incitamentum existat; tamen, cum Spiritus S. monita contemnere, in majus discrimen adducat, quam excutere grati animi erga sanguinem Servatoris vincula; patet enim heic jus postliminii

nii

nii semper ; (s) illinc, ubi Spiritus *πνεῦμα* violatur proterve, irreparabilis detrimenti periculum imminet. vid. Matth. 12. v. 31. 32. manifesto intelligitur, graviolem priore impulsu tum urgere Christianos, quum pietati viribus cunctis litandum ideo iudicant, ne inœstitia afficiant Spiritum, quo sunt velut obfignati Ephes 4. v. 30. Nec in eo adquiescit divina benignitas. Præstantius est, ferri ad aliquem conciliandum, amore æquitatis, quam metu ne offendatur, ductum. Qui ergo Servatori per vitam omnem se probat, non ideo maxime ne offendat Spiritum Sanctum, sed quod par esse existimat, ut sparsa ejus per animum cœlestia semina uberes ferant fructus, is gradum probitatis conscendit, quo celsior, in hoc quidem genere, haudquaquam datur. Urget id Apostolus Gal. 5. v. 25. ubi *vitam*, inquit, ex Spiritu trahentes dignas etiam isthac vita virtutes exerceamus. Scil. non tam metu quendam, licet rationalem, licet Christianum ille respicit, quam ipsam rei dignitatem, quæ poscit, ut vita quædam, vitalibus quoque functionibus conspicua sit.

(s) Donatistarum enim sententia dudum explosa, licet non videantur reditum ad gratiam Christi, post peccata, sed ad Ecclesiæ societatem denegasse.

§. 20.

Hæc sunt, quæ de gratiæ, naturæque gradibus dicere constitui. Superest officium erga se ipsum, in cujus radice perlustranda nunc licet esse brevioribus. Temperantiâ in eo genere præcipuam virutem iudico. Quænam igitur ejus causa naturalis, quæ Cœlestis & divina? Jam exponen-

*Quid gratia & natura in officio erga se ipsum?*

ponendum. Cum natura & corrupta sit, & rectâ ratione tamen exornata, exordium est à fonte illo. Spuria est temperantia, quæ à nonnullis tantum illecebris sibi caver, cæteras deperit. Qui enim religionis causa certos cibos non capiunt, aliis tamen delicatioribus, aut saltem æque delictis pasti, specimen virtutis mentiantur, num tu eos temperantes esse credis? neque enim impulsu voluptatis vitandæ id agunt, cum meliora gustent, sed in speciem tantum, ne videantur parum religiosi. 1. Tim. 4. v. 3. est hic gradus infimus, quem pone sequitur alter. Quum superstitione acti, ut DEUM placarent, Ethnici stolidissimi jejunia indicebant, cætera homines amore vacui, iracundi, avari, pacis violatores, fures & latrones. Exemplum lege Esaj. 58, v. 5. 7.

(2) Gradus  
dmi.

#### §. 21.

Corrupto affectui naturæ tales indulgent, plurimum diversi ab iis, qui in colenda Temperantia rationem sequuntur sanam. *Recta ratio perspicit nexus veritatum.* Qui continens est, ut perversos intemperantiæ fructus, malorumque inde orientium Symmata declinet, is primum calcavit in hoc genere gradum. Cujus auctor & suavor est maxima ratione & sapientia præditus Salomo Prov. 23. v. 28. Contra majore laude digni sunt, qui intemperantis vitæ usum propterea detestantur, quia socialitati promovendæ facit impares. quis ebriosum v. g. sobriumque muneris sui partes ex æquo recte obire adfirmet? quis neget illum sæpe in gravissimis esse negotiis quam ineptissimum?

(1) Gradus  
rationis.

(2) Gradus  
dmi.

§. 22.

Quodsi doctrinam antecedentem & hic ad-  
 plicare vellem, plures designare possem gradus. <sup>(1) Gratia</sup>  
 Sed paucis, quid gratiæ sit specimen, indicabi-  
 mus. Qui sobrietati studet, eo potissimum im-  
 pulsus motus, ut precum studio vacare commo-  
 dius liceat, ad Servatorem fundendarum, item-  
 que ne imparatus à Judice Christo, die extremâ,  
 occupetur, gratiæ is stimulos sentit, quos injicit  
 Christus monens: *Hütet euch, daß eure Herzen*  
*nicht beschwehret werden mit Pressen und Sauf-*  
*fen, und Komme dieser Tag schnell über euch &c.*  
 Ist hæc enim doctrina de judicio totius orbis ul-  
 timo revelata à gratia oritur, ut, quotquot inde  
 pendent, virtutum stimuli, gratiæ eidem adscribi <sup>(2) Gratia</sup>  
 debeant. Omnium præclarissime, nam plura non  
 addam, faciunt ii, qui, cum se templa Spiritus S.  
 inviolabilia esse cognoscant, nolunt committere,  
 ut cœleste animi sui domicilium intemperantiæ  
 monstris aperiatur, profanetur, sanctissimumque  
 & adorandum ejiciatur Numen. Gratiæ hic in-  
 cinctus priori illo longe celsior Paulo cordi fuit,  
 quem ingenerare suorum auditorum animis con-  
 nisus est. Extat rei testimonium 1. Cor. 6. v. 18. 19.  
 Prior gratiæ instinctus ex conatu detrimenta æter-  
 na vitandi oritur, hic autem ex amore nascitur  
 in Spiritum S. Semper vero præstantius est,  
 colere virtutem amore honestatis, quam malo-  
 rum metu.

§. 23.

Possem hîc subsistere, nisi unicum adhuc <sup>Novi offi-</sup>  
 desiderium exponi par esset. Fuerunt Juris na- <sup>ciornis</sup>  
 turæ <sup>fontes.</sup>

turæ Doctores fama & eruditione conspicui, qui totam illam disciplinam ex socialitatis regula mēsi sunt. Recte illi quidem, si Juris naturæ ambitu, Ethicam & Theologiam naturalem excludunt, quarum illa de officiis erga seipsum, hæc autem de officiis erga DEUM præcipit. Utinam vero exstitissent quoque, qui Theologiam moralem docuissent, & exornassent methodo eadem. Possunt enim *ex socialitate Christianâ*, nova pro virtute argumenta depromi, eoque nova impulsuum gratiæ semina spargi. Quò namque lumen vivacius est, eo majorem exercet vim. Præstat autem divinæ cognitionis lux fulgidior, si novæ in ea pie vivendi rationes distinguuntur. Ardua est ea via, quam non ingredior, dicam tamen, quæ ejus species mihi è longinquo velut offeratur?

## §. 24.

Quomodo  
in superio-  
ribus  
differant?

Gratiæ motus, quos hætenus indicavi, ejusmodi sunt, ut si vel unicus in Orbe Christianus existeret, locum haberent omnes, atque, qui nunc sequuntur, non essent perculsuri animi nisi revelatum esset, Christi populum peculiari societate, eademque sanctissima copulari; speciem corporis humani referre, cujus membra articulo- rum apto nexu, concinnâque proportionem ita contemplata, ut omnes omnium motus referantur ad communem finem. Ephes. 4. v. 15. 16. Gal. 3. v. 28. Exsurgit hîc ordo admirandus, quem si ratio, quæ perspicientia nexûs est veritatum, cognoscit, divina luce collustrata iterum iterumque dici potest. Auger id gratiam  
DEI,



DEI, quia novi ex Christianorum socialitate pietatis accendendæ igniculi emicant,

§. 25.

Et principio quidem officiorum erga alios *Recensem* quosvis hi sancti fomites illinc petuntur, quos *tu* *quidam* strictim nunc recensebo. Cœlestis illa Christianorum conjunctio rite considerata obstat, quo minus, securo agendi more, occasionem cuiquam præbeas, temet imitandi. Id *σκανδαλίζω* vocat Scriptura. Commendaturque illud consilium I. Cor. 8. v. 9. Carnibus vesci licuisset, si extra sacram communiatem Corinthii fuissent constituti, in ea autem versantibus denegatum est, contrectare ullas. Fluit ex eodem fonte præstantioris officii necessitas. Mala aliis non inferre, *alio* *gradus* quocunque modo, laudabile est, laudabilius autem, in malorum aliis illatorum calamitate, tristitia affici communiter. *Ubi dolore unum membrum affligitur, affliguntur omnia.* I. Cor. 12. En secundam societatis Christianæ cogitationem! Possunt de aliorum adversa fortuna dolore percelli, qui de eorum bonis nullâ commoventur lætitiâ, exsurgit igitur tertium, idque secundò præstantius officium, *gratis* *agere* *DEO* *pro* *aliorum* *Christianorum* *donis.* Unum corporis humani membrum ubi gloria ornatum fuerit, ornantur omnia. I. Cor. 12. Videre licet promptos ad lætitiæ de rebus aliorum secundis societatem, tardiusculos autem eosdem, ad promovendas aliorum opportunitates, ergo hoc iterum officio altius provehimur, si adjuverimus religionis socios, elemosynâ, præclaro exemplo, doctrinâ. *quartum*

F

§. 26.

## §. 26-

*In officio  
erga se-  
metipsum  
primus  
gradus.*

Succincto tunc discursu, pro ratione instituti. Firmatur etiam socialitatis Christianæ assiduâ cogitatione gratia DEI in excitandis officiis erga semet ipsum. Enormia peccata canepejus, & angue vitare jubet, præclara isthæc socialitas. Paulus monet ab Esavi conscelerati exemplo, nullam aliam ob causam, quam quia non servili cœtui ad montem Sinaiticum perterrefacto, sed potius cœlestibus beatorum choris adscripti simus. O suavem, O dulcissimam cum Cœli incolis conjunctionem! quis eorum consortia suorum criminum portentis contaminaret? Elicit vero ejusdem dulcissimæ memoria civitatis, amorem *decori Christiani*.

*Secundus.*

Hæc doctrina, quod sciam, penitus hucusque neglecta est. (t) *Est autem decorum Christianum actionum pro indifferentibus habitatum genus, ad quas suscipiendas impellit Ecclesia, præsertim in Templis, vel ubi alibi mos & institutum.* Quocirca intuitu Christianæ socialitatis Ecclesiæ decorum imitatur, 1. Cor. 14. v. ult. publicos divini cultus ritus & ceremonias observantes. (u)

*Tertius.*

Quid de prudentia iustorum dicam, quæ vel ex sola Christianæ socialitatis cogitatione, & gratiâ, quæ inde pendet, formatur? Omnia Pauli licita erant, nec tamen cuncta expediebant, prudentiâ juris abdicationem tantisper suadente. Nunquid ea locum haberet, si ex orbe tolleres sanctorum conjunctionem? Minime vero! (x) Est igitur arduæ indaginis doctrina. Coniuncti & cum Angelis societate sumus, monente Paulo Ephes. 1. v. 10.

atque

atqui decori studium prudentiamque postulat veritas ista; Aliter enim Paulus mulieres capristegumentum gestare non jussisset, Angelos enim coram in cœtu sacro esse cognovit 1. Cor. 11. Aliter Bileami Pseudoprophetae stoliditas tam gravis non fuisset, nisi angelus una fuisset stultitiæ testis. (7) Inculta est, ut dixi, hæc de socialitate Christianorum doctrina, quam aliis exorandam relinquo.

(r) Distinguitur hoc Decorum à Philosophico, de quo plura Thomasius in Cautelis Jurisprud. p. 385. seqq. quod ita describit: Das decorum ist eine aus der Gefälligkeit entstandene Nachahmung / derer Menschen von unserem Stande / die vor die vornehmste und vortrefflichste gehalten werden / in dem Thun und Lassen / das denen allgemeinen Regeln / der Ehrbarkeit / der Wohlstandigkeit und der Gerechtigkeit nicht zuwider. Plures distinctiones vid. ibidem. observa tamen hoc decorum esse politicum, eoque ab altero decore philosophico, quod juris naturæ est, de quo supra §. 11. discernendum. Brevius ita meo more inflecti definitio potest. Decorum est actionum indifferentium genus, cujus præbet movivum, aliorum nostri ordinis, quos principes præstant, imitanda consuetudo. Corollaria definitionis vid. apud Thomasius cit. loc.

(u) Certe quidem Fanatici publicas sacrarum solennitates solidiando parum decore faciunt, Philosophis antiquis æquandi, qui nullam decori rationem habuerunt.

(\*) Prudentiam hic stricto sensu intelligo, prout se ad alios extendit.

(y) Vid. in hanc rem 2. Petr. 2. v. 16.

§. 27.

Judicet nunc Lector Benev. num sterilis sit actionum, ex moventibus argumentis, confideratio?

ratio? Certe quidquid hæcenus de naturæ gratiæve intervallo disputavi, definitionibus suffultum est, quas illa idea pariebat. Alii secundum objecta actiones distribuere solent, num æque felici successu, videant ipsi. *Quicquid ego de præsentis negotio disserui, eo consilio disserui, ut Philosophia, secundum recentiorum accessiones, in Theologia demonstraretur utilitas.* Nunc convertimur ad ipsam Tractationem.

*Finis Discursus Preliminaris.*

## C A P. I.

### *De usu Philosophia in Doctrina de DEO, secundum ac- cessionem Recentiorum.*

#### SECTIO I.

##### §. I.

*Diviso  
Tractatio-  
nis in hoc  
Cap. —*

**D**Abimus in quinque Sectiones distributa, quæcunque pro usu Philosophiæ secundum accessiones recentiorum, in doctrina de DEO, strictim persequi decrevimus. (a) *Prima* Sectio expendit ambas, quæ recens formatæ sunt, DEI definitiones. *Alter*a quid in existentia divinx argumento profici possit, explanatur. *Tertia*, quo fructu DEI unitas probata sit, & ab ordinaria philosophandi methodo, & à recentiori, justo examine comparabit. *Quarta* injiciet mentionem, quid in Doctrina de DEO infinito à Nuperis præstitum sit? *Quinta* denique notionis, quam

quam de *Sanctitate* DEI hodie formarunt, ostendet fecunditatem.

(a) Indicasse fontes usum sufficiat, corollariorum rivos aliis deducendos relinquimus.

## §. 2.

Institutum igitur, ut duo agamus, per *Sectiones* singulas deposcit. Primo ut abusuum exprobratorum suspicionem amoliamur, post ut ex *diviso nova instituta* adverso genuinum Philosophiæ commonstremus usum. Circa primum satis, ut opinor, perorata lis est. Quos enim, Viri docti abusus reprehenderunt hinc inde, ex recentiorum scriptis revera exesse, tot apologiæ comprobant. (b) Nihil enim fere est publice desideratum, cui non satis factum sit, & si major animorum utrinque certantium tranquillitas exstitisset, nullus dubito, futurum fuisse. ut horum dogmatum innocentiam protinus agnitâ, Fratres & religionis Socii, in mutuos amplexus ruiſſent. Sed humanum est contingere, quod contigit, vel Mortalitati potius præſenti consentaneum, per omnia retro Ecclesiæ Secula, in agitatis controversiis notabile.

(b) Recensionem plerorumque Scriptorum criticorum, quæ in utramque partem agitata sunt, passim, ubi occasio fuerit, suscepiemus. Hic not. quod contra alteram DEI definitionem monuerint, Viri summi, Langius & Buddæus, maxima ex parte à Bullſſingero Dilucid. p. 458. seqq. §. 423. discussa esse: Adde. Die Anmerkung über Herrn Budd. Bedenken / [2] nöthige Zugab. [3] klaren Beweis. Evolvenda suo loco.

## §. 3.

*Dubia cir-  
ca defini-  
tionem  
primam*

Ne tamen id falso pronuntiasse videamur, quoniam de altera DEI definitione statuendum est, nervose contrahemus, quæ circa eam ultro cirroque reciprocata sunt. Definitio DEI à Marpurgensi Philosopho concinnata (c) hæc erat: *DEUS est substantia, quæ universa possibilia unico actu distincte aut, si mavis, adequate representat.* Quid verba sibi velint ex Logica Viri nominati judicandum. Summus Jenensis Academiae Theologus (d) obvertit, *calculus ubi huic adjiciatur definitioni, secuturum, ut gradu duntaxat representandi Supremum illud Numen à rebus conditis differat*; quem adCUSATUS alter certiore reddidit, (e) *se cum Leibnitio monadibus, quas vocant, vim percipiendi non tribuisse*, quod verissimum est. Vid. Metaph. §. 598. Nec his diutius immorabimur. Sed quid de anima habendum? Num forsan ab ea gradu tantum DEUS differt, si pro substantia mundos universos representante habeatur? Nentiquam profecto! Inculcavit enim Definitionis Auctor (f) *alteram representationem infinitam esse, alteram finitam*, quis graduum duntaxat intervalla, inter res ita comparatas, agnoscat? Spiritus finitus cogitat, (g) DEUS cogitat, nec tamen propterea gradu differt uterque, sed nec Cartesium hujus erroris quisquam coarguit, quamvis ille Spiritus naturam in cogitando posuerit.

(c) In Ratione prælect. Wolffianarum. Sect. II. C. III. §. 53. 54. p. 159. 160.

(d) In Consilio quod de Philos. Wolff. datum est. §. 5.

(e) In annotat. ad consilium istud p. 40.

(f) Ibid. cit. loc.

(g) Hanc fuisse Cartesii sententiam pervulgatum est.

§. 4.

Ulterior  
dubiorum  
recensus.

Omittit celeberrimus Jenensis Doctor, responsionem adversarii sui, de discrimine inter representationem finitam infinitamque, eò scriptò, quò consilium suum primò defendit, (b) aliaque examinanda objicit: *Substantiam* inquit, sic Deum vocari, ab eo, qui Metaph. §. 114. *Substantiam omnium mutationum originem esse doceat*; DEUM vero mutationibus haud obnoxium, quis ignorat? occurrit accusationi isthuic in additamento ad annotationes Professor Marpurgens. (i) *Locutum se in Metaphys. de substantiis finitis, non de infinita, quam variationibus cunctis superiorem esse, exploratissimis ratiociniis demonstrerit.* Ea responsione haud contentus famigeratissimus Jenensis Polyhistor, in novo eodemque, ut vocat, (k) *modesto argumento*, quò consilium suum state inconcussum contendit, suam reprehensionem firmat: *Non tradidisse adversarium substantiae generalem definitionem, cum igitur DEUM vocitaret eo nomine, aut male hanc DEO adpellationem assignari, aut cum mutationibus affici.* At responderi potest, neutrum imminere periculum. Quid obstat enim, quo minus substantiae vox, licet ante de creatis rebus enuntiata, eoque non exposita generatim, alio sensu ad Numen significandum transferatur? talia sunt predicata, qualia permittuntur esse à subjectis.

(b) Vid. Die bescheidene Antwort auf die Anmerkungen Herrn Wolffens / 2c. p. 36. seqq.

(i) In der nöthigen Zugab zu den Anmerkungen. p. 102. seqq.

(k) Bescheidener Beweis / daß das Buddhisthe Bedenken noch fest stehe p. 3. 8. seqq.

## §. 5.

*Alia  
sterum  
dubia.*

Altera definitionis reprehensio gravior fuit. Non complecti eam ceteras DEI virtutes, nec enim sola mundorum omnium representatione divinum itud essentia pelagus absolvi. (l) non sufficere, quod in Commentatione luculenta caussetur adversarius, definitionem rerum discrimen exhibere, sed necessarium esse ut, res definitione collustranda, quoad fieri possit, omnium characterum indicio describatur. Quò cognitò indignabatur adversarius Marpurgensis, & istas definiendi methodos improbabat. (m) Displicuit etiam, sibi met affingi, perinde ac si statueret, satis definitionum legibus, ex parte (einiger massen) rerum discrimen posse exhiberi. Non diffiteor me heic facere cum iis, qui demonstrationem (n) condituri definitiones tradunt, nonnisi unum, sed primum eundemque fundamentalem rei characterem complexas. Nolo definitionibus intrudere rerum criteria quævis, ne catalogi potius, quàm Definitionis faciem, id quod formamus, referat.

(l) Vid Das Bedenken Herrn Buddai §. 5.

(m) Vid Die Anmerkungen Herrn Wolffens dazu/ p. 42. not. (n)

(n) Non improbo Facultatis ejusd. Theolog. in Academia antiqua MStum monitum, quo præcipuas rerum definirarum condiciones descriptioni inferendai putant, id enim fit in gratiam Tyronum. Nos autem loquimur de methodo demonstrativa, quâ usi sunt recentiores nonnulli,

## §. 6.

*Novæ de-  
pno dubia.*

Lis hæc Logica erat, quæ & in ultimis scriptorum Eristicorum paginis ulterius haudquāquam



quam agitata fuit. Illud autem dubium maximi momenti foret, si, quod vult laudatissimus Polyhistor, (o) definitio præsens aquam frigidam illis suffunderet, qui *divinam providentiam oppugnant*. Sensit rei momentum accusatus, quocirca hac quidem responsione usus est: (o) *Si vel maxime Epicurei definitionem adoptarent, nunquam tamen futurum esse, ut ejus ope sententia sua portentum, colore quodam tingere, vel & stabilire possent*. Instabat sequenti scripto definitionis Censor eruditissimus: *Præclare facturum fuisse adversarium, si ex definitione providam DEI circa res quaslibet curam, legitimo nexu eliciisset; at difficile id omnino fore, nullâ aliâ, nisi speculandi in DEO, per definitionem, facultate indicatâ; Providentiam DEI voluntate benigna contineri, nunquam vero tutum esse ratiocinium hoc: Representat DEUS mundos omnes, ergo præsentem curat, fovet, sustentat.* (q) Cui vero definitionis auctor respondit: (r) *Argumenti firmitatem jam reapse in Metaph. stabilitam, etiamsi nemo tam ineptus sit, quin videat, precipitem fore consequentiam, nisi alia accedant, hanc: DEUS representat omnes mundos uno actu, ergo curam gerit hujus mundi, plura quippe eò requiri, nec in Mathematica licere tyronibus tam esse præcipitibus, ex definitione trianguli omnium consensu probari, quod tres anguli simul sumti duobus rectis sint æquales; neque tamen consultum aut arti consentaneum, concludere hoc modo: Triangulum tribus lateribus est conspicuum, ergo tres anguli simul sumti sunt æquales duobus rectis &c.* Sed ne sic quidem satisfactum videbatur Theologo Jenensi doctissimo, quitet-

tiō scriptō (s) sequentia monuit: *Difficulter persuasum iri atheo, quod representandi (cogitandi) (intelligendi) vis cum voluntate conjuncta sit, nisi definitionem dogmate dubio. Metaph. §. 878. &c.* Quamvis & huic tertio scripto, aliud adversarius opposuerit, cognovi tamen, eum hæc omis-  
sisse aliis gravioribus responsione discussis. Nos autem, mox de usu hujus definitionis, verba facturi, salvo prudentiorum calculo, in id sumus incubituri, ut commonstremus, cum representatione voluntatem esse conjunctam. Quod erudito Doctori forsitan si non probabitur, certe tamen haud improbabitur.

(o) Vid. Das Bedenken Herrn Buddai über die Wolffianische Philos. §. 5.

(p) Vid. Die Anmerkungen Herrn Wolffens. p. 43. not. (p)

(q) Vid. Bescheidene Antwort auf Herrn Wolffens Anmerkung. p. 39. 40.

(r) Vid. Nothige Zugaben. p. 108.

(s) Vid. Bescheidenen Beweis / daß Herrn Buddai Bedenken noch fest stehe.

### §. 7.

*Conti-  
nuatur  
dubia.*

Urgebat & alia hanc definitionem dubitatio. Secundō enim scriptō desideratus est ordo. *Independentiam DEI* (sic enim vocatur) prius animo per definitionem ingerendam, quam representationem *mundorum omnium*. (t) Non defuit sibi & in hoc negotio adversarius, hac usus responsione: (u) *Independentiam* posse quidem pramitti, id quod ipse quidem in *Metaphys. §. 938. comparat. cum §. 1083. scilicet* *interim necessarium non esse,*

ut ex sola independentia probetur perfectissima representandi vis, cum nec Cartesiani Independentiam DEI primam virtutem locaverint, in sua de rebus divinis methodo. Improbatur autem & hæc ratio celeberr. Jenensium Doctori. Quocirca tertio scripto cristicò ita differit: (x) Independentiam esse rationem (der Grund) perfectissimæ representationis, hinc ab illa initium ratiocinandi capiendum. Nec huic eluenda culpa, quod alius in Metaphysica ordo cooptatus sit, inservire. Silentio hoc prætermisit in dem klahren Beweis Philosophus Marpurgensis. Interim non difficile est, huic mederi morbo. Suorum ratiociniorum catenæ aliam inseruit definitionem, definitionis auctor præsentis: DEUM esse substantiam à mundo distinctam, quæ rationem hujus in se contineat: quæ verba, nisi me fallunt cuncta, ab illa, quam desiderant, independentia, prorsus non abludunt. Præterea, velim haud gravate advertant, doctissimi definitionis Censores: fundamentum demonstrationis suppeditare hanc definitionem, at in suo genere. Si quæstio formetur summatim, quid sit id, quod vocamus DEUM? non male ad independentiam recurrimus, quâ docemur generatim, esse DEUM talem, qui ex se habeat omnia. At ubi speciatiim sciscitamur, quid igitur habeat, judico fundamenti loco substernendam esse definitionem, de qua disceptatur; eâ enim condocemur quid Supremum Numen possideat. Imprimis, sapientiam, scientiam, & quæ inde intelliguntur, bonitatem, sanctitatem, aliaque generis ejusdem. (y)

(c) Vid

- (1) Vid. Bescheidene Antwort auf die Wolffsche Anmerkungen. p. 38.  
 (2) Vid. Nöthige Zugab. Herrn Wolffens zu denselben. p. 107.  
 (3) Vid. Bescheidenen Beweis / daß das Bedenken noch fest stehe p. 65.  
 (4) Coniunctio videtur utramque notionem Buddæus Theol. Dogmat. p. 278. ubi DEUM caractere Spiritus independentis ornat. Namque Spiritus idea representationem, seu vim intelligendi, animo offert. Vid. Bult. dilut. p. 457.

## §. 8.

Dubia circa  
 alteram  
 definitionem.

Hæc disceptata fuerunt de Numinis definitione, quam dixi, in partem utramque. Sequitur nunc, ut de altera dispiciamus breviter, neque enim eam tot impugnata telis cognovimus ac priorem. Dixi vero eam his propemodum verbis comprehendi. *DEUS est substantia in se continens rationem universi.* Petre reverendus Hal. Doctor Langius improbat definitionem discursu sequenti, cuius verba paulo prolixiora dabo: (2) *DEUS, inquit, dicitur substantia, in qua continetur ratio existentia universi. Sed non valet definitio.* Nam sic etiam anima hominis in hoc systemate describi potest; cum rationem existentia sua habere in aliquo, in hoc systemate nec sit nec esse possit, esse ab aliquo productum, & quidem per creationem ex nihilo; sed tantum versari in ejusmodi relatione ad aliquid, ut posito illo ponatur & ipsum. Unde si hic inquiras in illam existentia rationem, quam mundus in DEO habere dicitur, aliam non deprehendis quam hanc, quod *DEUS sit substantia, mundi representativa, & quod*  
 hinc

hinc posita divina mundi representatione, ponatur ipse mundus. Aliud enim est ratio existentia quod aliquid existat, aliud causa existentia, scil. effectrix, unde existat. Atque ita hac definitio recidit in priorem. Et eo etiam minus valere potest, quod quemadmodum in hoc systemate anima tribuitur natura Universi representativa, etsi universum ne quidem adesset, uti vult Idealismus, sic etiam dici possit ac debeat, DEUM habere essentiam universi representativam, seu specularem, etsi hujus divini speculi objectum, seu mundus, ne quidem existeret.

(x) Legi hæc verba possunt in Nova anatome seu idea analytica systematis Metaphysici Wolff. p. 73.

§. 9.

Sunt Viri hujus optimi, adversus examinatam definitionem dubia, dudum, aliò quodam Scriptore (aa) stringente calamus, sublata. (bb) Antea vero, quam alienas responsiones allegem, mentem declaro meam. Non cadit, mea tenui sententiâ, definitio DEI, quod sit substantia, in quâ contineatur Universi ratio, in animam hominis, quoniam ratio, non NB. cur mundus existat, sed cur hõc nec aliò modò representetur? in anima contineri solet. Atqui Philosophus DEUM non vocavit substantiam, in qua comprehendatur ratio representationis universi, sed, in qua quæri debeat, ratio existentix ejusdem. Non video igitur, quî posthac objurgari possit ea definitio? Adde si placet, quod, si quis DEUM, Universi causam, definire institueret, à nemine unquam reprehenderetur; est enim ea notio Spiritus S. in sacro codice

Responsio.

dice

dice loquentis, Act. 17. v. 24. Jam verò definitionis auctor, causam jure adpellat, rem eam, *qua in se alterius rationem complectitur* (cc) Ergo hæc ad summum DEUM adplicando, palpabilem isthanc sententiam præstitit, quod Mundi causam neminem veneretur nisi DEUM. Quæ cum ita habeant, fateor, me cum viri summi verbis sequentibus, facere non posse: *Ut, inquit, in hoc systemate anima vis representandi tribuitur etiamsi mundus non existeret, sic DEUS etiam habere potest essentiam universi representativam, licet mundus non existat.* Absente enim universo corporeo, anima id representare, per hypothesin fieri nesciam, docendi duntaxat causa (dd) tantisper fingitur, revera id contingere, nemini horum Philosophiæ assueclarum in mentem venit unquam.

(aa) M. Joh. Gottfred. Walthero in den eleatischen Gräbern edit. prim. p. 48 §. 46.

(bb) Refutatus enim hic est à Bulfingero, Dilucid. p. 524. §. 440. quem non nominavit.

(cc) Metaph. §. 29. ubi distinguitur ratio à causâ, tanquam principium, ut quò, à principio, ut quod. Intricatissima hactenus fuit doctrina de causis, tum propter distinctionum multitudinem, tum ob Auctorum in dividendo varietatem, tum denique, ob secundarum definitionum, ex quibus, de causis dicenda, sua sponte potuissent fluere, inopiam. Perplacuit igitur, Autoris definitio, ut primum à me adspècta, examinataque fuit. Videbar enim mihi ex ea elicere posse, quæ Musæus, in cap. de causis, aliique paulo confusius & prolixius docebant. Nihil derogo Viris laudatissimis, potest enim & Nanus, Gigantis humero insistens, longius prospiciendo Bajulum superare ipsum. Certe, ni Veteres molem sciens

scientiarum, licet hinc inde indigestam, nobis reliquissent; potuissent Recentiores, deficiente materia, vires experiri nullas, Salvis igitur Patrum laudibus, dicam, quomodo lux affundi possit, doctrinae de causis, adhibita secundarum definitionum, licet paucarum, perspicuitate. Brevibus defungar negotio. Praestructa generali, Marpurgenfis Philosophi, definitione, quod *causa sit id, quod alterius ratio contineatur*, ivi per singulas causarum species, & haud sterilem inveni doctrinae adplicationem. Si ratio, *cur quid existat, in actione alterius quarendae, hoc adpellatur causa efficiens.* Vid. Thumig. Ontol. p. 63. Sed reliquas definitiones praetermiserunt recentiores, nunc supplendas. Si ratio *actiones ex cognitione appetituque agentis oriatur, habes causam impulsivam, eandemque internam.* Sin autem *huius adpetitus ratio, obiecto quodam comprehendatur, extra agentem sito, vocatur illud causa impulsiva externa.* Sic reliqua causarum genera persequi licebit. Nam quoties porro, ratio, *cur quid existat, aut non in actione aut non in intentione agentis ponitur, appellamus id agens, causam per accidens.* Quandoque autem ratio, *cur quid hoc, aut illo modo existat, contineatur necessariis characteribus, (determinationes alii vocant) qui in re qualibet primo concipiuntur, in causam formalem incidimus.* Contra id, quod characteribus istis afficitur, *causa materialis adpellari solet*, quo pluribus paucioribusve determinationibus indiget, donec effectus prodeat, eo *materia isthac propior, aut remotior vocatur.* Sic frumentum panis materia remota est, propterea quod plurium generum determinationes (vicissitudines) frumento subeundae sunt, donec existat panis. Denique, *si ratio cur efficiens agat, in bonitate rei cuiusdam versetur, finalem causam agnoscas, necesse est.* Sed non scribo Metaphysicam, solum duataxat Ariadnaum ostendo, cuius ductu, auctorum tricis, quae hanc doctrinam involverunt, memet exsolvi. Igitur ad rem! si DEUS substantia vocatur, quae contineat in se rationem, cur existat universum; profecto

fecto id de nullo causarum genere intelligi potest, quam quidem de Efficiente, id quod Methodus, ex Mundi adpectu DEUM investigandi, commonstrat. Sin instituatur examen, numquid mundus ab alio oriatur, nec ne? Quæso an id agitur, ut investigetur adpetitus, cujus nisu, creandi actio suscepta, i.e. causa impulsiva? ut inquiratur, quinam characteres primum sint in mundo concipiendi? i.e. quæ sit causa formalis? ut excutiat, cujus præstantiæ causâ existit mundus? i.e. quæ causa sit ejus finalis? haudquaquam eò consilium spectat; quin potius satisfactum est quæstioni tum, quum dixeris, *in actione* summi cujusdam entis, rationem, quare existat mundus, positam; atqui ea est creatio DEI, quæ Autoris mundi existimationem titulumque, verissime dictum, eidem conciliat. Ut omittam hac vice, definitionis laventorem, disertis verbis innuere, Metaph. §. 951. quod ratio mundi existentis de efficiendi eventu intelligenda sit. Ist der Grund / inquit, in Gott zu finden / warum diese Welt für andern ihre Wirklichkeit erreicht / ist auch eine Welt vollkommener als die andere; so kan dieser Grund in nichts anderem bestehen / als daß die grössere Vollkommenheit Gott bewogen hat / die eine für der andern hervor zu bringen. Vid. etiam Riebovii fernere Erläuterung p. 427.

(ad) Respondet ipse Philosoph. Marburg. ad hoc ratiocinium, in annotat. ad Metaph. p. 444. edit. prim. §. 286. Wann die Seele / inquit, alles ausser sich sehen würde / obgleich keine Welt vorhanden wäre: würde doch deswegen den Idealisten nicht einge-  
raumt / daß die Welt nicht wirklich vorhanden  
seye / etc.

## §. 10.

*De usu de-  
finitionum.*

Omissis reliquis, quæ ab adversa parte, definitionibus hisce duabus, fuerunt opposita; pleraque enim ad vivum usque, ut ita loquar, re-  
secta



secta sunt, (ee) convertimur ad indicandum usum, quò definitiones ambæ, sanctioribus doctrinis, cum successu adhiberi possunt. Inservit nimirum utraque confirmandis DEI reliquis virtutibus (adtributis,) nec ipsa etiam voluntate, de qua tanto dubitabant opere adversarii, exclusa. Ibimus in rem præsentem, specimine crassâ licet Minerva concepto; neque enim his ex instituto accuratius exponendis suppetit tempus. Posse ex definitione, quâ non comprehenditur, nisi intellectus mentio, voluntatis argumentum desumi negabant doctissimi Halenses & Jenenses Theologi. (ff) Videamus nunquid factu sit id impossibile?

(ee) Magister quispian Wuertembergæ Joh. Fr. Muller integrum librum consutandis Rev. Langii contra Wolffium scriptis impendit, vindicavitque eodem instituto definitiones præsentis, in quo, sicut pleraque verissime dicuntur, sic pauca absque affectuum actu, liber inscribitur. *Sicheres Mittel.* &c.

(ff) Besiehe die bescheidene Antwort auf Zn. Christ. Wolffens Anmerkungen zum Buddischen Besenden p. 39. Es soll ihm [Hrn. Wolff] wohl schwer werden eine demonstration zu machen / daß eine Göttliche Vorsehung sey / wann man sich von Gott keinen andern Concept machet / als das especulire / und sich alle Welten auf einmal vorstelle. Sed vid. Bulsing, Dilucid. §. 424.

§. 11.

Observarunt definitionis promachi *generalit.*, *Ostendit.*  
(gg) cum omnia in DEO sint *taut.* & idem, *sus commu-*  
communi Theologorum & Philosophorum *no intella-*  
sententiâ, omnia DEI adtributa posse ex omnibus *Etis divinis*  
intelligi, idque est multo verissimum. Sin v. g. *cum vo-*  
*luntate*

G

DEO,

*DEO distinctissimam possibilium omnium representationem i. e. immensam, nullo gradu limitatam adsignes, perfectionem staruis numeris absolutam omnibus, nullis cognoscendi cancellis, nullis finibus circumscriptam. Jam rogo te, dummodo principium sufficientis rationis universale concesseris, quæ ratio sit, cur hæc summa perfectio existat, numquid ab alio fuerit orta, an vero in se contineat existendi rationem? Profecto non dixeris, stabilitam isthanc perfectionem ab alio. Quod si enim ex alio fuisset nata, infinitum ab infinito penderet, quod est absurdum. Igitur infinita isthæc cognoscendi vis rationem existendi habet in semet ipsa. Jam temet obtestor, annon Theologi & Philosophi omnes ex notionem rei, quatenus existendi rationem in semet ipsa habet, omnes DEI virtutes derivent? si immensa illa scientia non est ab alio, quis ei limites posuit, ut in hoc tantum genere (cognoscendi) sit perfectissima, nec etiam in alio foro (in voluntate, in operatione) an ratio adest, quæso, cur in uno longe consummatissima sit, nec vero in altero? profecto non adest. Ergo, ne quid sine ratione existat, fatendum est illis omnibus, quotquot hanc immensam cognoscendi vim concedunt, esse eam cum voluntate, cum operatione &c. conjunctam. Quicquid hic regesseris, id omne pugnabit etiam contra Theologos Philosophosque, qui ex idea independentiæ quaslibet DEI virtutes commonstrant. Nunc quoniam vis ea cognoscendi non existere potest nisi à se, in simili casu, similis est pronuntianda sententia.*

Sic

Sic ego, quæ Bülfingerus, (bb) cæterique omnes sine argumento pronuntiarunt, ratiocinio, ni fallor, irrefragabili firmandum suscepi. Desinant ergo tandem tot suspicionibus onerare præsentem definitionem.

(gg) Verba Bülfingeri hæc sunt. Dilucid. p. 465. §. 425. *si recte rem reputes, certum est, ex omnibus Dei attributis deduci cætera omnia posse; hoc oportet fateamur illi omnes, qui in DEO fatentur omnia esse identificata, h. e. omnes Theologi & Philosophi, argumentum positionis nusquam adhibuit.*

(bb) Bülfingerus cit. loc.

§. 12.

Cum hæc adeo in promptu sint posita, ut disputatione propemodum egere non videantur, <sup>ostenditur</sup> cardo controversiæ omnis non in eo jamjam amplius vertitur, an ex infinita vi cognitionis voluntas probari queat? sed ex quanam Dei virtute facilius, commodius & planius cæteræ omnes intelligantur? i. e. quænam in supremo Numine, cæteris exponendis subternendæ? Si in genere respondendum fuerit, dico primam DEI notionem esse hanc, *ut non existeret per alium quemvis.* Tum enim demonstratur, ornatum esse DEUM virtute omni. Cum autem speciatim quæsieris, quibus igitur virtutibus resplendescentem DEUM cernere liceat? respondeo, primam cæterarum velut matricem esse incredibilem isthanc cognoscendi vim. Ne dicas voluntatem sic silentio prætermitti, jubeo enim te in memoriam redire eorum, quæ paulo ante docui, ne tamen cætera negligam, quæ dici possunt, alia via definitionem erroris labe exolvam. Exprobratum est,

stante ea non esse nos de providentia certos, non de creatione, inanem DEI speculationem solatio vacuam esse &c. (ii) Dicam igitur quomodo suos calculos recentiores subducant, quidve innuant potissimum? idque faciam eò ordine & modo, qui & novus videri possit, & ab aliis hujus Philosphiæ expertibus, intelligi, non inimemor tamen, cautionis quam hic adhibendam rentur, ne scil. quisquam credat, quod ex hac sola definitione, non adhibitis aliis veritatibus, virtutes DEI reliquæ, non exclusis operationibus, possint demonstrari. (kk)

(ii) Besiehe Herrn Langens bescheidene Entdeckung von der Wolffischen Philosph. p. 253. §. 7. seqq.

(kk) Est monitum Bullfingeri Dilucid. p. 464. hæ notiones, gubernationis & creationis, resolvuntur in notionem entis intelligentis, atque adeo ab illa pendent, sed non sola aut immediate.

### §. 13.

*Definitio-  
num no-  
tus cum  
DEI attri-  
butis &  
operationi-  
bus specia-  
lis.*

Exordiamur filum ratiocinii brevissime tamen, nec ad instar demonstrationis, sed crassiuscule pertexendum. Quicquid est necessarium, id rationem sui habet in se ipso, Metaph. W. §. 675. atqui nullus mundi status habet rationem sui in se ipso, ergo nullus est necessarius. Secundæ propositionis veritas ipsò usu comprobatur. Quodcunque momentum concipias, habet rationem in alio antecedaneo, si non haberet, existeret casû. *Casus enim est existentia sine ratione.* Omnes status mundi simul considerati, sunt mundus ipse; atqui eorum nullus est necessarius, ergo nec mundus. Si neges concludendi vim, dicen-  
dum

dum est, posse ex partibus, quæ non sunt necessariae, componi totum necessarium; sed id contingere nullo pacto potest. Ergo nec illud. Fingam tamen tantisper id fieri, ut ex statibus mundi, quorum nullus necessarius est, coeat Mundus necessarius, tum ratio necessitatis in partium collectione posita foret, quoniam partes per se mutabiles, hõc tantum, nec aliõ confluxu possent coalescere: fieretque id propterea, quod quædam partes necessariae manentes, obstarent, quo minus alia oriretur compositio, licet alia variabiles essent. Sed id à vero alienissimum est. Quamcunque mundi vel partem, vel statum cogites, semper variabilem invenies, sin igitur omnes sunt mutabiles, omnes sunt contingentes, cumque omnium complexus mundum exhibeat, mundus ipse est contingens. (11)

(11) Confer, quæ prolixius, & aliâ methodo in sententiam hanc philosophatur Bülffing. de orig. mali. p. 310. §. 369.

§. 14.

His, rudi penicillo delineatis, cognoscitur mundum esse contingentem, ac sui quidem, quod ipsa præsens notio indicat, rationem habere in alio. Metaph. IV. §. 575. Nunc quæritur quis ille sit? Aut & ipse ab alio nascitur, aut existit per, & propter se. Illud sin affirmaveris, eadem quæstio recurrit & sine fine quidem, neque enim respondendo quidquam profeceris. Eadem te quæstio præcurrit. Agnoscendus igitur est talis mundi auctor, qui per & propter se existat, idemque à Mundo diversus, cujus omnes partes alias

*Continuatio  
sive servit  
illius.*

ab alijs oriri, paulo ante docendo evicimus. Habes igitur definitionem DEI recentiore. *Deus est substantia à Mundo distincta, quæ rationem huius in se continet*, aut hæc ex adpectu mundi veritas colligitur, aut nulla.

## §. 15.

*Continua-  
tio.*

Quæ, cum ita sint, ratiocinando ultra pro-  
vehemur. Si mundus est à DEO, aut sui ra-  
tionem habet in ejus existentia, aut in quadam  
illius actione. Cave primum dicas. Quicquid  
enim à se est, illud intelligitur necessarium, &  
quicquid ab existentia necessarij pendet, cõ-  
dem censû habetur; ergo in contingenti Numi-  
nis actione ratio mundi quærenda. Mundum  
probavi contingentem, eoque & alios possibiles  
præter hunc. Actio, quâ ex plurium numero  
possibilium, alterum anteponitur alteri, electio  
vocatur. Cumque ab actione, ad potentiam  
agendi, consequentia valeat, perspicuum est,  
Mundi auctorem eligendi facultate præditum esse.  
Eam voluntatis nomine insigniri multo est tritis-  
simum. Habet igitur mundi Artifex voluntatem.  
Aut hanc cœcam dixeris, aut cum cognitione  
conjunctam: Improbaturum iri istud nullus dubito.  
Est igitur amplectendum posterius *voluntatem DEI  
cum cognoscendi vi copulatam esse*. Vult igitur  
DEUS & cognoscit hunc mundum. Sine ra-  
tione eum velle haudquaquam dixeris. Igitur  
ratio est petenda ex cognitione mundorum o-  
mnium, inter se collatorum, ut quisnam alteri  
præferendus sit, potuerit decerni. Omnium vero  
possibilium cognitio argumento est scientiæ im-  
men-

mentæ, cadit igitur in DEUM distinctissima mundorum omnium representatio, i. e. omnis-  
scientia, quia rationem mundi in se continet.

§. 16.

At enim, sic prius voluntas in DEO demon-  
stranda erat, quam quidem vis cognoscendi. Sed <sup>Occurrit dubium</sup>  
salva res est. Annon rationem voluntatis peti-  
mus ex intellectu? nihil enim quisquam vult,  
nisi cognitum prius. Est igitur in methodo  
analytica, quæ argumentandi initium ab experi-  
entia sumit, ut hucusque fecitavimus, incipi-  
endô ab obviis sensui in mundo mutationibus,  
est, inquam, voluntatis cognitio prior, quo-  
tiam à *principiatis* pergimus ad *principia*, at ubi  
methodum syntheticam secuti descendimus à  
*principiis* (definitionibus) ad *principiata*, intello-  
ctus ideam priorem esse, luce meridiana clarius  
est. Quis enim nescit definitiones & propositi-  
ones (identicas sic enim vocant) principiorum loco  
haberi.

§. 17.

Series igitur demonstrationis exsurgit à de-  
finitione intellectus, quippe qui rationes volun-  
tatis in se complectitur. Quis igitur dicat, eum  
ab hac ita separari, ut non adscribatur DEO nisi  
speculandi facultas, quis jure hanc methodum  
objurgaverit? Minuant igitur Censores laudatissi-  
mi, quod in hanc definitionem conceperunt,  
odium. Intelligantque quam illa rebus expli-  
candis præsentibus adcommodata sit. Etiam si  
enim probandæ DEI existentia non interserviat,

*Novum  
argumen-  
tum, quod  
Dei intel-  
lectus vo-  
luntatem  
inducit.*

quod nec necessum est, facit tamen ad demonstrandas ordine affectiones DEI omnes, in consilium auxiliumque vocatis, cum quibus connectenda est, cæteris veritatibus. *Ubi sunt motiva adpetendi, eademque cognita, ibi, quum graviora argumenta non obsisterint, non potest non sequi adpetitus*: esse vero in immensa, quam indicat definitio, cognoscendi vi, motiva adpetendi omnia, queis graviora obsistere non possunt, *quia omnia sunt*, paulo ante ivimus demonstratum, §. 15. Non est igitur cur quisquam dubitet, cum ea semper voluntatem conjunctam esse, nec non ex ea posse probari. (mm)

(mm) Habes hic argumentum verborum, quibus Bülfing. utitur Dilucid. p. 463. 564. *Vim infinitam intelligendi posse consistere in ente voluntate destituto, ergo non admitto, supersedebatur enim probando.*

## §. 18.

*An ex definitione providentia Dei probatur?*

Ita voluntatem, quod quæstionis caput erat, ex definitione utraque probavimus. Sed quid de provida DEI circa universum curâ, habendum? forsan ex definitionibus saltem hæc evinci nequit? absit longissime! primo quidem *creatio*, quid aliud est, quam *actio DEI*, quâ ratio continetur *existentis universi*? atqui divina actione rationem Universi comprehensam §. 15. ostendi, ergo & creationem divinam eodem demonstravi negotio. Si DEUS res creat, conservat quoque. (nn) *quid ita?* inquis. Ratio est in promptu. Ubi primum res ex nihilo emicuit, rationem existentie accepit ab alio. Sic enim modo obtinui arguendô. Numquid verò, secundo creationis, tertio, quar-



to &c. momento incipit esse à se, num, quoniam rationem existendi, prima vice, ab alio sortita est, secundâ, tertiâ, &c. non amplius ab alio habet? quis hoc dicat? desineret enim res esse quod est, dependens, quod absurdum. Ergo per omnia durandi momenta; tam ab actione alius pender; quàm in primo. Cumque ab actione alterius existentiam accepisse creationem significet; non solum res conservatur sed continuata etiam creatione subinde denuo efficitur. Quæ ipsissima Theologorum omnium, Ecclesiæ protestantis, nec non Philosophorum sententia est. Quid de concursu, quem vocant, loquar? quò DEUS rerum creaturarum actiones nutu potentissimo velut animat? est in rebus creatis agendi vis, est & virium illarum ad certa, quæ obversantur, directio. Vires *positivas* vocamus, directionem, qua hac tendunt nec illac, limites vocare lueverunt. *Actio enim rerum creaturarum terminatur ex objecto.* Qui immensa operandi vi pollet T. O. M. DEUS, ejus actio omnibus efficiendis (oo) idque uno nutu idonea est. Directio est virium limes, præstat enim ut huc extendantur, nec aliorsum, ut hac nec ultra. Nunc quæritur an vis illa agendi *ab alio sit*? est utique; idem ille qui te existentem exhibuit, præstitit quoque operantem, i. e. ille concurrit ad conservandam tuam agendi vim! Directionem non addit, nisi primò momentò, eamque in bonum spectare jubet. In secundo momento, vim conservat, directio autem pender ex statu priore, & sic porro; nisi forte necessarium fuerit, quod fit in regno gratiæ, ut novâ operatione dirigenda

vis sit ad virtutem Christianam. Est ergo DEI ad actiones concursus, si rationem quidem continet, quare universum existat. (pp) *En secunditatem definitionis controversa!*

(nn) Quantum religionis momentum in Providentia situm sit, Bayle declarat Dictionaire edit. tert. p. 1807. quod mirum videri potest.

(oo) Potentia DEI ad omnia diffunditur, neque ad certa dirigitur, cæteris exclusis. Directio igitur non est actio, sed actionis limes, quia à DEO exulat. Conferat. Bülfing. de Harmon. præstab. p. 55. §. 55.

(pp) Absum à Durandi sententia, qui DEUM creatis nonnisi facultatem concessisse docet, neque putat concurrere ad actiones in individuo. Primo enim multum interest inter agendi vim, & potentiam; post observandum, DEUM actionibus quoque in individuo non deesse. Licet enim non concurrat ad actionis directionem i. e. litem, confert tamen operationem suam ad vim, quæ aliquid in rerum natura ponit, non, uti limes, negat. Atqui in qualibet actione singulari, vis exercitur, ergo & ad quamlibet singularem DEUS accedit, vim sustentando.

### §. 19.

*Num ex  
altera  
etiam de-  
finitione  
probat  
provi-  
dentia.*

Quod de una definitione ostendi, ostendam quoque de altera. Nec illa sterilis est. *DEUS* adpellatur substantia distinctissime pernoſcens possibilia quævis. Atqui, §. 15. probavi, eundem illum, qui universi rationem in se contineat, polere etiam vi intelligendi immensa, (ad omne possibile cognoscendum) ergo qui omnes mundos distinctissime repræsentat, est auctor mundi (rationem hujus complectitur) qui auctor mundi, is creator, qui creator, is conservat existentiam rerum, qui conservat existentiam rerum, actio-

actiones quoque earum sustentat. *Hæc omnia paulo ante connexa esse ostendi: Cur igitur negaremus, posse ex vi repræsentandi mundos omnes, cæteras DEI virtutes intelligi? At enim non eliciui eas ex sola definitione, nec absque alterius veritatis subsidio, non sum argumentatus: Deus omnes mundos distinctissime repræsentat, ergo Stator potens, voluntate præditus, rerum conditorum Arbitrator, virium agendi distributor est: Sit ita sane! non ita arguebam, sed nec volebam, nec (qq) debebam id facere, nulla ergo inde culpa mihi imputari potest. (rr)*

(qq) Monitum consulto secutus Bülsingeri Dilucid. p. 464. suadentis, ne ex repræsentatione mundorum omnium sola aut immediate DEI regimen inferatur.

(rr) Ex idea substantiæ, quæ rationem mundi contineat, probavi DEI creationem, conservationem, concursum, §. 18. Cum igitur idem Deus repræsentet omnes mundos, §. 17. interventu illius definitionis possunt ex hac erui, quæcunque adversarii negabant.

# §. 20.

Puto ita satisfactum esse desideriis eruditissimorum dissentientium, qui, cum nemo ex recentioris Philosophiæ Patronis, ob instituti rationem (ss) doceret, quomodo ex definitionibus indicatæ veritates consequerentur, eo tandem devenerunt, ut crederent, id fieri prorsus non posse. Atqui fieri id potuit, aliter à me factum non esset, imo vero id factum etiam tum est, si fundamenta rei hinc inde jacta, in Bülsingeri aliorumque scriptis, spectes. At non debuerunt rem enuntiare hæc methodo, bis additamentis, quo-

*Epilogus  
Sect. 4.*

quoniam alio consilio, alia occasione scribebant, sunt ob eam causam excusandi, laudandi. Credo etiam, me vano promissorum adparatu lectorum non elusisse, Pollicebar doctrinam nexûs, quò præcipuæ DEI virtutes operationesque cum definitionibus reprehensis conjungerentur, steri vero promissis, omnia, sed breviter ex definitionum harum fontibus hauriens, quæ alii hauriri posse negabant. Si errare me dicas, necessitas tibi imposita est, ostendendi, me in illo nexu explicando sophismatibus, vel falsis doctrinis usum, i. e. me in *forma* vel *materia* ratiociniorum admisisse errorem. An id fieri possit dubito, stat igitur firma fixaque sententia, velut Marpesia cautes, definitionum, quas frequentissime dixi, *usum in Theologia esse longe maximum*, id autem scribendi consilio respondere, manifestum est.

- (33) Wolffius in der Zugab zu den Anmerkungen/ ita loquitur: daß man vermerkt ich hätte um Kuddens Beschuldigung zu heben/ von der deutlichen Vorstellung aller Welten auf einmahl/ die Theologiam naturalem (adtributa Vorsehung und Schöpfung) deduciren sollen / so darff man nur lesen / was ich in der Erinnerung wegen der Einwürffe §. 10. geschrieben/ daß dergleichen Leute/ die das Lebrgeld mit Schimpff-Worten abtragen wollen/ nicht werth seynd/ daß man sie unterrichtet &c. Nec clariss. Riebov. nec Excell. Bulffing. ex instituto voluntatis, operationis &c. nexum cum definitionibus ostenderunt, contenti dubiorum solutione, & generali rerum indicio. Vid. Riebovv. in der ferneren Erläuterung p. 221. seqq.

## SECTIO

## SECTIO II. CAPITIS I.

### De Exsistentia DEI.

#### §. I.

**E**Xsequuti sumus institutum de iis, quæ perti-  
nent ad Sectionem primam, promotum ad se-  
cundam gradum, dispiciemus, quid in probanda  
DEI exsistentia Philosophi, maxime recentiores,  
præstiterint? Primo quidem tantum absuit, ut  
eximiam in hoc negotio operam hos navasse non-  
nulli existimarent, ut potius ab ipsius Atheismi  
labe non exsolvendos contenderent. Exprobra-  
torum igitur Atheismi criminum prius faciemus  
mentionem, quam ad ostendendam Recentiorum  
doctrinæ progrediamur utilitatem. Cogamus in  
arctum, quæ Viri Præstantissimi ultro citroque  
agitârunt. Displicet excellentissimo Jenensi Theo-  
logo, quod solidissima. qua vocat, pro exsistentia  
DEI argumenta damnaverit adversarius. (a) Cui  
Philosophus occurrit, biatn laborare concludendi  
nexum, nec rationi consentaneum, ut qui unum ar-  
gumentum ceteris anteponit, Atheismo latam reclu-  
dat portam. (b) Addit se ceteris missis non plane  
contemptis, propterea in unum duntaxat ratiocinium  
propendere, quod istud extra telorum ab Atheis vi-  
bratorum jactum esse sibi videatur; quin monet se  
in commentatione luculenta §. 34. p. 5. seqq. do-  
cuisse, quomodo & cetera argumenta, si mens non  
leva sit, ad ingentem demonstrandi vim revocari  
queant, iniquam igitur Atheismi exprobrati crimi-  
natio-

*Transitu*

*Dubia*

*contra*

*argum. de*

*Contin-*

*gentia*

*nationem esse. Cum eodem loco summus Jenensium Theologus urgeret, etiamsi Adversarius quendam ratiocinii pro existentia DEI usum in Monito ad Comment. §. 2. non denegat, tamen id magni faciendum non esse, quoniam vel probandi robore, quod Adversarius in argumentis desideret, polleat, vel eodem careat: sin hoc, frustra fuisse argumentis illis tot opposita dubia, sin illud adfirmaverit, usum revera cetera carere cuncta: explicuit mentem Philosophus, habere ista argumenta usum in suo genere, ad probanda DEI attributa, in existentia DEI commonstranda parere duntaxat certitudinem (sic enim vocavit) moralem.*

*Responsio.*

- (a) Besiehe das Bedenkende des Herrn Buddi über die Wolffianische Philosophie §. 1.
- (b) Besiehe die Anmerkungen Herrn Wolffens p. 12. -- 18.

### §. 2.

*Iterata  
dubia.*

Non deerat sibi, secundo, quo consilium tuebatur, scripto celeberrimi Theologus, qui iterata vice hæc tegellit. Falso causari (c) adversarium tot in argumentis pro existentia DEI cæteris difficultates; Nam etiamsi ratiocinia quavis, ab ordine, & structura universi desumpta nui rerum ordinatarum contingentia soleant; tamen inde disputationem contra Atheum susceptam non fore justo prolixiorum; cum & in adversarii de contingentia argumento non minus probandum sit, quod res contingentes sint, quàm in ratiociniis ab ordine & structura mundi depromtis, qua utique rerum contingentia superstruantur: subjesu Vir longe doctissimus, quoties de mundi ordine à probaturis DEI existi-

exsistentiam instituat sermo, intelligi ordinem Physicum, qui, cum contingens & exquisitissima sapientia stabilitus sit, autorem omnino arguat, fir-  
mumque præstet ratiocinium: *Ubi ordo, ibi ordi-  
nans.* Non igitur ratiocinium nisi præmissa falsa,  
quod adversarius caussetur, in rat. prælect. p. 155.  
§. 42. Subjunxit dein Vir summus quædam  
de discrimine inter demonstrationem Mathematicam  
& Philosophicam, quam adversarius confuderit,  
quæ egomet non intellecta recensere nolo.

(c) Vid. Buddzi bescheidene Antwort auf Wolffens  
Anmerkungen p. 11. 12. 13. 14. 15.

### §. 3.

Quæ fuerit ad hæc Marpurgensis Philosophi *Responsio.*  
duplicata responsio jamjam videbimus: mirari se,  
cur difficultates, præter necessitatem, argumentis op-  
posita fuisse dicantur, cum easdem difficultates &  
ipse Tenensis Theologus aliò librò ratiocinii pro ex-  
sistentia DEI obverterit, atque e. g. ultro fuerit pro-  
fessus Philos. Theoret. P. VI. c. 3. §. 4. p. 359.,  
quod in disputationibus contra Atheos argumento  
ex notitia insita, deprompto non sit utendum: Con-  
cedi quod cæterorum ratiociniorum vis in contingen-  
tia ponatur, eo ipso autem non dissimulari, recte  
à se factum, qui argumentis cæteris missis huius  
uni insisterit; imò, si fatente Theologo, cætera ar-  
gumenta non probent, nisi adhibitò contingentia, do-  
cumentò, cur Veteres quos defendat, ea methodo  
non sint usi? quem enim unquam in ratiocinii à  
finibus, ordine, structura Universi derivatis ad  
contingentiam provocasse? nec ipsum Theologum in  
Philos. Theoret. part. 6. c. 3. §. 9. p. 361. 362.  
quam

quam nunc doceatur, contingentiam suis argumentis praestruxisse; imo nec in thesibus quidem Atheismi, ubi ex instanto Atheos impugnaverit: Cum igitur de contingentia hactenus non distincte, cogitatum sit, laudes non vituperia sibi debere, quod argumenta emendaverit. Hucusque generatim axiomatis locò, dubio omni majoris, fuisse adoptatum illud: ubi ordo ibi ordinans, à se autem, quod ex mathematicis instantia dari possit, cautionem adhibitam, ostensumque fuisse, ubi ad Minorem propositionem descenderis. Atqui in mundo praesenti est ordo: confugiendum ad contingentia argumentum, in quod tandem vis omnis probandi erumpat; Addit, quod gravissimum mihi visum fuit, Theologum Jenensem quidem, argumentis ab ordine & structura universi petitis, medicinam adhibiturum, se monente, fuisse, praestructa, illis succiendis contingentia ordinis in universo; at non docere hoc modo suis doctrinis consentanea, quippe qui *Philos. instrument. P. IV. C. 3 §. 9. p. 283. natura ordinem necessarium pronuntiaverit, affirmando, quod, quicquid natura ordine fiat, necessario fiat &c. &c. (d).*

(d) Legi haec omnia possunt in der nöthigen Zugab zu den Anmerkungen über Herrn. Buddai Bedenken p. 74. sequentibusque.

#### §. 4.

*Lià continuata ex parte una.*

Nondum hoc locò contentio ista substitit, ulterius, tertiò scriptò eristicò, dubia sua urgente Theologo Jenensi, (e) Uti in *Adversariis ratiocinio, propositio minor, quod scil. mundus contingens*



tingens sit, veniat probanda; sic in argumento ab ordine rerum petito, à minore propositione, ordinis obvii contingentiam commonstrandam, quò pacto non destituantur usu, ratiocinia ab Adversario improbat. Repetit deinde Vir summus, quæ de ordine scripto dixerat secundo: nimirum eos qui argumento ab ordine universi desumpto utantur, non intelligere nisi ordinem rerum naturalium, ex hoc, utpote contingenti, legitimam necesse posse ad præsentiam Auctoris consequentiam. Tertiâ tandem vice calumum strinxit Philosophus Marpurg. longeque alia disputandi methodo usus, aliam controversiæ faciem formavit. Nimirum Theologi Jenensis accusatione, quam in consilio suscepit, repetita, rationes Viri præstantis subiecit, quibus ista niteretur, eò consiliò, ut rationum infirmitatem, suorumque dogmatum palpandam præberet veritatem. Subiunxit etiam subinde quæstiones, ad quas ex instituto voluit, ut sibi respondeatur.

(c) Vid. den bescheidenen Erweis daß das Buddaische Bedenken noch fest stehe. p. 35. 36.

### §. 5.

Quærit enim, cum insolens argumentorum pro exsistentia DEI contemtor adpellatus fuerit. *Ex altera.*

(f) An isthac criminatio exinde possit probari, quod ex Universi ordine noluerit ducere argumentum, donec prius contingentia ordinis demonstrata sit, (g) an ex eo firmari queat, quod noluerit ex finibus rerum ad exsistentiam DEI arguere, ne commutetur petitio principii, allegando fines pro ratione, quibus conclusio supponitur? (h) Annon ex rat. prælecl. §. 36. p. 153. pateat, consilium Philosophi suis-

H

se,

se, non destruere ratiocinia, sed invicto robore firmare, & ex omnibus eligere argumentum efficacissimum, ad firmandam victoriam certioris contra Atheos spem? cur igitur contemtor vocetur, cur tot criminationibus exponatur? Fateor hæc talia me movisse. Theologi Jenenses Halensesque suspitione Atheismi onerabant Philosophum Marpurgensem, allegatâ ratione, quia missis omnibus argumentis, in uno, (de contingentia) collocet fiduciam. Cum ad certamen de neglectis à Philosopho argumentis perventum, falsi sunt ipsi, contingentiam ceteris argumentis praestruendam, perperam tamen egisse Philosophum, qui cetera repudiârunt, quæ quippe, adhibitâ in subsidium contingentiam, non, ut Adversarius opinetur, sint omni destituta usu. Quamvis igitur cogitaverim, lectâ Theologorum exprobratione, verum esse, quod de usu ceterorum argumentorum hoc sensu dicant, deferendam contra Philosophi ratiocinio palmam, nam cetera probare propter hoc, non vicissim; propter quod unumquodque tale sit, illud esse magis tale: Tamen, cum in lucem emissio tertio Philosophi scripto, curatius animum adverterem, non id agi, an utcumque, ex Philosophi præceptis, ceteris argumentis quispiam usus adjudicari queat; sed an is, qui annotavit, vim probandi omnem, in ratiocinium de contingentia erumpere, Atheismi propter eam causam reus sit, dignusque qui exilio plectatur; obstupui, nec potui, quin innocentiam agnoscerem longe maximam.

(f) Vid. Klahren Beweis / daß Herr Buddäus die ihm gemachte Einwurff einräumen müsse &c. p. 54. 55. seqq. Sub initium consilii. §. 1. heist es: Wolff verwerffe die argumenta insolenter Weiß.

(g) Vid.

(g) Vid. Tract. idem cit. loc.

(h) Rogo submisſe Eruditos, ut animum adplicent, an non in hoc arguendi genere circulus inſit vicioſus? *Ubi ſunt rerum fines, ibi eſt, qui propter fines agit, efficit. Atqui rerum in Univerſo omnium ſunt fines, ergo eſt qui agit propter eos, efficitque. Finis eſt id, cujus gratia intelligens agit. Hæc eſt genuina finis definitio. Subſtituamus jam in locum definiti definitionem ipſam, Minor propoſitioni inferendam, argumentum ejusmodi emerget, cujus Minor maniſeſtiſſime principium petit. Ubi ſunt rerum fines, ibi eſt, qui propter fines agit, efficit: atqui rerum in univerſo omnium ſunt certi reſpectus, quorum gratia intelligens agit, (ecce finis definit) ergo eſt, qui agit propter eos reſpectus, efficitque. Quis non agnoſcat formæ vitium? Minor enim propoſitio complectitur definitionem finis, quâ ſurrogatâ, in lucem prodiit fallaciâ. Ergo non poteſt ad uſus rerum provocari, niſi prius, Deum eſſe, probatum iveris. An recte colligo? quia ſunt rerum fines, ergo exſiſtit rerum auctor. perinde ac ſi dixerim: Quia propter res univerſi efficiens cauſa agit, ergo eſt cauſa efficiens. Num antecedens Athei concederit?*

### §. 6.

Non diſſimulo, aliud etiam argumenti, de contingentia, Patrono dubium, præter ea, quæ paulo ante dixi, obverſum eſſe, quod maxime hanc attinet cauſam. (i). Fruſtra nimirum, dicebant, in argumento de contingentia victoriam quaeri ab eo, qui nexum Univerſi eventibus tribuat ſtoico fato non abſimilem, quique (k) ipſas cauſas liberas Mechanismo ſubjiciat, quod ex Metaphyſica §. 762: intelligatur; quamvis enim Philoſophus in commentat. & monito ad commentat. (l) diſcrimen conſtituere voluerit inter neceſſitatem abſolutam, & hypotheticam, quarum hæc, non illam eventibus ſemet

Alia  
dubia.

adscriptisse dicat; Tamen & hypotheticâ, quam vocant, necessitate in natura cursu concessa, fatum stabiliri libertati inimicum: Non suffecerunt responsionem, quâ forte Adversarius ad contingentiam in ortu mundi sit provocaturus; namque contingentiam ortus mundi, non posse cognosci, nisi ex rerum operationibus; ubi vero operationes mundi, ad instar motuum horologii, serie haudquaquam turbata, eveniant, nunquam nos in notitiam perventuros, ceperintne operationes contingentis ratione, nec ne? Admissa ea opinione, Atheum reclamaturum: Si Deus esset, non condidisset Mundum liberis hominibus vacuum: Imo, qui DEO necessitatem imponat condendi optimum, illum parum abesse, quin DEO Libertatem abjudicet. Conjungenda cum his reliqua, quæ Adversario suspicionem creent, qui v. g. Moral. §. 368. p. 321. scribat: non esse ferendum ut Ecclesia Doctores, Viros iudicii gloriâ florentes in suspicionem Atheismi adducant &c.

(i) Besiehe die bescheidene Antwort Herrn Buddai auf die Anmerkung Herrn Wolffens p. 19.

(k) Besiehe wiederum eben dieselbe. p. 27.

(l) Vid. eundem Traæt. p. 28. Dedi operam solícite, ut prolixiorum discursum in compendium mitterem, non omisso ullo ratiocinii robore.

### §. 7.

*Responsio.* Sed quid ad hæc Marpurgensis Philosophus? Parata erat responsio, nec argumenti antecedens, nec ejus consequentiam legitimam pronuntiabat. (m) Non illud, nunquam enim se eventus mundi necessarios docuisse, quin potius. probasse semet contrarium Metaph. §. 577. Simile ab Horologio petiit (n) non

non indicare doctrinam necessitatis, horologii enim structuram contingentem esse, etiamsi motus continuus sequentes ordinem, non amplius iidem futuri essent, si qua per externam manum in iis mutarentur; mensam, v. g. licet resectis angulis, desinas esse quadrata, rotundamque figuram induat, non tamen propterea necessariam fieri; ita explicandum Metaphysices paragr. 565. qui Adversarios male habeat: quam illam, aut qualem consequentiam esse: Sunt mundi eventus singuli, per antecedentes determinati, i. e. certi facti, ergo non existit mundus ratione contingentis; dat instantiam ab horologio: Conqueritur porro, falso jemet accusari, quod causas liberas mechanismo subjiciat, & si vel maxime subjecisset, eum errorem non obstiturum fuisse contingentiae Mundi: non posse enim ex libertate hominis nec DEI existentiam nec contingentiam rerum probari. Addit Vir acutus, se in annotat. ad Metaph. §. 205. Contingentiam unversis distinctius probasse quam ante se quemquam; Dicit porro electionem mundi optimi cum libertate consistere, nec Deum ad id faciendum cogi, sed suā ipsius sapientia suadente in optimum ferri, (quod & à sapientissimis fieri solet hominibus, ut non ineptiant, haud furentur &c. licet omissio necessaria non sit) in probanda DEI existentia maxime spectandum esse, an mundus in se potuerit esse alius atque alius, non opus esse, ut investigate, necessariōe à DEO creari debuerit nec ne? posse morali necessitate Artificem opus in se contingens struere: Denique fatetur noster, se nunquam patrōcinatum Atheismo; licet enim inanes, quibus Viri praestantes affliguntur, Atheismi suspiciones

*improbet, tamen se sententiam isthanc corroborasse  
cit. loc. quâ Athei in re publica non ferendi dicantur.*

(m) Besiehe Herrn Wolffens Zugab zu den Unmer-  
kungen p. 84.

(n) Besiehe eben dieselbe. p. 86.

§. 8.

*Continua-  
tio  
dubiorum.*

Credens hic futurum fuisse, ut lites seda-  
rentur, sed ultra sunt protractæ. Tertio scrip-  
tistico Theologus Jenensis adversarium ita ex-  
cepit, ut negaret distinctionem, inter necessita-  
tem hypotheticam absolutamque, liberando au-  
ctori sufficere, secundum ejus enim doctrinas  
nexum eventuum actionibus creaturarum fatum  
imponere; instantiam ab Horologio petitam,  
quâ à catenatis & h. m. necessariis eventibus con-  
tingentia ortus non excludi probetur, prævisam  
& occupatam fuisse, in der bescheidenen Antwort  
p. 28. 29. (o) Nihil autem eandem facere ad  
Rhombum; cognosci ex motibus horologii ne-  
cessariis ortum contingentem, eoque artificem;  
quia ipsa operis natura motus necessarios postu-  
laverit; at aliam esse mundi rationem: Cum ne-  
mo facile necessitatem eventuum ejus probare pos-  
sit, semper fore, ut Atheus ogganiat: minus  
consentaneum DEI, si quis esset, bonitati fu-  
turum, qui mundum creasset liberis hominibus  
vacuum, cum tamen nulla ad id necessitas ade-  
gerit.

(o) Vid. hæc in dem bescheidenen Beweis / daß das  
Buddaische Bedenken noch fest stehe/ p. 40. seqq.

§. 9.

*Continua-  
tio  
responsio.*

Cum ad hæc diluenda animum adplicaret  
Auctor recentioris Metaph. quærebat ex Theolog.

(p) Cnr

p) Cur non probet, quod hypothetica necessitas rebus imponat fatum, ex sua sententia, cur criminetur, libertatem hominis fato subjici, ostensum à se contrarium; Necessitatem absolutam contingentie addi posse, falso sibi met affingi, nec eo pertinere simile de horologio; Mundi optimi delectu, si vel maxime necessarius esset, uti non sit, necessitatem absolutam tamen non introduci &c. Pace virorum tantorum dixerim, quæ mihi sententia sedeat. Existimo, Dn. Buddæi verba §. 8. citata, ab adversario non eo sensu accepta esse, ac debebant. Mirabatur Theologus præstantissimus, (q) quod Philosophus Marp. affirmet, posse cum necessitate contingentiam mundi, & existentiam Numinis conciliari, displicebat simile ab horologio petitus, ut paragraphe antecedi. ostendi: Puto locutum esse celeberrimum Polyhistorum de necessitate hypothetica naturæ. Est, ni fallor, hæc ejus mens: Simile adversarii non esse ad lucem præsentem accommodatum; posse in horologii motu necessitatem regnare hypotheticam, eaque non obstante Artificem cognosci; quia motus illius necessarij libertatem respuant; at ex mundi necessitate licet hypothetica, difficulter Athenis de Conduore persuaderi, qui subinde sit regesturus, in mundo libertas, si Deus foret, locum habere posset, horologio non potuit libertatis donum addi. His lectis, existimavit Philosophus, sibi sententiam, de absoluta mundi necessitate affingi, eamque hîc impugnari. Minime vero! aliena igitur videntur, quæ respondere instituit. Interim facilis est ad verba Theologi Jenensis responsio alia: Naturæ

eventum Catenæ non interuntur homines liberi, possunt ea non obstante agere hoc, & agere illud: hodiernæ tempestatis amœnæ causas perpetuâ retròserie usque ad creationem licet extensas, mihi nonnisi occasionem excurrendi in campos præbere novi, non obstante enim sudo isthoc cœlo, potui excurrere, & non excurrere, facere hoc aut illud. Quanquam id certum sit naturæ nexus plurimos adpetitui nostro præviso adtemperatos esse. Ruit igitur suâ sponte Atheorum ineptum dubium, à Viro adlatum præstantissimo.

(p) Besiehe den klaren Beweis 1c. p. 70.

(q) Besiehe den bescheidenen Beweis Herrn Buddæi p. 40. tubinit. conferri possunt, qui plura alia in hoc argumento dubia expediverunt. Riebovv. in der ferneren Erläuterung cap. 5. p. 230. Bülsfinger diluc. p. 417, §. 385. Müller in dem sichern Mittel 1c. p. 75. Item Anonymi kurze Beantwortung der strittigen Fragen aus der Wolffianischen Philosoph. nach dem Sinn der Theol. protestant. in der Schutz-Schrift wider Idierpium p. 54. Commentatio Anonym. p. 76. de DEO anima & mundo. Ipsius Wolffii annotat. ad Consilium Halens. Theolog. Facultatis p. 3. seqq. Commentat. Luculent. p. 3. seqq. Monit. ad Commentat. p. 7. seqq.

§. 10.

*De his  
Philosoph.  
recentioris  
in proban-  
da exis-  
tencia  
DEL.*

His ita enarratis, penes Lectorem, non penes me, iudicium est, num jure an injuriâ Atheismi nota recentioris Philosophiæ\* Patrono inusta sit? Id ego novi; non hodie demum, ita agi cœptum. (r) Cum de expugnando Atheismi detestando crimine complures & olim & nunc fuerint solliciti, (s) interest examinare quid hodieque à Viris præcellentibus eximii sit præstitum?

Non



Non dubito mea facere verba Crenii (1) *Pauca, inquietis, nec satis elaborata, Protestantium contra Gentiles, Atheos, Deistas, Judaeos, Semi-Judaeos exstant scripta, non quod summi nostri Viri rem non intelligant, aut tergiversentur, aut diffidant, aut difficultatem metuant; sed quod justum tempus his rebus impendere nequeant.* Facio, inquam, mea hæc verba, non ex omni ratione, sed ex parte. Non laboramus, opinor, talium librorum, in omni hoc genere, sed in quodam, penuriâ. Si convertamus in eos mentis aciem, qui adversus Atheos felici decertârunt pugna, subjicientur oculis complures Viri doctissimi. Nos, quid ex Leibnitii aliorumque inventis, hac doctrinæ parte sperari possit? paucis declarabimus.

- (1) Nota sunt Alberti Christ, Rothemii *Atheistica Thomasiana* è scriptis Thomasianis illustrata quidem, sed & confirmata, proposita mense Febuario 1698. Pertinet huc, quod ipse Thomasius conqueritur in *Fundament. Jur. Nat. & Gent.* edit. quart. p. 24. se propter sententiam *de consilio naturæ, non lege, per apertam calumniam violatum esse, in Collegiis privatis eorum, qui loqui ament: daß Himmel und Hölle daran hängen wann man nemlich die præcepta naturæ nur vor Consilia halt.* Scripsit Hubert de Versé *Impie convaincu*, in quo Cartesium accusavit, quod naturam constituat Deum. Johannes Regius emisit *Cartesium Spinozismi Architectum*, cui licet Andala *Cartesium Spinozismi everforem*, opposuerit, confutatus tamen est per *responsionem apologeticam.* Vid. *neue Zeitungen von gelehrten Sachen* 1720. pag. 18. Quæso, quis hodie tot Virorum eximiorum accusationibus movetur?

- (c) Historiam Atheismi breviter delineatam dedit Jenkin. Thomasius 1713. Præcipue nostris temporibus contra Atheos egit Jacquelot. in *dissert. de existentia Dei*, ubi veritas hac demonstratur per universalem historiam de prima Mundi antiquitate, per refutationem systematis Epicuri, Spinoza &c. Haga Comit. 1697. Vid. Acta eruditor. german. part. 17 p. 193. Addatur Johann. Ray, *existentia & sapientia Dei manifestata in operibus creation*, ex Anglica lingua in Gallicam translata. Ultrajecti 1714. Conferat; Monsieur Fermand de la Connoissance de Dieu. Item Fenelonii *demonstration de l'existence de Dieu, tirée de la connoissance de la Nature, & proportionnée à la foible intelligence de plus simples*. Prodiit liber auctior 1719. subjunctæ sunt reflexiones Patris Tournemini. Judicium de libro extat in *den neuen Zeitungen von gelehrten Sachen*. ad ann. 1710. Sed quid opus est hisce recensibus? universam Atheismi litterar. hist. tradidit Joh. Alb. Fabricius in *delectu argumentorum, & syllabo scriptorum*, qui veritatem religionis Christianæ adversus Atheos &c. lucubrationibus suis adseruerunt. Hamburg 1725. de Tolando, Collino consule Dn. Buddæi Thesi. de Atheism. §. 17. p. 194. innumera cætera non addam.
- (d) Verba sunt Th. Crenii in præfatione. Christoph. Helvici Elenchis Judaicis, præmissa, Lugdun. Batav. p. 4.

## §. II.

Ufus  
tripl. x.

Tribus, meo judicio, momentis emendatior est Leibnitii aliorumque de DEO philosophandi methodus, quam eorum, qui ordinaria viâ incedunt: primo namque explicatiores de contingentia argumento notiones præbuerunt; post principii, quo omnium rerum existentium ratio sufficiens exigitur, secunditatem immensam (u) detegentes, quantum istud adjumenti in

in probanda DEI exsistentia adferat, primi monuerunt. (x) Denique Cartesii argumentum, de quo supplendo complures spem abjecerant omnem, fulciri posse. ubi calculos recte subduxerimus, publice significabant.

(u) Confer Recueil de diverses pièces par Leibniz, Clark &c. T. I. p. 147. Ep. V. § 126. J'ose dire, que sans ce grand principe on ne sauroit venir à la preuve de l'existence de Dieu, ni rendre raison de plusieurs autres vérités importantes.

(x) Cartesii sentent. lege Meditat III. Princip. p. 18. ubi ita differt: *Cetera omnia ex quibus rerum corporearum idea constantur, nempe extensio, figura, situs, motus &c. in me quidem, cum nihil aliud sim quam res cogitans, formaliter non continentur; sed quia tantum sunt modi substantia, ego autem substantia, videntur in me contineri posse eminenter. Sola restat idea Dei, qui est immensus, independens, summe intelligens, qua omnia talia sunt, ut quo diligentius adtendo, tanto minus à me solo profecta esse videantur. Nam quamvis idea substantia in me esset, quia sum substantia, non tamen esset idea substantia infinita, cum sim finitus, nisi ab aliqua substantia, qua revera esse infinita, procederet. Anselmus eodem modo pro Dei exsistentia arguisse perhibetur, hinc Leibnizius in eo supplenda notavit, Recueil T. II. p. 152. Je ne meprise point l'argument inventé, par Anselme, qui prouve que l'Etre parfait doit exister; quoique je trouve qu'il manque quelque chose à cet argument, par ce qu'il suppose que l'Etre parfait est possible. Car si ce seul point se démontre encore, la démonstration toute entière sera entièrement achevée.*

### §. 12.

Initium igitur dicendi faciemus de præstantia ratiocinii, quod attingit mundi contingentiam. Fatentur ipsi adversarii esse istud bonum,

De præstantia argumenti à contingentia deducti.

(y)

(y) Non dissimulant *plura alia ratiocinia hoc niti nervo*, (z) Haudquaquam abnuunt, *licet novum esse negent, non fuisse adeo distincte antehac evolutum*, (aa) Igitur aliquam certe hujus Philosophiæ in Theologia opportunitatem agnoscere, ipsa nos æquitas jubet. At enim cum nexu, quem recensiores in cursu natura fatalem fingunt, consistere gravis hac veritas nequit: Quæso, num rerum nexus plus innuit, (bb) quam, *nihil quidquam DEUM sine ratione fecisse*. An ratio sufficiens fatum obtrudit? an qui mandato v. g. patet, rationem obtemperandi non habet, aut si habet & sequitur, numquid necessatio sequitur? Non, opinor, eo devenieris! Potest igitur sæpe habere locum nexus, si potest sæpe, salva libertate, cur non semper? quod inimicum est libertati fatum, semper est. Ne dicas, *plura animum consilia adpetensque subire, quorum nos ipsi causam adverteamus nullam*. Si gravate non ferres, juberem te revocare ad mentem tritum istud: *Nosce te ipsam*. Sæpe destinationum, actionumque nostrarum rationes ignoramus, quoniam invita naturæ lege consuetudinem inconsulto agendi contraximus, quia nihil tale sentientes, vel commoditas tacita, vel philantia, vel aliud quid generis ejusdem, inducit, quod adeo irrepit occulte, ut nihil adesse jurato præstares. Nexum ergo à ratione sufficienti ortum, cur, amabo, temere rideres?

(y) Vid. Buddæi Isagoge Histor. Theol. p. 1382. ad argumentum Wolffii quod adinet, quodve à contingencia hujus Universi desumptum est, uti novum non est, ita minime contemnendum.

(z) Vid. Herrn Buddæi bescheidene Antwort auf Herrn

Herrn Wolffens Anmerkungen p. 12. Ob nun gleich wahr / daß alle Argumenten / die man sonst von der Structur des Welt, Gebäuds / von den Absichten der natürlichen Dinge 2c. sich auff die contingenz gründen 2c.

(aa) Vid. Bescheidenen Beweis / daß das Buddhaische Bedenken noch fest siehe / p. 35. 36. Obgleich Herr Wolff sagt / daß die / so diese Argumenta vorgebracht / auff die contingenz nicht gesehen; so that es doch / wann es wahr ist / zur Sache nichts / 2c. *Si vel maxime verum sit*, auctor inquit, non audet igitur probare, quod ante Leibnitium & Wolffium contingentiae notio à cæteris argumentis separata, majorque demonstrationis vis fuerit indita, &c.

(bb) Besiehe Herrn Wolffens Anmerkungen über die Metaph. edit. prim. p. 254. §. 176. Ich sage die Dinge in der Welt seyen mit einander verknüpft / wann eines in sich eine raison hält / warum das andere neben ihm gleich ist / oder auff es folget. = Der ganze Verstand von der Verknüpfung der Dinge ist demnach dieser / daß alles in der Welt / von GOTT / mit raison geordnet. Scio quæ te sub pectore cura coquat. Si, inquis, præsens, quo afficior appetitus, à ratione oritur, oritur & ipsa ratio ab alia, hæc iterum à tertia, & id quidem sine fine: Quantum hoc est necessitatis jugum? At nōsti, quod vel unō catenæ articulō in partes ruptō, ipsa carceris funesti, libertatisque inimici, vincula discissa sint: atqui in infinita rationum serie plura non vinciunt, non cogunt, non stringunt libertatem. Catena igitur præsto est, sed cuius articulus extremus proxime nos spectans, ulro fuit prensatus. Quid hoc necessitatis est? Pluviosa tempestas, quæ temet ab itinere destinato revoeat, annon habet causam, in alio naturæ eventu, hic in tertio, sicque in infinitum i. e. ad creationem usque. Verum enimvero turbidum istud coelum an libertatem excurtet?

currendi ademit, an mancepium præstitit fati? Absit longissime! Tumet ipse captasti tuo arbitrio extremum catenæ articulum, tute à turbido cælo, non coactus, sed fastigio captus, distulisti iter. I nunc, & mitius posthac de his doctrinis judica.

## §. 13.

Comparatur  
cum  
aliis,

Cum nexus rerum fatalis nullus argumento de contingentia, obstat, nihil prorsus obstat, quod enim optimum cætera esse concedebant, id in recentiorum systemate, nonnisi per fatum quod abesse suspicabantur, arietari credebant. Sed nimius ego forsan in laude versor unius argumenti: non est minoris forte pretii, ad supremum Numen arguendum, illud: *Ubi est ordo, ibi ordinans, atqui in mundo conspicitur admirabilis, existit, ergo qui eundem stabilivit.* Falleris! quid ita, inquis, fallar. *Loquor de ordine naturali (cc)* atqui hæc concludendi ratio aut nulla est, aut mei argumenti filia est. *Ordinem allegas, eundemque naturalem.* Sed qualem istum? num independentem, Pantheistico sensu Spinozæ acceptum, qui naturalem præsto esse ordinem, ultro annuebat? atqui is DEUM non arguit latam recludens Atheismo portam: An dependentem intelligis ordinem? Cave, si eo consilium spectet tuum, ne circulum in ratiocinando vitiosum tibi exprobrat jure, acutus adversarius. Dependentem enim, i. e. *ab alio* factum supponis, cum ab alio ortum probare demum deberes. *Conclusio ingreditur medium terminum.* Liceat enim ad barbaros istos ratiocinandi, nec evitabiles tamen Tyrannos provocare! Elige si placet, utrum lubet, ut de argumenti tui robore possit

possit decerni. Imò verò contingentem, inquis, volo ordinem, (dd) eundemque talem esse posthac probo, non est tunc argumentum infirmius actuum, quod ex sola petitur contingentia. Habeo egomet quod volo, non poteras firmitatem addere tuo ratiocinio, nisi sequereris meum, quicquid tuum roboris habet, à meo habet, cur per anfractus euntes, rectà viâ ad contingentiae asylum non contendimus? cur eos pro Atheis habemus, qui nos ambages vitare jubent, cur tuo acceptum argumenti nostri robur, Auctori grata mente non ferimus acceptum? *At novi hoc ipso Philosophia recentior nihil dicit, cur superbit priscis alienisque plumis? (ee) cur cetera postponit?* Postponit nonnisi ea, quæ sine suis non consistunt. An isthoc crimen est? Dic vero, si placet, quis ex veteribus unquam adverterit, vim omnem cæterorum in contingentia coire, quis nervum hâc ratione contrahendo, ictus Atheorum declinare docuerit? Dic, si placet, quoniam iudicii, & lectionis plurimæ gloria, te pollere perspetum habeo.

(ee) Verba sunt Excellentissimi Dn. Buddæi in der bescheidenen Antwort p. 13. wann man von der Ordnung der Welt redet / so versteht man die Physische Ordnung der natürlichen Dinge.

(dd) Vid. Bescheidenen Erweiß / daß das Bedencken noch fest stehe / p. 36. Es ist eines so lang als breit / ob ich sage: Die Welt ist contingent, und schließ dann auff Gott / oder ob ich sage / die Structur der Welt ist was Zufälliges / und schließ wieder auff Gott. Was soll man aber der Structur gedencken / wann alles bey derselben auff die contingenz ankommt?

(ee)

(ee) Ne quis vitio vertat, disputari contra argumentum pro *DEI* existentia; dicam, nos thesin ipsam religiosissimo cultu venerari, monebo, idem sæpe factum à Viris longe doctissimis, quos nemo impietatis arguit. Citat nonnullos Bülfinger, dilucid. p. 418. Plenius vero facta eorum, qui argumenta contra Atheos examinârunt, Bælius enarrat in Lexico Historic. Crit. edit. tert. p. 2901. Adde quæ leguntur dans l'Histoire des ouvrages des Sçavans au Mois du May 1709. p. 199. seqq. dans les II. Journâl des Sçavans de l'année 1701.

## §. 14.

*Occurritur dubio.*

Memini me quondam in celebris Viri scripto, Theologiam naturalem complexo legere, qui, cum ante recentiores, missis cæteris argumentis omnibus, solum contingentia argumentum urserit, laudem distinctius traditi de contingentia ratiocinii recentioribus præripuisse videtur. *Non invidéo.* Age legamus verba: *Certum est, inquit, dari plures effectus naturæ suæ contingentes, qui ita sint, ut ante non fuerint, & postea esse desinant, imo & pro tempore, quò existunt, potuissent non esse. Ex quibus ita argumentari licet: vel omnia quæ sunt in rerum natura habent jam dictam contingentiam, vel aliqua non habent, sed ex se necessaria sunt & adesse determinata, si hoc admittatur, habetur intentum, dari scil. aliquod ab intrinseco existens, sive ens à se. Si primum dicatur, nullus contingens erit in rerum natura, imo nec esse poterit. (ff) Plura sunt in hoc argumento egregia, laudeque dignissima, sed supplementa, quibus eget, non inveneris nisi apud recentiores. Si quadam necessaria sunt, non arguere, sine saltu, licet, Ergo habeo quod volo.*

Pos-



Possent enim ea necessaria plura esse, eoque non significare unum DEUM, posset quæri, an ab eo, quod necessarium est, cætera contingentia pendeant? Igitur id est supplendum, suppletur autem à Recentioribus. (gg)

(ff) Verba sunt Johann. Wolff. Jæger. Cancell. Tub. in Theolog. Natural. p. 15.

(gg) Vid. quæ in anteced. disserui Sect. 1. §. 10. seqq. & Bulffing. Diluc. p. 420. plura etiam isthuc argumento addi debent, *An id ens necessarium, à mundo distinctum sit nec ne? An posita omnium rerum contingentia, ipsa earum collectio necessaria non emergat?* Pauca attingi in anteced.

### §. 15.

Altera Philosophiæ recentioris, in probando DEO opportunitas, ad novum principii de sufficiente ratione, & antehac non plene perspectum usum pertinet, sine hac scala ad DEUM adscenderis nunquam. Substitue antiquum illud: *Nihil existit sine causa, atqui mundus* &c. E. major propositio contratio poterit refelli exemplo. DEUS enim, quem quæris, annon sine causa existit? (hh) monuerunt hoc jam alii. Addo hæc: *Forsan, inquis, poterit adhiberi limitatio: Nihil naturaliter existit sine causa, mundum vero naturaliter hōc existere modò quis ignorat?* E. atqui loco fundamenti ponis, quod erat superstruendum. Nec enim cum Spinoza facis, qui quicquid naturale est, non ab alio orrum contendebat, ergo mundum naturaliter existentem pronuntiando ab alio esse supponis, quod erat prius probandum. Perinde ac si argueres: *Quicquid naturaliter (i. e. ab alio) existit, id habet causam, i. e. Istud existit*

Secundus  
Philosoph  
recent.  
usus.

*fit ab alio.* Quid est in circulum arguendo redire, si hoc non est? Forſan & nos iſthæ difficultas urit? Minime! DEUS enim etiãſi cauſam ſui non habeat, nec habere poſſit, rationem tamen exiſtendi habet in ſemetipſo, generalis ergo non manet propoſitio. *Nihil exiſtit ſine ratione.* Si generalis eſt, demonſtrando quoque accommodata eſt. (ii)

(bb) Bulſfinger Dilucid. p. 424.

(ii) Bona igitur arguendi ratio, ſed ſupplenda tamen eſt. Fromanni in Diſſert. de Atheo ſtulto. p. 27. *Opus perfectiſſimum & infinita ſapientia elaboratum, ſupponit cauſam perfectiſſimam &c. &c.* Probaturus enim Mundi auctorem, mundum ab alio coortum ſupponit.

### §. 16.

Oſtenditur, non poſſe probari Deum, ſi ne univerſalitate principii ſufficientis rationis.

Sunt interim, qui ſufficientis rationis principium per omnes exiſtendi caſus non diffundi doceant, laudabili metu, ne *quid hominis libertas detrimenti capiat.* (kk) Sunt autem, qui non hoc metu quidem, ſed *experientia ducti credunt, complures hominis liberos appetitus abſque ratione naſci.* Fingamus igitur tantisper, cauſarum liberarum actiones hinc arcendas. Quo pacto nunc probabitur exiſtentia DEI? Rides quæſtionem, meticuloſamque in iſthoc negotio ſolicitudinem. Ego vero ridentes ridere nolo. Experiamur, prius, quam ridendi faciamus initium. Negas principii amplitudinem. Sed da nunc tantum imbecillitati meæ, ut quæ, negatò principii univerſali ambitu, in DEI notitiam perveniri poſſit, haud gravate commonſtres. Prævideo quam ſim reportaturus reſponſionem, *cogitare jubes, ſi cætera omnia*

omi-

omiserim, argumentum de contingentia mundi. Existit mundus, qui & aliter habere posset, ergo existit ejus auctor. Vellem hic intelligere nexum propositionis utriusque. An quod contingens est, quod aliter habere potest, auctorem arguit sui? Quidni, inquit, arguat, nihil enim, quod contingens est, existit sine ratione. Atqui voluntatis liberæ adpetitus contingentes esse mē docuisti modò, nec tamen concessisti eorum rationem, O quam Tibi sum ineptus disputator! Confundere memet, ais, causam cum ratione; addis, libera voluntatis desideria causam habere animam, licet rationem habeant nullam, etiamsi anima ratione antecedente iis afficiatur. Sed quæso te, quomodo potest causa existere sine causandi ratione, an quisquam, non dico, Philosophorum, sed & mortalium unquam causam effinxit sine ratione, ut minus latine vocant, causandi? Nunc ludere tibi videor vocabulorum significatū. Regeris & animam causandi ratione, dum adpetitus eliciat, preditam, præsto esse libertatem agendi, nec ultra requiri, ut singulis adpetitibus singularis respondeat dispositio animi. (ll) Sit ita sane! ast gladium hoc modo excussisti pugnandi contra Atheos. Quibus, quæso te, quomodo tandem obistam? Mundum ex fortuito atomorum concursu coluisse clamabunt, tuamque responsionem convertent in fidei meæ perniciem. Juva me quæso disputantem contra Epicureos. Opinor te huic officio non defuturum. Videor mihi audire Epicuri de grege porcum grunnientem ita: Non est adeo absurda de fortuito atomorum concursu opinio. Cur non absurda foret? (mm) Temere enim & casu

i. e. sine ratione confluisse fingitur stupendæ pulcritudinis machina. Num, inquit, Epicuri affecta tanto id est absurdum opere? Annon variæ absque ratione frequenter ab animo eliciuntur appetitus, annon sæpe conspirant aptissimo ad voluptatem pulcram assequendam concursu? Num si quid hoc modo fieri sine ratione potest, altero modo non potest? At ego dicam confundere protervum ἀντιλέγοντα causam cum ratione sufficienti, non deesse causam appetitibus voluntatis, quæquam non omnes existant ratione, aliam vero esse conditionem fluxûs atomorum, qui nec causâ ullâ, nec ratione contineatur. Videor autem mihi audire oggantem porro: nec suos atomorum concursus sine causa fieri ut enim anima suarum dicatur actionum causa, absenti licet speciali ratione hanc, præ alia actionem dirigente; sic atomos causas suorum motuum esse verissimas, licet ratio cur hac declinent, nec illæ prorsus inveniatur. Juva nunc quæso, Lector Optimè! me disputando hæsitantem, Dixisti dari posse causas efficientes, potentia prædictas, generali & vagâ; ita tamen ut singulis effectibus, non semper singulæ & distinctæ quidem respondeant causæ scheses; constare id exemplo animi præditi libertate: Nunc idem Epicurus, isque Artheus (nn) opponit; atomos esse causas, pariendò quippe motus, non desiderari in illis facultatem seu rationem causandi generalem, gravitatem sc. qua deorsum tendant naturâ (oo) ut autem speciali, declinationis effectui, singularis ratio respondeat, opus non esse, cum idem in aliorum Philosophia pervulgatum sit. Quò nunc, obser-

obsecro conatu veritatem tuebor, quomodo mundum sine Architecto non extitisse docebo?

(kk) Inter quos est Clark Epist. V. ad Leibnit. Rec. T. I p. 198. *Je remarquerai seulement que cette expression (de la raison suffisante) est équivoque & comme peut s'entendre, comme si elle ne renfermoit que la Nécessité, ou comme si elle pouvoit aussi signifier une volonté & un choix. Il s'agit de sçavoir - - si, lors que les raisons les plus fortes se trouvent d'un seul côté, les Agents libres n'ont pas un principe d'action &c. ?* Creditur Anglus laude nostra major, si fortiores agendi rationes pro una parte pugnaverint, tolli facultatem eligendi alterum, i. e. libertatem, in quo non est assensus Leibnitii mentem.

(ll) Oportet, ut in causis omnibus, cum liberis, tum necessariis, singulis effectibus singulæ in causa scheses & dispositiones respondeant, aut quod perinde est, singulæ rationes hoc agendi nec aliud. Sin refrageris, Epicurus triumphat; nam causabitur: *Atomus mea causa est motus, ratio causandi gravitas tendens deorsum.* Atqui non opus est, ut peculiari declinationis effectui, in Atomo, peculiaris ratio respondeat; aliter enim & in anima libera, singulis adpetitibus certa & distincta dispositio occasionem praberet, quod libertatem anima suffocaret: Non est ergo absurdum si dicam: dari causas, qua diversis effectibus producendis, indifferenti potentia prædita, sufficiant. Quicquid Epicuro responderis, tibi responsum erit. Vid. Bayle in Dictionnaire Hist. Critiq. p. 2483. edit. tert. *On se moqua d'Epicure lors qu'il inventa le mouvement de declinaison. Il le suposa gratuitement pour tacher de se tirer du labyrinthe de la fatale nécessité de toutes choses, & il ne pouvoit donner aucune raison de cette nouvelle partie, de son hypothèse.*

(mm) Docet Lueretius L. II. v. 250. &c. Euseb. præpar. Evang. L. VI. c. 7. *Epicurum sub prætextu libertatis tuenda atomorum declinationem esse commentum.* Li-

bertas igitur sine omni ratione agens, & declinatio Atomum Epicuræ, differunt ut Mater & filia germana. Addatur Cicero de fato p. mihi 80. Sed Epicurus declinatione Atomum vitari fari necessitatem putat, itaque tertius quidam motus oritur extra pondus & plagam, quem declinat Atomus intervallo minimo, quam declinationem sine causa fieri, si minus verbis, retamen cogitur. Hanc Epicurus rationem induxit ob eam rem, quod veritus est, ne, si semper Atomus gravitate ferretur naturali ac necessaria, nihil liberum nobis esset, &c.

(nn) Athei loco habendum Epicurum Augustinus docet de Civitate DEI L. XVIII. cap. 41. Miror, inquit, cur Anaxagoras reus factus sit, quia solem dixit lapidem ardentem, negans utique Deum; Cum in eadem civitate gloria floruerit Epicurus, vixeritque securus, non solum solem vel ullum siderum Deum esse non credens, sed nec Iovem nec ullum Deorum omnino habitare contendens, ad quem preces hominum supplicationesque perveniant.

(oo) Vid. Lucret. II. v. 217. Cicer. de fin. L. I. 6. Distinguendus in Atomis motus duplex, unus ipsiusmet gravitatis quo Atomus suo pte nutu fertur alius ex ictu seu reflexione &c. verum, quia, si omnes Atomum ad lineam, deorsumve ferrentur, fieret, ut nunquam altera alteram; esset contingere, ea de causa necesse est declinare Atomos paulum, ita enim fieri possunt complexiones, copulationes, adhesiones, &c. &c.

### §. 17.

Ufus Philosoph. in emendando Cartesii argument.

Cum igitur sine principio sufficientis rationis, DEI existentis veritas firmari nequeat, nec impediri, quo minus Epicuræ per aciei latus irrumpant: grates illis deberi existimo, qui secunditatem axiomatis primi detexerunt, cæterosque ut huic superstruerent, fuerunt hortati. Est autem recentioris Philosophiæ hanc prærogati-

vam

vam neminem fugit. Progrediamur igitur ad illud commodum, quod Cartesiani pro existentia Numinis, argumenti emendationem adtingit. Paragrapho undecimo sub nota, [c] istud exhibuimus. Ratiocinium istud à multis jure improbatum, (pp) hoc potissimum nervo continetur. *Ideam Entis infiniti nobis ingeneratam, finitos nos illam animo complexuros non fuisse, nisi revera extra nos Ens infinitum existeret, quod sui ideam nobis ingenerasset.* Observavit alicubi seculi nostri Phœnix (qq) contra Hobbesium, qui veritates ideo arbitrarias putabat, quod ex definitionibus nominalibus penderent, *definitionem nominalem comparande scientiæ non adcommodatam, nisi aliunde constiterit, rem esse possibilem; non enim quaslibet notiones inter se posse conjungi.* Eò videlicet spectat admonitio: Cum Cartesius ab Idea Entis perfectissimi ad ejus existentiam cum Anshelmo fuerit argumentatus, *bonum fore argumentum, dummodo prius confirmata sit Entis perfectissimi possibilis natura.* Fieri enim quandoque ut ideis, quæ possibiles non sint, imponamus definitiones nominales, quam ob rem ne in similem, hōc locō incidamus errorem, cavendum esse.

(pp) Improbatur Cartesii argumentum à compluribus: Walchius in Lexico Philosoph. sub Tit. (G.Dt) p. 1339. ita de eo sentit: *Nan siehet gar leicht, daß dieser Vernunft-Schluss weder in dem ersten noch dem andern Satz seine Richtigkeit hat.* Bülfinger in dilucid. p. 418. aliquot nominat, qui in utramque de eo partem disputant. Pertinet huc in primis Grapius in Theol. recens controversiæ T. I. c. 1. quæst. 3. p. 11. seqq. qui magnum scriptorum de hoc arg. numerum dedit.

(99) Leibnitium ita vocat Joh. Christoph. Wolff. in Manichæism. ante Manich. p. 420. ita quippe sentit Leibnitius in actis erudit. An. 1684.

## §. 18.

*Cartesii  
argumen-  
tum quo-  
modo  
emendari  
possit.*

Operæ pretium igitur faciemus, si Cartesii pro Dei existentia argumentum emendaturi ostendamus, ideam Entis perfectissimi fictitiam non esse, respondere potius ei possibilitatem (sic loqui liceat) ex ipsa rei consideratione hauriendam. Nullus enim dubito futurum, ut quod argumentum deest, hâc methodo suppleatur. Quicquid autem dicturi sumus Philosophiæ recentiori debetur, non secundum meditationes singulas; neque enim ab aliis copiose observata nude repetimus: sed secundum potissima meditationum fundamenta.

## §. 19.

*Pramit-  
tenda  
quædam.*

Pramonebo ante quædam, quam probavero, fieri posse ut quiddam perfectissimum existat. Quæcunque res componi cum aliis non possunt, illæ per & propter suos limites una consistere nequeunt. Cur v. g. tanta inter ignem & aquam observatur pugna? nullam sane aliam ob causam, quam quia velocitatis in motu gradus non uno modo temperatus est. Particularum ignis agitatio, quam celeberrima est, contra aquæ minutias tardiores prioribus istis obstantes videre licet. Comprobat id & ratio & experientia. Graduum igitur i. e. limitum in viribus discrimen luctam isthanc parit. Similis ratio est rerum aliarum. Cogitatio in rem extensam cadere nequit, quod omnis *extensio multitudinem rerum arguit*  
qua



que ut unum menti obversantur, cogitatio autem ens unum, idemque simplex requirit. (rr) Ubi autem sunt multa, ibi res limitatæ occurrunt, plura enim infinita existere non posse, & per se patet, & infra ex instituto probabitur. Idem judicium de cæteris ferendum. Pugna omnis ex rerum, quibus circumscribuntur, finibus nascitur. Cur raro *judicii summi acumen cum amplissima lectione & insigni memoria conjunctum est?* Scil. majore temporis spatio opus est, ut res ad stateram limati judicii expendas, quam ut vivaci memoria præditus, ad instar alati Mercurii eas transvoles, more, quò Polyhistores nonnulli solent. Quantum huic facultati accedit, alteri derogatur & vicissim. Ubi vero subtrahi quid, & addi potest, ibi habet locum limitatio; quod non limitatum est, ei haud quidquam accedit, vel decedit. Ipsa igitur animi vis nulli alteri contraria est, nisi quatenus ad res acriter tenendas (felici memoria) vel ante distinguendas (judicio subactò) determinata, vel, quod tantumdem sonat, limitata est. Si vel unum pugnæ in universa rerum, quæ patent, natura, exemplum allegare poteris, causâ memet cecidisse ultro profitebor, victasque dabo manus, nisi illud ex rerum limitatione coortum fuerit.

(rr) Cogitationis incapax extensum quodlibet esse Wolffius ostendit *Metaph. §. 739. seqq.*

#### §. 20.

Præstructis his nunc ratiocinia nectendi copia datur. Sit observatio fundamenti loco jacta. *quæcumque rerum combinatio repugnat, ista ob li-* *Probatur  
DEI  
existētia  
a priori*

*mites rerum combinandarum repugnat.* Non dixi, ubi sint rerum limites, ibi & esse pugnam, sed ubi pugna locum habeat, nullam posse causam allegari, quam limitationes. Quicquid à solis rerum pendet limitationibus, id non est rebus ipsis tribuendum: atqui pugnam rerum ex eo fonte solo derivare Philosophos oportet, non est igitur cur quisquam de postrema propositione dubitet. *Gradus egomet voco virium limites.* Cumque propter limitationes res interdum pugnent, fieri etiam potest, ut ob gradus quibus varie afficiuntur, pugnent. Liceat hic nominali definitione perfectum adpellare illud, quod aliquid in rerum natura ponit, imperfectum vero, quod rebus in natura positis derogat, quod eas certis cancellis coarctat, finibus claudit, limitat. Quoniam pugna, (*contrarietas*) (impossibilitas) non oritur à rebus ipsis, ut paulo ante monui, perspicuum est, perfectionem nullam (accipio vocem sensu, quem modo dixi) alteri obesse, eoque potius suavi concentu cum ea conspirare. Definitione igitur genetica, seu reali, perfectionem oriri cernimus, quoties in *varietate consensus quidam existit.* (ss) Est igitur hæc definitio genuina prono fluens ex paulo ante dictis alveo.

(ss) Cur perfectio per consentiam in varietate rectius explicetur, quam per eorum, quæ adesse debent, præsentiam, Wolff. docet, im Bericht von seinen eigenen Schrifften. p. 227.

### §. 21.

Perfectissimum, de quo quæritur, dicimus,  
quod

Argumenti  
significatio.

quod omnes perfectiones complectuntur simul, easdem <sup>sentia DEI</sup>  
 que sine gradu, vel limitatione. Cum igitur quæ <sup>à priori</sup>  
 libet perfectio, qua talis alteri amice consentiat, <sup>prebetur</sup>  
 & vero in ente perfectissimo gradus seu limitatio <sup>continua-</sup>  
 omnis exulare supponatur, ex qua sola (incom-  
 possibilitas) pugna oritur: manifestum est, posse  
 fieri sine rerum pugna, ut omnes perfectiones  
 coeant in aliquo ente & sine gradu quidem, i. e.  
 non repugnare ens perfectissimum. Quodsi au-  
 tem non repugnat, possibile est, eoque etiam,  
 quam de eo formamus, idea, non fictitia, non  
 absurda. Si ens perfectissimum possibile est,  
 necessarium est: involvit enim contrarium ejus,  
 i. e. impossibile contradictionem. Quicquid ergo  
 ente perfectissimo comprehenditur, illud non po-  
 test non habere locum; *Existētiā vocare lu-*  
*bet complementum possibilitatis.* Quis autem du-  
 bitet, illud perfectionis titulo ornandum? ponit  
 enim aliquid in re, & cum possibili, quod com-  
 pletur, exacte conspirat. Ens perfectissimum  
 igitur existētiā complectitur, aliter enim non  
 foret perfectissimum, quod est contra hypothe-  
 sin. Cumque omne, quicquid ente perfectissi-  
 mo comprehenditur, non possit non habere lo-  
 cum, etiam existētia ejus necessaria est. Atqui  
 ens perfectissimum DEUM vocamus, ergo Deus  
 necessario existit, ergo ex idea entis perfectissimi,  
 cum Cartesio existētiā ejus, hac lege obser-  
 vatā, arguere licet.

## S. 22.

Multitudo arguit res limitatas, Perfectissi- <sup>Corollarium</sup>  
 mum

num ens non est limitatum, aliter enim vel non ornatum esset omnibus perfectionibus, vel iis præditum quidem foret, non tamen sine limitatione; quod est absurdum. Perfectissimum igitur ens non potest plura complecti distincta, sed oportet unum esse, eoque simplex. Extensum omne complectitur quandam multitudinem, ergo nec extensum esse potest, id, de quo loquimur, ens consummatissimum. Idem, quod sæpe dixi, ens perfectissimum ubique est, quod est, nimirum tale, quo præstantius cogitari nihil possit, nollem ergo cum quibusdam (11) DEUM extensum vocare.

*Aliud Corollarium.*

(11) Quod fecit Pordatsch, Metaph. div. L. I. C. 12, p. 348, seqq. ex eo scilicet, quod vocetur lux. Sed nostrum non est, infirma ejus argumenta confutare.

### §. 23.

Ex discursu hæcenus instituto cognoscitur, quid sentiendum sit, de Viri cujusdam Docti sententia, qui methodum cognoscendi DEUM, quâ separatis mente à rebus creatis imbecillitatibus, quidquid perfectionis residuæ est, DEO adscribitur, penitus improbavit, (111) causatus & incertam, & minus perspicuam esse eam methodum; sæpe perfectionis loco haberi, quod revera infirmitatum classi sit adjudicandum - quo casu non sine periculo à rebus creatis, ad Numen argumentum duci possit. At præsto sunt characteres, quibus probe adhibitis in consilium, veram perfectionem ab imbecillitate nunquam non discernere licet. Si consentiant adtributa, de quibus quæritur, cum cæteris omnibus, modò quolibet, semper & ubique, in

in DEUM cadunt absque dubio; sin minus, ab eo sunt removenda. Sic extensio, siquæ DEO assignaretur, non consentiret cum cæteris perfectionibus cunctis, quæ enim v. g. præsentem urbem spectaret illa DEI expansio, nondum foret DEUS ipse immensus, omniscius &c. Simili modo si motus DEO tribueretur, vis illa movendi non concineret cum cæteris DEI excellentiis; nam qui hinc inde movetur, præsens ubique non est, major est consensus, ubi cunctis præsto est, omnia uno velut obtutu complexus, quam ubi, succedente nisu, aliò atque alio deferretur.

(uu) Sententia est Thomasi in Jurisprud. div. L. I. C. 3. §. 54. Contrarium tamen sentit Rudigerus in institut. erud. p. 411. ed. tert. Confet ea quæ paucis & recto nomine in hanc Autoris sententiam dixit Bülsfinger. Dilucid. p. 517.

### §. 24.

Sub finem pauca moneo. Nullum argumentum à posteriori pro DEI existētia allegari potest, nisi quod *principio* sufficientis rationis sufful-  
Conclusionis.  
 tum sit. Provoca, si placet ad universi ordinem, quæ est vis argumenti, quò ordinantem cognoscas? Nulla alia quam hæc, quoniam aliàs *ordo existeret sine ratione*. Provoca ad rerum fines, judicium erit idem, allega si lubet conscientiam pœnæ, & præmii præconem, non valebit ratiocinium, si vel unus casus, in tota rerum universitate, sine ratione existere potest, unde enim discas, quod hic ipse, de quo quæritur, non ejusdem sit conditionis? an ex ratione quadam?  
 atqui

atqui probanda est hæc, & sine fine, ubi semel principii amplitudinem coarctare, vel in paucis casibus, institueris. Non igitur contemptu & odio digni sunt qui fundamentum omnium pro DEI existentia facientium argumentorum distincte ostendentes, majori cum Plerophoria agere nos adversus Atheos docuerunt. (xx)

(xx) Ratio sufficiens dicitur id ex quo intelligitur cur aliquid sit, hoc potius nec alio modo. Qui vel unum casum existere concedunt, quem nec res creatæ, nec DEUS ipse, cur contigerit potius, quam non contigerit, intelligant; stabilitur aliquid, quod concipi nequit, ad imitationem senis illius in *avantures de saque Sapeur* edit. Holland. 1692, p. 83. quem ita auctor loquentem de suis Androgynis facit: *Ils se contentent d'adorer l'être incompréhensible sans en jamais parler. Ils s'imaginent que c'est l'offense par l'endroit le plus sensible, que de faire de ses divines perfections le sujet de leurs entretiens: de sorte qu'on peut dire, que leur grande religion est de ne point parler de la religion.* Eorum, qui hoc principium angustioribus terminis circumscribunt, ratio est similis. Gravissima eorum intelligendi vis in eo versatur, ut plura intelligi (nec à DEO quidem, i. e. ratione sufficienti nixa) negent.

## SECTIO III. CAPITIS I.

### *De infinita DEI Natura.*

#### §. I.

*Accessus  
ad mate-  
riam.*

**I**mmensum Divinitatis pelagus esse, nemo eorum dubitat, quibus esse solet sanum synciput. Quod Sect. II. anteced. rudi Minervâ delineavimus facit omnino ad corroborandam hanc veritatem. Interim non est dissimulandum, argu-  
menta

menta quibus hucusque tam sublimis doctrina confirmata fuit, ejusmodi esse, ut indigeant supplemento, mea sententia, ex Philosophia recentiori petendo. Sine principio sufficientis rationis, DEUM infinitum esse, nunquam demonstraveris plene. An ea vilis est Philosophiæ recentioris opportunitas? Age, faciamus periculum.

## §. 2.

Non obscuri nominis Theologus pro infinita DEI natura ita ratiocinatur: Nos existimamus, inquit, infinitudinem dari in DEO. Prima probatio nobis desumitur ex ipso conceptu Entis à se, quem diximus esse constitutivum essentie divine. Nam eo ipso, quo DEUS essentialiter a se ipso, non vero ab ullo aliquo principio extraneo sive causa efficiente habet esse; hoc, inquam, ipso non potest non esse ejus infinitum & illimitatum esse. Omnis enim limitatio & finitudo quoad esse, & sic quoad essentialem perfectionem à causa efficiente provenire debet, nupote qua tribuit tale, vel tale esse cum tanta vel tanta perfectione. Nihil enim sibi tam inimicum est, ut certos sibi terminos & limites essentie ac perfectionis substantialis ponat. Ergo cum DEUS à nullo habeat esse, etiam nullam potest habere causam sue limitationis ac finitudinis in essentie. Ergo est infinitus quoad essentiam. (a)

Argumentum pro infinito DEO.

(a) Argumentum est Joh. Wolff. Jægeri in Theolog. natural. p. 58. 59.

## §. 3.

Est hoc ratiocinium ejusmodi, ut additamenti quibusdam indigeat. Nervus in eo ponitur:

Examinatur.

nitur: *Quodcumque non habet auctorem, illud frustra fingitur. Atqui limites in DEO, si qui forent, auctorem non haberent, frustra igitur finguntur.* Fulcro indiget propositio Major, obnoxia quippe contrariorum exemplorum exceptioni, qua *Universalitas* nonnihil detrimenti capit. Ipsa DEI natura auctorem non agnoscit, nec tamen frustra fingitur. Sunt & sui rebus, in æterna possibilitium regione manentibus, nec inde prodituris unquam, certi limites; non possent enim existentiam donari limitibus destitutâ, nec tamen illi limites auctorem requirunt, ipsa rerum naturâ, quæ finita est, eos poscente. Miratis forsan, acuminis, seu nimis subtilitatis excessum; sed malo memet præstare tutum ab omnibus adversariorum argutiis, quascunque prævidere licet, quam destinato consilio pias admittere fraudes. *Non est id ingenui hominis, nedum Philosophi.*

## §. 4.

Consigna-  
tur exa-  
men,

Subit forte tuam mentem, *aliam esse conditionem DEI, aliam rerum cæterarum, sive possibilem sive existentium: non posse non has limitibus esse circumscriptas, à DEO autem eos alienos esse necessario.* At ita supponis quod erat in questione. Probaturus naturam DEI infinitam allegabas absentiam auctoris, qui limites contulisset, cum urgerem, & alibi multa præsto esse, quorum non sit auctor, respondendo redis in orbem, *DEUM infinitum esse*, tanquam probatum supponens. Posset itaque hujus doctrinæ hostis obvertere, ex *Independencia* non duci argumentum pro *natura infinita*; limites forsan æque necessarios esse,

ac



ac ipsam naturam, sicut & ceterorum possibilium ferme eadem sit conditio. Aliter igitur hoc ratiocinium emendandum videtur. (b)

(b) Quæ causa fuit, cur Ethnici olim Philosophi materiam, quam æternam & independentem dicebant, haudquaquam continuis omnibus perfectionibus vestitam i.e. infinitam concedebant. Non minus enim existentiam materiæ, quam perfectionum illius limites existimabant necessarios. Non supervacuum igitur hoc est meum dubium, quod impellit, ut animum ad fundamenta Ethnica religionis evertenda adplicemus. Vid. Bayle continuat. des diverses pensées écrites à un Docteur &c. T. II. p. 527.

## §. 5.

Examinanda tamen sunt reliqua in ratiocinio excellentissimi Theologi. Pergit, Vir summus: Nihil sibi tam inimicum esse, ut certos sibi terminos, ac limites essentia, ac perfectionis constituat. Robur argumenti in eo ponitur: Quidquid inimicum animum prodit, id in optimum Deum non cadit; atqui limitum collatio facta sibi ipsi, inimicum Dei erga se ipsum proderet animum. E. Minor valde dubia. Confert DEUS limites rebus à se conditis, nec tamen id inimicitia testimonium est, non potest enim conferre. Unde probamus igitur, non esse similem rationem in DEO, non esse necessarios in eo limites. Si enim necessarii sunt, sibi inimicus non est, admittendò, quod declinari nequit. Intelligis igitur & hoc argumentum aliud quiddam supponere, quod hactenus distincte evolatum non fuit.

## §. 6.

Alterum ratiocinium, quo infinitam Dei naturam tueri satagit, Theol. celebris, ita habet.

K

Deus

sur.

Aliud ratiocinium pro DEI natura infinita examinatur.

Tertium examinatur.

*Deus est id, quò melius esse & cogitari non potest, ne ab ipso Deo quidem, atque quocunque ente finito potest quid cogitari melius. Ponamus ens perfectum ut octo, erit aut certe quid cogitabitur eo melius, si sit aut cogitetur perfectum ut decem. Solò autem ente simpliciter & per essentiam infinito nihil melius esse aut cogitari potest, ergo DEUS est ens infinitum. (c) Argumentum hoc Cartesiano haud est absimile. Præstatuit propositionem hanc: Quod si DEO melius nihil cogitari possit, aut si tanquam perfectissimus concipi queat, tum continuo quoque posse perfectissimum existere. Probandum vero est, quod ideæ Entis perfectissimi respondeat extra mentem *possibilitas*. Id ex nostris doctrinis demonstravimus paulo ante, usum ergo nostra dogmata firmandis cæterorum thesibus præstant non contemnendum.*

(c) Theol. natur. p. 63.

§. 7.

*Sine princ.  
suff. rat.  
non potest  
infinitus  
Deus pro-  
bari.*

Dixi in antecedenti paragr. primò, sine principio sufficientis rationis non posse Dei infinitam demonstrari naturam, ibo nunc in rem præsentem. Finge plura fieri sine ratione, quomodo occures illi, qui divinas virtutes gradu affectas, imo ipsam naturam cancellis coarctatam contendit? Num provocabis ad *independentiam*? quid? si limites ipsos etiam *independentes*, eoque necessarios dixerit? Num allegabis naturam Dei perfectissimam? atqui eam esse possibilem probasti nondum. Forſan accusabis fictionem adversarii, qui limites admittat in Deo, idque sine ratione ulla? Ita vero in nostra transibis castra auxilium principii, de quo disputatur, implorans. Fatere igitur, si placet, summam esse

esse hujus principii, à Recentioribus distinctius evol-  
luti, in Theologia necessitatem.

### §. 8.

Nos igitur infinitam Dei naturam probaturi  
hâc viâ ingredimur, Aut limitum graduumque,  
quibus divinæ virtutes circumscribi finguntur, ra-  
tio est, aut non est. Sin hoc adfirmaveris, Philo-  
sophiæ omnis fundamentum labefactas. Sin illud  
placeat: quæro: aut ratio illorum limitum est in  
DEO aut extra DEUM. Non potest esse in DEO.  
Sive enim consideraveris naturam ejus generatim,  
five prout est à se, nulla pro limitibus occurrit ra-  
tio. Natura cujuslibet rei generatim spectata ex  
æquo capax est his aut aliis limitibus gradibusque  
recipiendis, nullaque proin ratio peti potest inde,  
cur hos potius DEUS limites haberet nec alios.  
Sed similis ratio est naturæ DEI, quatenus est à se.  
Nunquid ex *independentia* ratio desumi potest, cur  
hos potius, quam alios admittat gradus, Divinitatis  
Oceanus? Minime vero. Ergo in Deo nulla est li-  
mitum ratio. Sed nec extra Deum ulla esse potest.  
*Dependens* vocamus cujus ratio est in altero, atqui  
Deus est independens, tam quoad limites, si quos  
haberet, quam quoad cætera, ergo nulla limitum in  
Deo ratio peti potest à rebus externis. Quod-  
si gradus divinarum virtutum penderent à rebus  
extra Deum collocatis, possent utique variari, unus  
enim gradus æque possibilis est ac alter, sic DEUS  
passionibus ab agente extraneo foret obnoxius, nec  
proin independens, quod est absurdum. Ergo divi-  
næ Excellentiæ omnium plane graduum sunt ex-

Reberatur  
infinita  
Dei  
natura.

(99) Leibnitium ita vocat Joh. Christoph. Wolff. in Manichæism. ante Manich. p. 420. ita quippe sentit Leibnitius in actis erudit. An. 1684.

## §. 18.

*Cartesii  
argumen-  
tum quo-  
modo  
emendari  
possit.*

Operæ pretium igitur faciemus, si Cartesii pro Dei existentia argumentum emendaturi ostendamus, ideam Entis perfectissimi fictitiam non esse, respondere potius ei possibilitatem (sic loqui liceat) ex ipsa rei consideratione hauriendam. Nullus enim dubito futurum, ut quod argumentò deest, hâc methodo suppleatur. Quicquid autem dicturi sumus Philosophiæ recentiori debetur, non secundum meditationes singulas; neque enim ab aliis copiose observata nude repetimus: sed secundum potissima meditationum fundamenta.

## §. 19.

*Pramit-  
tenda  
quædam.*

Præmonebo ante quædam, quam probavero, fieri posse ut quiddam perfectissimum existat. Quæcunque res componi cum aliis non possunt, illæ per & propter suos limites una consistere nequeunt. Cur v. g. tanta inter ignem & aquam observatur pugna? nullam sane aliam ob causam, quam quia velocitatis in motu gradus non uno modo temperatus est. Particularum ignis agitatio, quam celeberrima est, contra aquæ minutias tardiores prioribus istis obstantes videre licet. Comprobat id & ratio & experientia. Graduum igitur i. e. limitum in viribus discrimen luctam isthanc parit. Similis ratio est rerum aliarum. Cogitatio in rem extensam cadere nequit, quod omnis *extensio multitudinem rerum arguit*  
qua

*qua ut unum menti obversantur*, cogitatio autem ens unum, idemque simplex requirit. (rr) Ubi autem sunt multa, ibi res limitatæ occurrunt, plura enim infinita exsistere non posse, & per se patet, & infra ex instituto probabitur. Idem judicium de cæteris ferendum. Pugna omnis ex rerum, quibus circumscribuntur, finibus nascitur. *Cur raro Judicii summi acumen cum amplissima lectione & insigni memoria conjunctum est?* Scil. majore temporis spatio opus est, ut res ad stateram limati judicii expendas, quam ut vivaci memoria præditus, ad instar alati Mercurii eas transvoles, more, quò Polyhistores nonnulli solent. Quantum huic facultati accedit, alteri derogatur & vicissim. Ubi vero subtrahi quid, & addi potest, ibi habet locum limitatio; quod non limitatum est, ei haud quidquam accedit, vel decedit. Ipsa igitur animi vis nulli alteri contraria est, nisi quatenus ad res acriter tenendas (felici memoria) vel ante distinguendas (judicio subactò) determinata, vel, quod tantumdem sonat, limitata est. Si vel unum pugne in universa rerum, quæqua patent, natura, exemplum allegare poteris, causâ memet cecidisse ultro profitebor, victasque dabo manus, nisi illud ex rerum limitatione coortum fuerit.

(rr) Cogitationis incapax extensum quodlibet esse Wolffius ostendit Metaph. §. 739. seqq.

§. 20.

Præstructis his nunc ratiocinia nestendi copia datur. Sit observatio fundamenti loco jacta. *quæcumque rerum combinatio repugnat, ista ob li-* Probatur  
DEI  
exsistentia  
a priori

*mites rerum combinandarum repugnat.* Non dixi, ubi sint rerum limites, ibi & esse pugnam, sed ubi pugna locum habeat; nullam posse causam allegari, quàm limitationes. Quicquid à solis rerum pendet limitationibus, id non est rebus ipsis tribuendum: atqui pugnam rerum ex eo fonte solo derivare Philosophos oportet, non est igitur cur quisquam de postrema propositione dubitet. *Gradus egomet voco virium limites.* Cumque propter limitationes res interdum pugnent, fieri etiam potest, ut ob gradus quibus varie afficiuntur, pugnent. Liceat hîc nominali definitione perfectum adpellare illud, quod aliquid in rerum natura ponit, imperfectum vero, quod rebus in natura positis derogat, quod eas certis cancellis coarctat, finibus claudit, limitat. Quoniam pugna, (*contrarietas*) (impossibilitas) non oritur à rebus ipsis, ut paulo ante monui, perspicuum est, perfectionem nullam (accipio vocem sensu, quem modo dixi) alteri obesse, eoque potius suavi concentu cum ea conspirare. Definitione igitur genetica, seu reali, perfectionem oriri cernimus, quoties in varietate consensus quidam existit. (ss) Est igitur hæc definitio genuina prono fluens ex paulo ante dictis alveo.

(ss) Cur perfectio per consensum in varietate rectius explicetur, quam per eorum, quæ adesse debent, præsentiam. Wolff. docet, im Bericht von seinen eigenen Schrifften. p. 227.

## §. 21.

Argumenti  
significatio.

Perfectissimum, de quo quæritur, dicimus,  
quod

quod omnes perfectiones complectitur simul, eadem-  
 que sine gradu, vel limitatione. Cum igitur quæ-  
 libet perfectio, qua talis alteri amice consentiat,  
 & vero in ente perfectissimo gradus seu limitatio  
 omnis exulare supponatur, ex qua sola (incom-  
 possibilitas) pugna oritur: manifestum est, posse  
 fieri sine rerum pugna, ut omnes perfectiones  
 coeant in aliquo ente & sine gradu quidem, i. e.  
 non repugnare ens perfectissimum. Quodsi au-  
 tem non repugnat, possibile est, eoque etiam,  
 quam de eo formamus, idea, non fictitia, non  
 absurda. Si ens perfectissimum possibile est,  
 necessarium est: involvit enim contrarium ejus,  
 i. e. impossibile contradictionem. Quicquid ergo  
 ente perfectissimo comprehenditur, illud non po-  
 test non habere locum; *Existentiam* vocare lu-  
 bet complementum possibilitatis. Quis autem du-  
 biret, illud perfectionis titulo ornandum? ponit  
 enim aliquid in re, & cum possibili, quod com-  
 pletur, exacte conspirat. Ens perfectissimum  
 igitur existentiam complectitur, aliter enim non  
 foret perfectissimum, quod est contra hypothe-  
 sin. Cumque omne, quicquid ente perfectissi-  
 mo comprehenditur, non possit non habere lo-  
 cum, etiam existentia ejus necessaria est. Atqui  
 ens perfectissimum DEUM vocamus, ergo Deus  
 necessario existit, ergo ex idea entis perfectissimi,  
 cum Cartesio existentiam ejus, hæc lege obser-  
 vatâ, arguere licet.

sentia DEI  
 à priori  
 prebetur  
 continua-  
 110.

§. 22.

Multitudo arguit res limitatas; Perfectissi-  
 mum

Corollarium

num ens non est limitatum, aliter enim vel non ornatum esset omnibus perfectionibus, vel iis præditum quidem foret, non tamen sine limitatione; quod est absurdum. Perfectissimum igitur ens non potest plura complecti distincta, sed oportet unum esse, eoque simplex. Extensum omne complectitur quandam multitudinem, ergo nec extensum esse potest, id, de quo loquimur, ens consummatissimum. Idem, quod sæpe dixi, ens perfectissimum ubique est, quod est, nimirum tale, quo præstantius cogitari nihil possit, nollem ergo cum quibusdam (11) DEUM extensum vocare.

*Aliud Collarium.*

(11) Quod fecit Pordætseh, Metaph. div. L. I. C. 12, p. 348, seqq. ex eo ciliet, quod vocetur lux. Sed nostrum non est, infirma ejus argumenta confutare.

### §. 23.

Ex discursu hætenus instituto cognoscitur, quid sentiendum sit, de Viri cujusdam Docti sententia, qui methodum cognoscendi DEUM, quâ separatis mente à rebus creatis imbecillitatibus, quidquid perfectionis residuæ est, DEO adscribitur, penitus improbavit, (12) causatus & incertam, & minus perspicuam esse eam methodum; sæpe perfectionis loco haberi, quod revera infirmitatum classi sit adjudicandum - quo casu non sine periculo à rebus creatis, ad Numen argumentum duci possit. At præsto sunt characteres, quibus probe adhibitis in consilium, veram perfectionem ab imbecillitate nunquam non discernere licet. Si consentiant adtributa, de quibus quæritur, cum cæteris omnibus, modò quolibet, semper & ubique,

in



in DEUM cadunt absque dubio; sin minus, ab eo sunt removenda. Sic extensio, siquæ DEO assignaretur, non consentiret cum cæteris perfectionibus cunctis, quæ enim v. g. præsentem urbem spectaret illa DEI expansio, nondum foret DEUS ipse immensus, omniscius &c. Simili modo si motus DEO tribueretur, vis illa movendi non concineret cum cæteris DEI excellentiis; nam qui hinc inde movetur, præsens ubique non est, major est consensus, ubi cunctis præsto est, omnia uno velut obtutu complexus, quam ubi, succedente nisu, aliò atque alio deferretur.

(iii) Sententia est Thomæ in Jurisprud. div. L. I. C. 3. §. 54. Contrarium tamen sentit Rudigerus in institut. erud. p. 411. ed. tert. Conset ea quæ paucis & recto nomine in hanc Autoris sententiam dixit Bülsfinger. Dilucid. p. 517.

### §. 24.

Sub finem pauca moneo. Nullum argumentum à posteriori pro DEI exsistentia allegari potest, nisi quod *principio* sufficientis rationis suffultum sit. Provoca, si placet ad universi ordinem, quæ est vis argumenti, quò ordinantem cognoscas? Nulla alia quam hæc, quoniam aliàs *ordo exsisteret sine ratione*. Provoca ad rerum fines, judicium erit idem, allega si lubet conscientiam pœnæ, & præmii præconem, non valebit ratiocinium, si vel unus casus, in tota rerum universitate, sine ratione exsistere potest, unde enim discas, quod hic ipse, de quo quæritur, non ejusdem sit conditionis? an ex ratione quadam? atqui

atqui probanda est hæc, & sine fine, ubi semel principii amplitudinem coarctare, vel in paucis casibus, institueris. Non igitur contemptu & odio digni sunt qui fundamentum omnium pro DEI existentia facientium argumentorum distincte ostendentes, majori cum Plerophoria agere nos adversus Atheos docuerunt. (xx)

(xx) *Ratio Sufficiens dicitur id ex quo intelligitur cur aliquid sit, hoc potius nec alio modo. Qui vel unum casum existere concedunt, quem nec res creata, nec DEUS ipse, cur contigerit potius, quam non contigerit, intelligant; stabilitur aliquid, quod concipi nequit, ad imitationem senis illius in *aventures de saque Sadeur* edit. Holland. 1692, p. 83. quem ita auctor loquentem de suis Androgynis facit: *Ils se contentent d'adorer l'être incompréhensible sans en jamais parler. Ils s'imaginent que c'est l'offenser par l'endroit le plus sensible, que de faire de ses divines perfections le sujet de leurs entretiens: de sorte qu'on peut dire, que leur grande religion est de ne point parler de la religion.* Eorum, qui hoc principium angustioribus terminis circumscribunt, ratio est similis. Gravissima eorum intelligendi vis in eo versatur, ut plura intelligi. (nec à DEO quidem, i.e. ratione sufficienti nixa) negent.*

## SECTIO III. CAPITIS I.

### *De infinita DEI Natura.*

#### §. I.

*Accessus  
ad mate-  
riam.*

**I**mmensum Divinitatis pelagus esse, nemo eorum dubitat, quibus esse solet sanum synciput. Quod Sect. II. anteced. rudi Minervâ delineavimus facit omnino ad corroborandam hanc veritatem. Interim non est diffitendum, argumenta

menta quibus hucusque tam sublimis doctrina confirmata fuit, ejusmodi esse, ut indigeant supplemento, mea sententia, ex Philosophia recentiori petendo. Sine principio sufficientis rationis, DEUM infinitum esse, nunquam demonstraveris plene. An ea vilis est Philosophiæ recentioris opportunitas? Age, faciamus periculum.

## §. 2.

Non obscuri nominis Theologus pro infinita DEI natura ita ratiocinatur: Nos existimamus, inquit, infinitudinem dari in DEO. Prima probatio nobis desumitur ex ipso conceptu Entis à se, quem diximus esse constitutivum essentia divine. Nam eo ipso, quo DEUS essentialiter à se ipso, non vero ab ullo aliquo principio extraneo sive causa efficiente habet esse; hoc, inquam, ipso non potest non esse ejus infinitum & illimitatum esse. Omnis enim limitatio & finitudo quoad esse, & sic quoad essentialem perfectionem à causa efficiente provenire debet, nupote qua tribuit tale, vel tale esse cum tanta vel tanta perfectione. Nihil enim sibi tam inimicum est, ut certos sibi terminos & limites essentia ac perfectionis substantialis ponat. Ergo cum DEUS à nullo habeat esse, etiam nullam potest habere causam suæ limitationis ac finitudinis in essentia. Ergo est infinitus quoad essentiam. (a)

(a) Argumentum est Joh. Wolffg. Jægeri in Theolog. natural. p. 58. 59.

## §. 3.

Est hoc ratiocinium ejusmodi, ut additamentis quibusdam indigeat. Nervus in eo ponitur;

Examinatur.

nitur: *Quodcumque non habet auctorem, illud frustra fingitur. Atqui limites in DEO, si qui forent, auctorem non haberent, frustra igitur finguntur.* Fulcro indiget propositio Major, obnoxia quippe contrariorum exemplorum exceptioni, qua *Universalitas* nonnihil detrimenti capit. Ipsa DEI natura auctorem non agnoscit, nec tamen frustra fingitur. Sunt & sui rebus, in æterna possibilitate regione manentibus, nec inde prodituris unquam, certi limites; non possent enim existentia donari limitibus destitutâ, nec tamen illi limites auctorem requirunt, ipsa rerum naturâ, quæ finita est, eos poscente. Miraris forsan, acuminis, seu nimix subtilitatis excessum; sed malo memet præstare tutum ab omnibus adversariorum argutiis, quascunque prævidere licet, quam destinato consilio pias admittere fraudes. *Non est id ingenui hominis, nedum Philosophi.*

## §. 4.

Continua-  
tur exa-  
men.

Subit forte tuam mentem, *aliam esse conditionem DEI, aliam rerum cæterarum, siue possibilitatem siue existentium: non posse non has limitibus esse circumscriptas, à DEO autem eos alienos esse necessario.* At ita supponis quod erat in questione. Probaturus naturam DEI infinitam allegabas absentiam auctoris, qui limites contulisset, cum urgerem, & alibi multa præsto esse, quorum non sit auctor, respondendo redis in orbem, *DEUM infinitum esse*, tanquam probatum supponens. Posset itaque hujus doctrinæ hostis obvertere, *ex Independentia non duci argumentum pro natura infinita; limites forsan aque necessarios esse,*

ac ipsam naturam, sicut & ceterorum possibilium ferme eadem sit conditio. Aliter igitur hoc ratiocinium emendandum videtur. (b)

(b) Quæ causa fuit, cur Ethnici olim Philosophi materiam, quam æternam & independentem dicebant, haudquaquam continuo omnibus perfectionibus vestitam i.e. infinitam concedebant. Non minus enim existentiam materię, quam perfectionum illius limites existimabant necessarios. Non supervacuum igitur hoc est meum dubium, quod impellit, ut animum ad fundamenta Ethnica religionis evertenda adplicemus. Vid. Bayle continuat. des diverses pensées écrites à un Docteur &c. T. II. p. 527.

## §. 5.

Examinanda tamen sunt reliqua in ratiocinio excellentissimi Theologi. Pergit, Vir summus: Nihil sibi tam inimicum esse, ut certos sibi terminos, ac limites essentia, ac perfectionis constituat. Robur argumenti in eo ponitur: Quidquid inimicum animum producit, id in optimum Deum non cadit; atqui limitum collatio facta sibi ipsi, inimicum Dei erga se ipsam proderet animum. E. Minor valde dubia. Confert DEUS limites rebus à se conditis, nec tamen id inimicitia testimonium est, non potest enim conferre. Unde probamus igitur, non esse similem rationem in DEO, non esse necessarios in eo limites. Si enim necessarii sunt, sibi inimicus non est, admittendò, quod declinari nequit. Intelligis igitur & hoc argumentum aliud quiddam supponere, quod hætenus distincte evolatum non fuit.

## §. 6.

Alterum ratiocinium, quo infinitam Dei naturam queri satagit, Theol. celebris, ita habet.

K

Dens

tur.

Aliud ratiocinium pro DEI natura infinita ex-  
citur.

Tertium  
examina-

*Deus est id, quò melius esse & cogitari non potest, ne ab ipso Deo quidem, atque quocunque ente finitò potest quid cogitari melius. Ponamus ens perfectum ut octo, erit aut certe quid cogitabitur eo melius, si sit aut cogi- setur perfectum ut decem. Solò autem ente simpliciter & per essentiam infinito nihil melius esse aut cogitari po- test, ergo DEUS est ens infinitum. (c) Argumentum hoc Cartesiano haud est absimile. Præstruit pro- positionem hanc: Quod si DEO melius nihil cogi- tari possit, aut si tanquam perfectissimus concipi queat, tum continuo quoque posse perfectissimum existere. Probandum vero est, quod ideæ Entis perfectissimi respondeat extra mentem *possibilitas*. Id ex nostris doctrinis demonstravimus paulo ante, usum ergo nostra dogmata firmandis cæterorum thesibus præstant non contemnendum.*

(c) Theol. natur. p. 63.

§. 7.

*Sine princ.  
suff. rat.  
non potest  
infinitus  
Deus pro-  
bari.*

Dixi in antecedenti paragr. primò, sine princi-  
pio sufficientis rationis non posse Dei infinitam de-  
monstrari naturam, ibo nunc in rem præsentem.  
Finge plura fieri sine ratione, quomodo occures il-  
li, qui divinas virtutes gradu affectas, imò ipsam  
naturam cancellis coarctatam contendit? Num pro-  
vocabis ad *independentiam*? quid? si limites ipsos  
etiam *independentes*, eoque necessarios dixerit? Num  
allegabis naturam Dei perfectissimam? atqui eam  
esse possibilem probasti nondum. Forsan accusa-  
bis fictionem adversarii, qui limites admittat in  
Deo, idque sine ratione ulla? Ita vero in nostra  
transibis castra auxilium principii, de quo disputa-  
tur, implorans. Fatere igitur, si placet, summam  
esse

esse hujus principii, à Recentioribus distinctius evol-  
luti, in Theologia necessitatem.

### §. 8.

Nos igitur infinitam Dei naturam probaturi *Roboratur  
infinita  
Dei  
natura.*  
hâc viâ ingredimur. Aut limitum graduumque,  
quibus divinæ virtutes circumscribi finguntur, ra-  
tio est, aut non est. Sin hoc adfirmaveris, Philo-  
sophiæ omnis fundamentum labefactas. Sin illud  
placeat: quæro: aut ratio illorum limitum est in  
DEO aut extra DEUM. Non potest esse in DEO.  
Sive enim consideraveris naturam ejus generatim,  
five prout est à se, nulla pro limitibus occurrit ra-  
tio. Natura cujuslibet rei generatim spectata ex  
æquo capax est his aut aliis limitibus gradibusque  
recipiendis, nullaque proin ratio peti potest inde,  
cur hos potius DEUS limites haberet nec alios.  
Sed similis ratio est naturæ DEI, quatenus est à se.  
Nunquid ex *independentia* ratio desumi potest, cur  
hos potius, quam alios admittat gradus, Divinitatis  
Oceanus? Minime vero. Ergo in Deo nulla est li-  
mitum ratio. Sed nec extra Deum ulla esse potest.  
*Dependens vocamus cujus ratio est in altero*, atqui  
Deus est independens, tam quoad limites, si quos  
haberet, quam quoad cætera, ergo nulla limitum in  
Deo ratio peti potest à rebus externis. Quod-  
si gradus divinarum virtutum penderent à rebus  
extra Deum collocatis, possent utique variari, unus  
enim gradus æque possibilis est ac alter, sic DEUS  
passionibus ab agente extraneo foret obnoxius, nec  
proin independens, quod est absurdum. Ergo divi-  
næ Excellentiæ omnium plane graduum sunt ex-  
peties

partes i. e. infinitæ. Arbitror ita intelligi, quanta sit in hac doctrina principii sæpe memorati necessitas, quanta utilitas. (d)

(d) Confer, quæ in hanc rem discurrit Bulffing. Diluc. p. 440. & statue tecum quantum inde sumserim tuo, aut quantum lucis ibidem dictis affuderim, aut non affuderim?

### §. 9.

Occurrit  
tunc dubio.

Forſan eâdem nos autumas difficultate premi, quam obverti poſſe ordinariis argumentis diximus. Nam ſi qui limites in DEO neceſſarios ſtatuunt, eos negaturos, quod ulterioꝝ ratio requiratur, quicquid enim neceſſarium eſt, habere rationem ſui, in ſemet ipſo. Addeſ, nos ipſos dixiſſe, limites rerum poſſibilium neceſſarios eſſe, non poſſe enim infinitas creari, nec tamen agnoſcere illos limites auctoꝝem. Sed non eſt reſponſio difficilis. Qui limites in Deo neceſſarios docet, eum oportet monſtrare, quod ſi virtutes divinæ cancellis eſſent nullis circumſcriptæ, oriretur contradicção. Atqui nemo id oſtenderit, falſo igitur inculcatur limitum in Deo neceſſitas. (e) Deinde rerum, quæ nunquam ex poſſibilium regione prodibunt, ſunt neceſſarii limites, iidemque cauſam efficientem poſcentes nullam, ſed ratione tamen certâ nixi. Quæ enim ratio eſt, ut in exiſtentibus v. g. celeritas motorum corporum limitetur gravitate ita, ut quantum huic decedit, tantum accedat illius & viciffim: Ea etiam ratio fuit in æterna poſſibilium regione, ut ſemper rerum, in ſyſtema redactarum altera alteram limitaret, repræſentante eam ſcheſin divino intellectu, cum nondum exiſterent. Habet igitur limitatio rerum



rerum dependentium, licet sit necessaria, rationem, à mutua dependentiæ in systematico nexu, coordinatione profectam. At alia ratio est entis, quod à nullo dependet, sive id ut possibile, sive ut existens perpendas; nihil est quod limites requirat, necessitatemque ei imponat certorum perfectionis graduum. Non igitur limites in eo fingi debent. In eo igitur emendatur ordinariæ Philosophiæ ratiocinium. Nam hætenus ita sunt philosophati: *ubi nulla limitum in DEO causa efficiens ibi sint nulli limites, atqui.* E. Instantiæ obnoxia erat propositio major, sed nostro more emendata nulli obnoxia est exemplo contrario. *Ubi nulla limitum ratio, ibi tales existere non fingendi sunt*, atqui in Deo, E. Nihil hic potest obverti. Priori argumento occurrebatur, *nec Dei naturam causam agnoscere efficientem nec auctorem habere rerum possibilium nondumque existentium limites.* Nostro autem ratiocinio tale quid exprobrare non licet. Nec enim vel ipsa Dei essentia sine ratione existit, habet rationem in se ipsa, quoniam est à se; licet causam efficientem non habeat: Nec etiam limites rerum nondum existentiam donatarum absque ratione finguntur, cum eorum ratio ex dependentia fluat, quâ fit, ut in systemate rerum plurium creandarum, creatarum, altera subinde alteram limitet. Imo vero quidquid dependens est, limitatum creari debet, aliter. Ens independens conderet, quod semet perfecte æquat, eoque dependens non foret dependens, quod est absurdum.

(\*) Vid. Wolff. Met. §. 79.

## §. 10.

*Epilogus.*

Demonſtratâ h. m. DEI infinita naturâ intelligitur, nihil non in DEO ſine gradu eſſe : ſcientiam, potentiam, præſentiam (*f*) durandi vim, & alia generis ejusdem. [*e*] Quicquid in DEO eſt, infinitum eſt. Si vel unica virtus limitata foret, prior rediret quæſtio, quæ ratio ſit, cur hæc potius nec alia quælibet hoc afficiatur modo? Cumque nulla reddi poſſit, perſpicuum eſt, eam virtutem vel eſſe nullam, eoque DEUM non eſſe perfectiſſimum, vel nullo coarctari gradu. Quod erat probandum.

¶ Quin & præſentia infinita ſit, non eſt dabitandum, quidquid calumnientur Socini Diſcipuli. Ita enim Beza Epift. VI. T. III. operum p. 206. 207. *Axioma illud*, inquit, *Servetis de DEI reali vel eſſentiali in omnibus rebus & locis præſentia*, ita urget, ut ex eo colligat non modo brutæ pecudæ, ſed ipſa etiam corpora inanimata animâ quadam communi vel cœleſti vegetari &c. *Eam hominum animos communi quadam ut fovere*, eoque recte illos vel DEOS vel Deificatos adpellari. Proterva eſt hæc cavillatio inferius forſan tangenda. Vid. quæ Wattichius in conſenſu veritatis p. 86. ſeqq. ed. 1682. adverſus Swartzium de ſpatii imaginariis DEO repletis ſcribentem diſputat. Addatur quod in ſcripto : *Tanſeniſte convancu de vaine Sophiſtique* p. 164. de præſenti materia legitur. Confer. Vaſquez, T. III, diſp. Diſp. 110. quæſt. 25. Cap. 3.

SECTIO

## SECTIO IV. CAPITIS I.

### Quod DEUS sit unus.

#### §. 1.

**U**Nicum existere DEUM sapientiorum inter gentes constans sententia fuit. Perviderunt enim multitudinem Deorum minime consentaneum esse rationi rectæ. (a) Duo tamen sunt observanda: aut in probanda ea veritate quosdam vacillasse, aut unicum Deum talem intellexisse, qui à rerum creaturarum collectione universa distinctus non fuerit. Quod ad postremum adinet, satis, opinor, ostendimus, DEUM, quem oporteat colere, à Mundo plurimum differre, cujus quippe rationem in se continet, quam universum ipsum contingens complecti non potest. Sed de primo nunc dispiciendum erit, an argumenta pro unico DEO adlata, ejusmodi sint, ut supplemento ex recentioribus haudquaquam indigeant?

Accessus  
ad Sect. IV.

(a) Socratem capitis damnatum, quod negaret Atheniensem DEOS pro Diis habendos neminem fugit. vid. Xenoph. Apol. p. 703. Augustinus observat, non esse gentes usque adeo ad falsos DEOS delapsas ut opinionem amitterent unius DEI veri. Contra Faust. Manich. L. 20. cap. 19. Lactantius Institut. divin. L. 1. C. 6. p. 41. seqq. illud Mercurii allegat: ὁ δὲ θεὸς εἷς, ὁ δὲ εἷς ὁνομαστος ἔστω προσδέσται, ἔστι γὰρ ὁ αὐτὸν ἀνὴρ. Confer. quæ collegit Tobias Pfanner, in System. Theol. gentilis purioris, c. 2. §. 9. p. 51. seqq.

#### §. 2.

Ut huic instituto satisfaciamus, Patrum Ecclesiæ argumenta potissima allegabimus, quibus adver-

Argumen-  
ta Patrum  
Ecclesiæ

pronuncia  
DEI na-  
tura.

adversus gentes, *unicum esse DEUM*, demonstrare sunt aggressi. *Quod est summum idemque perfectissimum, non potest esse nisi unum, nam is deum est perfectissimus, qui solus totum habet: atqui DEUS. E. Domino omnium Dominantium convenit ut sine socio imperet, alias nec ipsis majestas erit maxima, nec ipse solus dominabitur Univerfis nec solus omnia gubernabit. atqui Deus Rex regum. E. (b) Non possunt esse actus multa infinita, at DEUS sua natura est infinitus. E. si multi sunt Dii, circumscripti sint necesse est, ubi enim fuerit unus alter esse non poterit, atque *ὡς ὅτι πᾶσι ἐναὶ* in Deum non cadit. E. Si plures sunt Dii aliqua inter illos differentia sit oportet, si autem sit differentia ita ut unus habeat, quod non habet alter, non poterunt esse perfectissimi. (c)*

(b) Ignatius Epistol. IX. ad Antiochen. Clemens Alexandrin. orat. exhortat. ad gentes, Tertullianus contra Praxeam in apolog. lib. de Idololatr. L. V. advers. Marcion. Lactant. L. I. institut. cap. 3. Augustin. 1. de Trinit. c. 4. Damascenus de orthodox. fid. L. I. c. 5. &c.

(c) Hoc argumento etiam recentiores utuntur. Opalski de offic. L. III. c. 1. p. 183. Roell. de relig. natur. § 61. Heinsius Theol. nat. c. 3.

### §. 3.

exami-  
nabimur.

Examinabimus jam hinc inde supplenda, ne quis autem id à me fieri miretur, non possum quin moneam, jam olim à Viris doctissimis observatum, *unitatis (d) divina ideam natura minus evidentem esse, quam existentia notionem; speramus igitur fore, ut examen argumentorum, pro hac veritate facientium, nobis vitio non vertatur. Primo arguunt Ecclesiæ veteris sidera ab Idea perfectissimi en-*

tis

*nis ad naturam ejus unicam.* Recte quidem, si modo prius ostenderint, quomodo eo ratiocinio & contra Manichæos uti liceat, qui alterum Deum suum, eundemque malum, *summum quidem dixerunt, non vero perfectissimum.* (e) Cum & ipsi Patres, Patrem, Filium, & Spiritum Sanctum unum videantur dixisse, (f) non unitate, ut Philosophi (g) loquuntur, numerica sed specificâ solum; eoque tria perfectissima entia forsan statuerint; non potest hoc eorum ratiocinium quidquam habere roboris. Accedit tertio quod nondum commonstrarint, fieri non posse, ut tria seu plura perfectissima existant, per omnia sibi mutuo æqualia, nam & is perfectissimus est non qui solus omnia habet, sed cui nihil perfectionis deest, non advertendo, siue alii existant omnibus perfectionibus ornati, siue minus.

(d) Grotius de J. B. & pacis. c. 20. §. 47. affirmat minus evidentem esse unitatis divinæ ideam quam ejus existentiam. Reprehendit id quidem Osiander ad h. l. & Buddæus de Pietate Philos. §. 19. Sed ipse discursus præsens excusabit Grotium: vid. Coudyworth, system. Intellect. L. 1. cap. 4.

(e) Juxta Manichæos enim *conflixerunt duo principia, postque conflictum mixtura remansit mali & boni.* Vid. Augustin. de Hæresibus cap. XLVI. fol. 115. in edit. Lanbert. Danzi. vid. de ineptiis Manichæorum, quibus luna phases explicabant: Balnag. Histoïr. de la Relig. des Eglises Reformées T. I. p. 125. 126.

(f) Adpareret ex Veteribus, eos credidisse, quod tres sint Naturæ divinæ, numero diversa sed unius speciei. Vid. Steph. Courcellæi Quatern. dissert. 1. §. 74. & seqq. & Vit. Eusebii ac Gregorii Nazianzeni. Accedit quod vox ἐμοὺς ex Platonicorum usu significaret, ejusdem speciei, & synodus Chalcedonenfis in

suo symbolo statuerit; *Filium esse nobis ὁμοῦσιον κατὰ ἀνδρωπότητα, ut est ὁμοῦσιον Patri, κατὰ θεότητα.* Vid. Coutsvvorth, in libro anglico inscripto; *the true system intellectual of the universe* Lib. 1. c. 4. p. 606. seqq. Addatur Bælius in *Distion. Hist. erit.* p. 330. a. edit. tert. Ubi Jurizum in hanc sententiam allegat. Vid. Buddeus Th. dogmat. p. 428.

(g) Ita enim Aristoteles *Metaph. L. IV. c. 6. λέγει οὐκ ἐν ᾧ ἡ ἔσσις μία, μία ἢ ἡ συνεχία, ἢ εἶδει ἢ λόγῳ.* dici unum, quorum essentia una est; una continuitate, aut specie, aut ratione.

## S. 4.

Continua-  
sat exca-  
men.

Alterum ratiocinium fulcro pariter indiget. Convenit, inquit, Domino Dominantium ut sine socio imperet, alias nec ipsius majestas nec erit maxima, nec ipse solus dominabitur. Vellem ut ab hoc argumento morali abstinuissent veteres, si non ob imbecillitatem argumenti, certe tamen ob argutiarum, quibus ei occurrunt adversarii, ambages non tam levi negotio extricandas. Nec enim divinitatis personæ quælibet solæ imperant exclusis duabus cæteris, nec vero etiam pluribus in Aristocratiâ competens majestas, tollit supremam majestatis dignitatem. Prolixum foret, regetere, a Christianis tres duntaxat personas fide divina credi, non autem substantias, ibi igitur Majestatem supremam manere, non vero hic, ubi per distinctas substantias distribuatur: eo enim effugiō non commovebitur adversarius, nam ab absurditate societatis in imperio divinō argumentum ducebatur, ab eadem autem societate trium personarum divina Majestate æquali gaudentium, petitur instantia. Ternio substantiarum est extra tertium computationis. (b)

(b)

(b) Accedit quod Manichæi, & qui cum iis sentiebant, unicuique principio bono & malo summam in suo genere potestatem tribuebant, alteri ad omnia bona, alteri ad mala quævis inferenda, contra quos hęc argumenta feliciter non pugnaveris, dicent enim *arbitrium mali indignum esse, Deo bono licet suprema maiestate omnia moderetur, qua bona sint.* De Sclavis testatur Helmoldus Chronic. Slav. cap. 53. Quod summum mali arbitrium DEO cuidam nomine ZEEVUBOCH tribuerint. Paria de Germanis quibusdam Vossius tradit de orig. Idololatr. L. 1. cap. 8. p. 280. Atque hodiernum provinciæ Fetu in Africa incolas persuasum sibi habere notum est, *esse aliquod Numen, cui omnia mala, aliud, cui bona accepta ferenda.* vid. Wilhelm. Müller Beschreibung der Africanischen Landschaft Fetu p. 43. 44. apud Pfanner. in system. Theol. gentil. p. 258.

§. 5.

Tertium ratiocinium in eo ponitur, *non posse actu dari plura infinita.* Perbene id quidem affirmatur; sed quomodo id probabimus? *Infinitum dicitur, quod omnes perfectiones complectitur,* quâ quæso ratione evincemus, *non posse duo, aut plura complecti omnes perfectiones?* Quid, si fingat adversarius fieri id posse, quomodo tum erroris arguendus est? similis ratio cæterorum est argumentorum. Verosimilitudine eminent multo maxima, ut ad summum tamen demonstrationis cacumen evehantur, supplemento opus est. Dicunt, *si plures sint Di, circumscriptos eos propterea esse, quoniam non esse possit unus, ubi fuerit alter.* At quod perfectissimum est, alteri consentit, si duo sunt Di, sunt profecto amicissimi, quia perfectissimi ambo, nullo livore laborantes. Postremum denique argumentum

*Agitur  
idem.*

viam

viam ad supplementa monstrat, quæ nunc jam sumus exhibituri. Si plures sunt Dii, aliqua inter ipsos differentia sit oportet. Si autem sit differentia, ita ut unus habeat quod non habeat alter, non poterunt esse perfectissimi. (i)

- (i) Detestanda est Polytheismi à gentibus introducti, quæ δῦμον θεῶν pro uno vero Deo coluerunt. Quidquid humus, pelagus, cælum mirabile signant Id dixere Deos, colles, freta, flumina, flammæ. Varro trecentos commemorat Joves. Vid. Augustinus L. VI. & VII. de civitate Dei. Hesiodo τρεῖς μοῖραι εἰσι θεῶν δῖπλχθόνι πελυβολεῖν.

## §. 6.

emendand-  
um argu-  
mentum.

Quod si forte ogganniverit protervus ἀνι-  
λέγων, posse existere plures DEOS, eosdemque nul-  
la prorsus perfectione differentes, eoque undiquaque  
perfectissimos omnes, sed distinctos tamen numero;  
(k) Pervulgatum enim est Scholasticorum cohortem, & ea differre, quæ numero discrepant, docuisse; quid eo casu relegendum est? Novi esse absurdam fictionem, sed qua via in eptus error detegendus est? recurrendum ni fallor ad principium Leibnitii, quod ea sint unum idemque sub diversis nominibus, quæ penitus non possint distingui. (l)  
Si finxeris DEOS duos perfectissime sibi mutuo æquales nec minimo discrimine differentes, non duo, sed unum Numen concipis duobus titulis appellatum.

- (k) Vid. Scheibler. L. I. cap. 7. p. 104.

- (l) Primus enim, qui hoc principium distincte docuit Leibnitius erat. Vid. Recueil de diverses pieces par Mr. Nevvton, Leibniz, &c. T. I. p. 50. ces grands Principes de la raison suffisante & de l'identité des indiscernables



nables changent l'état de la Métaphysique, qui vient réelle & démonstrative par leur moyen. Quamquam non ulla obscure cognoverint ipso Antiquiores. v. g. Cicero Acad. quæstion. L. II, ait : *dicis nihil esse idem, quod sit aliud. Stoicum est quidem, nec admodum credibile, nullum esse pilum omnibus rebus talem, qualis sit pilus alius nullum granum &c.* Jacobus Thomassius in Logic. Cap. 4. de individ. ita definit individuum, ut ab hoc axioma non videatur longius abuisse. *Individuum est, inquit, quod constat ex proprietatibus, quarum collectio nunquam in alio aliquo eadem esse potest.* Ergo nullum individuum alteri ex omni parte simile, ergo juxta Leibnitium, eorum quæ alteris prorsus similia sunt, non est distinctio, sed cum alteris unitas. Qui igitur duo Deorum individua fingit penitus æqualia, unum cogitat DEUM sub diverso nomine. Claubergius in Metaphys. quæ operibus Philosoph. omnibus inserta p. 306, h. m. philosophatur. *Singularem cujusque rei unitatem cognoscimus ex certis conditionibus, quæ omnes simul sumptæ in alia re eadem numero inveniri nequeunt: his versibus comprehendæ:*

*Forma, figura, locus, stirps, nomen, Patria, tempus,  
Propria qua septem continet omnis homo.*

Hoc axioma observato magnæ difficultates de spatio, tempore creati mundi, compositione continui, aliisque famosis labyrinthis exortæ solvuntur. Vid. Bülf. Dilucid. p. 445.

§. 7.

Hoc unô observatô, cuncta argumenta in antecedentibus allegata vim demonstrandi sortiuntur. Primò enim licebit cum Patribus Ecclesiæ citatis ab idea perfectissimi entis arguere ad ejus naturam unicam. Nam si duæ pluresve existerent naturæ perfectissimæ : inquirendum foret, num illæ quodam attributô differrent, nec ne ? si diffe-

*Continua-  
tur emen-  
tatio-*

differunt, recte cum Patribus colligis, habere unum DEUM, quod alter non habeat, esse igitur eo deficiente minus perfectum: si non differunt, ex recentiori Leibnitii Philosophia concludi potest, quod veteres non adverterunt, non duos sed unum cogitari DEUM sub diversis nominibus. *Quicquid enim ab altero plane non potest distingui, idem est cum eo, haudquaquam diversum (m)*

(m) Hoc axioma in presenti eademque distincta applicatione priscis ignotum fuit. Quamquam Augustinus de civitate Dei L. IV. C. 11. Hucius demonstrat. Evang. propos. 4. p. 121. Coudvorth. Systemat. intellect. L. I. Cap. IV. Clericus Bibliothec. choisl. T. III. art. 1. p. 75. Chaovinus de relig. nat. P. I. cap. 5. Prolixè docuerint unitatem Dei gentibus non ignotam fuisse.

## §. 8.

*Agitur  
idem.*

Mittimus ratiocinium secundum, quo non indigemus, dicturi tantum de tertio, quod *plura insinua existere nequeant*. Nimirum fulcitur hæc ratio axiomate nostro. Si possunt existere perfecte similia, eademque distincta numero, potest etiam fieri, ut duo sint infinita quorum utrumque omnibus perfectionibus ornatum est. At si perfecte similia, quæ discerni nullo pacto possunt, unum idemque sunt, sub diversis nominibus: perspicuum est, sub sub duobus infinitis, quorum unum quodque alterum ex omni parte æquat, cogitari nonnisi unicum DEUM, adeoque ludi tantum & decipi incautos. Non igitur locum invenit, quod postremo argumento est obversum dubium. *Posse nimirum aequales esse duos pluresve Deos, similesque per omnia, ut habeat quisque eorum,*

*quod*

quod possidet alter, interim differre tamen, sed nonnisi numero. Nam qui nonnisi numero differunt, plane non differunt, eoque Polytheismi figmentum sua sponte corrui.

§. 9.

Nunquam potui à me impetrare ut commovere argumento sequenti: *Si Dii forent plures, aut alter alterius opus destruere posset aut non. Si posset, secundus non esset omnipotens, si non posset, primus foret imbecillus. Atque utrumque est absurdum.* E. (n) *Examina- tur aliud argumen- tum.*  
Qui enim plures Deos fingunt, perfectissimos dicunt omnes, eoque ita affectos, ut propter perfectionem i. e. consensum, nemo eorum possit nolle, quæ alter vult. Nec etiam alter alterius opera, hōc commentō stante, destruere potest. Quantum enim abest ut impotentiam arguat, si unus DEUS se ipsum destruere nequeat, aut ea velit evertere opera, quæ condenda judicavit sapientissime: tantum etiam abest, admissa isthac hypothēsi licet absurda, ut infirmitatem prodat, si alter Deus alterum destruere, vel ejus opera perdere nequeat, consentit enim cum altero, cui perfecte similis est, per omnia nec alia agenda judicat, quam ipse prior. (o)

(n) Argumentum à Jægero urgetur in Theol. natural. p. 18.

(o) Hinc si vel maxime plures fingantur Dii, iidemque æquales perfectissime, divini tamen cultus vincula non pessum eunt quibus potentissimo Conditori obstringimur. Vid. Bülfing. Dilucid. p. 445.

§. 10.

Intelligitur ex his quare nonnisi unus Deus existere, præter DEUM autem infinita rerum va- *Corollarium.*  
rie-

rietas habere locum queat. Nimirum res omnes præter Deum non sunt perfectissimæ; possunt igitur differre, perfectionum gradu, numero. Sed cum per vocem DEI intelligamus eum, qui omnes omnino perfectiones complectitur, & eas quidem sine gradu possessas; cognoscitur sane, plures ejus generis esse non posse. Nam cum singuli omnibus & sine gradu quidem perfectionibus exornati forent, nullum remaneret distinctionis fundamentum. *Qui enim bis omnia cogitat, si differre tum ea statuat, aut alterutro conceptu non comprehendit omnia, aut eadem omnia diverso mentis actu concepit.* (p)

(p) Non feliciores in probanda hac veritate fuerunt Scholastici Thom. Aquin. p. 1. quæst. art. 3. DEUM esse unum probat, *ex simplicitate, ex unitate perfectionis, 3. ab unitate mundi.* Quod argumentum quidem recte expositum in axioma de sufficientis rationis necessitate resolvitur. Cum enim unicus DEUS unius mundi rationem sufficientem in se continere possit, præter rationem plures finguntur. Vid. Wolff. Metaph. §. 1083. Scotus urget. 1. sent. distinct. 2. quæst. 2. *Quod in causis essentialiter subordinatis oporteat ponere statum, ne fiat processus in infinitum, unde concludit esse aliquod ens primum, huncque primatum uni soli naturæ convenire.* Sed Biel 1. sentent. distinct. 2. quæst. 10. art. 3. ait, *quod non demonstratum sit ratione naturalis, esse unicum DEUM.*

## SECTIO V. CAPITIS I.

### De DEI Sanctitate.

#### §. 1.

*Definitio  
sanctitatis.*

**P**lures existere Deos non posse, in subsidium vocatô Leibnitii axiomaticè, argumento comprobavi,

bavi, quod omne dubium superat; Nec enim curandos esse Manichæos puto, qui mali summum arbitrum fingentes, mali naturam, quæ in perfectionum absentia ponitur, non intellexerunt: Nihil igitur superest, quàm ut ex recentiorum dogmatibus pauca addamus, quæ ad illustrandam sanctitatis divinæ notionem comparata sunt. In-  
 finitum ideo diximus DEUM, quod, quidquid perfectionis cogitari potest, complectitur: nunc sanctum cum recentioribus (a) vocare licebit, quod perfectiones (solas nec diversum aut contrarium quiddam continet.

(a) Ita Bülsfinger Dilucid. p. 313. per infinitudinem id denotavimus, quod DEUS complectatur omnia realia. per sanctitatem intelligimus, quod sola illa possideat, non verò admixta eorum opposita.

## §. 2.

Notio sanctitatis cum naturæ infinitæ idea necessario connexa est. En argumentum à citato auctore omissum! Qui infinitus est, omnibus, quæ animam subire queunt, ornatur perfectionibus. Finge jam, non esse eum sanctissimum, contaminabitur quâdam imperfectione, atqui imperfectio nil aliud est quam perfectionis cujusdam absentia. Ergo si infinitus non est sanctissimus, non complectitur omnes perfectiones, i. e. infinitum non erit infinitum, quod manifestam prodit absurditatem. (b)

Connexio  
cum idea  
infinitæ.

(b) Sanctitatem Buddæus Theolog. dogmat. institut. p. 325. ita describit: Quando Deus amore purissimo se amare concipitur, ut simul ab omni imperfectione remotus secretus, separatus censeatur, amor ille vocatur

L

san-

*sanctitas.* Parum hæc definitio à nostra differt, nisi in eo, quod amoris mentionem faciat, quam consulto omisimus.

## §. 3.

*Est DEO  
essentiales.*

DEUS necessario est is, qui est, cunctas sc. perfectiones complexus, & quod inde intelligitur, ab imperfectione omni separatus. Sine isthac idea DEUM non conceperis, sed idolum. Omne quod in re qualibet primo & necessario concipitur, essentiae vocabulo adpellatur; est ergo perspicuum, DEUM per *essentiam* sanctum esse. Cum perfectiones non pendeant à DEI voluntate; neque enim Numen suas, quæ nunc vestitur, perfectiones immutare, aliasque eis substituere potest: sequitur, DEUM nonnisi ea velle quæ suis perfectionibus digna sint, adeoque sanctitatem esse voluntatis normam, non vicissim, sanctitatis regulam voluntatem. (c) En tibi fundamentum, *objectiva*, quam vocant, *moralitatis*.

(c) Τὸ δῖνατον εἶναι καὶ τὸ αἰχρὸν ἢ φῶς ἀδᾶ νόμος est vetus Archelai paradoxum, cui succinit Aristippus, & Theodorus ille ἀδῆς appellatus. Quæ sententiâ nihil potest excogitari pestilentius, & ad omne fundamentum religionis tollendum, ipsamque rationem iustitiæ DEI & necessitatem Servatoris intermendam, & pietatem exscindendam efficacius. Verba sunt Cocceji in summa Theol. Cap. 24. §. 6.

## §. 4.

*Notio sanctitatis  
revertit  
electionem  
absolutam.*

Sanctitas DEI versatur in complexu perfectionum omnium, excluso eo omni, quod innuit imperfectionem, i. e. dissensum inter virtutes supremi numinis. Parum igitur sanctus foret, si

si quid ageret DEUS, quod quandam inter virtutes suas argueret disharmoniam. Atqui si intellectus DEI duos repræsentat homines, v. g. Petrum apostolum, & Judam proditorem, quorum neuter quidquam habet, ex quo DEUS moveri posset, ad illum huic anteponendum; & voluntas tamen sine intuitu rationis in objecto alterum eligeret, alterum vero reprobaret; disharmonia oriretur inter intellectum & voluntatem: ergo sancta ea voluntas non foret, quæ prorsus sine causa in objecto prævisa ageret. (d) Intelligis, *Le-ctor benev. quantum definitionis momentum sit.*

(d) Nomina eorum, qui electionis decretum intuitu fidei formatum dicunt Barthold. Holzsfusus tradit in tractatatu Theolog. de prædestinat. Sect. II. §. 7. p. 117. Si, inquit, *absolutum opponatur ordinato, decretum DEI minime absolutum esse, siquidem illud respectu ad Christum & conditione fidei ordinatum sit &c.* Verum enimvero videtur laudatissimus vir executionem tantum decreti ordinatam facere, non decretum ipsum, de quo semper redit quæstio, an hæc voluntatis pro- pensio cum intellectu consentiat? nihil enim ab intellectu Dei in Juda prævisum, quod ipsum postponere posset, aut hunc præferre, & voluntatem tamen in hunc eligendum ferri præ altero, experientia docuit.

#### §. 5.

Sanctitas DEI per omnes ipsius virtutes diffunditur. Sanctus est intellectus, qui nulli errori Divisa  
sanctitate, assentitur unquam, sancta voluntas, quæ nunquam adprobat, aut induiget malum, sed nonnisi bonum amat, sancta sapientia, quæ semper bonos fines eligit, eisdemque subordinat media adcommodatissima. Sancta ipsa essentia, quod non completitur, nisi perfectiones omnes, easdemque solas. Qui igitur

tur cum illustri Viro. (e) sanctitatem DEI supremum benignitatis cacumen adpellat, meâ sententiâ de voluntatis divinæ sanctitate loquitur. *Benignitas enim est propensio voluntatis conferendi aliis perfectiones.* Qui proinde semper conatur in alios perfectiones conferre, Sanctus utique vel & justus est.

(e) Definitio est Leibnitii in Theodicea Part. II. §. 151.

§. 6.

*Gradus  
sanctitatis.*

Qui sancta excellit voluntate amat bonum, qui sanctior, fertur in *solum* bonum, qui sanctissimus tendit in *omne* bonum, ut malum amare non possit. (f) Illius exempla sunt vere pii, istius autem, sedium beatarum incolæ, hujus denique, nonnisi solus DEUS. Ergo qui sanctus est, malum odit. Qui enim bonum, quod in perfectione positum, amat, molitur ejus contrarium destruere, videlicet, quod sæpe dixi, malum. Sed ita DEUS odit malum, ut illud impediendo majus non committat. Quocirca permittit peccatum, ubi convenientius est non impedire, sin minus, nunquam non obstiterit. (g)

(f) Vid. Buddæus Theol. dogmat. p. 302. edit. prim.

*Ex eo enim quod DEUS semper optimum eligit, & amplectitur, sua sponte consequitur, quod omnia etiam ad bonum dirigat sinem.*

(g) Gerhard. de peccat. p. 125. *Quia DEUS ex lapsu hominis bonum elicere novit, ideo voluntarium hominis lapsum non impedit.* Bonum igitur è lapsu eliciendum præstat ejus permissionem convenientiorem, quàm impedimentum. Addatur Ursinus oper. Theol. Vol. I. fol. 122. *Non impedit DEUS lapsum, quia novit ex eo boni quiddam elicere; non tamen inde efficitur, quod ipsum lapsum voluerit, quin potius voluit bonum istud, quod ex lapsu elicere novit.*



## §. 7.

Non potest non esse sanctum in Cœlis habitans Numen. §. 3. Si non foret sanctus DEUS, non esset infinitus, si talis non existeret, DEUM egomet non agnoscerem. At quam diversa est hominum conditio! Non sunt infiniti, nec possunt quidem esse. Quocirca nec omnibus excellunt perfectionibus, & illæ ipsæ, quæ paucis gaudent, gradibus sunt distinctæ suis. Habent igitur imperfectionis plurimum. Sanctitas, si quæ resplendescunt, contingens est, cum expirare possit. Si præpollente quidem boni amore possim gliscat appetitus mali, incoata sanctitas, si, extirpatō mali amore, solus boni ardor flagret, perfecta sanctitas, sed humana tamen oritur; non involvit enim contradictionem, homines tum odisse bonum, quamquam pro statu præsentis nunquam id sint facturi. Contra DEUM odisse bonum, i. e. sanctitate exui, tam fieri non potest, quam fieri nequit, *ut idem non sit idem.* Adoranda (b) hæc est sanctitas, Esaj. 6. v. 3. quoniam perfectionis divinæ ineffabile specimen exhibet, quod immenso post se spatiō relinquit, quos Romana Ecclesia jubet adorare. *Adoramus, quod vult omne bonum, & solum id quidem, quod approbat omnem veritatem, & excluso quidem errore, ne si quadam duntaxat bona, quadam vera amantes colamus, aut, nobis bona, nolle, aut nescire deprehendantur.* Ita non sterilem in Theologia definitionis usum esse cognoscimus.

(b) Adoranda igitur sanctitas non inest in iis, quos colere flexis genibus jubet Rom. Pontifex, altetum autem adorandi fundamentum nonnisi figmentum est. Causantur sc. Christum sibi non reservasse nisi panas

*gratia autem omnis administrationem contulisse in matrem* Vid. Bafnag. Hiftoir, de l'Eglif. Liv. XVIII. Chap. II. p. 1082. Mr. Arnould. difficultez propofez à Mr. Stegaert P. I. p. 60. Quam blasphemum est cum Jefuita Oforio in uno fermonum, apud Drelincourt. in replique à l'Eveque de Belley pag. 374. affirmare, quod DEUS Maria Virgini dederit innumeras chartas litteris vacuas easdemque obfignatas, (une infiniké de blancs signez) ut eas distribueret hominibus pro arbitrio. Vel ipsæ gentes rectiora sentiebant. Xenoph. in Hierone pag 584. ait. Ἐγὼ δὲ Φημί ἀνδρὶ ἄρχοντι τὸ μὲν ἀναγκῆς δεόμεν μνον, ἄλλοις πρεῖναι κολαΐζειν, τὸ δὲ τὰ ἀθλα ὑποδιδόναι δι' ἡμετέρον αὐτῶν πατήρων.

## CAP. II.

*De usu Philosophiæ maxime juxta accessiones recentiorum in articulo*  
DE SCRIPTURA.

## §. 1.

*Usus princ.  
de suffie.  
ratione.*

CUM ex recentiorum axiomate *nihil fiat sine sufficienti ratione*, & sacrarum auctoritas litterarum ex evidentissimis characteribus euntotidem rationibus exsplendescat: quanta hujus Philosophiæ consensio cum protestantium Theologia sit, omnino perspicitur. Ex adverso, quemadmodum auctoritas, quam Rom. Pontifex poscit nullo fere idoneo argumento nititur, nisi maligno isthoc, quod ad accusandam scripturæ obscuritatem, litium inde ortarum multitudinem, Judicisque necessitatem pertinet: perspicuum est nulla ratione suffi-

sufficienti fultum imperium pontificis. Quis auctoritatem toleret, quæ nullam ob causam se obtrudit, quam quia conatur aliam multo digniorem oppugnare nec non destruere? Sic in syllogismo pro auctoritate sacrarum formato litterarum Majorem Philosophia recentiorum præbet, Minorem suggerit experientia cum interna tum externa. Non est igitur illius in præsentī loco nullus plane usus. (a)

(a) Auctoritatem sibi vindicare nulla ratione munitam importuni solet esse hominis. Quam ridicule Canus L. VI. cap. 8. locor. Theolog. scribit? *Papa conclusiones esse veras & necessarias, nisi præmissa nec vera nec recta sint.* Quem ridet jure Hulsemanni, in Manual. August. Confess. disp. 13. p. 575. *Novum id in Logica privilegium vocans.* Addatur Thom Cren. in not. ad Gabriel. Naudzi Bibliograph. polit. p. 536.

## §. 2.

Cuidam auctoritati credendum est sine ratione, cum à ratione tamen disjuncta non sit, sæpe tamen rationi tribuitur fides, quæ ab auctoritate omni separata est longissime. Nimirum illinc, non est præsto ratio specialis credendi hoc, adest tamen generalis, ut credas testanti, sic auctoritas cum ratione conjuncta est; hinc autem ratio à fide secreta semper specialis est, & absque auctoritate elicit assensum. Auctoritati divinæ in sacris loquenti nec alleganti rationem, quam habet, obtemperandum est; eam fidei maximam dixero vim, quā colitur DEUS. (b) Sed auctoritas tamen divina nunquam sine ratione est admitenda, ne in tenebrarum Muhamedi, nescio quas revelationes temere fingentis, incidas regna. Hic tra-

*Auctoritas  
caeca &  
rationa-  
bilis.*

trames medius interjacet inter extremos errores. Sunt, qui auctoritati subesse nulli volunt nisi præceptorum omnium specialissimas alleget rationes, cum ratio tamen generalis falli auctoritatem hanc non posse, sufficiat. Atheos isthos voco & Naturalistas pessimum genus hominum: sunt etiam ex adverso positi, qui auctoritati subjiciunt nullo idoneo argumento corroboratæ, cæcæ ei quidem, & erroris plenissimæ; quò nomine Pontificis assentatores accusandos esse quis non videt? Vitabimus igitur ambos scopulos, si divinam auctoritatem non admiserimus sine ratione; nec specialem rationem anquiramus in iis quæ auctoritate DEI stabilita sunt.

(b) Ipsi Pontificiorum nonnulli h. l. consentiunt. Baldum. Junius Ord. S. Franc. de observantia L. 12. Manual. Theol. c. 6. p. 523. *Auctoritas Scriptura divina prorsus est, quod ipsum ex fide nobis constat, tum ob revelationem divinam in eadem Scriptura contentam, tanquam ob rationem, in quam proprie ipsa fides respicit.* Non admittendam sine ratione sufficienti auctoritatem divinam vel Huertius Pontificis affecta docet librò, quem inscripsit *demonstrationem Evangelicam*, quæ tot argumentis Evangelio auctoritatem conciliare studet. Non quidem fugit quid impudentissimus Atheus Tolandus ejus instituto obverterit; sed & scio, quod illud vindicarint Jacob. Fayus in defens. religionis nec non Mosès & Gentis Judaicæ dissert. poster. c. 1. & 2. p. 186. Morinus in peculiari dissertatione, quæ exstat in dissert. varii argumenti à Tilladeto lingua Gallica editis T. I. p. 438. Si sine ratione revelatio amplectenda, frustranei fuere conatus omnium, qui de verit. relig. Christianæ scripserunt. Quorum numerus fere inirei non potest. Adi, si placet, Pfaff. Hist. liter. T. I. sub init.

## §. 3.

*Quod si fieri sine ratione nulla res potest, non* *Impugnatur auctoritas Pontificis per princip. sufficientia rationis.*  
 obstat quidquam, quo minus auctoritas Romani Pontificis existat, aut nullis, aut non tam firmis sustentata rationibus, quam sacrarum dignitas litterarum, nihilo secius tamen audienda; quoniam ut divina credatur, sufficit, eam ipsam id causari.

(c) Quis autem Theologus hoc dixerit? Contra si sine ratione sufficienti adoptanda non est, plura ab ipso Pontifice auctoritatis documenta alleganda erunt, quam sacræ quidem litteræ commonstrare queunt: auctoritatis enim scripto revelatæ testimonia dubiis obnoxia contendit, quibus aut superior debet esse Pontificis auctoritas, aut nulla. Dicam clarius. Vellicat Pontifex Naturalistarum dubiis (d) scripturarum auctoritatem, suam quippe substituturus. *Quod si igitur nihil sine ratione adoptandum*, jure quærimus: aut superior Naturalistarum dubiis, quæ contra revelationem urget, Pontificis est auctoritas, aut æqualis, aut inferior. Si superior vocetur, tum non ex sacris litteris, inferioribus quippe, sed aliunde Pontificis firmanda est potestas. Quis autem credat, vel ex ipso Papæ regno, plura portenta, plura vaticiniorum complementa, plura alia pro Pontificis potestate pugnare, quam pro sacris litteris, *quàm id commentum sine ratione est!* si æqualis sit Pontificis auctoritas *audet* codicis sacri, tot utique dubiis premitur ipsa, quot hæc exagitari calumniatur, eoque ex propria hypothese audienda non est: Sin vero sit ejus dignitas inferior auctoritate S. codicis, cur eam sequeremur? cur moveremur? tot

Scripturarum obtreccionibus? cur principium nostrum non amplexi potiore revelationis partem eligendam judicamus præ Pontifice? (c) Ita in auras vel abeunt, vocato ad *animum rationis sufficientis principio*, quæcunque adversus Scripturæ auctoritatem vibrantur tela, vel in suos retorta proprios configunt Dominos.

(c) Eo enim spectat Pontificis consilium, *omnes judicare, nec judicari à quoquam*. Vid. Dictatus Hildebrand. apud Baron. ad annum 1076. & Rechenbergii dissertationem de Totatu Hildebrandino edit. 1693.

(d) Notum est quibus armis aggrediantur Scripturam Jesuitæ. Vid. Gerhard. Confess. Cathol. p. 436. ubi ingentem eorum Catalogum exhibet, qui dubiis Naturalistarum Scripturam detrudunt infra Pontificis auctoritatem.

(e) Pluribus enim divinitatis characteribus eoque rationibus suffragatur, quam emendicata Papæ potestas. Per rationem h. l. innuò non *subjective* facultatem hominis cognoscendi, sed *objective*, id, ex quo cognoscitur, præsto esse veritatem ab ipso revelatam DEO, non excluso, quod post assensum, naturæ viribus collustratis Veritati tributum, succedit, Spiritus S. Testimoniò. Constat inde quid de controversia inter Reformatæ Ecclesiæ Doctores agitata sentiendum sit. An divina Scriptura auctoritas non aliunde, quam ex ratione cognoscatur? affirmabat quæstionem Joh. van der Wagen Hermann. Alexander Rællius, Henricus Hulsius Theol. Duisburg. libros duos de principio credendi Lugduni Batavor. 1688. publici juris faciens. Sed in contrariam sententiam abiit Ulricus Huberus Juriscons. Francq. editò scriptò, de concursu rationis & Scripturæ. Pertinet huc Hermann. Witsius in dissert. Epistol. ad Ulr. Huber, in qua de Scriptura S. auctoritate divina ex sola ratione adstruenda disputatur Traject. ad Rhen. anno 1687. Leydeker in exercit. Theol. de sacra Scriptur. auctoritate ad conscientiam adstruenda.

## §. 4.

Faceſſant igitur Fratres Wallenburghici, (f) *De metho-*  
 qui præſcriptionem, qui traditionem (g) qui te- *do Wallen-*  
 ſtes humanos, Scripturæ antepoſitos, nobis ob- *burgico-*  
 trudunt: Nam aut illa omnia rationem veritatis *rum judi-*  
 habent, aut non habent, ſin illud, oſtendatur ratio, *cant ex,*  
 quâ præſcriptiones, qua traditiones qua teſtes *eodem*  
 humani nituntur, videbimus quantum era di- *axiomate*  
 ſtrent lupinis: Aut ea cum ratione conjuncta non  
 ſunt, tum nec iis movere par eſt, ne facia-  
 mus, quod Muhamedani traditionibus præſcri-  
 ptionibusque non deſtituti, factitare ſolent, eo-  
 que erroris pœnam luamus æternam. Nec ipſa  
 auctoritatis ſumma antiquitas tantum provehitur,  
 quin in rebua ad fidem pertinentibus, ſemper ho-  
 dienum obſtringatur rationem adferre ſufficientem  
 tur, aut quò jure tantum ſit dignitatis conſecuta  
 faſtigium. Niſi forte fuerit, ut antiquiſſima pa-  
 ganorum ſacra Chriſtianorum recentioribus ante-  
 ferre volueris. Obſervatis hiſ, evertuntur omnia  
 adverſariorum ſophiſmata, quibus litteris ſacris  
 (h) inſidias ſtructuri Pontificis auctoritatem clam  
 offerre conantur. Semper namque & de aucto-  
 ritate, quam obtrudere volunt, eadem, immò  
 centies, millies plura dubia occurrunt, quàm illi  
 Scripturæ exprobrare audent. Faciat rei pericu-  
 lum qui poteſt, non hac parte proſectò diſſen-  
 riet.

- (f) Fratres, Adrian, & Petrus de Wallenburch in con-  
 tractis de controverſ. tractat. general. noveno, ut vo-  
 cant, Muſarum numero conſtantibus. Agunt enim:  
 1.] de principiis fidei. 2.] De methodo Auguſtiniana.  
 3.] De articulis neceſſariis. 4.] De inſtrumentis pro-  
 banda

*banda fidei. 5.] De perpetua probatione fidei per testes. 6.] De traditionibus non scriptis. 7.] De prescriptionibus Catholicis. 8.] De missione Protestantium. 9.] De Unitate Ecclesie, & schismate.*

(g) Vid. Libr. citat. p. m. 136. seqq. de prescriptionibus vero p. 261.

(h) Infidiis illis adscribo prescriptionis inventum, à Tertulliano excogitatum, à Pontificiis in abusus raptum longe maximos, ita enim Tertull. de prescriptione cap. 15. p. 318. *quando haeretici scripturas obtinent & hac sua audacia statim quosdam movent; in ipso quidem congressu firmos fatigant, infirmos capiunt, medios cum scrupulo dimittunt. Hunc igitur potissimum gradum obstruimus non admittendo eos ad ullam de scripturis disputationem.* Breviter nos ut expediamus sine prolixo verborum Tertulliani recensu, observandum est, Hulsemannum de praescript. thes. 3. p. 5. ita hanc vocem explicare: *Praescriptionem accipi apud Tertullianum generice, pro exceptione nascente ex aliquo vitio sive actoris, (ut quod ei non competat actio, quod sit ignarus rerum, alienus, excommunicatus) sive testium, sive etiam judicis: non ex temporis legali cursu. Sed observant Theologi, Tertulliano negotium fuisse cum haereticis, qui spreta Scriptura S. opiniones ex suo arbitratu, & sapientia singularis obtentu introduxerint.* ita Dannenhauer. in Christeide pag. 971. 972. probat ex Tertull. de praescript. c. 7. p. 195. *Fuisse haeticos, qui adjectionibus & detractionibus ad dispositionem instituti sui scripturas interverterint, qui non omnia Apostolos scisse. & iterum, omnia quidem Apost. los scisse, sed non omnia omnibus tradidisse dixerint: Hinc ait citat. Theolog. Totam disputationem Tertulliani essetantum ad hominem; nam quia ab haereticis parvi facta fuerit Scriptura, imo & depravata, ideo Tertullianum sine Scriptura probasse, eos ad Scripturam non pertinere. An, inquit, ideo N. T. Fundamentum fidei non est quia Judai illud contemnunt? Adde, quia ex N. T. contra eos non agimus; Præterea quia iidem haeretici antiquitatem jactitant, merito ad successionum decursus revocatos fuisse, memorat idem.*



## §. 5.

Nunquam in animum induxisset Theologus *Humilis de Majest. Scriptura axioma hoc applicat.* (i) profundissimâ rerum sacrarum notitia pollens, tot argumenta congestare pro sacrarum litterarum majestate, nisi iniquum esse credidisset? quemquam auctoritate duci, ratione sufficienti destitutâ. Pleraque ejus ratiocinia resolvuntur in generale hujus Philosophiæ axioma, *quidquid creditur, nisi argumento debet, cur potius adprobari, quam rejici mereatur?* Argumentum v. g. quartum de miranda harmonia & connexionione omnium partium Scripturæ confirmatur per notionem perfectionis, quam recentiores tradunt (k). Quintum de Testimonio Spiritus S. illustrant per doctrinam de experientia. Sextum & septimum ab effectu verbi divini petitur fulcitur illo recentiorum, *effectus non superat causam* (l) nonum ab occulta vi humanas mentes excutiendi, quæ Scripturæ competat, desumptum, commune dogma omnis est Philosophiæ, *futurorum contingentium, animæque scrutinium nonnisi in DEUM cadere.* (m) Decimum argumentum Scripturæ studia allegans, qui veritatem suæ existimationi anteposuerint, valere jussu propriæ utilitatis studiô, in Logica Viri Celebris secundum generales doctrinas exponitur. (n) Argumentum denique à miraculis pro Scriptura depromptum tale est, ut secundum Recentiorum placita non possit non arguere Deum. (o) Aut nihil igitur hac parte cum Theologia consentit, aut certe consentit, quam dixi, Philosophia.

- (i) Aegidius Hunnius in aureo Tract. de Majestate S. S. seorsum Anno 1588. edito. sæpiusque reculo, & tomo denique operum ejus primo inserto. cujus & german. vers. dedit Isaac Fœckler, emendatamque cum præfatione edidit Vejel Ulmæ 1696 in duodec. form. de quo libro ita sentit Thomas Crenius; *Beati Æg. Hunnii tractatus florido maxime stylo & eleganti - conscriptus, sic animum meum adfecit, ut neminem sciam qui hoc ipsum in argumento superet in Exercitat- de libris Scriptorum optimis p. 27.*
- (k) Vid. Wolff. Metaph. §. 158. Bulfinger, de orig. Mal. §. 79. p. 40.
- (l) Confer quæ de experientia traduntur Metaph. Wolff. §. 325. nullum enim est dubium, quin iisdem regulis judicetur *spiritualis experientia*, quam ordinaria hujus vitæ; quemadmodum & utriusque fori veritates Theol. Philos. regulis metimur logicis, ita ut nullam nec in Scriptura à baculo ad angulum arguere liceat.
- (m) Gravissima est hæc regula à Leibnitio distinctius evoluta & toti Dynamicæ fundamenti loco substrata. Vid. Journal des Sçavans 1691. p. 385. Recueil des diverses pieces &c. T. II. p. 189. il faut qu' il paroisse que matiere resiste &c. & qu' un petit corps en mouvement ne puisse pas en donner à un grand en repos, sans perdre de la sienne; autrement l' effect, surpasseroit la cause.
- (n) Ita ut nemo futura certo prædicere possit nisi DEUS, aut qui ab eo afflatus est.
- (o) Vid. Logic. Wolff. ed. prim. cap. 7. von der Wissenschaft, Glauben / Meinung &c. wann man kein Interesse siehet / welches keiner von einer falschen Erzählung hätte haben können / auch keine Umstände sich ereignen / daraus man schliessen könnte / er habe wenigstens sich ein Interesse eingebildet / so fällt aller Verdacht hinweg. Atqui nullius utilitatis intuitu Scriptores sacros, qui sæpe dogmata morte obfignarunt, talia prodidisse, luce meridiana clarius est.

(p) Vid. Recueil de diverses pieces &c. pag. 60. T. I. Il y a des miracles reservez à Dieu, & qui surpassent toutes forces naturelles. Wolff. Metaph. §. 642. Da kein Wunderwerck geschehen kan / wann nicht ausser der Welt ein von ihr unterschiedenes Wesen ist / so können diejenige kein Wunderwerck zugeben / welche ausser der Welt kein anderes Wesen erkennen. i. e. die Atheisten. ut paragraphi lemma ostendit.

§. 6.

Qui cum ratione sufficienti alterum auctori-  
tatis suæ convincit, in eo conatu nil facit, quod  
significationem illius minuere aut incertam præ-  
stare possit. Aliter enim ageret contra rationem,  
quod est absurdum: Atqui, si scriptores divi, ima-  
ginationis impetu abrepti, ultra dictionibus suis  
processissent, quam ex mente divina debuisset  
fieri; incerta foret Scripturæ auctoritas, non diffi-  
milis scripto recensui, auctoris affectu interpolato,  
einem unrichtig geführten Protocoll: Errant ergo,  
quotquot DEUM errores imbecillitatesque in scri-  
bendi negotio (p) Apostolis aut Prophetis indul-  
sisse docent. Errant autem ideo, quoniam ali-  
quid fingunt, *cujus allegare nullam possunt suffici-*  
*entem rationem.*

*De opinio-  
ne Adami  
Jesuitæ.*

(p) Sententia hæc fuit Joh. Adami Jesuitæ Galli, in  
oratione sacra 1650. Parisiis habita. Quem Jansenistæ  
refutarunt: Vid. *Defense de S. Augustin contre  
les erreurs, les calomnies, les invectives scandaleuses,  
que le Pere Ad. Jesuite a prêchées dans l'Eglise de  
S. Paul sur ce texte de l'Evangile de la Chananée.  
Je ne suis envoyé qu'aux brebis perdues de la  
maison d'Israël.* Ubi accusatur 1.] quod Augustinum  
in suis scriptis obscurum vocarit, quod fuerit genii  
Africani ardentis &c. 2.] Quod infantes sine baptismo  
dece-

*decedentes punitum iri pœna damni & sensus idem Ec-  
clesia Pater docuerit. 3.] Quod Augustinus terna vice  
sententiam de gratia mutavit, nec in ea firmus fuerit.  
Eandem sententiam tenuisse dicuntur eodem librò  
alii Jesuitæ antiquiores; Ex lectionibus enim Jesui-  
tarum Lovaniensium & Duacensium anno 1588. re-  
cognitis publice, libri illius auctores excerpserunt has  
propositiones. Quod non necessarium sit ut omnia  
verba sint inspirata, 2.] quod non opus fuerit, ut  
omnes sententia, & omnes veritates immediate fuerint  
inspirata. Sed hæc opinio non adeo periculosa est,  
ac illa prior. Sunt Viri literatissimi, qui eam tuen-  
tur. Vid. Reponse de MS. Simon aux sentimens de  
quelques Theologiens de Hollande cap. 12. ejus Hi-  
stor. crit Nov. Test c. 23. Cancellarii Tub. dissert.  
de Evangelis sub Anastasio non corruptis. Item Biblio-  
thec. univers. T. X. p. 132. T. XI. p. 80. In Examen  
de la Doctrin. de MS. Jurieu pour servir de repon-  
se à un libelle intitulé second. Apolog. de MSC. Jurieu.*

## §. 7.

*Rationis  
&  
Scriptura  
harmonia.*

Nullis Scripturam contradictionibus scaterere  
constans, eademque verissima Theologorum sen-  
tentia est. (q) Quem fugit tritissimum istud: re-  
velationem non esse contra sed supra rationem? fe-  
cimus ejus rei mentionem in Discursu præliminari.  
Atqui idem est præcipuum recentioris Philosophiæ  
dogma. Veritatem Philosophicam non esse contra-  
riam Theologicam, utramque proficisci ab auctore eo-  
dem, si nulla igitur ab hac doctrina Theologiæ uti-  
litas expectanda est, certe & nullum damnum me-  
ruendum. (r) Absit ut quisquam dicat, Scriptu-  
ram ad tempus adoptatam, ita ut uno tempore se-  
cundum universalem ritum sit exponenda, mutato  
autem ritu iterum sententia mutanda! Minime  
vero

vero. *Semper eadem mens DEI, semper sibi consentanea est.* (s)

(q) Si Theologiæ rationem adversari crederent sacrarum litterarum Doctores, cur tantò cum adplausu tot harmoniæ bibliæ elaboratæ, exceptæ? Novimus diligentiam Waltheri in *Harmonica Hamb.* 1725. ubi Scriptores Harmonici citantur innumeri. Non enumerabo Broughtoni concentum *Scriptura Anglice* primo scriptum, sed post latine versum. Joh. Scharpii *Symphoniam Prophetarum & Apostolorum*, Andræ Altammeri *conciliationem locorum Scripturae specietenus inter se pugnantium*, Martini Becani analogiam *Novi & Vet. Test.* Dominici Macrii contradictiones adparentes, omnes ejusmodi lucubrationes notiores sunt quam ut recensu egeant.

(r) Sententia Leibnitii de Harmonia rationis & revelationis eoque etiam Scripturæ exponitur prolixè ab ipso in *Discurso Prælim. Theodiceæ* præmisso. Legatur inprim. §. 20.

(s) Verba sunt. Nicolai Cusani in *Epist. II. ad Bohemos.*

### §. 8.

Diximus, pro ratione instituti, numquid in stabilienda Scripturæ auctoritate, opportunitatis habeat recentiorum Philosophia nec ne? Nunc in eo erimus, ut dispiciamus, an sacrarum litterarum interpretatio detrimenti, seu utilitatis non-nihil capiat, ex doctrina eadem? In explicatione S. Codicis duo maxime spectari solent, velenim dictionum phrasiumque significatus eruitur, ut, quæ DEI mens fuerit, decerni queat: vel nexus veritatum revelatarum adtenditur, ad quem interpretationes nostras exigimus, quem vulgo *analogiam fidei* vocare solent. (t) Si quidquam in recentiorum placitisprehendi potest, quod alter-

De inter-  
pretatione  
Scripturæ  
ex mente  
recentio-  
rum.

utri instituto, vel utrique obstat, nihil ego pro hac eorum causa dicam amplius: Sin autem hermenevticas regulas robore firmer, adplicationem expeditiorem præstet, & in meditando iuuet, non videtur utilitatis laude frustranda nostrorum hominum docendi methodus. Quemadmodum Papam dixi auctoritatem, quæ sine ratione sufficienti obtruditur, divinam vero, quæ ratione munita est: Ita interpretationes ad rationem hermenevticarum regularum exactæ calculo Christianorum, quæ cæca auctoritate inculcantur, repudio eorum dignæ sunt.

(1) Buddæus Theol. Hist. litter. p. 1758. de analogia fidei ita iudicat. Analogia ex locis claris & perspicuis nihilque difficultatis habentibus desumitur, & deinde locis obscurioribus illustrandis inservit.

## §. 2.

*De interpretatione  
Scriptura.*

Attingemus primam quæstionem de investigando vocabulorum significato. *Voces nihil aliud sunt (n) quam signa cogitationum.* Cumque in Scriptura voces occurrant, non sunt soni sine mente, sed indicant potius, quid Spiritus S. sentiat. Quisquis igitur verbum DEI intelligere cupit, (x) eum oportet easdem cum vocibus ibi obviis ideas conjungere, quas Spiritus DEI fovit. Istæ autem ideæ aut lectio DEI in vernacula seu nota lingua verbis ad animum revocari possunt, aut non possunt. Si non possunt, Spiritus Sancti erit sine verbo excitare istas notiones, sive in peregrina tibi, sive familiari lingua voces adspicias, legas, eæque voces non erunt signa. (y) Sin autem ad animum revocari possunt, intelligere licet verbum

bum in planioribus, nisi incuria obstiterit, aut præjudiciorum efficacia.

(u) Hanc *vocis* definitionem Wolffius tradit in Metaph. §. 291. Wörter seynd Zeichen der Gedanken.

(x) Ita ratiocinatur idem Auctor in Logic. cap. 12. §. 1. de interpretat. Scripturæ.

(y) Signa enim quid aliud sunt quam res ex quibus aliarum præsentia intelligitur cit. loc. §. 292. *Abst. ut faciamus cum Salmasio, qui Scripturam Æschylo non longe inferiorem voluit. de Hellenistica p. 37. epist. dedicat. quantum adinet ad obscuritatem,*

### §. 10.

Non est igitur impossibile, ut lectis vocibus, phrasibusque verbi, illæ ideæ animum adrenti, *saltem in doctrinis necessariis*, subeant, quas DEUS cum vocabulis copulatas voluit; nam aut vocem explicat ipse, quamque notionem formare oporteat, alibi ostendit; aut eam ad signandas tales adhibet notiones, quas animo jamjam antehac agitavimus. Ex his plerique Canones hermenevtici (2) demonstrari possunt. *Voces sunt signa cogitationum*, sed cum nemo penitus sensa animi scrutari queat, quam ipse, qui cogitat 1. Cor. 2. v. 11. manifestum est, quemlibet esse suorum verborum interpretem, eoque *Scripturam ex Scriptura explicandam*, quod Theologi Scripturæ analogiam (aa) adpellant. Quo plura de re cogitare, inque ea distinguere possumus, eo nobis obversatur clarior, ne igitur contra naturam vocum, audito sono verbi, nihil aut parum cogitare velle videamur, *clariora verba sunt obscurioribus illustrandis adhibenda*. En secundum Hermenevticæ canonem longe secundissimum,

(x) Noti sunt ex Antiquitate Tichonii Afri regulæ septem ad intelligentiam sacrar. scripturar. quæ existant tum alibi tum in Bibliotheca mox. Patr. T. VI. p. 49. quas sub Examen vocavit Augustinus de Doctrina Christiana L. III. cap. 30. p. 114. seqq. Addatur altera pars Clavis Scripturæ Flacianæ, quæ Hermenevtici System. faciem induit, cum prima Lexici instar habeat.

(aa) Exsolvimur ergo obtestatione Pontificiorum v. g. Rich. Simonii Hist. Crit. vet. Test. L. III. cap. 16. pag. 448. nobis exprobrantis inter Pontificiam interpretandi methodum traditionibus motiendam, & inter Socinianam sola ratione nixam non dari mediam. Fallitur Autor, confundit rationem, quatenus est cognoscendi facultas, & quæ significat veritatum nexum. Penes Socinianos quidem isto sensu ratio interpretationis norma est, nullum enim mysterium in sacris admittunt, nisi sua cognoscendi facultate peruestigari posse videant, i. e. nisi desinat esse mysterium. Non est hæc ratio sed rationis sanæ abusus. Protestantiam autem via media est, inter traditiones, & rationem h. sensu acceptam, sc. quidquid cum aliis veritatibus nexum habet, Scripturâ ex Scripturis explicatâ, quidquid per axiomata Hermenevtices seu logices formalia, ut vocant, cum vocum significato conjunctum invenitur: id ambabus arripiunt, & in suæ fidei convertunt nutrimenta. Vid. Anson. Coulan. in examine historico Crit. Nov. Test. ep. 4. p. 78. sqq. Aliud est rationem collustratam sequi, i. e. nexus veritatum revelatarum, oracula ex oraculis explicando, aliud corruptam imitari rationem, quæ continuo improbat, quidquid intelligere nec vult, nec potest, etiamsi res vera à DEO inspiratum fuerit.

### §. II.

*Voces sunt signa cogitationum, non signa signorum, quæ ex obliquo, & per ambages ad signata ducunt. Atqui versiones signa sunt signorum, quæ, lingua originalis utitur, non potest*

*Demonstrantur  
signa  
alia.*

*signant*



igitur interpres commode linguarum originalium notitiâ carere. Hinc necessitas grammatici studii, rhetorici, cæterorumque pender. (bb) Dantur cogitationum series, quarum separati, à nexto toto, articuli haudquaquam intelliguntur, quoties igitur plura vocabula iis seriebus signandis adhibentur, & antecedentia, & consequentia probe expendenda sunt. Agnoscimus hoc axioma Hermenevtices quartum, idque longe præstantissimum. (cc) Pro temporum varietate, statns conditione, temperamenti mixtura, studiorum diversitate, populorum denique, ad quos formamur, moribus, varie homines cogitare solent; *Scriptorum igitur, qui voces his rebus respondentes adhibuerunt, historiam nosse, ad interpretandas sacras (dd) litteras cummaxime adcommodatam est.*

(bb) Pertinet huc Philologia Salom. Glassii. Clerici ars Critica, quæ tamen censuram subiit Johann. van der Wayen. Cui se opposuit Clericus in Parrhasianis T.I. p. 425. Ex instituto eam impugnavit Johann. Heint. May. in Introd. ad studium Philol. Critic. quæ repetito examini hist. crit. R. Simonis subjuncta Francof. 1699.

(cc) Urget id maxime Franzius, de interpretatione Sacra Scriptura passim.

(dd) Non tamen committendum, ut cum Grotio, aliisque, eruditionis ostendendæ causa, nimû simus in annotandis moribus, formulisque populorum, inprimis profanorum, cum ad sacras litteras explicandas accingimur. Vid. Joh. Laur. Mosheim. cogitat. de eo quod iustum est circa sacrarum litterarum ex Græcis & Latinis Scriptoribus interpretationem, & emendationem in libr. observat. hist. Critic. ann. 1721. C. 1. p. 1.

§. 12.

Interdum voces, cogitationum signa, non Regula de  
M 3 unius

Docent  
ffere  
sua

unius generis ideas, nunc hanc nunc aliam indicant, interdum non distincte notiones innuunt, jam prorsus nihil (ee) denotant, jam ex genio linguæ tale *nescio quid* innuunt, quod alia lingua exprimere nequit &c. Primum si contigerit *ambigua voces*, secundum si evenerit *obscura*, tertium ubi observetur, *vores nihili* emergunt: Notandum igitur illas sæpe, has in scripturis nunquam occurrere, ad investigandas autem, quas intenderit DEUS, ideas, plurimum conferre, significatus omnes colligere, & iis examinatis judicare, quæ nam cogitatio hîc & nunc per voces indigitata sit; judicatur id autem ex canonibus, quos modo demonstravi. Ita profecto ex recentiorum definitionibus doctrinisque potissima sanioris Hermeneutica fundamenta crui possunt, ut iniquum videatur, omnem eis denegare utilitatem. Non descendo jam ad specialiora Hetmeneutices corollaria, quoniam id hujus loci non est.

(ee) De vocibus nihili integrum caput curiosis exemplis illustratum Artis Criticæ à Clerico concinnatæ agit p. 225, cap. 9, P. II. sect I.

§. 13.

Difficultas  
interpre-  
tandi  
notabilis.

Quod contradictionem involvit, (ff) cogitari non potest, & quod per se quidem fieri, & concipi potest, hac vice autem cogitatu ineptum foret; cogitari non debet. Cum signa cogitationum voces esse cum recentioribus sæpe dixerim; observari debet, frequenter evenire, ut voces talia signare videantur, quæ alii contradictoria credunt, alii vero possibilia. Iterum alii congrua putant, alii minus congrua, illis propterea à sensu literæ receden-

cedentibus, his cum acriter defendentibus. Conveniunt partes ambæ in eo, (gg) ut existiment, non juberi homines à DEO, ut cogitent, quod cogitari nequit, i. e. non inculcari per verbum ejus lignea ferra, circulosque triangulares; sed in eo differunt, quod secundum regulæ adplicationem abeunt in diversa. Quid tum faciendum est? Quoniam voces sunt cogitationum signa, inquirendum erit, an id de quo queritur, cogitari queat nec ne, i. e. num involvat contradictionem annon? Sed hæc difficultas propemodum insuperabilis est, ubi ex parte una, aut altera radices egerunt opiniones præjudicatæ.

(ff) Ita recte decidit Tschirnhaus, in medicina mentis Part. II. p. 36. nulla alia differentia est, inter *ens* & non ens, quam inter possibile, & impossibile, seu inter id quod potest concipi & non concipi.

(gg) Vid. Leibnit, discurs. de Harmon. rat. & revelat. Theod. præmiss. §. 21. ubi gravissima hujus rei exempla allegat, quæ integras Ecclesias dividunt. Sic Reformati credunt, contradictionem involvere, dari corpus omniprensens, eoque verba: Hoc est corpus meum, non explicant juxta litteram: contrarium sentiunt Augustanæ confessionis non variatæ Patroni.

#### §. 14.

Quia cogitationum divinarum, quarum voces signa sunt, profunditas, nostra animi sensa infinitis post se (& in regno naturæ) patasangis relinquit, Esai 55. 8. 9. fieri non potest, ut ideæ nostræ illas exæquent, aut rerum animo, per verbum oblatarum, perfectas nanciscantur explicationes, sufficiente præsentī phænomeno sine adcurtiori expositione ad scopum, quem sibi DEUS

*Alia difficultas.*

verbò præfixum habet. Ex quo intelligitur, voces Scripturæ frequenter tales signare cogitationes, quæ rerum distinctas Philosophicasque evolutiones non complectuntur; esse igitur vocabula ejusmodi, ut Philosophorum nec veram explicationem rejiciant, nec falsam adprobent. *Eo casu ulterior evolutio idearum aliis relinquenda est scientiis.* Terræ finium sæpe fit in sacris mentio, perinde ac si globi figuram non haberet, nemo tamen rotundam esse temere negaverit. (hh) De similibus esto igitur simile judicium. (ii)

(h) Confer. quæ acute Bulfing. discriit in Dilucid. p. 374.

(ii) Certe, nisi quis cum Alstedio putet, quod omnium scientiarum doctrinæ in S. Codice quærendæ, vid. Bayle Diction. p. 165. non poterit non heic mecum sentire. Non facio tamen cum iis qui dixerunt, *DEUM posse in verbo mentiri, si vellet.* Blasphemum id judico. Tribuitur tamen tantus error Wolzogenio in libro, quem inscripsit *de scripturarum interprete adversus exercitorem paradoxum.* 1667. refutatus tamen est à Van Der Wayen in scripto *de vera & genuina Reformatorum sententia in negotio de interprete scripturæ*; à Vogelsangio in *necess. responsione ad præfationem Ludov. Wolzogenii.* à Joh. Briounio in *Wolzogenio causa proditore.* Quid Cartesio obiectum fuerit, cum veracitatem DEI omnis scientia humana fundamentum faceret, & ex ea corporum existentiam probaret, legi potest in secundis objection. contra meditationes Cartesii. p. 66. non mentitur DEUS, qui rerum explicationes non attingit.

### §. 15.

*Alia diffinitiones.*

Adeo non steriles sunt recentiorum definitiones, ut inde Hermeneutices prima possis elicere axiomata. Non minorem autem hâc partem  
ultum

usum præstat principii de sufficienti ratione diligens observatio in sacrarum litterarum interpretatione. Gravissima hæc est admonitio, *quæ in consilium adhibita, Scepticismi Theologici ex peste laborantes sanitati mentis restitutos cognovi.* Nimirum ipso usu quotidiano comprobatur, diversarum Religionum assecclas pro adoptatis hypothesebus Scripturam varie explicare. Desumunt namque ex suis hypothesebus distinctiones, limitationes, negandi, aut affirmandi fundamenta, ut quicquid oraculorum Scripturæ altera pars pro sua sententia obvertat, id omne vel elidatur, vel eludatur, aut certe ita limitetur, ut adversæ parti, cui adstipulantur, non amplius obsit. Contra idem faciliunt oppugnatores, ubi se defendunt. Quæcunque autem pars argumentis laceffitur contrariis, ea se respondentis jure frui credit, nihil igitur probat, sed ex sua hypothese, quam veram esse fingit, non difficulter distinctiones limitationesque oraculorum, quibus premi se videt, depromit; ac licet ipsas distinctiones aggrediariis novis usus argumentis, ea tamen ipsa denuo novis limitationibus & suppositionibus ita solvit, ut, quoniam facilis datur ex una materia ad alteram transitus, vastissimos controversiarum campos prius emetendos credas, quàm ad finem pervenire, errorisque fontem aperire liceat. Hæc ratio est, quæ omnes omnium sectarum Promachos constantissime in sua detinet religione, ut in destruendo (kk) sint promptissimi, in adstruendo autem multo inferiores.

(kk) Perplacuit quod Clericus in Pneumatol. operibus Philos. inserta p. 38. 39. scripsit, *Hi viri acutissimi*

tissimi (Malebranchius & Arnaldus) mutuis telis ita confossi ex eo certamine abierunt, ut nter vicerit haud facile constet. Certo multis victores esse, ubi oppugnans adversarium, victi, ubi se contra irruentem tueri conantur, visi sunt.

## §. 16.

difficultas  
in exem-  
plum.

Illustrabimus rem exemplo. Romana Ecclesiae filii, quoties universale in Christianos omnes imperium suo vindicare Pontifici volunt, argumenta Protestantium contraria ita solvunt ut recurrant ad hypothesin. Obvertunt hi : [1.] singulos Apostolos habuisse summam & in regenda Ecclesia potestatem, & in docendo ab erroribus immunitatem, igitur aut succedi Petro, quia Apostolo, aut quia Doctori, non illud, Apostolos enim ceteros non habuisse successores, ergo hoc admittendum, quantum ad officium docendi, non autem prerogativam attineat infallibilitatis. (II) Sed ecce! quid respondeant? distinguendum esse inter (mm) Apostolorum ordinarium, & extraordinarium, illum cecidisse in solum Petrum, hunc in ceteros Christi legatos. Ita supponunt existere ejusmodi potestatem, & ex ea hypothesi distinctionem formant. Urgent [2.] Protestantes, Christum omnes cum aequales tractare Apostolos Joh. 20. v. 21. Matth. 28. v. 19. Actor. 1. v. 23. vocationem Ministrorum Actor. 6. non soli Petro relictam &c. Regerunt Pontificii inaequalitatem satis cognosci ex Matth. 16. v. 16. Ceteris Apostolis tantum ejusdem & aequalis potestatis usum concessum, non jus ipsum &c. Ita denuo, ex sua hypothesi de primatu Petri, quam veram praesupponunt, argumentis occurrunt contrariis. [3.] In-

stant

stant Protestantes, non fuisse inferiorem Petro Paulum 2. Cor. 11. v. 5. Gal. 2. v. 6. Petrum Judæos gubernasse, sed Paulum gentes. Quærent effugia Pontificii eadem, multum interesse inter munus Apostolicum, & gubernandi officium; secundum istud Paulum Petro fuisse æqualem, non juxta hoc. Hac ratione, iterata vicè summum regimen Ecclesiæ Petro concessum præstruentes, limitationes adhibent, quæ isthuic doctrinæ tanquam probatæ jam-jam innituntur. Qui curate consideraverit lites Theologicas, intelliget, plerasque ita agitari, ut subinde pars impugnata distinctiones, ad contraria argumenta solvenda, petat ex ea ipsa hypothesis, quæ invaditur, idque in speciem sine petitione principii fieri, quoniam veritatis possessio, & respondentis munus obtentui est.

(ll) Vid. Has responsiones apud Bellarmin. De Pontifice. L. II. cap. 12. p. m. 635.

(mm) Vid. eund. L. II. cap. 12. p. 639.

### §. 17.

In tanta litium perplexarum, interpretationumque fraudulentarum copia quid quæso faciendum est? Existimo ad sequentia advertendum animum. Cum nihil vel fieri soleat, vel credi debeat, sine sufficiente ratione, ante omnia dispicendum, quanta cum firmitate religio quædam adstruere queat, non vero quam callide possit destrueres seu si mavis, cogitandum est, an interpretationis cujusdam rationes sufficientes allegare possit pars disputans, nec ne? ad veritatem probandam non sufficit, quandam interpretationem (nn) fingere, eaque pro veritate supposita, quid-

Roma-  
dum

quidquid in contrarium dicitur, ex hac ipsa hypothesis solvere, quod fieri facile potest: sed eo maxime connitendum, ut nunquam admittatur explicatio, nisi probata sit *vel per rationes sufficientes, vel per verosimiliores ceteris omnibus*, quæ aliæ expositiones fulciuntur. Secundo si ab adversario, tuæ explicationis rationes impugnentur, videndum est, *numquid id fiat per dubia, quæ ipsius hypothesis supponant, nec ne? sin istud contigerit, non est cur movearis vel speciosissimis distinctionibus, si scilicet fluxerint ex hypothesis eâ, quæ tam non probari potest, quam v.g. Primatus Petri, est vero, cur cedas, si ista interpretatio argumento potiori, seu ratione sufficienti præ tua opinione nitatur. Quod si vero dubia adversarii hypothesis non supponant pendentia ex communi theoremate, tum non sunt spernenda, sed exacte examinanda omnia.* Tertio colligitur inde, *quod longe gravissimum est, rationes sententia cujusdam cum rationibus alterius comparandas, non autem rationes contendendas cum alterius partis responsionibus; responsiones enim ad hypothesis recurrunt, eamque supponunt, sive probata sit sive non.* (*Respondens nunquam principium petere dicitur.* (oo) ) Igitur, si Pontificius omnia mea argumenta contra Primatum Papæ suis eluderet distinctionum effugiis, non ego diffidere causæ, probe gnarus, eas ipsas distinctiones filias esse hypotheseos, *quæ per rationem sufficientem ex S. Codice demonstrari non potest; id agerem potius, ut ex machina tanquam prodiens, omnium controversiarum veluti inscius tantum ad rationes, adverterem, quibus utraque*

que



que sententia corroboratur; tum rationum inæqualitare perspectâ, animum ad alterutram partem adplicarem. *Hæc autem omnia ductu axiomatis de sufficienti ratione observare jubemur.*

- (nn) Ita v. g. distinctio voluntatis divinæ in *signi & beneplaciti* nititur doctrina, de qua quaestio est, nimirum de particulari div. misericordia. At quoties ad solvenda argumenta contrariæ sententiæ Patronorum adhibetur? ad rationes igitur dogmatis, de particulari misericordia, advertendum ei, qui solidâ veritatis hinc aut illinc stantis notitiâ imbui cupit. Falluntur qui in sententiam ideo tantum eunt, quia contraria argumenta solvere possunt, *non est ex ratio credendi sufficiens, de voluntate anteced. & consequente integram differtat.* nuper emisit Hotinger *subjunctam* Historia de *gratia & predestinatione*. Licet, hanc adhibere, quia sententiam, qua nititur, aliunde probare possumus.
- (oo) Vid. de respondentis officio quæ Leibnitiæ tradit, Discurs. de Harm. rat. fid. §. 73.

### §. 18.

Pauca hæc de interpretatione sacrarum litterarum ex mente recentiorum tradere volui, quæ *De analogia fidei* uti expendentur applicabunturque constantissime, ita etiam fecundissima, & ad extricandas complures difficultates accommodatissima invenientur. Alter locus erat, ut de *analogia fidei*, quæ in explicatione Verbi divini plurimum trahit momenti, nonnihil adderemus. Definivimus rationem (*objective spectatam*) per *nexum veritatum*, quæ naturâ cognita sunt, nunc alienum non erit Analogiam fidei vocare *nexum veritatum*, quatenus per revelationem innotescunt, quæ à ratione collustrata non differt. (pp) Dari talem nexum veritatum revelatarum Recentiores non admittunt solum, sed

sed & urgent. (99) Quocirca & hâc parte Theologiae doctrinas confirmant.

(pp) Analogiam fidei, quam alii ab analogia scripturae distinguunt, h. m. definit vir summus Buddaeus. *Analogia fidei est capitum atque articulorum, quibus religio Christiana absolvitur, praesertim fundamentaliū consensus atque harmonia, quae definitio à nostra, me iudice, prorsus non difert. vid. Theol. dogmat. Budd. L. 1. C. I. p. 64.*

(99) Wolff. in Logie. de explicat. script. Cap. XIII. §. 8. p. m. 152. weil man aus dem Werck der Erlösung Gottes Weisheit wahrnehmen kan; Ephes. 3. v. 10. so müssen die göttlichen Wahrheiten eben eine solche Verknüpfung miteinander haben / wie die andern. Über diß wird auch viel in der Schrift vorgetragen / die nur Gott in so weit Er ein Schöpffer und Erhalter der Welt ist / und den Menschen / in so weit er eine Creatur ist / angehen. Conferat. Joh. Gerhard. loc. Theol. de interpret. script. c. 4. §. 71. *Ex perspicuis scripturae locis colligitur regula fidei, ad quam reliquorum expositio conformanda. Dicemus, si placet, hanc conformitatem oraculorum obscuriorum cum clarioribus analogiam scripturae.*

### §. 19.

*Applicatio  
definitio-  
nis*

*Fidei analogia jubet esse vaticinia Paulus Rom. 12. v. 6. Sensus igitur ex datis definitionibus non potest esse alius quam hic: cavendum, ne tales ex scripturis eruamus sensus, qui vel cum veritatibus aliis iisdemque manifestis non con-stantur, sic enim forent contra fidei analogiam, vel clarioribus oraculis, quae normam obscurioribus, juxta canonem supra demonstratum, praebent, adversentur; sic forent contra analogiam Scripturae. (rr)*

(rr)

(17) Qui propter merita DEUM hominibus obstringi contendunt ex Jacob 2, clarioribus oraculis, & veritatum nexu generali, qui DEUM nulli obligatum docet Rom. II. v. penult. repugnans, id est & analogiam fidei & scripturæ violant, vid. quæ acute Leibnizius contra Veronium tradit in *sacrarum litterarum interpretatione* Papam Iudicem per dubia scepticorum declaraturum, in Discurs. de Harm. rar. & revelat. Theod. præmiss. §. 62.

## §. 20.

Age! levi penicillo delineabimus exemplum analogiæ fidei, ut quam connexa sint factorum capita, cognoscatur. Servatorem ultro adiisse mortis & sententiam historia Evangelii clarissimis verbis memoriæ prodidit. Confer Luc. 18. v. 31. cum Matth. 21. v. 1. seq. *Voluntarium est, quod cognoscitur & ut bonum vel & aliis præstantius eligitur.* Futuram primo mortem Servator prævidit, qui enim vel levissimas circumstantias prælagire potuit Matth. 21. v. 2. 3. graviora etiam multo ante scivit, quam evenerunt, i. e. mortem. Uti vero horrendum supplicium intelligendo præcepit; sic tamen etiam elegit, aliter Hierosolymam nunquam intrasset publice, & tantò cum applausu.

## §. 21.

Recte tu quidem, inquis, hæc Sole clariora, *Exemplum analogia fidei.* sed quid inde? Sum in eo, ut exponam: Quid quid sponte eligit *ἡ δὲ πόλις*, non potest non esse bonum Jesai 7. v. 17. Elegisse vero mortem concessisti, cum præstantia igitur conjunctam profiteri eandem; quid obstat? Quod bonum est perfectionem infert, *perfectio est consensus in varietate,*

tate, de qua in antecedentibus; credendum ergo est, mortem Christi peperisse novum rerum consensum. Major consensus in regno (ss) naturæ exsistere non potest, quàm DEO condente jam dudum exstitit, consensus igitur morte Christi partus regnum attingit gratiæ. Consensus dissensum supplet, nullus in regno gratiæ dissensus regnat, nisi admissum culpâ hominis peccatum, superest ergo ut credamus, mortem Christi propter peccata susceptam expianda. Cum peccatorum expiationem tanquam *bonum* sua morte intenderit Christus, majoris ponderis erit id bonum, quam quod in morte inest malum, doloribus acerbissimis licet comprehensum. Si bonum minus foret nec gravitate superans mortis incommoda, nunquam ab optimo Servatore fuisset huic antepositum. Eò locò habetur mors fratrum Christi ac si ipsi fuisset illata, *mors nostra; Christi mors* 2. Cor. 1. v. 5. Quemadmodum hanc felicitatis matrem comprobavimus, ita & nostra non infelicior erit. Si nostra non est morte Christi infelicior, plus in ipsa quoque boni inerit quam mali, cunque nonnisi ea timeamus, quæ plus mali inferunt quam boni, non esse metuendam mortem, quæ Christi similis est, evidenter intelligitur. Peccant, qui ab eo recedunt, quod faciendum est, aut omittendum; ergo & culpa non vacant qui mortis tantopere percelluntur metu. Inest in ipsa plus boni quam mali. Quis autem non fertur in id amore, quod plus boni complectitur ac mali? non ergo beatus obitus amore nostrò indignus est.

(M) Si consensus Machinæ mundi, seu regno naturæ per Christum inferendus fuisset, dissensus ante in crea-

creaturis habuisset locum, eoque opus DEI Creatoris commaculasset imperfectio, non illa enim imperfectio hominum culpa exstitisset, quicquid enim hominum culpa factum emendatur, pertinet ad regnum gratiæ. Per peccata, in regno etiam naturæ plura mutari, exemplo agrorum constat, quibus DEUS dixit olim male. Sed ille dissensus graviolem in regno gratiæ i. e. peccatum arguit, ita ut istum supplere DEUS nequeat, quin eodem consilio respiciat hunc. Atqui in eo vis argumenti ponitur, ut mors Christi ad regnum Naturæ non pertineat, nisi simul respiciat regnum gratiæ. vid. Recueil de divers. piec, par Leibnit. p. 4. §. 4. *Et je tiens, quand Dieu fait des miracles, que ce n'est pas pour soutenir les besoins de la nature, mais pour ceux de la grace. En juger autrement, ce seroit avoir une idée fort basse, de la sagesse, & de la puissance de Dieu.*

## §. 22.

Nunquam lectorem tam tenui ratiociniorum *Corollaria*

filo, & levi pro declaranda analogia fidei exemplo detinuissem, nisi satius fore existimassem, si è longinquo saltem aliquis veritatum revelatarum nexus monstretur, quam si plane sicco prætercatur pede. Cùm *Analogia fidei veritatum nexus* indicet, falluntur, qui consequentias necesse negant, (11) qui systemata non saltem vulgaria rejiciunt (nn) verum & accuratiori sensu dicta super vacua imo periculosa ducunt, docendi rationes, quantum fieri potest ad methodum Mathematicam accedentes, improbando: (xx) Recte autem agunt, qui oraculis recte expofitis structuram veritatum apte coagmentatarum inædificant, axioma, corollaria, Theoremata elicientes.

(11) Sunt eo nomine accusandi Veronius, Wallenburghii &c. in contract. de contrav. general. tractatibus.

p. 75. 69. *Protestantes possunt errare in formanda interpretatione & consequentia &c. quos Musæus depexos dedit in Tractat. de conversione hom. peccator. &c. ubi & agitur de fraudibus, quas sophista moderni committunt, pro re nata etiam Methodi Waltenburchiana fundamenta potissima impugnantur.*

(un) Systemata vulgaria voco, quæ doctrinas similes in certas classes digerunt, non attendendo, num ex antecedentibus consequentia legitime demonstrari possint, nec ne? omnem methodum systemat. & vulgarem à Fanaticis improbari constat. vid. Rob. Barclajum in theologiæ verè Christianæ apolog. thes. 9. §. 21. p. 100. Dicta B. Lutheri non tam contra Methodum system. quam scholasticum ejus abusum Zierold collegit in libro: *D. M. Luthers Aufmunterung zur Liebe des Worts Gottes wider das Scholastische Aristotelische Christenthum.* Systematis accurato sensu dicti notionem exhibet explicationem Büllfing. De orig. mali. p. 28. §. 62. est, inquit, multitudo rerum connexarum, quarum altera determinationes suas nanciscitur ex determinationibus alterius, ita ut ratio unius reddi possit ex altera. Loquitur auctor de systemate Mundi, facilis autem est definitionis ad systema disciplinæ applicatio.

(xx) Nota est Huetii demonstratio Evangelica, quam laudat velut mathematicæ propinquam in actis erudit. lipsiens. suppl. T. II. Sect. II. p. 98. Pufendorf. notum Heinrici Widenburg, System. theol. positivæ. Sed alii hoc institutum improbant, v. g. Schorner. Theol. moral. cap. 1. §. 20. p. 29. Ruardus Andala in exam. Ethicæ Geuling. Dissert. I. §. 10. seqq.

### CAP. III.

#### *De usu Philosophia in Articulo de Creatione.*

##### §. 1.

*Accessus.*

**R**ecentiorum placita doctrinæ de mundi creatione non adversari dudum Viri judicio pol-  
lentes,

lentes (a) contra nonnullorum (b) accusationes probârunt. Id negotii nunc nobis datum esse credimus, ut quantopere illa gravissimo huic Theologiæ capiti faveant, paucis exponamus. Mundum nec existitisse ab æterno (c) nec ex materia formarum æterna, DEO auctore; (d) sed ex nihilo prodiisse disciplinæ Christianæ sanctioris venerandum dogma est, cui si quæ Philosophia repugnat, exsecranda debet haberi. Quamquam sint, (e) qui creationis *ex nihilo* notitiam non à sacris litteris, sed à sola ratione proficisci contendunt.

(a) Inter alios Bullfinger in Diluc. pag. 522. seqq. Riebovv. in der ferneren Erläuterung pag. 31. seqq. §. 18. seqq. & alii.

(b) Joach. Lang. Theologus celebr. & eximius in der bescheidenen Entdeckung der schädlichen Wolffischen Philosoph, p. 24. seqq. in Anatome nova p. 73. ut de causa DEI asserta, de modesta disquisitione, vindictisque hujus nihil dicam.

(c) Huc pertinet Aristoteles, de quo Cicer. in quæst. acad. L. IV. c. 28. Aristoteles, inquit, non esse ortum unquam mundum dicit, quod nulla fuerit novo consilio inito, iam præclari operis inceptio, & ita eum esse undique aptum, ut nulla vis tantos queat motus, & mutationem moliri. Cæteros auctores infra indicabimus pro re nata.

(d) Hæc sententia plerarumque fere gentium fuit quæ iterum circa modum, quo DEUS materiam tractavit, in diversa abierunt, quæ elegantissime describit Christ. Thomasius in den Monat-Gesprächen p. 11. p. 175. anno 1688. addatur Jacob. Thomaf. in dissert. 2. de stoica mundi exustione.

(e) Inter quos est Limborch. Theolog. Christian. L. II. cap. 19. §. 5. p. 112. Scriptura, inquit, nusquam diserte dicit, creationem ex nihilo factam, solent quidem hunc in finem tria potissimum loca proferri Rom. 4. v. 17. 2. Cor. 4. v. 7. Hebr. 11. v. 3. Sed ex nullo

istorum id solide concludi potest, in primo loco non definitur, an DEUS res ex nihilo, an vero ex præjacente materia producat, secundus locus manifeste agit de luce evangelij &c. in tertio solum dicitur mundum creatum ex non adparentibus. Vid. Gerhard. loc. Theol. de creat & ang. c. 3, p. 3. Budd. Syst. p. 454.

## §. 2.

creatio ex  
nihiloniti-  
tur princi-  
pio suffic.  
rationis.

Existimo difficulter creationem ex nihilo probari, nisi forte fuerit, ut principii de sufficiente ratione non limitatam amplitudinem agnoveris. Ne rideas quæso, toties commendari axioma idem, faciemus periculum, uter nostrum habuerit causam, vel hoc affirmandi, vel temere dictum ridendi. Antiqui cujusdam ratiocinia Philosophi pro mundi non ex materia formatione, sed ex nihilo creatione facientia allegabo primum. (f) Quorsum, inquit, DEUS ea quæ non condidit digerere conatur, si quid enim ingenito & per se subsistens addatur, præter naturam fiet. Quod autem præter naturam efficitur, vitatur, quare materiam ornari (ab alio) minime bonum (est). Sed facilis est responsio ei, cui nulla principium rationis sufficientis observandi necessitas imponitur. Regeret enim: quod præter naturam alicujus rei, ordinata, concinnata & eleganter digesta efficitur, id omnino vitatur. Atqui materia rudis indigestaque erat moles, ejus igitur digestio perficiebat, non vitiabat. Pergit Philosophus. Actionem DEI quæ materiam formare instituisse, non futuram fuisse (g) argumento divinae benignitatis, sed superflua DEI diligentia; cur enim DEUS moliretur ordinare quod non effecisset? optimum ordinem non posse non afficere rem æternam, qualis materia fingatur. Hoc autem est, idem per idem probare, adversus eos qui materiam pro chao habent,



habent. Etiam si enim fingant æternam, digestam tamen & ordine dispositam negant. Non est igitur consentaneum, id præstruere, de quo potissimum lis ultro citroque reciprocatur. Addit Philosophus: *stante doctrinâ de aternitate materia non potuisse DEUM moliri ejus ordinationem sine crimine, spoliaturum enim pristino statu & conditione fuisse substantiam, quæ ex aquo, ac ipse, fuerit, exstuerit æterna, eoque ipsam DEI sororem hoc pacto violatam fuisse.* (b) Non miror his ineptiis Platonis affectas cæterosque Materiæ æternæ cultores haud fuisse commotos. Quomodo enim injuria fieri potest rei prorsus inanimæ inerti, qualis materia concipitur? quomodo rem perficiendô, exornandô, ad elegantissimam formam revocandô violare possumus? Certe si graviora non obstituerint argumenta, his parum effeceris aut nihil. Adversarius enim, cui copiam facis universalem axiomatis de *sufficiens ratione amplitudinem aut restringendi aut tollendi*, semper, sed absque ratione finget, materiam rudem æternamque eguisse ornamento, & ex hac hypothese suas derivabit ad contraria argumenta solvenda distinctiones.

(f) Hieroclem intelligo, qui apud Photium Biblioth. Cod. CCLI. p. 130. ita disputat: *Τί γὰρ δὴ μὴ θῶν ὁ μὴ ὑπέστησε ἀγατά τινι περὶ αὐτῶν, πάντως περ τῆς εὐταξίας αὐτῆς ἐν τῷ ἀγεννησίᾳ τῆς ἐαυτῶν φύσεως κειμένης, τὸ γὰρ ἀγενήτως καθ' ἑαυτὸ ὑφεστῶς εἰς τὴν περὶ λαίβοι ἀρχὴν φύσιν περιελύθηται.*

(g) Idem Philosophus citato loco.

(b) idem citato loco.

## §. 3.

Exami-  
nandis ar-  
gumenta  
alia.

Audiemus argumenta eorum, qui inter Chri-  
stianos, & non ita diu, contra materiæ æterni-  
tatem pugnando à principio rationis sufficientis  
discefferunt. Celebris Arminii Promachus (i)  
his utitur ratiociniis. Primo DEO nihil esse co-  
æternum. Verum enim vero sic nihil probatur,  
sed probandum supponitur. Addit, si materia  
fuiſſet haud creata, Deum ex se jus in illam non  
habiturum fuiſſe, tanquam in rem ex aſſe ſuam;  
ſed omne jus Dei in illam futurum fuiſſe tanquam  
primi occupantis. Quidquid ſit, dummodo jus  
habeat DEUS, jus in rem eſt facultas re utendi  
cum excluſione alterius, quis talem DEO dene-  
gandam probaverit, etiamſi non effecta ab ipſo  
foret materia. Nemo ſibi tantam materiæ mo-  
lem aut vendicare voluit, aut potuit. Subjicit  
tertio potens non fuiſſet DEUS ad eam mutandam,  
quia æternum immutabile eſt ac independens. Fa-  
cile ſemet his laqueis adverſarius extricabit.  
Æternum, inquit, immutabile eſt, non ratione  
modi, quò exiſtit, ſed reſpectu ortus, quem non  
admittit. Probandum ſcil. eſt, æternitatem argue-  
re immunitatem à mutationibus cunctis, non ſuppo-  
nendum. Alia æternitas eſt mutabilis, qualis eſt ma-  
teria, alia independens DEI.

(i) Limborch, in Theol. Chriſtian. L. II. Cap. 10. §. 6.  
Exigit natura rei ut materiam illam primam informem  
ex nihilo creatam dicamus, quia, ut ante vidimus,  
nihil DEO coæternum [2] quia ſi materia fuiſſet co-  
æterna, DEUS ex ſe jus in illam non habuiſſet, tan-  
quam rem ex aſſe ſuam; ſed omne Dei in illam jus  
fuiſſet tantum primi occupantis. [3] quin imo potens

*non fuisset DEUS ad eam mutandam; quia aeternum immutabile est, ac independens.*

## §. 4.

Sunt & alia argumenta, quibus Viri summi *Neua de-  
nuo argu-  
menta ex-  
cutiuntur  
qua princ.  
suff. rat.  
non  
urgens,*  
opinionem de materiae aeternitate oppugnant, (k) quae, quantum à principio sufficientis rationis recedunt, tantundem egent supplementis. Dicunt, *ad essentiam materia manifestò non pertinere existentiam, nec enim in ejus conceptu quidquam deprehendi, quod eam inferat.* Novimus Philosophos, hoc loco confutandos, statuisse discrimen inter existentiam materiae hanc; aut illam speciatim, & inter eandem generatim consideratam, primam cum essentia materiae necessariò non conjunctam admittentes, posteriorem autem ex essentia necessario pendere adfirmantes. Quomodo igitur probabimus neutram ideam essentiae includi? quomodo demonstrabimus, & existentiam materiae per se, non in hoc aut illo statu tantum consideratam, ab essentia ejus abesse posse? Urgent cruditissimi Viri, nullam adferri posse rationem, cur materia, qua nunc existit, (l) semper existere debuerit, aut cur non existere nequeat. Nunc verba sensim flectunt ad mentionem principii de sufficiente ratione, si recte institerimus, reportabimus victoriam. Si nullam rationem praesto esse dixerimus, cur materia debeat esse aeterna; allegabant Ethnici Philosophi tritum illud: Ex nihilo nihil fit, infinitum esse inter nihil & aliquid intervallum, (m) quam responsionem non excusserimus, nisi recurrendo ad id, de quo quaeritur, nempe per insinuatam Dei potentiam posse ex nihilo mate-

*riam condi*, quod ad coarguendos adversarios parum, licet verum sit, efficaciam habebit. Non desunt tamen & alia ratiocinia. *Existentia*, inquit, *necessaria*, uti *summa perfectio est*, ita non potest non adtributum esse entis omnium perfectissimi. At cum materia plurimis imperfectionibus laboret, quod vel ex comparatione ejus cum spiritu adparet, non potest pro ente omnium perfectissimo haberi. Ergo nec adtributo, quod enti perfectissimo tantum competat, seu *existentia necessaria gaudet*. At supposita hac Ethnicorum hypothese, prima propositio non universim vera est. Alia est *existentia entis passivi*, alia *entis activi* sive DEI. Illius existentia licet necessaria sit, summam perfectionem non indicat, indicat autem existentia hujus. Intelligitur denuo quod supra vere dictum est, *posse etiam ex sententia, qua ratione sufficienti non nititur, eoque falsa est, distinctiones peti ad omnia contraria argumenta solvenda, quotquot istam rationis sufficientis absentiam non urgent, quò sit, ut absque fine lites prorogentur*. Advertamus igitur ad hoc principium curatius, ac antehac factum est.

(k) Vir laude nostra major Buddæus in Theol. dogmat. p. 453. §. 2. not. \*, cujus omnia hæc ratiocinia sunt, quotquot hoc paragrapho examinavimus.

(l) Fuerunt ex gentibus, quæ ipsam materiam existentiam cum hodiernis Idealistis negarent. Zenonem v.g nominare lubet, cujus argumenta contra existentiam materiam vid. apud Aristotel in Physic. L. VI. Cap. 9. vid. Conimbricens. in Aristot. Physic. L. VI. Cap. 9. p. 147. 148. Quid Cartesiani contra sensuum testimonium in probando mundo corporeo dixerint, notum est. Vid. Malebranch. eclaireissement, sur le 1. livre de la recherche

recherch. de la Verite p. 64. Cum hoc fecit Siculus quidem Mich. Fardella in logica quam Venetiis 1696. emisit. Lege Journal des Savans du 30. juillet 1698. p. 551. 552. Holl. ed. *DEUM* inquit *posse nobis, um communicare easdem de corporibus ideas, sive revera existant sive non, non autem facere Numen quidquam frustra, ergo sciri non posse, an corpora actu existant?* Respondit Malebranchio Arnauld in *Traité des vraies & des fausses ideas* p. 324. Cui opposuit *Reponse au livre des vraies & fausses ideas &c.* Sunt qui baculis hos refutandos contendunt. Langius in *der bescheidenen Entdeckung* C. III. p. 87. alii vero profunda scientiâ opus esse dicunt, ubi hos refellere in animum induxerimus. Tobias Andreae in *exercitat. de impossibil. mundi aternitate*, res, inquit, licet ardua sit, (probare corporum existentiam) *eam tamen prout concepimus, - proponemus* p. 7. Bülfinger. *Dilucid.* p. 239. idem sentit. Adi, si placet *Nicollé art de penser* P. IV. C. 1. p. 387. 388. Rohault *Physic.* P. I. c. 27. n. 6. p. 293. Lami *Connoissance de soi meme*, Tom II p. 112. seqq. Quibus adstipulatur Riebovv. in *der ferneren Erläuterung* p. 119. Puto me non inutilia ex recentiorum mente contra Idealistas supra tetigisse.

- (m) Ethnicorum axioma, *ex nihilo nihil fit*, male huc applicatur. Dedit inrer alios responsionem contra Atheos eo abutentes Limbotch. in *Theolog. Christ.* L. II. C. 19. §. 7. exaggerat tamen difficultatem, *ex nihilo nihil fieri posse*, Bælius, non mala mente, sed ut Spinozæ rationes indicet, quibus ad Pantheismum inductus fuit, *Diction* p. 2640. b. *une matiere crée de rien n'est pas concevable, quelque efforts que l'on veuille faire pour se former une idee d'un acte de volonté, qui convertisse en une substance réelle ce qui n'étoit rien auparavant.* Sed mirum non est, creationis nos nullam habere posse distinctam ideam, non enim gaudemus facultate creandi. vid. *Metaph. Wolff.* §. 1033. quem paragraphum Bülfinger vindicat contra iniquas explanationes *Dilucid.* p. 540. Non facio

cum doctissimo Walchio in Lexic. Philos. p. 220. qui cum aliis plurimis affirmat, Canonem: *Ex nihilo nihil fit*, non absolute verum: sey nicht schlechterdings wahr. Si enim de causa efficiente accipiamus Canon, qua potentia infinita gaudeat, falsum esse eundem. Sed nunquam de causa efficiente dicimus, quod ex ea aliquid fiat, sed quod ab ea producat. Stat igitur undiquaque inconcussus Canon, licet ne sic quidem gentes cum sententia de materia aternitate triumphent. Levia hæc sunt, quæ Vir summe venerandus à me annotata esse, vitio non vertet.

## §. 5.

Argumen-  
tum  
nostrum.

Dabimus igitur operam, ut ex mente recentiorum suppleamus, quod argumentis allegatis desse videtur. Potest, quod desideratur, compensari per distinctam principii de sufficiente ratione cogitationem. Fingamus tantisper, materiam ab æterno existisse, animum ita suspicantis merito subibit hoc: Quicquid existit, determinate existit, tanquam individuum, universalis enim, genera v. g. & species, quæ talia, non existunt, nobis non abstrahentibus. Ergo materia, quæ, revera existere ab æterno, fingitur, determinate cum his (n) aut talibus circumstantiis, hæc aut illâ figura, situ &c. existet. Atqui nunc merito quaeritur, aut determinati illi materia limites, situs & figura necessario tales nec alii, alia, sunt, aut non. Si prius, ne DEUS quidem in materia quidquam potuit transformare, nec eam ornare, disponere & exinde fingere systema, quod est contra ipsos Philosophos manifestissime, cum quibus heic nobis intercedit pugna: aut vero determinata illa materia figura situs & circumstantia contingentes, & mutationi fuerunt obno-

obnoxia, tum requiritur determinata ratio, cur determinata tales materia figura circumstantia &c. fuerint, nec potius alia. Ad DEUM recurrere nondum licet, loquimur enim de materia quæ jam determinate talis nec alia existit, antequam Deus ex ea systema formaret mundi. Etiam si regereres, si DEUS ab æterno materiam agitasset & ad hunc potius existendi modum, quàm alium quemvis formasset, tum semper determinatam rationem determinati existentia modi futuram fuisse; Tamen parum proficies: Nam quicquid determinate suæ existentia rationem non in se habet, sed in alio, ut circa materiam nunc fingis, id nec existentia suæ realis rationem in se habet, quæ quippe sine determinatione locum non habet; quid? quod hæc tuâ sententia stante sequeretur, quòd saltem materia non dissentaneum sit, posse determinate existere absque determinata ratione, si vel DEUS ab agitando cessaret, vel noluisset ab æterno id agere. Quod est absurdum.

(n) Quid Individuum sit omnium distinctissime Bülsinger tradit post Wolff. & Leibnitium, in Tractat. de orig. mali. Sect. II. p. 237. seqq. §. 283. Adde Thumigium in der Deutschen Antwort auff Herrn Eklars kens fünfften Brieff an Herrn Leibnitium / welche Brieffe Herr Köhler verteutschet. §. 3. 4. 5.

### §. 6.

Principii sæpe laudati vim & militatem non possumus non h. l. agnoscere. Addo aliud. Ex recentiorum mente elementa corporum prima seu ultima non sunt quærenda in atomis, formâ (o) situ &c. præditis. Nam figuræ atomorum sursum & deorsum spectant, habent ergo partes, de quibus

*Aliud nostrum ratiocinium.*

quibus idem ratiocinium & sine fine recurreret. Quod est absurdum: Nam pari ratione Atheus in adscensu ad causas corporum majorum sine fine procederet, subinde magnum corpus ex grandiore fingens, quemadmodum tu in descensu ad minima per infinitum non subsistis, parva ex minoribus sine fine formaturus. (p) Jure ergo recentiores simplicia defendunt, quæ aliis, atque composita, proprietatibus vestita sunt: (q) Hæc differunt statu interno aliis aliisque virium gradibus, quæ exacte mundi variationibus, i. e. complexui cæterorum, eorumque vicissitudinibus respondent. Quodsi igitur hæc simplicia, tanquam hoc interno statu nec aliò, cum universa durandi serie consideramus, non potuisset DEUS in illis tanquam in materia, ab ipso non effecta quidquam transformare, disponere, nisi prorsus alia simplicia ab his distincta supponantur, *quæ ipsissima creationis ex nihilo notio est*. Non habet enim naturam, ut atomi, internam minus determinatam, quibusvis formis externis recipiundis aptam; sed præditi sunt naturâ internâ determinate hâc, per omnem durandi seriem, quæ natura si mutetur, non amplius idem individuum, sed aliud habes.

(o) Vid. Metaph. Wolffii §. 76. 77. seqq. perpende quæ Bülfing. accurate tradit Dilucid. p. 92. §. 102. seqq. adde quæ Leibnit. docet Recueil. T. II. p. 232.

(p) Mathematicorum de materiæ in infinitum dividendæ potentia, de qua & auctor artis cogitand. P. IV. ch. 1. p. 392. demonstrationem h. l. non curamus. Ostendit Leibnitius Discurs. de Harmon. rat. & revelat. §. 70. & Wolffius Physic. Tom. I §. 4. p. 11. causas quare istis labyrinthis involvamus, quia *sine sufficienti ratione, in illa demonstratione similes materia*

seria



teria partes fingantur &c. Cæterum Liberto Fromondo, quem supra citavi de labyrintho compositionis continui commentantem, sed impari robore respondit Jacob, Capreolus Profess. Philosoph. Paris. en reponse à deux questions du Cardinal de Richelieu de demonstratione magnitudinis in puncto, 1636. evolve Arriagam Disput. 16. Physic. Sect. XI, num. 241. p. 433.

- (q) Nisi enim hoc dicas, nunquam filum Ariadnezum ex labyrintho prodeundi inveneris. vid. Recueil T. II, p. 188. 189.

### §. 7.

Quibus ita ex recentiorum sententia declaratis patet, Creationem ex nihilo inconcussis argumentis demonstrari posse. Nec solverint adversarii isthæc ratiocinia, etiamsi ex sua hypothesi priora eludere potuerunt. Si solvere quirent, ipsorum foret reddere rationem, cur determinate materia ab æterno his nec aliis figuris, circumstantiis prædita fuisset, atqui ei præstando sunt impares, ut vidimus, ergo exulat hinc semper prior suppositio, semper idem in respondendo ad hypothesin nondum probatam recursus. Quod & accedit Aristotelis sententia, qui absurdum esse judicavit (r) quod materiæ à DEO profecti motus & determinationes æternæ fuerint, ex quo intelligitur, habuisse materiam ex se determinatam existendi conditionem, antequam à DEO formaretur, atque adeo ejus determinationis, ex horum Philosophorum doctrina, nullam fuisse rationem, quod à veritate plurimum recedit.

- (r) Sententia erat Platonis in Timæo apud Aristotelem de Cælo L. III. cap. 2. p. 370. πρὶν γὰρ εἶναι τὸν κόσμον ἐκινῆσθαι καὶ συνεχῆ αἰτία, hanc p. 371.

p. 371. erroris coarguit Aristoteles, verba sunt prolixiora, dabimus sensum. *Quidquid inordinate fit, præter naturam accidit, atqui motus materia inordinati & æterni non potuerunt præter naturam accidere; est enim ea natura rerum quam plures & majori tempore habent. Ergo illi æterni inordinati motus erant secundum naturam, motus a. à DEO illatus præter naturam, atqui absurdum illos esse secundum naturam, nihil enim secundum naturam fit forte fortuna. Ergo plane nulli tales motus oriebantur ante formationem DEI. laudat propterea Aristoteles Anaxagoram quod ex ἀκίνητων ἤρξατο κόσμον ποιεῖν i. e. quod ex immobilibus statuerit mundum effectum,*

## §. 8.

*Qui creationem ex nihilo crediderint.*

Cum tam evidentibus argumentis corroborari queat creationis ex nihilo doctrina, patet, non potuisse eam, ex nascentioribus gentium Philosophis, quosdam certe fugere; (1) Docent enim clarissimi Scriptores, fuisse complures ex Ethnicorum turba, qui creationem ex nihilo habuerint cognitam atque perspectam. Quæ res non medio cre adjumentum ad confirmandam Religionem ac Scripturæ auctoritatem & offert, & cum Athenum prostitutione cumprimis conjuncta est. Qui enim ita sentiebant, eos tanquam sacrarum litterarum expertes nemo sanæ mentis partium, aut & sectæ studio ductos ita statuisset, dixerit.

- (1) Grotius profectò in not. ad libr. de veritate relig. Christ. L. 1. §. 16. citat. ex antiquitate qui creationem ex nihilo crediderint. idem facit Huetius in quaest. Alnet. L. 11. cap. 5. Aristoteles contra eos calamus strinxit in libro de Xenophane. Dikinson in Physica Vet. & vera c. 12. p. 297. Phœnicum sententiam refert qui & materiam factam esse con tenderint. Huc referendus Joh. Ouyen in θεολογία, L. 1.

L. 1. §. 8. Crenius Fascic. II. dissertat. Adam Tri-  
 bechov. in dissertat. de veritate creationis Mundi offen-  
 sa in traditione gentium, de his testimoniis fatetur ta-  
 men quod paucissima ad demonstrandam materiam crea-  
 tionem à gentibus creditam pertineant. Joh. Christ.  
 Wolff. in Manich. ante Manich. p. 28. Non dissi-  
 mulo tamen aliis aliter videri, & vix eos adduci, ut  
 credant, quidquam gentibus de creatione innotuisse.  
 Notum est Ciceronis Testimonium. Acad. quæst. L.  
 II. qui percerenset, ab Anaximandro infinitatem natu-  
 ra substitutam esse, ex qua omnia gignerentur post  
 addit sequentia: Eius auditor Anaximenes infinitum  
 aëra, sed ea qua ex eo oriuntur definita: gigni ter-  
 ram, aquam, ignem, tum ex his omnia. Anaxa-  
 goras materiam infinitam, sed ex ea particulas similes  
 inter se minutas, eas primum confusas, postea in or-  
 dinem adductas mente divina. Thomassinus quidem in  
 Methode d' estudier & d' enseigner la Philosophie  
 livr. chap. 14. p. 161. gentes excusat, quæ nullam  
 DEI in ortu mundi explicando mentionem fecerunt.  
 Supposuisse eas causam primam, tanquam rem, de qua  
 nemo suis temporibus dubitaverit, & locutas tantum  
 de causis secundis, utpote quas nemo hactenus recte in-  
 vestigaverit &c. Sed haud scio an id multis persua-  
 deri possit? Augustinus de Civitate Dei LVIII. C. 2.  
 refert quod Anaximenes omnes rerum causas infinito  
 aëri dederit; ne Deos negaverit aut tacuerit, non ta-  
 men ab eis aërem factum, sed ipsos ex aëre ortos credi-  
 derit. Cicero de natur. Deorum Libr. I. p. m. 40. ait:  
 Anaximenes aëra Deum statuit eumque gigni. Parem  
 sententiam Anaximandro Præceptorī Anaximenis tri-  
 buit Cicero. Anaximandri, inquit, opinio est nativos  
 esse Deos, longis intervallis orientes, occidentesque, eo-  
 que innumerabiles esse mundos. Confer. August. de  
 Civ. Dei L. VIII. c. 2. Cicero de natura Deorum L. I.  
 p. m. 50. ubi ait: Diogenem aëre Deo uti. Ex his con-  
 stat, quid antiquiores Philosophi de Diis senserint, ac  
 num creationem ex nihilo crediderint potiores inter eos,  
 nec ne? Pererius de communibus omnium rerum na-  
 tura-

turalium principiis negat pariter antiquos tantillum de creatione habuisse exploratum vid. L. IV. cap. 4. 206. Quidquid sit, si vel unus tantum aut alter in hanc veritatem inciderit, non exiguo id nostræ religioni præsidio est.

## §. 9.

*Mundus  
non fuit ab  
æterno.*

Mundum ex nihilo creatum evicimus, argumento id est, cum non existisse ab æterno postulante quadam necessitatis lege. Addo hæc verba consulto. Numquid enim potuerit ab æterno esse, *modò contingenti & dependenti*? equidem heic non definitio, etiamsi id & olim, (t) & hodiernum magno animorum motu disputatum sit. Sufficiat hoc loco, pestilentissimam Atheorum, de necessaria mundi æternitate, opinionem telis ex recentiorum pharetra depromptis, penitus confixisse. Valeant igitur, aut pereant potius, qui mundi artificem liberrimo arbitrio condentem, non agnoscunt, (u) non venerantur. Debent nobis solutionem argumentorum pro existentia DEI facientium, imò æternum debebunt.

- (t) Scholasticos complures ita sensisse, Aristotelicæ doctrinæ velificaturos, pervulgatum est. Poirer in cogit. ration. de DEO anima & Malo L. III. cap. 16. num. 9. p. 438. memoratu digna scribit. *Falsum est, mundum statui æternum, si dicatur vel semper existisse, vel non posse affirmari in eo esse aliquod momentum, quod ab alio non fuerit præcessum* (sic enim, an istatis latine? loquitur) *quamvis enim, hoc esset, nihilominus mundus temporarius esset ac dependens, neque hoc quidquam DEI æternitati aut potentia detraheret.* Theologi protestantium distinguunt inter æternitatem (tempus infinitum) cum successione, & inter æternitatem sine successione, vid. Colleg. Anti socin.

• Scher-

Scherzer. Ed. 3. Disp. 5. p. 47. Argumenta pro possibili æternitate mundi scil. *successiva* valde difficilia sunt soluta v. g. Si creatura habuerunt initium, nec eos quidquam precessit nisi DEUS, tum duratio DEI non est instans individuum quod Boet. hic de consolat. Philosoph. Prof. VI. p. 135. omnium consensu tradidit, nam in æternitate mundum aliquid antecedit, aliquid simul existit, aliquid cum ejus duratione continuat. Quomodo enim v. g. omnia membra hominis distincta manebunt, sub uno puncto individuo, & velut mathematico cui æternitas DEI comparatur. Secundo, decreta DEI nihil amplius involvunt, quam hoc: Ego DEUS volo atque creatio plus non intulit, quam voluntatem DEI, ut fiat mundus. quis enim motum proprie dictum ad decreta exsequenda DEO adscribat? Ergo sicut decreta ab æterno erant, ita etiam creatio fuit. Respondeant alii, nostrò tempore de possibili mundi æternitate acriter decertatum. Ex una parte, in causa DEI asserta, in placida disquisitione p. 13. seqq. in der bescheidenen Entdeckung der schädlichen Wolfian. Philos. p. 20. seqq. in placidis Vindiciis modestæ & placidæ disquisit. p. 18. & in scriptis eristicis à Buddzo contra Wolffium emissis: ex altera autem parte in Comment. luculent. Wolffii p. 56. in monito ad Commentat. p. 4. in den Anmerkungen Herrn Wolffens über das Bedenken Herrn Buddai p. 56. 57. in der nöthigen Zugab p. 20. in dem klaren Beweiß p. 60. in Kulffing. Dilucidat. p. 187. in Mulleri sicherem Mittel &c. p. 14. seqq. de possibili æternitate mundi allegatos auctores vid. apud Ricbovy p. 18.

- (\*) Aristoteles mundum, necessario, an contingeret? æternum statuit, quod longe tritissimum est. Accusatur propterea à Ciceron. Acad. quæst. L. IV. cap. 38. à Lactantio divin. institut. L. II. c. 11. ejus classi adscribitur Pythagoras apud Varren. de rust. L. II. C. 1. Aristotelem inter Christianos felicissime & infelicissime secutus Andr. Casalpinus. vid. Sam. Parker in disput.

de Deo & providentia divin. disp. 1. p. 64. qui & Berigandum ejus erroris accusat. ex adverso hunc errorem rejecerunt Bernh. Tilesius de rerum natur. L. I. c. 9. 10. Nicolaus Taurellus de rerum aternitate, Copiose æternitatem mundi Jaquelot refellit in dissertatione de existentia Dei gallice edita. imbecillius Isaac Vossius in dissertat. de ætate Mundi cap. 1. provocat enim ad id, quod montes fluvii &c. defecissent si per æternum tractum durassent. Dubia interim Atheorum, quæ contra historiam creationis movent, excussit Jaquelot dans la conformite de la foi avec la raison P. II. C. I. p. 112.

## §. 10.

*Mundus  
ex essentia  
DEI non  
emanavit.*

Si mundus ex nihilo conditus, quod ratio-  
cinia hætenus proposita arguunt, non potest ra-  
tioni consentanea esse opinio, quâ creaturæ ex  
ipsa DEI essentia emanasse dicuntur. Mundus  
enim sufficientem sui rationem in se ipso non ha-  
bet; atque adeo contingens est: fieri igitur nequit,  
ut universum pars supremi Numinis sit, quod  
ens est necessarium, quod rationem sui in semet-  
ipso habet. (x) Partes enim quoad prædicata ea,  
quæ non ex compositione qua tali pendent, iisdem  
conditionibus gaudent ac Totum ipsum. Quum  
igitur DEUS necessarius sit, erit & necessaria  
pars, quæ ex eo decerpta conflavit mundum. (y)

(x) Ita definitur Deus seu substantia independens à rei-  
centioribus v. g. Wolff in Metaph. §. 930.

(y) Poiret si non totum mundum, tamen partem ejus,  
animam ex Dei essentia emanasse statuit in Oeconom.  
p. 340. vid. Examen Theolog. Novæ Poireti institutum  
à Jægero 1708. ubi inter errores hæc sententia decimum  
tertium locum occupat. Pordatzsch. in Metaph. divin.  
T. I. L. 1. cap. 7. p. 189. Weil Gott in seinem bloß-  
sen nackten Wesen fruchtbar ist / und sich ver-  
mehren

mehren Kan; so muß er auch diese Eigenschaft haben / wann er sich in seiner eigenen Materie unterschiedliche Staffeln der Dichtigkeit eingeleibet / und Kan folglich machen / daß seine coagulierte Ausflüsse vor sich allein / als Früchte die von ihrem Baum abgebrochen seynd / bestehen p. 191. Wann das geschiehet / daß er solche abgeleitete Kräfte mit einander vermischt / glaub ich daß es eigentlich im genauen Verstand eine Schöpfung genannt werde. Cum Vir summus Joach. Langius in der bescheidenen Entdeck. *partes compositi spirituales* assereret, exprobratum ipsi est à Müllero im sichern Mittel / quod in hanc sententiam inclinet p. 52. quò jure? alii viderint.

## §. II.

*Mundum esse ob DEI gloriam conditum*, tam verum est, quàm id constanter ab omnibus, quibus sanum syncipit, & Philosophis & Theologis asseritur. (2) Non possum autem, quin dicam iterum, quod recentiorum Philosophia, cum hac præcipua thesi, mirifice consentiat. Quæ Philosophi enim generatim pronuntiant, *fieri absque ratione nihil posse*, ea penes Theologos adplicantur ad instar corollarii, DEUM non sine ratione, & æquipollenti decreto, sed intuitu gloriæ mundum effecisse. *Finis enim rei*, quid aliud est, quam *ratio sufficiens rei exsequenda*? (aa) Si ob finem igitur gloriæ stupendam Deus hanc mundi machinam fabricavit, tum & ratione sufficienti ductus præstitit idem, quò nihil magis axiomati nostro consentaneum dici potest. Contra ubi dixeris, *in rebus condendis DEUM nullà*, ut ita loquar, *curâ gloria sua fuisse tactum*, perinde ipsi fuisse, sive ea impetraretur sive non: tum profecto etiam rerum jam conditarum similis erit con-

*Est non sine ratione conditum.*

ditio, parum scil. DEUS citabit, sive à jam conditis operibus gloria sua illustretur, sive non illustretur, (bb) quod, vereor, ut blasphemiae culpâ exsolvi possit.

(z) Num opus est ut Theologorum testimonia allegem, Deum creasse ob gloriam? solis ego lucem illustraturus viderer. Vid. tamen Freylinghaus, Theolog. Halensem in der Grundlegung zur Theologie p. 29. §. 8. velim hoc expendant, qui necessitatem Deo imponi credunt, quoties cum ratione sufficienti convenientius judicat, hoc facere, quam illud. Neminem scio, qui Deum ob gloriam sui creare negasset, quam Poiretum a Bülsfinger, cit. Dilucid. p. 533. in cogitat. ration. L. III. c. 15.

(aa) Prolixè hæc omnia persequitur Bülsfinger. Dilucid. p. 532. §. 462. *Non est igitur opus, ut hæc ulterius exponendū actum agam.* Debui tamen indicare, ut utrum hujus Philosophiæ in Theologia ostenderem, pro ratione instituti.

(bb) Optarem ut qui contrarium sentiente, me hic erudirent, qui intelligere non possum, cur gloria propria DEUM non induxerit, ad creandum potius, quam non creandum, i. e. cur non fuerit ratio convenientior, id agendi, quam omittendi.

### §. 12.

*Allegatur  
dubium.*

Novi tamen, quid Viri, & judicio & eruditione florentes, heic desiderent; (cc) quoniam per peccata Dei gloria obscuratur, non videtur ab hoc mundo, in quo mali plurimum inest, plus gloriæ pro Deo expectandum, quam ab alio, qui malo vacaret. Hæc igitur obvertunt literati orbis Lumina: Sic Deo necessitatem imponi ad eligendum optimum, posse plures optimos mundos esse, ut libera maneat optio, præstantissimum esse metiendum ex fine, posse quid esse præstantissimum, si ad hunc

refe-



referatur finem; cessante illo superpondio excellentia, ubi respiciatur ad scopum alium, non amplius fore praestantissimum. Id postremo; addunt, periculi plenum esse, quod peccata ad mundi perfectionem facere dicantur. Non hæc addidissem, frequenter quippe jam antehac variis responsionibus excussa, nisi superiori demum \* anno Vir quidem Doctus, eximio suo, quem tum emisit, libro, quædam litis capita inseruisset, omissis, quæ pro contraria parte sunt, responsionibus. (dd) \* (Scribo hæc 1727. d. 18. Octobr.)

(cc) v. g. Weismann, Prof. Tub. qui raram cum pietate doctrinam conjungit, in Sched. de provid. Dei circa malum §. 7. in rationibus contra System. Leibnitian. §. 2. quæ cum aliis in unum Schediasm. volumen collecta prostant. vid p. 263.

(dd) Walchium intelligo, Virum judicios. & litteratissimum in Lexic. Philosoph. sub tit. Welt p. 2873. ubi his verbis utitur: Dasjenige/was man dawider (gegen des Herrn Leibnizens Systema) eingewendet / gehet sonderlich da hinaus / daß man die Freyheit Gottes in Hervorbringung einer Welt einschräncket / als hätte er nothwendig diese Welt erschaffen müssen; es sey wohl richtig/das Gott nach seiner Weisheit das beste erwehle / es käme aber hier die Sache darauff an: ob unter den vielen guten / dabey Gott eine Wahl anstellen könnte / nur ein einziges das beste sey / so er allezeit erwehlen müsse / und die andere / die man gegen dieses beste als geringere Güter vor was böses anzusehen / verwerffe. Das beste sey vielmehr nach der Absicht / die man habe / zu beurtheilen / da dann eine sache in dieser Absicht als das beste anzusehen / dergleichen sie bey einer andern wohl nicht wäre = = die meiste Schwürigkeit äußert sich darin: ob die gegenwärtige Welt dennoch vor die beste zu halten / ob schon böses darinn ist / und zwar vor besser / als die/darinn kein böses anzutreffen wäre = = nach Dem Leibnizischen

Systemate gehört das böse mit zur Welt  
so die beste.

## §. 13.

Vindicatur  
positio.

Complectar paucis, quomodo egomet recentiorum mentem intelligam, quantum ad hæc dubia adinet, plura forsan in sequenti discursu additurus. Primum erat, *imponi Deo necessitatem creandi optimum*. Sæpe observatum, (et) sapientiam Dei suadere, non obtrudere optimum invito. Clarissimus Lexici Auctor, cum animum ad scribendum adplicaret, sine dubio ponderatis omnibus, pro suscipiendo aut omittendo instituto, rationibus, secum tandem, quod omnino laudamus, statuit, non esse tali Lexico fraudandos eruditos, convenientius fore, si emittatur, quam si prematur; sed, quia optimum faciendum & judicavit & suscepit, num propterea duro facti telo adactus ad id institutum fuit, num libertatem non conservavit incolumem, *si vel maxime unum hoc factu judicasset optimum?* an miser, an necessitatis mancipium fuit? Nec ipse hoc dixerit Vir summus. *Certum ex ratione optimi erat, hoc institutum susceptum iri ab ipso, necessarium non erat.* Fingamus jam, Angelum ipso viro doctissimo sapientiorum pariter ac honestiorum, aliquid instituto examine ex cæteris omnibus decernere optimum, idque *solum* habere pro optimo; ob majorem Angeli sapientiam adhuc *certius* erit, factum iri, quod decrevit Angelus, *necessarium tamen nondum* erit, imo majori laude dignum judicabitur, quoniam certiori optimi eventui magis confidere licuit. Nunc ad infinitam Dei sapien-

pietiam affurgamus contemplando. An propterea, quoniam hæc unicum factu optimum, comparatis omnibus, statuit, optimum electu necessarium erit? an libertas DEI tollitur? Non arbitror. Sicut penes hominem probum & doctum, *certum* erat, optimum ab ipso electum iri, simulatque agnoscebat; penes Angelum *certius*, salvâ, imo nobiliori factâ libertate; ita penes Deum quidem *certissimum* est, antepositum iri optimum, necessarium minime erit. Si necessitas haberet locum, introduceretur per gradus *certitudinis*. Homo esset maxime omnium liber, quoniam ab ipso instituendus optimi delectus parum certus foret. Angelus minori libertate ornatus existeret, propterea quod præstantissimi optio ab eo suscipienda esset certior. Deus tandem omnium minime haberetur liber, quia omnium certissime in optimum ferretur. Quis hoc dixerit! mallet ego invertere iudicium, quam ita philosophari. Distinguat igitur, si placet, *certum à necessario*, medicina poterit dubio adhiberi, quod tantopere viros eximios divisit.

(cc) Leibnitii Theod. §. 318. Wolff. Metaph. §. 564. p. 299. edit. prim idem in Commentat. lucul. p. 37. §. 13. ubi pro voce *certitudinis* vocabulo *necessitatis hypotheticæ* utitur. In monito ad Commentat. pag. 6. ubi diserte ait: Certitudinem aliquando necessitatem hypotheticam vocari in den Anmerkungen zu Herrn. Buddai Bedenken p. 52. not. (2) in der nöthigen Zugab p. 112. im klaren Beweis ad h. l. Bultinger in Libr. de orig. mali ubi agit de determinatione. & pag. 335. in Dilucid. ubi disputat de libertate creandi p. 530. an hi non sufficiunt?

## §. 14.

*Vindicatur  
porro.*

Salva igitur Dei libertas manet, salvum Systema hoc nostrum. Alterum, quod monuerunt Viti docti, fuit: *plures posse mundos optimos existere, inter quos possit dari optio libera i.e. ex eorum mente prorsus in æquilibrio, sine ratione dirigente, collocata.* Atqui id fieri non posse dudum Adversarii (ff) monuerunt; optassem igitur, ut prius ea argumenta sigillatim eversa fuissent, quam ad hanc positionem fuisset perventum. Non possunt dari duo optima ita se mutuo æquantia, ut nec infinita Dei scientia vel tantillum discriminis in bonitate hinc & inde obvia pervidere posset. At si alterum altero vel tantillum bonitate præstat, melius, eoque respectu ad id habito, optimum est. Non adeo incuriosus suarum rerum existit Deus, ut ipsi quædam perinde videantur, & prorsus æqualia, quemadmodum nobis evenire solet, ad rerum momenta parum curate animum advertentibus. Deinde si vel maxime plura optima perfecte æqualia, inter quæ nihil discriminis foret, darentur, numquam Deus unum alteri anteponeret. Est enim perfectissimus, quo perfectius cogitari nequit. Summa perfectio ex definitione summum virtutum quorumvis possessorum consensum arguit. Annon autem inter intellectum, voluntatemque dissensus oriretur, si forte iste rem perfecte alteri æqualem repræsentaret, hæc autem sc. voluntas alteram alteri anteponendo & eligendo, res tractaret ut inæquales?

(ff) Vid. Bulfing. in Tract. de origine mali p. 341. seqq. ubi sententiam, *dari plura optima posse*, evertit.

## §. 15.

Tertium, quod urgent, semper fui admiratus. Dicunt, *rem jam optimam esse, jam non esse, prout aut ad hunc aut ad alium referatur finem*, quod forsan eo spectat, ut innuant, posse etiam hunc mundum optimum esse intuitu duntaxat certi, quem Deus respexerit, scopi, alio autem præfixo, fuisse futurum inferiorem. Sed de ipsis etiam finibus æque quæritur, ac de viis, quæ ad eos ducunt, num sc. *Deus possit fines non optimos eligere? num queat ad eos respicere præ aliis sine ratione?* Si negas id fieri posse, habemus, quod volumus; esse nimirum conditionem optimi tum ex finibus tum ex modis illos consequendi una computatis metiendam, nec conjuncta separanda: si fieri id posse affirmas, absoluto, quod vocant, decreto aditum paras commodissimum. Potest enim, juxta Te, Deus finem quendam absque ratione, sive bonum, sive optimum, eligere pro liberri- mo arbitrio, eoque v. g. homini æternas plagas, qui finis est, destinare sine ratione, tum media demum adhibere aptissima, quæ eo ducunt; sapientiam namque Dei in eo tantum collocas, ut finibus liberrime i. e. sine ratione electis subordinet adminicula, eisdemque consequendis infer- viat. Me Judice & fines à Deo optimi cum sum- ma ratione destinantur, & adminicula, quæ eo faciunt, aptissime applicantur; ita ut ex omni- bus simul sumtis opus emergat, quod omni re- spectu, nec ad certos tantum fines relatum, sit optimum. Humanæ imbecillitatis est eligi par- ticulares fines, quorum respectu adminicula opti-

*Agitur  
idem.*

ma sunt, aliorum intuitu finium, non sunt. Alienum id à Deo est, qui habet voluntatem perfectissimam, omne bonum, quantum fieri potest, coque omnes optimos fines decernentem, & adminicula commodissima eo dirigentem. Sic bonitas emergit, quæ omni respectu excellentissima est, Deoque digna. (gg)

(gg) Varia forte animum adhuc habeunt dubia. *DEUS quidem, inquis, in creando consilium illustranda gloria & perfectionum manifestandarum agitavit, sed liberissimum fuit id consilium. Quid inde? concedo fuisse liberissimum; imo urgeo. Sed num propterea sequitur, formatum fuisse absque ratione, ad creandum potius quam non creandum suadente? an libertas cum ratione sufficienti non consistit? redi in memoriam superiorum. Omnis bonitas à DEO est, antequam ipsum movere possit; ergo sine ratione potest agere. Memini me tale quid legere in Poireti veris & cognitis omnium primis p. 26. sed arbitror ita, omnis bonitas rerum creaturarum à libera dispensatione est, ut existat revera, concedo, ut possibilis sit, nego. An DEI voluntas res possibles facit? cur igitur possibile peccatum non præstiterit impossibile? bonitas rerum creaturarum, qua necessario possibilis, ab intellectu DEI repræsentata ratio fuit, quæ DEUM ad creandum induceret. Atqui Matthias Apostolus Barsaba antelatus fuit sine ratione Act. 1. v. 23. num ego rationem allegare possum? non possum, specialissimam sc. DEUS auditorem tuum calamitatibus exercet præ alio quovis ex æquo peccatore, num planè nullam rationem habet? num agit indifferentissime? liceat ita loqui. Cur ergo commendas patientiam, ex eo quod sanctas affligendi rationes habeat? habet, inquis, rationes, sed speciales nescio, idem tibi esto responsum. Cur Matthiam majori dignitate mactaverit præ alio, ratio specialis exstitit, hunc potius suadens quam Barsabam: sed meum non est eam scire,*

scire. En honestam ignorantiam ! scio tamen rationis genus. Evolve 1. Cor. 12. v. 29. 30. *Non omnia possumus omnes.* Nullus dubito, quin Matthias in hoc officii genere, cui fuit adnotus, aptior fuerit gloriæ DEI illustrandæ, quàm Barfabas, aliter omnia munera omnibus possent conferri; cum tamen alter huic, alter illi sit idoneus. Norunt id, κατ' ἀνθρώπων λέγειν, Senatuum ecclesiasticorum Assessores. Solicitum te tenet aliud dubium; *necessitas hæc moralis in geometricam degenerat, nam si DEUS secundum nos optimum negligeret, esset non sapientissimus, i. e. DEUS non DEUS, dici vix potest quantum id contradictionem involvat.* Instantia erit soror hujus discursus sed fratricida. Cœlites an possunt rebus ludicris puerorum plus delectari quam intuitu gloriæ divinæ? *Non possunt, aut non facient, inquit, cur? quia necessitate morali in bono & meliori confirmati.* Atqui hæc necessitas moralis in geometricam degenerat. Si ludicra tractarent, essent, ex tua mente, cœlites non cœlites. Quam id contradicit sibi ipsi! Videor mihi ex te audire responsionem hanc: Distinguendum inter *sensum compositum, & divisum*; si consideretur status æterna felicitatis, repugnare ei tam levia, sed alio respectu obflare nihil, quo minus id fiat, si ludicra perpendantur in se, nec comparentur cum gravioribus vitæ æterna gaudiis. Quidquid mihi respondisti, tibi est responsum, si mundus quidam perfectus non contendatur cum alio perfectioni, possibile est, eum creari, loquendo absolute; at quatenus in iudicio DEI alter altero ut perfectior cognoscitur, sensu composito, repugnat eum minus perfectum eligi. At num propterea libertas DEI detrimenti quid capit? num cœlitum libertas destruitur, quia ludicra nostrorum puerorum non præferunt deliciis Cœlorum incredibilibus? Minime gentium! *Potest, instas, concipi mundus melior, à quo malum abfuisse, ergo hic non est optimus.* Potest utique cogitari melior si homines & angeli non peccassent; sed NB, suppositio semel peccati eventû,

non

non fuisset melior, si DEUS peccatum impedivisset miraculò, non fuisset, inquam, hoc casu melior quam alius à quo omne malum abfuisset; hoc nisi dixeris, in DEUM refundetur culpa, quod ineluctabili peccatis impedimentò objecto meliorem substituere detrectaverit. *Existimo his observatis totam licetem conquieturam.* Nam ita intelligitur, DEUM ex sua parte præstitisse, circa mundum malo interpolatum, quantum ab ipso expectari potuit; cum enim omnium, ni fallor, consensu optabilius fuerit, peccatum permittere, quam absolute sufflaminare, & ita, meliorem mundum potentiâ extraordinaria surrogare peccato vacuum: sequitur hunc esse, hòc sensu optimum, licet peccato contaminatus sit. Quodsi autem homines sponte sua à peccando abstinere voluissent, fuisset omnino melior, sed hunc promoverè hominis erat, non DEI. Est igitur semper *ex parte DEI* optimus præsens. Similes excubias agens duorum commilitonum è longinquo digladiantium duella non impediat, est hæc actio ex parte ipsius optima, non optima ex parte digladiantium. Cætera alii reservabo occasione.

## §. 16.

*Num peccatum ad optimum Mundum pertinent?*

Tandem accusantur recentiores, quod crimina ad creati mundi perfectionem conferre stant. Non est ita profecto. (bb) Peccatum est *in* optimo mundo, non est *de* optimo mundo, uti de improbis in Ecclesia Theologi loquuntur. Mundus non est optimus, quia peccato inficitur, sed optimus est is, qui peccato inficitur. Existimo autem non leve inter hæc duo discrimen interjacere. Capiamus, si placet, simile. Sint hæreditates oblatæ duæ, quarum altera centum millia aureorum complectitur, additâ tamen obli-



obligatione viginti creditorum aureorum millia aliis solvendi: altera vero viginti tantum aureorum millia omnino exhibeat: Dicitur tum poterit, hæreditatem optimam cum magno onere conjunctam, non optimam vero onere vacare; sed eo incommodò debita solvendi non obstante prima longe superat secundam, quæ nullis incommodis obnoxia est. Vere igitur dicere licet, debita esse cum hæreditate optima conjuncta, sed non conferre ad eam augendam, esse optimam hæreditatem *qua* debitis & ære alieno teneatur, non *quia* eo teneatur. Quis talem sententiam non innoxiam pronuntiet?

(hb) Ne ego tantum ita videar excusare recentiores, per se longe aliter, ut videri posset, sentientes & loquentes, recensco locum ex additamentis. aus der nöthigen Zugab zu Herrn Wolffens Anmerkung p. 186. ich sage nicht daß die Sünde die Welt vollkommener macht / sondern nur daß sie im übrigen der größern Vollkommenheit der Welt nicht präjudiciret / und durch was anders der Mangel / der daher entsteht / ersetzt wird. *Uti as alienum compensatur per hæreditatem, qua etiam subtractis rationibus alienis, tamen alteram hæreditatem superat.*

## CAPVT. IV.

### De Homine.

#### §. I.

**M**entio nunc etiam de usu injicienda est; *Accessus ad materiam* quem in capite præsentat Philosophia recentiorum. Potissima autem opportuni-

tas hujus doctrinæ, discrimine inter animam & corpus probe stabilito (quæ & aliorum systematum laus est) continetur. Pessime cum Religione ageretur, si forte ejusdem anima conditionis foret, cujus est nostrum corpus, hoc enim extincto nulla alterius vitæ spes affulgeret, quod, quam periculosum sit, dici vix potest. (a) Ostendimus igitur, quantopere recentiores ab hac doctrina abeant, & quibus eam armis adgrediantur, subjunctis posthæc paucis aphorismis de animæ natura, facultatibus & immortalitate.

- (a) Primus inter homines tam ineptos chorum ducit Dicaarchus & Aristoxen. de quibus Cicero Tuscul. quæst. L. I. p. m. 253. *Dicaarchum vero cum Aristoxeno aequali & discipulo omittamus, quorum alter ne condoluisse quidem unquam videtur, qui animum se habere non sentit, alter ita delectatur suis cantibus, ut eos etiam ad hæc transferre conetur.* Nimirum posterior animæ naturam in harmonia posuit vid. Lactant. institut. L. VII. cap. 13. Plutarchus de Plac. Philos. L. IV. cap. 2. Hæc controversia *an se, anima in materia mechanismo contineatur*, recentius quoque renovata fuit. Historiam tradunt die unschuldige Nachsichten 1703. p. 653. 1704. p. 352. Pfaff. in introduct. ad histor. Theol. litter. P. II. p. 269. Lockium materiæ cogitandi facultatem non abjudicasse, si DEO ita placuisset, tritum est: rationes ejus leguntur en Nouvelle de la republique des lettres, Novembr. 1699. p. 506. *A nostra imbecillitate concipiendi, quomodo materiam Deus cogitantem præstare potuisset, ad impotentiam DEI non valere consequentiam.* Cui Stillingfleet semet opposuit. citat. loco. p. 500. Lockio associandus, quantum ad hoc, Hobbes. in Leviathan. cap. 4. ubi *negat quidquam substantiæ naturam induere, quod non sit corpus*, animam ergo non distinguit à corpore. Imo ipsum Deum corpus habere contendit. Inter alia

hoc

*hoc ratiocinio usus: quia in sacris Deus vocetur magnus. Magnitudinem autem corporis extensi esse proprietatem. Covvardi Angli cogitationes posteriores de anima turbas dederunt: Statuit enim animam esse corporis accidens, & vim, non vero peculiarem substantiam. Igitur cum corpore interituram, & resurrecturam olim. Cum impugnaretur passim à Brougthono in Psychologia, à Menardo en la doctrine de l'Ecriture sainte sur la nature de l'Ame: à Fabricio in syllabo Scriptorum de veritate relig. Christiana p. 439. non sibi defuit: edidit enim vindicationes rationis & religionis contra imposturas Philosophia, scrutinium exactum in modernas animæ notiones. Huc referendæ Tolandi epistolæ ad serenam Anglic. Ling. vid. Mosheim in Vita Tolandi p. 140.*

## §. 2.

Utinam de his sententiam exposuero non succenserent quidam bene animati pro epidemicis opinionibus lectores. Meo quidem iudicio per-<sup>Quæ occasio materialismi?</sup> versissimus, quo anima & corpus confunduntur, error non parum promotus est per doctrinam de physico, quem vocant, influxu corporis in animam, & vicissim, habemus ejus rei exemplum recentissimum. (b) Cum enim hujus erroris patroni sibi nullam illius contactûs, quò animam afficere corpus dicitur, ideam formare potuerint; in eam sunt ingressi opinionem: non posse expertem esse materia animam, quæ à corpore tangatur, punctum enim individuum, quò numero animum habebant, non posse tangi, ab eo quod extensum sit. Quò factum est, ut morbum graviori morbo compensare instituerent. (c) Ipsi dogmatis de influxu Promachi non inviti concesserunt, modum illius societatis, quâ anima cum corpore jungitur, intelligi non posse; quod cæteri eo interpretati

tati sunt, id negotii Philosopho datum, ut modum planiorem excogitaret.

(b) Ne variis tantum suspicionibus indulgere videar, ibo in rem præsentem. Clar. Rüdigerus, quod mirum plerisque visum est, in der Gegen-Meynung wider Herrn Wolffens Gedanken von der Seel / ita philosophatur: *Verum est dogma de influxu, ergo anima est extensa.* Et iterum: si anima non est extensa, influxus animæ corporisque mutuus non habet locum, sed potius systema Harmoniæ præstabiliæ. Atqui posterius est absurdum E. & prius. verba in Præfat. §. 16. sub Theorem. I. ita habent: Wann das Corpus in extensione bestehet / so folget / daß die anima nicht könne extensa seyn / und weil alle materia extensa ist / daß sie auch nicht materialis seyn könne / ist sie nun nicht materialis, so kan sie nicht berührt werden / weil in ihrer ganzen substantz kein punctum Physicum da. Dann das ist ein Postulat: daß aller actus in puncto Physico geschehen muß. Kan nun die Seele weder berühren / noch berührt werden / so kan sie auch weder in Leib agiren / noch der Leib in sie. Dann das ist gleichfalls ein Postulat, daß keine actio in aliud ohne Berührung geschehen könne. Wann dieses ist / so thun die Rührungen des Leibes / als die fünf äußerliche Sinnen nichts zu den Gedanken der Seel / nichts zu den Bewegungen des Leibes / 2c. atqui das seynd grosse inconvenienzen / pergit, §. 17. darauf schließt er: quod anima materiæ non sit expers. Quælo nunc, ut benevol. Lector animadvertat Postulat. Experientissimi Doctoris. *Nihil posse agere in aliud sine actu.* Annon hoc effatum ex mutua corporis in animam, & animæ in corpus actione concluditur? atqui faver, imo fundat manifestissime Materialistarum sententiam. Quam graviter fuissent objurgati Leibnizius & Wolffius, si quid ejusmodi ex eorum

orc

ore fuisset auditum? Si nihil potest agere in aliud sine attactu, tum & Deus vero attactu nos afficiet, forsitan & juxta Hobbessii sententiam à materia non erit sejunctus, quis ita sentientem ferat? videatur Covvard in vindicat. rationis & religionis contra imposturas Philosophia, ubi diserte ait: non posse cogitari substantiam sine extensione; quæ ipsissima etiam Clar, Rudigeri sententia est. loc. cit. Theor. II. Wann eine geschaffene Substanz wår / inquit, die nicht extensa wår / so hätte sie nicht partes extra partes &c. so wåre sie entweder nichts / oder gehörte ad incognitum. Commmercium illud epistolicum familiare, valde famosum Anno 1713. emissum [der vertraute Briefwechsel.] eandem cantilenam modulatur. At quam inique id ferebat orbis litterarius? ut calamum stringerent Joh. Hermann von Elsvich in disput. de recentioribus de anima controversiis: Godofred. Polycarpus Muller in duabus dissert. de mente substantia à corpore essentialiter distincta Lips 1714. Vid. Acta German. Erud. Tom. I. p. 862. sqq. Necessarium igitur est, ut error tantus profligetur. Respondeant in primis influxus Promachi Rudigero ex sua hypothefi, si possunt, difficulter id facturos credo.

- (c) Ut influxum scilicet tuerentur, inciderunt in materialismum, ut ejus ἀναλαληψίαν curarent, adoptarunt Materialismum, ad Aristotelis sententiam ex parte accedentes, de qua vid. Walehii exercit. de Atheismo Aristotelis p. 301. parergor acad. in libro enim de anima II. c. 1. diserte ait nunquam à corpore sejunctam animam. Distinctione facta inter animam & mentem tanquam inter diversas substantias, quarum illa ponitur tantum in vi motrice materia, hac in vi intelligendi, qua homini sit extrinseca. Unde nata est intellectus patientis & agentis divisio. Quod si ex nostrorum Materialistarum sententia anima extensa est, non habere potest aliam quam movendi vim; Pronum igitur est ire in Aristotelis sententiam atque & intelligendi facultatem ab externa origine arcessere. Vid. Plutarchus de placitiis Philosoph. L. IV, cap. 1.

ubi ostendit Aristotelem animam non nisi in motrice  
vi quassivisse. Graviter hæc refutat Lami de la Connois-  
sance de soi même.

## §. 3.

Argumen-  
ta contra  
eius erro-  
rem.

Quibus argumentis Recentiores Materialismi  
errorem everterint paucis commemorabo, Lecto-  
ris judicio relicturus, num id Theologiæ adju-  
menti quid adtulerit nec ne? Non improbo alio-  
rum quoque bene sentientium argumenta, dico  
tantum & his nostris fuisse hastas, & eorum tela no-  
cuisse Materialistis. Incipiamus à primo hu-  
jus Philosophiæ Instauratore, ita ille: (d) *vis*  
*activa* argumento est distinguere maxime *Animam* &  
*corpus*. Nam principia *Mechanismi* cujus consecta-  
ria sunt leges motus non possunt ex eo elici, quod in  
mera passione consistit, quod in rebus geometricum  
(tres dimensiones habet longum, latum & pro-  
fundum) aut materiale est, neque etiam leges mo-  
tus probari possunt per sola axiomata Mathematica,  
(quibus materiæ dimensiones computantur) -- Ad  
demonstrandas *Dynamices* regulas oportet redire ad  
*Metaphysicam* realem, & ad principia convenientia,  
qua anima sequuntur. Addit paulo inferius. Si  
vel maxime vires agendi immediate (cum Malc-  
branchio) à DEO deriventur, tamen neminem de-  
negaturum anima nostra actiones internas, has autem  
sufficere. Neque enim eas à materia proficisci posse,  
que pure sit geometrica viribus destituta agendi, ex-  
ternas autem corporis actiones, ubi quis DEO soli  
adscribere velit, cum recursurum ad miracula per-  
petua DEO indigna, eòdem posse nos fingere modò,  
ipsi esse solos in Mundo DEUMque phenomena

*in Mente excitare, perinde ac si aliquid extra nos existeret, cum tamen nihil existeret.* Eò ni fallor spectat illustris Viri argumentum. Quicquid à materia tali, quantum est longa, lata, profunda, uno verbo, extensa proficiscitur, id ex his attributis etiam potest demonstrari; atqui leges virium activarum sive motricium sive perceptivarum, ut quis Matheseos & speciatim mechanicæ est peritissimus, ita omnium minime ex materiæ dimensionibus demonstrare potest: ergo illæ vires, quæ animarum natura continetur, postulant naturam à materia *distinctam*, quam omnium consensu vocamus animam. *Erit mihi magnus Apollo qui hoc argumentum solverit.* Nulla heic distinctio, nullum effugium præsidio venit. Qui respondere cupit, mathematicæ leges has ex materiæ dimensionibus demonstrare debet, quod (e) fieri nunquam poterit.

- (d) Dabimus, majoris perspicuitatis causa, verba Leibnizii gallico idiomate quod originale est, ex *Recueil des diverses pieces* T. II. p. 232. Cette force active est justement ce qui montre le mieux, & d'une manière bien sensible, la distinction de l'ame & de la masse. Par ce que les principes du Mécanisme, dont les loix du mouvement sont les suives, ne sauroient être tirez de ce, qui est purement passif, geometrique, ou materiel, ni prouvez par les seuls axiomes de mathématique - - pour justifier les regles Dynamiques il faut revenir à la Méta physique réelle & aux principes de convenance qui affectent les ames - - Quant aux opérations encore, on ne sauroit refuser à nous mêmes nos actions internes, & elles nous suffiroient ici; car la matiere n'en est point capable, n'étant que passive. Mais cette supposition, qui donne toutes les actions externes à Dieu seul, recourt aux miracles, & même à des miracles déraisonnables.

bles, à peu digne de la sagesse de Dieu. Par le même droit de faire des fictions que la seule toute-puissance miraculeuse de Dieu pourroit rendre possibles, il seroit permis de soutenir, que je suis seul au monde, & que Dieu produit tous les phénomènes dans mon ame, comme s'il y avoit d'autres choses hors de moi, sans qu'il y en eût. Occurrit igitur etiam dubiis quæ Malebranchiani formare possent, qui vim agendi omnem DEO soli tribuerunt, de quibus infra.

- (e) Cartesius à priori leges motus demonstrare aggressus plurimum aberravit, à priori, *inquam*, nam in probandis his legibus sunt quædam positiones ab experientia, & posteriori sumendæ, quæ liberam, sapientissimam tamensupremi Auctoris voluntatem arguunt, cum contra quidquid ex materia, qua tali, demonstratur, bruta sequatur necessitate. Hoc Cartesius non observans infelici successu usus est. Lipstorpheus cum secutus in specimenibus Cartesianæ Philosoph. P II. p. 28-68. qui & alio tempore de angelo increato commentatus est. Sed eventu non meliori. Hugenius alia via incessit, quam Leibnitius mirifice amplificavit.

#### §. 4.

*Alterum  
argumen-  
tum.*

Alterum Viri Illustris argumentum, quod distinctionem animam inter corpusque stabilis, hoc est: *Negari*, (f) inquit, *non potest, perceptionem & quod inde pendet per rationes mechanicas explicari non posse, h. e. per figuras & motus. Quod si fingamus, dari machinam, qua per structuram cogitet, sentiat, percipiat; non obstat, quidquam, quo minus iisdem proportionibus retentis sub majori mole structa concipiatur, ita ut in eam adius nobis concedatur tanquam in molendinum. Hoc supposito nihil in eo videbimus nisi partes se mutuo impellentes (g) nec unquam aliud quidquam, per quod cogitatio explicari queat. Hac ergo in substantia simplici, non in*

*com-*



*composita seu machina querenda.* Argumentum est planum, & ut arbitror, solidum. Extensio dicit & indicat multitudinem, id ne adversarii quidem diffidentur; atqui perceptio requirit unitatem i. e. substantiam non compositam. Ergo anima à composito i. e. corpore maximopere differt. (b)

(f) Legantur hæc verba in *Monadolog.* Leibnitii quæ recentetur ab actis *Erudit. Tom. VII. supplem. sect. II. 12. p. 500. seqq.* Quam refutavit Mathematicus Tubing. celeberr. Joh. Cunrad Creuling. duabus dissertat. anno 1722. quantum ad hoc argumentum attinet, desideravit nihil.

(g) Absurditas sententiæ, quod substantia extensa, partibus constata, cogitare queat jam à priscis Philosophis exhibita fuit: Galenus apud Gassendum *Phys. sect. III. L. VI. c. 3. oper. Tom. II. p. 343.* Cum Atomus, ait, una dolore non possit, quod alterationis & sensus incapax sit, si dum caro acu pungitur atomus una non sentiat, non sentiat, nec tres, nec quatuor, nec plures. Perindeque fore, ut si adamantum aliarumque rerum invulnerabilium acervus fodiatur. Et, ut digiti connexi absque dolore separantur, sic iri Atomos diductum absque ullo doloris sensu, cum sese mutuo contingant. Eandem difficultatem Plutarchus *advers. Colot. p. 1111.* urgebat. Impugnavit etiam hunc materialismum, quò ex mente Epicuri & recentiorum, anima continetur, Augustinus *Epist. 56. p. 273.* Quanto melius, inquit, ne audissem quidem nomen Democriti &c. qui tamen sententia nutavit, ut aliquando naturam quandam, de qua fluere imagines, DEUM esse diceret, qui tamen cogitari non posset, nisi per eas imagines quas fundit & emittit; percipiendi igitur imagines materiales absurde ab externa origine accessi contendit. Refert Buxtorff. initio capit. 69. in *Traduct. More Nevuchim, seu Doctoris perplexorum* quod Moses Majmonides tali argumento, contra eos qui Deum corporeum credunt, usus sit: quod me iudice & contra animæ materialismum

afferri potest. Si Deus (anima) est corpus tum divinitas (cogitatio) ejus vel perficietur in complexu substantiarum individuarum corporis illius, vel in una tantum individua substantia. Si illud dixeris, erunt plures divinitates (animæ) Si hoc affirmaveris, tum nulla est utilitas reliquarum atomorum, quas ad animam conflandam concurrere ais. Novi, quid excipiat Commercii Epistolici inter familiares auctor Bucherus, quem detexit Stolle in der Historie der Gelehrtheit edit. secund. p. 504. nimirum pag. 31. edit. noviss. des vertrauten Briefwechsel in differit: Daß alles auf die fibras cerebri, nemlich im Gedächtnis / an / Komme / siehet man ex statu opposito in delirio. So lang in hitzigen Fiebern das Geblüt tumultuirt / und die fibræ ungleich und confus bewegt werden / so lang ist phrenitis, das Rasen da / geschiehet aber diese confuse Bewegung ohne Fieber / so wird mania darauff. Ist hingegen das Geblüt schwehr / und also von langsamer Bewegung / und Können deßwegen die fibræ cerebri von dem einmal gefassten tremore nicht gebraucht werden / so entstehen allerhand närrische Einbildungen / und Arten der Melancholie. Ja daß auch vermittelst des Geblüts gewisse Ideen dem Gehirn können beygebracht werden / die hernach so fix darinn sitzen bleiben / siehet man an der sogenannten rabie canina, die vom tollen Hunde, biß entsteht &c. Ex his omnibus intelligo harmoniam inter corpus & animam seu ex aliorum hypothesei actiones alterius in alterum, statum autem animæ materiale nondum intelligo. Perinde ac si arquerem: in squalido ac tristi carcere, homo se tristern exhibet, in amœno principumque persona digno conclavi, ubi nullum affligit malum, hilarem se præbet & comem, Ergo revera non datur ejusmodi homo; ergo totum phenomenon ad carceris squalorem, & conclavis amœnitatem revocandum est. Quam quaso inepti!

- (b) Lokii igitur sententia, qui affirmavit, posse Deum, si vellet, materiæ cogitandi facultatem tribuere, locum advenire nequit. Citavimus eum supra. Nescio an

in hanc sententiam propendeat summe Reverend. Dn. Buddæus in Philos. Theor. P. VI. c. 1. §. 3. p. 328. *Post accuratissimam, inquit, inquisitionem nihil aliud dicere possumus, quam spiritum nostrum esse substantiam indivisibilem, facultate volendi h.e. appetendi, averfandi, cognoscendi fortassis etiam movendi corpus pradiant.* Cum autem non prorsus repugnet quo minus ista facultates in substantia materiali sint, ratio demonstrare non potest, eum spiritum materia esse expertem. Atqui ratio demonstrare potest. Cogitatio enim postulat rem simplicem, extensio compositam: Non potest igitur ea res, quæ extensa & materia vestita est, cogitandi potentia gaudere. Dixi, me nescire, quomodo Vir luminum cum Lookio seu, an eum eo faciat: Nam varie de mente ejus disputatum est. Vid. Dn. Wolffii nöthige Zugab zu den Anmerkungen über Herrn Buddæi Bedenken / p. 30. & Respon- sionem Dn. Buddæi in dem bescheidenen Erweiß/ daß das Buddische Bedenken noch fest stehe p. 15. Cui tamen denuo Wolffius plura gravissima opposuit, im Flahren Beweis p. 39.

## §. 5.

Tertium ratiocinium alterius celeberrimi Aucto- ris est. (i) Probat enim, fieri non posse ut materia cogitet, i.e. ut à materia animus non differat; hoc modo: Si corpora cogitare possent, cogitationes nihil aliud forent quam determinati motus certarum hac aut illa figura, situ, pradiantarum partium. Jam ubi eadem cogitatio durante quodam temporis spatio conservata menti offerretur, aut partes illa ad conservandam cogi- tationem motum sifterent, aut similes in earum locum succederent, utrumque est absurdum, illud, quia co- gitatio cessaret; dum durare deberet, hoc, quo- niam non amplius foret cogitatio eadem. Porro quia cum pluribus cogitationibus conscientia sui copu-

*Tertium  
ratioci-  
nium.*

*lata est, & vero nemo sibi vel aliarum rerum vel sui ipsius conscius sit, nisi qui se ab aliis rebus distinguit, ut per motus materia subtilis hac excitaretur, necessarium foret, & corpus representatum, & materiam in cerebro representantem inter se comparari, quod & utriusque cum similitudo, tum distinctio animadvertereetur, quod natura conscientiae poscit, atqui hac omnia (k) fieri non possunt: Ergo & corpus cogitare nequit, eoque distincta ab eo substantia requiritur, quæ illi operationi sit idonea. Hanc vocamus animam. Substituo aliud, quod à priori non ex omni parte differt, & magis est, ni fallor, perspicuum. Omnis representatio in re composita, qualis v.g. est statua Herculis, Horologium solis motum indicans &c. sistit res representatas in se ipsa, non tanquam extra se, aut à se distinctas, facies statuæ Herculeæ est in ipsa, nec ab eadem nisi ut modus distincta, adde quod neque vultum Herculis veri & vivi tanquam à se distinctum representet. At alia ratio est cogitationum, quæ res representant tanquam à nobis distinctas, non ergo cogitatio potest cadere in rem compositam. Non memini hoc argumentum à quoquam elusum esse, si ab eo discesseris, quod factum est, postquam Metaphysica recentior jam edita fuit. Robur autem ejus non infimi ordinis credo.*

(s) Verba sunt Wolffii in Metaph. p. 407. §. 738. Addidi vero passim nonnulla, ut majorem eis lucem affunderem, ut ex characterum literarumque discrimine patebit. Alterum argumentum non memini à quoquam recentiorum distincte traditum esse, fundamenta tamen ejus recentioribus debeo. maxime Büllingero Dil. p. 258.

(k) Non præterit me, quid hodie nonnulli contra hoc ratiocinium adtulerint, qui malunt nullum argumentum pro veritate hac extare, quàm celebris Wolffii meditata non refutare. Excellentissimus Polycarpus Leyser in Exam. Philos. Wolff. p. 11. §. 11. hoc dubium injicit. *Posse totam argumentationem instantiâ infringi, nimirum eam, quæ ad conservationem per aliquod tempus cogitationis pertinet: Ad conservandum per aliquod tempus ignem, inquit, aut partes in situ suo conservantur, quo ipso tolleretur motus, vel alia similes simili motu substituantur; quid, pergit, si ex hypothesis Wolffiana illam cogitationum perpetuitatem fieri diceremus ad modum contiguitatis, & cohesionis materis in corporibus, quam à perpetuo motu pendere existimas Wolffius.* Responsio est in promptu. Ignis est aggregatum plurimum particularum celerrime quaquavorsum agitarum. Quælibet ignis particula habet motum, habet suam magnitudinem, est adeoque igniculus. At vero si cogitatio ex pluribus atomis varie motis constaret, non posset quælibet atomus (*cogitationuncula*) esse. Illinc igitur potest ignis conservari per successionem aliarum subinde atque aliarum scintillarum, hinc cogitatio eadem non potest conservari per tales *ideunculas* (liceat pace lectoris ita loqui.) Non igitur argumentatur Wolffius à successione particularum corporis ad negandam ejus in eodem statu per aliquod tempus conservationem, sed à successione particularum, quæ plane toti constituendo sunt dissimiles & heterogeneæ, ad negandam cogitationis per tempus conservationem. Pergit Vir experientissimus, *non posse nos concludere ab ignorantia modi, ad negationem rei. Plurium motuum in corpore nos non esse conscios, & tamen eos fieri.* Ergo licet modum nesciamus, quomodo ex motu particularum conscientia sui oriatur, non debere tamen id nos negare. Verum enimvero quis ita conclusit? non ab ignorantia modi, sed ab impossibili argumentamur, quia materia in cerebro representans, corpus extra hominem locatum,

heit der Säulen genennet. §. 383. Metaph. Wolff. Quam infirmum est objurgationis fundamentum? Quod autem ad rem ipsam attinet, de potentia materia cogitandi, respondeo: aut phrasis (die Krafft zu denken darff ja nicht aus der Natur der Materie folgen / GOTT kan sie geben) innuit, *etiamsi cogitandi facultas materia repugnet, posse nihilominus eam materia à DEO conferri*: tum nego consequentiam. Deus enim non præstat possibile, quod impossibile est, non mutat essentias: aut significat: *Licet ex naturali materia impetu vis cogitandi non sequatur, posse tamen sequi miraculosâ DEI potentiâ, quâ & ex aqua præstitit vinum*; tum nego minorem. Neque enim materia ad vim cogitandi se habet, ut aqua ad vinum. Cogitandi vis postulat unitatem, seu rem simplicem, materia arguit rerum multitudinem. Contra & vinum, & aqua, guttarum, partium, multitudinem involvunt,

## §. 6.

Proferimus nunc pedem ad examen definitionis, quâ recentiores notionem ejus evolverunt, non id facturi, nisi exprobratum fuisset, posse & veritatis Theologicæ hostes eam rapere in abusum. Lis satis perorata fuit. (1) Exponemus modo ea, quæ novissimus Scriptor iteratâ vice obvertit, (m) perinde ac si hætenus, quod non arbitror, responsio defecisset. Dn. Buddæus, inquit, *quod si anima natura in vi representandi mundum collocetur, monuit fore, ut sensationis potius & mera passionis faciem quam actionis induat illa representandi facultas*; Addidit porro, *si anima ex domestico fonte ideas evolvat, libertatem periculo expositum iri*. Quibus Wolffius resp. in annot. ad consil. p. 84. falso se accusari, quod animam cum horologio contenderit, se liberta-

Definitio  
anima.

bertatem docuisse alibi, nec meras sensiones animo tribuere, sed & liberos adpetitus, perstiturum se in sententia, iisdem ideis animam affectum iri, licet corporeus mundus non futurus esset præstò. Contra in modest. resp. ad has annotat. p. 80. desideratum porro est, licet adversarius in vi agendi collocet anima naturam, non tamen propterea à necessitate exsolvi, existere corpora in mundo vi prædita agendi, sed necessario (n) tamen agentia; questionem esse hanc; utrum auctor Metaphysices libertati locum relinquat? citari paragraphos ibidem ex Metaph. np. §. 767. 943. ex quibus pateat, vim anima ex auctoris mente mechanicam esse: accusari etiam quod à simplicitate entis, ad unicam ejus facultatem concludat: ad hanc exprobrationem nihil à Wolffio responsum in additamentis quibus annotationes locupletata fuerint. &c. &c. Hactenus Vir laudatissimus controversiam coortam recenset. Quoniam tamen queritur, quibusdam nondum esse satisfactum, nostrum erit de eo dispicere.

(l) Quot scripta de his omnibus emissæ fuerint in utramque partem, supra indicatum est aliâ occasione. Pertinet huc Commentatio luculenta, Monitum ad commentat. Annotat. ad Dn. Buddæi consilium. Additamenta ad annotationes. Clara demonstratio quod nihil Dn. Buddæus regerere possit. Bulsing. in Dilucidat. de anima. Riebov in der ferneren Erläuterung. Quædam attingit strictim Schlosserus in disp. ad Hoheisium. Muller præcipue in sicheren Mittel/modo sibi ab æstu temperasset &c.

(m) Litteratissimus Dn. Walchius in Lexico Philos. sub Tit. Der Seelen Beschaffenheit. p. 228s. seqq. Passivam faciunt animam Adversarii potius Wolffii, quam ipse. Intellego Dn. Rudigerum, qui *materiale* nobis

nobis obtrudere instituit, ut mirer, Eximios Halenses Theologos non cavisse, ne talia vulgarentur. Forfan penes ipsos non stetit. Nescio an absimilia sint sententiæ Lucretii ita canentis: L. III. p. 79.

Nec sine corpore enim vitales edere motus

Sola potest animi per se natura nec autem

Calsum anima corpus durare & sensibus uti,

Raphson in demonstratione de Deo sive methodo ad cognit. natural. Rectissime, inquit, *Movus extensionem inter modos entis realis reciprocus, quatenus ens reale substantiam exprimit, dinumeravit, & substantia inextensa erit contradictio in adjecto.* Dixi hunc errorem esse antiquum, quod probatur testimonio Plutarchi L. IV. cap. 3. p. 898. & Aristoteelis L. I. de anima, qui testantur veteres animam extensam credidisse. Hinc non difficile fuit credere homines ex terra ortos, Diogenes Laertius L. II. num. 17. de Archelao narrat: γενναῖον δὲ Φησι τὰ ζῶα ἐκ θερμῆς τῆς γῆς, καὶ ἰλὺν παρὰ πλεῖστον γαλακτι, οἷον τροφήν: ἀνείσης. Libr. II. num. 17.

- (n) Nullus dubito quin damnanda foret Wolffii sententia, si plura libertatis notione non fuisset complexus, quam qualemcunque vim agendi. Sed contrarium pater ex Metaph. §. 515. seqq. requirit (1.) ut actio non sit necessaria, eoque contrarium ejus possibile §. 515. rationes enim agendi necessitatem non imponere §. 516. (2) ut sit certa. §. 517. 3) ut ex proprio fonte eozz domestico hominis manet, qua spontaneitas est. Clarke interim in Recueil de divers. pieces par Leibniz Newton. T. I. p. 356. Contradictionem involvere putat, dicere Agens necessarium. Car à parler proprement & avec la précision, dont on ne doit jamais s'écarter dans des Disputes de Philosophie, un Agent nécessaire, ou une action nécessaire est une contradiction en termes. Atqui hunc nemo hæreseos propter hanc causam postulavit, licet id sentiat, quod Wolffio affingitur.



## §. 7.

*Responde-  
tur dubiis.*

Eriamſi anima ſuò ipſius impetû, nec à corpore unquam excitato agat, periculo tamen libertas non exponitur. Si à corpore illatas ideas reciperet, patiens foret, ſpeciemqne amiſſæ libertatis præberet. Cum autem ex domeltico fonte haurit ideas, & pulcerrimo ordine evoluit, nunquam ille ordo, *qui ſtatus eſt rerum cum ratione ſufficientis ſuccedentium*, libertatem ſufflammat. Dixi in ſuperioribus multa *fieri libere, ſed & cum ſufficienti ratione*. Nunc meditaris, nunc meditata chartis mandas, nunc mandata chartis perluſtras, nunc perluſtrata mandas memoriæ, nunc memoriæ impreſſa pro concione enuntias, *en ſemper alteram ideam ex altera evolutam!* Sed numquid propterea detrimenti quid capit libertas? Neutiquam. Eriam igitur atque etiam te rogo, ut his ſuſpicionibus tandem aliquando locum dene- ges. *At enim in ſenſionibus nulla videtur idearum ordinata evolutio, nunc audio campanarum ſonum, mox κέλευσμα ovantium, jam veſpa inopinato pungit, jam elegantiffima iridis forma ſuſpicienti cælum obijciunt: quæ hæc connexio?* (o) &c. Quæſtio erat de libertatis detrimento, quod oriatue, ſi ex ſuo ipſius fonte ideas anima evolvat, nunc aliud de idearum inordinata ſucceſſione obvertitur, quod ad Rhombum nihil facit. Non deelt tamen reſponſio data alibi & ad hoc dubium dudum. Interim notum eſt, quod Recentiores diſcrimen ſtatuant inter vim agendi & facultatem. (p) vis agendi ſubſtantiale quid eſt, quod non poteſt non eſſe unicum. Igitur à ſimplicitate re-

&c

æte ad unam vim, i. e. unum substantiale principium colligitur. Quidquid ergo Vir summus paragrapho priore objecit, ni fallor, excussum est. *Non inculcâssem decies jam dicta, nisi fuisssem repetitis dubiis ad id faciendum inductus.*

(o) Responsionem ad hæc omnia, quâ declaratur, quomodo sensationes multo diversissimæ continuo sibi succedere possint, non deficiente nexu elegantissimo, vid. in der verthendigten Harmon. præstabilit. p. 81. not. [2] quâ respondetur ad ea quæ in Artic. Rotarius. Dictionarii sui Bælius objecit.

(p) Vid. acta Erudit. An 1694. p. 112. *Vis activa ætium quendam continet & inter facultatem agendi, actionemque ipsam media est.* Vid. Büßfing. in Dilucid. p. 243. §. 252. Hæc vis activa rerum quæ opponitur partim materiæ passivitati, (fas fiet verbo) partim ejusdem materiæ Antitypiæ, seu nisi resistendi, hæc, inquam, quoniam à materia proficisci non potest, distinctam arguit animam, eoque spiritum materiæ expertem. Hòc argumentò fortius adversarios constringes quam Malebranchiano, quod in eo ponitur: *cogitationes non posse mensurâ æstimari, uti spatium & materiam.* Reherent enim veritatis hostes: *Si videremus corpuscula, quibus cogitationes formantur, nos intellecturos esse, quod cogitationes metiri liceat, ad instar subtilium machinarum* vid. hanc observ. apud Leibnit. in examine principior. m. Malebranchii Rec. T. II. p. 219. seqq.

### §. 8.

Nondum ergo dimovemur à definitione, quam recentiores animæ imposuerunt, quod nim. *responsio sit substantia vi prædita mundum representandi pro sita corporis organici cui præest, quicquid enim contra eam monuerunt* (q) Viri eruditissimi, id in tot scriptis polemicis satis superque examinatum, & subla-

*Indicantur  
responsio-  
nes alie-  
tudo.*

ubi ostendit Aristotelem animam non nisi in motrice vi quassivisse. Graviter hæc refutat Lami de la Connoissance de soi même.

## §. 3.

Argumenta  
contra  
errorem.

Quibus argumentis Recentiores Materialismi errorem everterint paucis commemorabo, Lectoris judicio relicturus, num id Theologiæ adjumenti quid adtulerit nec ne? Non improbo aliorum quoque bene sentientium argumenta, dico tantum & his nostris fuisse hastas, & eorum tela novisse Materialistis. Incipiamus à primo hujus Philosophiæ Instauratore, ita ille: (d) *vis activa argumento est distingui maxime Animam & corpus.* Nam principia Mechanismi cujus consectaria sunt leges motus non possunt ex eo elici, quod in mera passione consistit, quod in rebus geometricum (tres dimensiones habet longum, latum & profundum) aut materiale est, neque etiam leges motus probari possunt per sola axiomata Mathematica, (quibus materiæ dimensiones computantur) -- Ad demonstrandas Dynamices regulas oportet redire ad Metaphysicam realem, & ad principia convenientia, quæ animæ sequuntur. Addit paulo inferius. Si vel maxime vires agendi immediate (cum Malebranchio) à DEO deriventur, tamen neminem denegaturum animæ nostræ actiones internas, has autem sufficere. Neque enim eas à materia proficisci posse, quæ pure sit geometrica viribus destituta agendi, externas autem corporis actiones, ubi quis DEO soli adscribere velit, cum recursurum ad miracula perpetua DEO indigna, eodem posse nos fingere modò, nos esse solos in Mundo DEUMque phenomena

*in Mente excitare, perinde ac si aliquid extra nos existeret, cum tamen nihil existeret.* Edò ni fallor spectat illustri Viri argumentum. Quicquid à materia tali, quantum est longa, lata, profunda, uno verbo, extensa proficiscitur, id ex his attributis etiam potest demonstrari; atqui leges virium activarum sive motricium sive perceptivarum, ut quis Matheseos & speciatim mechanicæ est peritissimus, ita omnium minime ex materiæ dimensionibus demonstrare potest: ergo illæ vires, quæ animarum natura continetur, postulant naturam à materia *distinctam*, quam omnium consensu vocamus animam. *Erit mihi magnus Apollo qui hoc argumentum solverit.* Nulla heic distinctio, nullum effugium præsidio venit. Qui respondere cupit, mathematicæ leges has ex materiæ dimensionibus demonstrare debet, quod (e) fieri nunquam poterit.

- (d) Dabimus, majoris perspicuitatis causa, verba Leibnizii gallico idiomate quod originale est, ex Recueil des diverses pieces T. II. p. 232. Cette force active est justement ce qui montre le mieux, & d'une manière bien sensible, la distinction de l'ame & de la masse. Par ce que les principes du Mechanisme, dont les loix du mouvement sont les suiver, ne sauroient être tirez de ce, qui est purement passiv, geometrique, ou materiel, ni prouvez par les seuls axiomes de mathematique - - pour justifier les regles Dynamiques il faut revenir à la Metaphysique réelle & aux principes de convenance qui affectent les ames - - Quant aux operations encore, on ne sauroit refuser à nous mêmes nos actions internes, & elles nous suffiroient ici; car la matiere n'en est point capable, n'étant que passive. Mais cette supposition, qui donne toutes les actions externes à Dieu seul, recourt aux miracles, & même à des miracles déraisonnables.

bles, à peu digne de la sagesse de Dieu. Par le même droit de faire des fictions que la seule toute-puissance miraculeuse de Dieu pourroit rendre possibles, il seroit permis de soutenir, que je suis seul au monde, & que Dieu produit tous les phénomènes dans mon âme, comme s'il y avoit d'autres choses hors de moi, sans qu'il y en eût. Occurrit igitur etiam dubiis quæ Malebranchiani formare possent, qui vim agendi omnem DEO soli tribuerunt, de quibus infra.

- (e) Cartesius à priori leges motus demonstrare aggressus plurimum aberravit, à priori, *inquam*, nam in probandis his legibus sunt quædam positiones ab experientia, & posteriori sumendæ, quæ liberam, sapientissimam tamen supremi Auctoris voluntatem arguunt, cum contra quidquid ex materia, qua tali, demonstratur, bruta sequatur necessitate. Hoc Cartesius non observans infelici successu usus est. Lipstorpheus cum secutus in speciminibus Cartesianæ Philosoph. P II, p. 28-68. qui & alio tempore de angelo increato commentatus est. Sed eventu non meliori. Hugenius alia via incessit, quam Leibnitius mirifice amplificavit.

#### §. 4.

*Alterum  
argumen-  
tum.*

Alterum Viri Illustris argumentum, quò distinctionem animam inter corpusque stabilis, hoc est: *Negari*, (f) inquit, *non potest, perceptionem & quod inde pendet per rationes mechanicas explicari non posse, h. e. per figuras & motus. Quod si fingamus, dari machinam, quæ per structuram cogitet, sentiat, percipiat; non obstat quidquam, quo minus iisdem proportionibus retentis sub majori mole structa concipiatur, ita ut in eam aditus nobis concedatur tanquam in molendinum. Hoc supposito nihil in eo videbimus nisi partes se mutuo impellentes (g) nec unquam aliud quidquam, per quod cogitatio explicari queat. Hac ergo in substantia simplici, non in*

com-

*composita seu machina querenda.* Argumentum est planum, & ut arbitror, solidum. Extensio dicit & indicat multitudinem, id ne adversarii quidem diffitentur; atqui perceptio requirit unitatem i. e. substantiam non compositam. Ergo anima à composito i. e. corpore maximopere differt. (b)

(f) Legantur hæc verba in *Monadolog.* Leibnizii quæ recensetur ab actis *Erudit.* Tom. VII. *supplem. sect. II.* 12. p. 500. seqq. Quam refutavit *Mathematicus* *Tubing.* celeberr. *Joh. Cunrad Creuling.* duabus dissertat. anno 1722. quantum ad hoc argumentum attinet, desideravit nihil.

(g) Absurditas sententiæ, quod substantia extensa, partibus constata, cogitare queat jam à priscis Philosophis exhibita fuit: Galenus apud *Gassendum Phys.* *sect. III. L. VI. c. 3.* oper. Tom. II. p. 343. Cum *Atomus*, ait, una dolare non possit, quod alterationis & sensus incapax sit, si dum caro acu pungitur atomus una non sentiat, non sensuras, nec tres, nec quatuor, nec plures. Perindeque fore, ut si adamantum aliarumque rerum invulnerabilium acervus fodiatur. Et, ut digiti connexi absque dolore separantur, sic ipsi *Atomos* diductum absque ullo doloris sensu, cum sese mutuo contingant. Eandem difficultatem *Plutarchus* *advers. Colot.* p. 1111. urgebat. Impugnavit etiam hunc materialismum, quod ex mente *Epicuri* & recentiorum, anima continetur, *Augustinus* *Epist.* 56. p. 273. Quanto melius, inquit, ne audissem quidem nomen *Democriti* &c. qui tamen sententia nutavit, ut aliquando naturam quandam, de qua fluere imagines, DEUM esse diceret, qui tamen cogitari non posset, nisi per eas imagines quas fundit & emittit; percipiendi igitur imagines materiales absurde ab externa origine arcessi contendit. Refert *Buxtorff.* initio capit. 69. in *Traduct. More Nevuchim*, seu *Doloris perplexorum* quod *Moses Majmonides* tali argumento, contra eos qui Deum corporeum credunt, usus sit: quod me iudice & contra animæ materialismum

afferri potest. Si Deus (anima) est corpus tum divinitas (cogitatio) ejus vel perficietur in complexu substantiarum individuarum corporis illius, vel in una tantum individua substantia. Si illud dixeris, erunt plures divinitates (animæ) Si hoc adfirmaveris, tum nulla est utilitas reliquarum atomorum, quas ad animam conflandam concurrere ais. Novi, quid excipiat Commercii Epistolici inter familiares auctor Bucherus, quem detexit Stolle in der Historie der Gelehrtheit edit. secund. p. 504. nimirum pag. 31. edit. noviss. des vertrauten Brieffwechsel ita differit: Daß alles auf die fibras cerebri. nemlich im Gedenden / an der Fomne / siehet man ex statu opposito in delirio. So lang in hitzigen Fiebern das Geblüt tumultuirt / und die fibræ ungleich und confus bewegt werden / so lang ist phrenitis, Das Rasen da / geschiehet aber diese confuse Bewegung ohne Fieber / so wird mania darauf. Ist hingegen das Geblüt schwehr / und also von langsamer Bewegung / und können deswegen die fibræ cerebri von dem einmal gefassten tremore nicht gebraucht werden / so entstehen allerhand närrische Einbildungen / und Arten der Melancholie. Ja daß auch vermittelst des Geblüts gewisse Ideen dem Gehirn können beygebracht werden / die hernach so fix darinn sitzen bleiben / siehet man an der sogenannten rabie canina die vom tollen Hunde biß entsteht &c. Ex his omnibus intelligo harmoniam inter corpus & animam seu ex aliorum hypothesei actiones alterius in alterum, statum autem animæ materiale nondum intelligo. Perinde ac si arquerem: in squalido ac tristi carcere, homo se tristern exhibet, in amœno principumque persona digno conclavi, ubi nullum affligit malum, hilarem se præbet & comem, Ergo revera non datur ejusmodi homo; ergo totum phenomenon ad carceris squalorem, & conclavis amœnitatem revocandum est. Quam quæso inepti!

- (b) Lokii igitur sententia, qui affirmavit, posse Deum, si vellet, materię cogitandi facultatem tribuere, locum adinvenire nequit. Citavimus eum supra. Nescio an

in hanc sententiam propendeat summe Reverend. Dn. Buddæus in Philos. Theor. P. VI. c. 1. §. 3. p. 328. *Post accuratissimam, inquit, inquisitionem nihil aliud dicere possumus, quam spiritum nostrum esse substantiam indivisibilem, facultate volendi h.e. appetendi, aversandi, cognoscendi fortassis etiam morandi corpus præditam. Cum autem non prorsus repugnet quo minus ista facultates in substantia materiali sint, ratio demonstrare non potest, eum spiritum materia esse expertem. Atqui ratio demonstrare potest. Cogitatio enim postulat rem simplicem, extensio compositam: Non potest igitur ea res, quæ extensa & materia vestita est, cogitandi potentia gaudere. Dixi, me nescire, quomodo Vir luminum cum Lookio seu, an eum co faciat: Nam varie de mente ejus disputatum est. Vid. Dn. Wolffii nöthige Zugab zu den Anmerkungen über Herrn Buddai Bedenken / p. 30. & Respon- sionem Dn. Buddai in dem bescheidenen Erweiß/ daß das Buddische Bedenken noch fest stehe p. 15. Cui tamen denuo Wolffius plura gravissima opposuit, im Elahren Beweis p. 32.*

## §. 5.

Tertium ratiocinium alterius celeberrimi Aucto- ris est. (i) Probat enim, fieri non posse ut materia cogitet, i.e. ut à materia animus non differat; hoc modo: *Si corpora cogitare possent, cogitationes nihil aliud forent quam determinati motus certarum hac aut illa figura, situ, præditarum partium. Jam ubi eadem cogitatio durante quodam temporis spatio conservata menti offerretur, aut partes illa ad conservandam cogitationem motum sisterent, aut similes in eorum locum succederent, utrumque est absurdum, illud, quia cogitatio cessaret; dum durare deberet, hoc, quoniam non amplius foret cogitatio eadem. Porro quia cum pluribus cogitationibus conscientia sui copu-*

*Tertium  
ratioci-  
nium.*



*lata est, & vero nemo sibi vel aliarum rerum vel sui ipsius conscius sit, nisi qui se ab aliis rebus distinguit, ut per motus materia subtilis hac excitaretur, necessarium foret, & corpus representatum, & materiam in cerebro representantem inter se comparari, quod & utriusque cum similitudo, tum distinctio animadverteretur, quod natura conscientiae poscit, atqui haec omnia (k) fieri non possunt: Ergo & corpus cogitare nequit, eoque distincta ab eo substantia requiritur, quae illi operationi sit idonea. Hanc vocamus animam. Substituo aliud, quod à priori non ex omni parte differt, & magis est, ni fallor, perspicuum. Omnis representatio in re composita, qualis v. g. est statua Herculis, Horologium solis motum indicans &c. sistit res representatas in se ipsa, non tanquam extra se, aut à se distinctas, facies statuae Herculae est in ipsa, nec ab eadem nisi ut modus distincta, adde quod neque vultum Herculis veri & vivi tanquam à se distinctum representet. At alia ratio est cogitationum, quae res representant tanquam à nobis distinctas, non ergo cogitatio potest cadere in rem compositam. Non memini hoc argumentum à quoquam elusum esse, si ab eo discesseris, quod factum est, postquam Metaphysica recentior jam edita fuit. Robur autem ejus non infimi ordinis credo.*

(i) Verba sunt Wolsii in Metaph. p. 407. §. 738. Addidi vero passim nonnulla, ut majorem eis lucem affunderem, ut ex characterum literarumque discrimine patebit. Alterum argumentum non memini à quoquam recentiorum distincte traditum esse, fundamenta tamen ejus recentioribus debeo, maxime Bülfingero Dil. p. 238.

(k) Non præterit me, quid hodie nonnulli contra horatiocinium adulerint, qui malunt nullum argumentum pro veritate hac extare, quàm celebris Wolffii meditata non refutare. Excellentissimus Polycarpus Leyser in Exam. Philos. Wolff. p. 11. §. 11. hoc dubium injicit. *Posse totam argumentationem instantiâ infringi, nimirum eam, quæ ad conservationem per aliquod tempus cogitationis pertinet: Ad conservandum per aliquod tempus ignem, inquit, aut partes in situ suo conservantur, quo ipso tolleretur motus, vel alia similes simili motu substituuntur: quid, pergit, si ex hypothesis Wolffiana illam cogitationum perpetuitatem fieri diceremus ad modum contiguitatis, & cohesionis materie in corporibus, quam à perpetuo motu pendere existimat Wolffius.* Responsio est in promptu. Ignis est aggregatum plurimum particularum celerrime quaquavorsum agitarum. Quælibet ignis particula habet motum, habet suam magnitudinem, est adeoque igniculus. At vero si cogitatio ex pluribus atomis varie motis constaret, non posset quælibet atomus (*cogitationuncula*) esse. Illinc igitur potest ignis conservari per successionem aliarum subinde atque aliarum scintillarum, hinc cogitatio eadem non potest conservari per tales *ideunculas* (liceat pace lectoris ita loqui.) Non igitur argumentatur Wolffius à successione particularum corporis ad negandam ejus in eodem statu per aliquod tempus conservationem, sed à successione particularum, quæ plane toti constituendo sunt dissimiles & heterogeneæ, ad negandam cogitationis per tempus conservationem. Pergit Vir experientissimus, *non posse nos concludere ab ignorantia modi, ad negationem rei. Plurimum motuum in corpore nos non esse conscios, & tamen eos fieri.* Ergo licet modum nesciamus, quomodo ex motu particularum conscientia sui oriatur, non debere tamen id nos negare. Verum cumvero quis ita conclusit? non ab ignorantia modi, sed ab impossibili argumentamur, quia materia in cerebro repræsentans, corpus extra hominem locatum

heit der Säulen genennet. §. 583. Metaph. Wolff. Quam infirmum est objurgationis fundamentum? Quod autem ad rem ipsam attinet, de potentia materiae cogitandi, respondeo: aut phrasis (die Krassheit zu denken darff ja nicht aus der Natur der Materie folgen / GOTT kan sie geben) innuit, *etiamsi cogitandi facultas materia repugnet, posse nihilominus eam materia à DEO conferri*: tum nego consequentiam. Deus enim non præstat possibile, quod impossibile est, non mutat essentias: aut significat: *Licet ex naturali materia impetu vis cogitandi non sequatur, posse tamen sequi miraculosâ DEI potentiâ, quâ & ex aqua præstitit vinum*; tum nego minorem. Neque enim materia ad vim cogitandi se habet, ut aqua ad vinum. Cogitandi vis postulat unitatem, seu rem simplicem, materia arguit rerum multitudinem. Contra & vinum, & aqua, guttarum, partium, multitudinem involvunt,

## §. 6.

Proferimus nunc pedem ad examen definitionis, quâ recentiores notionem ejus evolverunt, non id facturi, nisi exprobratum fuisset, posse & veritatis Theologicæ hostes eam rapere in abusum. Lis satis perorata fuit. (1) Exponemus modo ea, quæ novissimus Scriptor iteratâ vice obvertit, (m) perinde ac si hætenus, quod non arbitror, responsio defecisset. *Dn. Buddens, inquit, quod si anima natura in vi representandi mundum collocetur, monuit fore, ut sensationis potius & mera passionis faciem quam actionis induat illa representandi facultas*; Addidit porro, *si anima ex domestico fonte ideæ evolvat, libertatem periculo expostum iri*: Quibus Wolffius resp. in annot. ad consil. p. 84. falso se accusari, quod animam cum horologio contenderet, se liberta-

Definitio  
anima.

bertatem docuisse alibi, nec meras sensationes animo tribuere, sed & liberos adpetitus, perstisturum se in sententia, iisdem ideis animam affectum iri, licet corporeus mundus non futurus esset præstò. Contra in modest. resp. ad has annotat. p. 80. desideratum porro est, licet adversarius in vi agendi collocet animam naturam, non tamen propterea à necessitate exsolvi, existere corpora in mundo vi prædita agendi, sed necessario (n) tamen agentia; questionem esse hanc; utrum auctor Metaphysices libertati locum relinquat? citari paragraphos ibidem ex Metaph. np. §. 767. 943. ex quibus pateat, vim animam ex auctoris mente mechanicam esse: accusari etiam quod à simplicitate entis, ad unicam ejus facultatem concludat: ad hanc exprobrationem nihil à Wolffio responsum in additamentis quibus annotationes locupletata fuerint. &c. &c. Hactenus Vir laudatissimus controversiam coortam recenset. Quoniam tamen queritur, quibusdam nondum esse satisfactum, nostrum erit de eo dispicere.

(l) Quot scripta de his omnibus emissa fuerint in utramque partem, supra indicatum est aliâ occasione. Pertinet huc Commentatio luculenta, Monitum ad commentat. Annotat. ad Dn. Buddæi consilium. Additamenta ad annotationes. Clara demonstratio quod nihil Dn. Buddæus regerere possit. Bulsing. in Dilucidat. de anima. Riebov in der ferneren Erläuterung. Quædam attingit strictim Schlosserus in disp. ad Hoheisium. Muller præcipue im sicheren Mittel/modo sibi ab æstu temperasset &c.

(m) Litteratissimus Dn. Walchius in Lexico Philos. sub Tit. Der Seelen Beschaffenheit. p. 2285. seqq. Passivam faciunt animam Adversarii potius Wolffii, quam ipse. Intellico Dn. Rudigerum, qui *materiale* nobis

nobis obtrudere instituit, ut mirer, Eximios Halenses Theologos non cavisse, ne talia vulgarentur. For- san penes ipsos non stetit. Nescio an absimilia sint sententiæ Lucretii ita canentis: L. III. p. 79.

Nec sine corpore enim vitales edere motus

Sola potest animi per se natura nec autem

Castum anima corpus durare & sensibus uti.

Raphson in *demonstratione de Deo sive methodo ad cognit. natural. Rectissime*, inquit, *Morus extensionem inter modos entis realis reciprocus, quatenus ens reale substantiam exprimit, dinumeravit, & substantia inextensa erit contradictio in adjecto.* Dixi hunc errorem esse antiquum, quod probatur testimonio Plutarchi L. IV. cap. 3. p. 898. & Aristoteelis L. I. de anima, qui testantur veteres animam extensam credidisse. Hinc non difficile fuit credere homines ex terra ortos, Diogenes Laertius L. II. num. 17. de Archelao narrat: γενναῖον δὲ φησι πρὸ ζωῆς ἐκ θερμῆς τῆς γῆς, καὶ ἰλὺν ἀδραπλησίαν γαλακτι, οἷον τροφήν: ἀνείσης. Libr. II. num. 17.

- (n) Nullus dubito quin damnanda foret Wolffii sententia, si plura libertatis notione non fuisset complexus, quam qualemeunque vim agendi. Sed contrarium pater ex Metaph. §. 515. seqq. requirit (1.) ut actio non sit necessaria, ecque contrarium ejus possibile §. 515. rationes enim agendi necessitatem non imponere §. 516. (2) ut sit certa. §. 517. 3) ut ex proprio fonte eoz domestico hominis manet, qua spontaneitas est. Clarke interim in *Recueil de divers. pieces par Leibniz Newton.* T. I. p. 356. *Contradictionem involvere putat, dicere Agens necessarium.* Car à parler proprement & avec la précision, dont on ne doit jamais s'écarter dans des Disputes de Philosophie, un Agent nécessaire, ou une action nécessaire est une contradiction en termes. Atqui hunc nemo hæreseos propter hanc causam postulavit, licet id sentiat, quod Wolffio affingitur.

## §. 7.

*Respondetur  
dubio.*

Etiamsi anima suô ipsius impetû, nec à corpore unquam excitato agat, periculo tamen libertas non exponitur. Si à corpore illatas ideas reciperet, patiens foret, speciemque amissæ libertatis præberet. Cum autem ex domestico fonte haurit ideas, & pulcerrimo ordine evolvit, nunquam ille ordo, *qui status est rerum cum ratione sufficientis succedentium*, libertatem sufflammat. Dixi in superioribus multa *fieri libere, sed & cum sufficienti ratione*. Nunc meditaris, nunc meditata chartis mandas, nunc mandata chartis perlustras, nunc perlustrata mandas memoriæ, nunc memoriæ impressa pro concione enuntias, *en semper alteram ideam ex altera evolutam!* Sed numquid propterea detrimenti quid capit libertas? Neutiquam. Etiam igitur atque etiam te rogo, ut his suspicionibus tandem aliquando locum deneget. *At enim in sensationibus nulla videtur idearum ordinata evolutio, nunc audio campanarum sonum, mox κέλευσμα ovantium, jam vespa inopinato pungit, jam elegantissima iridis forma suspicienti cælum obijciunt:* quæ hæc connexio? (o) R. Quæstio erat de libertatis detrimento, quod oriatur, si ex suo ipsius fonte ideas anima evolvat, nunc aliud de idearum inordinata successione obvertitur, quod ad Rhombum nihil facit. Non deest tamen responsio data alibi & ad hoc dubium dudum. Interim notum est, quod Recentiores discrimen statuunt inter vim agendi & facultatem. (p) vis agendi substantiale quid est, quod non potest non esse unicum. Igitur à simplicitate re-

De

At ad unam vim, i. e. unum substantiale principium colligitur. Quidquid ergo Vir summus paragrapho priore objecit, ni fallor, excussum est. *Non inculcâssem decies jam dicta, nisi fuisset repetitis dubius ad id faciendum inductus.*

(o) Responsionem ad hæc omnia, quâ declaratur, quomodo sensationes multo diversissimæ continuo sibi succedere possint, non deficiente nexu elegantissimo, vid. in der verthenbigten Harmon. præstabil. p. 21. not [2] quâ respondetur ad ea quæ in Artic. Rotarius. Dictionarii sui Bælius objecit.

(p) Vid. acta Erudit. An 1694. p. 112. *Vis activa ætium quendam continet & inter facultatem agendi, actionemque ipsam media est.* Vid. Büllsing. in Dilucid. p. 243. §. 252. Hæc vis activa rerum quæ opponitur partim materiæ passivitati, (fas fiet verbo) partim ejusdem materiæ Antitypiæ, seu nisi resistendi, hæc, inquam, quoniam à materia proficisci non potest, distinctam arguit animam, eoque spiritum materiæ expertem. Hôc argumentô fortius adversarios constringes quam Malebranchino, quod in eo ponitur: *cogitationes non posse mensurâ æstimari, uti spatium & materiam.* Regerent enim veritatis hostes: *Si videremus corpuscula, quibus cogitationes formentur, nos intellectuuros esse, quod cogitationes metiri liceat, ad instar subtilium machinarum* vid. hanc observ. apud Leibnit. in examine principior. m. Malebranchii Rec. T. II. p. 229. seqq.

### §. 8.

Nondum ergo dimovemur à definitione, *Indicantur* quam recentiones animæ imposuerunt, *quod nim. responsio* sit substantia vi prædita mundum representandi pro *nes alio-* situ corporis organici tui præest, quicquid enim contra *THO.* eam monuerunt (q) Viri eruditissimi, id in tot scriptis polemicis satis superque examinarum, & subla-

sublatis dubiis, ni fallor, compositum est, dummodo cum adtentione, quod ultrocitroque dictum fuit, legatur, & ad stateram revocetur rectæ rationis. Quid? quod potissima dubitatio, quâ exprobratum vidimus, & *Atheos hanc adoptare posse, nec ceteras animæ facultates ex hac definitione intelligi*, dudum à Viro perspicaci (r) exempta sit. Quamquam igitur plura addi possent, nihil enim est hac Philosophiæ (s) parte, quæ de homine præcipit, dignius, nihil præclarius: tamen quoniam pleraque jam anticiparint alii; pergimus ad ea, quæ nondum distinctissime evoluta sunt.

(g) Intelligo scripta in antecedentibus aliquoties allegata. Conferant quæso lectores Ven. Dn. Langii dubia in der bescheidenen Entdeckung der schädlichen Wolffischen Philosoph. cum Bülfingeri Dilucidationibus de DEO, anima & mundo, aut fallunt me omnia, quæcumque intelligere visus sum unquam, aut illi cognoscent dubiis Halensium, etiam in hac lite, v. g. de anima p. 274, 306. seqq. & aliis alibi, cumulatissime pariter ac modestissime satisfactum esse. Nolim ergo agere actum.

(r) Exempli causa subjungam verba Bülfingeri, quibus ex definitione Wolffiana omnes animæ facultates derivat. In Dilucid. p. 274. §. 288. *Dicitur anima substantia representativa Universi pro situ corporis organici in Universo. Substantia representativa ea est, quæ habet vim representandi. Vis dicitur conatum ad actionem, non vero nudam potentiam aut facultatem. Etsi igitur unica vis anima tribuatur, non tan tribuitur una facultas §. 252. quia enim unica illa vis diverso modo agit, potest diverso agere. Potentia illa dicitur facultas. Igitur plures in anima adesse possunt facultates. Facultatem sentiendi contineri in vi representandi mundum pro situ corporis organici, nemo aubitat, confer definitionem sensationum §. 246. Facultas ima-*  
ginan-



ginandi est facultas representandi statum præteritum, qui cum præsentis sensationis aliquid commune habet §. 253. Igitur & illa continetur sub vi representandi universum pro statu corporis organici. Dum abstrahe ab una re & ad alteram adtendo, adest representatio unius rei præ altera clarior §. 262. Igitur & hac facultas continetur in vi representandi mundum. Representatur enim utraque sed altera clarius. Utraque tamen pro relatione, quam res representata mecum habet. Applicatio attendendi semper sit ex occasione alicujus sensationis præsentis: Itaque & meditandi & reflectendi facultas includitur in conatu representandi Universum &c. Memoria agnoscit identitatem unius idea in diversis seriebus representata §. 266. oritur ex sensatione, phantasia, & facultate comparandi ideas §. 267. Sequitur igitur & illa ex vi representativa rerum, similiterque conscientia sui ex §. 266. Intellectus vero rerum convenientias & differentias rerum sensibus, imaginatione, & memoria representatarum atque inter se collatarum animadvertit & distinguit §. 271. omnes igitur hæ facultates comprehenduntur in definitione anime.

- (5) Doctrina enim de homine ejusque anima per omnes Philosophiæ partes diffunditur habeturque merito præstantissima. Morhoff. in Polyhist. T. II. L. II. eos recenset qui in hac & cognatis partibus desudarunt. Cartesii Tractatus de Homine nobilitatus est, Godofredi Bergeri Physiologia medica sive de natura humana Anno 1702. in 4t. emissæ cum adplausu fuit excepta. Ludovicus de la Forge librum de mente humana in lucem edidit, Cartesianæ dogmata exponentem. Sperlingii anthropologia in omnium manibus versatur. Christ Martin. Burckardi Med. Doct. Rostoch, Meditationes de anima per ens prod. 1726. placuit v. g. mihi hoc effatum p. 58. quid enim à recta ratione magis alienum est, quam cum de essentia Spirituum immaterialium eorumque operationibus disserunt, præsupponere quod Spiritus debeant instar rerum materialium,

lium, siue per contactum agere aut pati, aut quoniam id non possint, omnem statim agendi vel percipiendi virtutem ipsis denegare. Clariss. auctor putat, se sententiam Leibniti de harm. præst. impugnare hoc loco, sed aliam, quam sibi ipsi animo formavit, impugnat, neque enim hæc sunt verba, nec sensa Viri illustris: *quis ab impossibili anima & corporis mutuo contactu ad negandam perceptionem & actionem utriusque conclusit?* Hic est fons litium omnium contra veritatem agitarum, ut sibi Adversarii eam aliter concipiant, eoque non cum veritate, sed cum suo Phantasmate merito pugnent. Pugnat doctissimus auctor potius contra Rudigerum, qui *contactum in omni actione postulat*, ut vidimus supra. Respondeat hic, si placuerit, Collegæ, id est, Medico Doctori,

## §. 9.

*De libera-  
tate Ho-  
minis du-  
bium.*

Quantum libertas hominis in disciplina morali pariter ac in Theologia momentum trahat, ne litterarum quidem prorsus expertes fugit. Faciemus igitur, ni fallor, operæ pretium, si ostenderimus, absque Doctrinis recentiorum singularibus gravissimam hanc veritatem contra Spinozam, Bælium Hobbesiumque neminem feliciter tuiturum. An, si id verum est, recentiorum placita usum in Theologia non præstant longe maximum? *Præstant omnino*, inquis, *si verum est, at credat apella Judæus, quod verum esse causaris.* Credes profecto mecum, si animum parumper advertas, etiamsi manseris Christianus. Ita v. g. contra Libertatem Bælius arguitur: *(t) siue appetitus voluntatis ab externa re nobis ingeneretur, siue nos ipsi eundem elicerimus, verum tamen utrinque fuerit, nos aliquid velle, & conscios esse, quod id velimus: Quemadmodum vero, priore casu,*

*causa*

causa isthac externa cum appetitu quem ingenerat, tantum voluptatis immiscere potest, quantum pro suo arbitrio vult: Ita fieri etiam potest, ut nobis mirifice tum placeant voluntatis nostrae (licet non à nobis excitati) nîsus. Non per sentiscimus, id si conzigerit, coactionem, salva quoque manebit regula, voluntas non potest cogi. Annon concipimus clarissime, Galli effigiem tempestatis nuntiam, quam venti impetus in certam plagam dirigit, persuasam fore, si sui conscientia tangeretur, motûsque impressi prioritas cum appetitu ejus conveniret, sponte sua se ferri in desiderii sui complementum. Fingamus nescire Gallum, quod existant venti; quodque causa externa & mutati suus & mutati desiderii nîsusq, rationem in se contineat, annon futurum esset ut sibi ipsi actionum illarum fontem, sed falso, vendicaret. Atqui nos homines miselli, galli hujus conditionem referimus ipsissimam. Profecto nos latet, numquid causa externa praestet, ut in nobis alia desideria aliis succedant, nec ne? Quocirca primum est per errorem homines induci ut credant, ipsos suarum actionum auctores esse, cum revera decipiantur. Cum ergo mutationum, qua in homine contingunt, explicandarum duae solum, nec plures hypotheses sint, quarum altera nobis vires agendi, altera meram externos instinctus recipiendi potentiam adscribit; profecto tam diu prima secunda anteponi nequit, quam diu nihil allegare possumus pro ea, quam argumenta sensationum; Sensationes enim ista eadem forent, si vel maxime à principio externo accederent appetitus, quos liberos vocamus, ingeneraturo.

(1) Verba sunt Bælii latine versa. Vid. Répons. aux questions d' un Provincial chap. 140.

## §. 10.

*Responsio.*

Quod nunc pro tuenda libertate consilium inibimus? Num succensebimus auctori, indignas, quæ solvantur responsione, ejus argutias pronuntiaturi? Num dicemus baculis tales erudiendos, non verbis, an in querelas depravati mundi effundemur, omissa responsione? Non esset id Philosophi, sed Pædagogi. Philosophi est, advertere ad omnia, etiam ad argutias Antagonistarum. Libertatem complures defenderunt (u) argumentò ab experientia, & sensu ejus intimo, quo imbuimur, petito. Forsan igitur dicere licet: *Sentire nos utique quod velimus, quod libere adpetamus, non esse propterea audiendum, qui sensus huic repugnet.* At pace tua dixerim: Experimur nos velle, sed an voluntatis adpetitus aliunde à principio externo inditus sit, nec ne? id non experimur. Id enim simile Bælii à Gallo desumptum innuit. Quando in conversione, ut loquuntur Theologi, *Deus ingenerat* & nò velle & operari Philipp. 2. v. 13. nonne sub initium, progressum & finem homo recipit instinctus aliorum? an agit quidquam? Quis dixerit mihi, aut quo argumento jam probare licet, non esse eandem conditionem vitæ naturalis per omnia durandi momenta? Unde cognoscimus non inspirari à DEO adpetitus quosvis bonos, & à Diabolo malos, seu ut magis philosophice loquar, à principio quòvis externo? Animum subit quorundam ex Reformatis sententia, prædeterminationem statuentium. (x) *Est ea, ex auctorum mente, promotio, quâ Deus applicat causam secundam ad*

agen-

*agendum in singulis occasionibus, antecedenter ad omnem operationem creaturæ, seu prius natura & Gratia, quam creatura operatur.* An creata res, hâc sententiâ stante, non similis est gallo Bæliano, qui etiam præmotus à vento esse dicitur? quid interest inter utrumque? Nihil profecto quam hoc, quòd ex mente horum Reformatorum homo præmoveatur, gallus autem Bælianus à vento tantum moveatur, i. e. quod illinc agendi vires quidem supponantur, sed nunquam exercendæ, nisi prius ab externo agente excitatæ: hinc autem in gallo prorsus nullæ præsto esse videantur? Atqui nihil proclivius est, quam ut Adversarius etiam istas vires neget, quæ sine sublimiori virtute præmovere inutiles & velut mortuæ sunt? Dicit enim Adversarius, *cui bono sunt vires, quæ nonnisi actæ agunt? entia non sunt multiplicanda &c. Sufficit Deum omnia operari, ac adpetitus quoque elicere, quos vocamus liberos.* Sed quæso quantum tum libertati periculum imminet? Quò pacto igitur & contra Bælium, & contra Reformatos istos probabimus, *distinguendam esse à lubentia libertatem?* quas res illi confundunt. Quæ enim voluntas præmoveretur ad adpetendum, ea, sive vires præmotricibus subjectas habeat, sive non habeat, ad instar galli Bæliani, lubens quidem est, libera non est. Patet autem exemplo hominis navi, secundò ventò, in portum devecti non sine animi lætitia, quantum intersit inter lubentem, & liberum. Lubens quidem is in portum deferretur, sed absque libertate, non potest enim, si vellet, aliò venire, quam quo navis fertur. Fingamus ventum & navi motum

Q3

infer-

inferre, & nautæ desiderium eo tendendi; quò vela aguntur; persuadebit sibi profecto nauta, se liberum esse, cum lubens tantum existat. Qua autem ratione intelligimus, nostram conditionem hujus non esse similem? An per experientiam? atqui Nauta decipitur, si ita arguit, forsan falleris & Tu? Num affirmabimus, *sentire quemlibet, quod possit jam agere hoc, jam agere illud?* Atqui id alex plenum est. Si ventus in plagam nullam navim ageret, quam in eam, quò & abeundi desiderium inspiraret Nautæ, *annon hic existimaret se posse agere quod vult?* nihil enim venti operâ fit; nisi quod vult. Annon caussaretur, se posse ferri huc, ferri & aliò, si vellet, i. e. si ventus adpetitum menti, & navi motum suo afflatu inferret. Quis hanc libertatem agnoverit?

- (u) Scriptores de libertate complures in utramque divisos partem recenset Pfaffius T. I. Hist. litter. p. 327. seqq. Interim, utrum argumentum ab experientia rade sine supplementis recentiorum desumptum valeat? disputatum est. Nam & qui ad experientiam provocant, difficilem esse doctrinam de libertate concedunt. Vid. exposition. des 39. Articles. de l'Eglise Anglicane Episcopo Salibur. edente p. 117. 127. King. de origine malip. 91. 120. vid. Collin. Recherch. sur la libert. T. I. Rec. p. 203. seqq. Concedit Episcopus & necessitatis Patronos ex sua parte stantem habere experientiam oper. T. I p. 100. Hinc factum ut scelestiores gentes criminum suorum culpas transferrent in Deos, quoniam cujusdam necessitatis experientiam finxerunt. *Plutarchus de audiendis Poëtis: Eheu malum mortalibus divinitus venit, ut bonum videant, non utantur tamen p. 33.* Hinc nonnulli, imo plures libertatem inficiabantur. Non loquar de Priscis, quorum integritate sectæ satum, vel & Athesmum stabilientes hanc doctrinam

Strinam conculcabant : dicam de Bælio qui in commentar. Philos. T. II. cap. 6. p. 383. 423. libertatem quidem defendit, postea vero in Lexic. Historic. Crit. p. 1900. disputat adversus eam : Refutatus à Jaqueltio in conform. fidei & rat. p. 251. in examine Theologiæ Bælii P. II. c. 7. p. 171. Collinus contra argumentum de experientia pronuntiat ob tot eruditorum divortia, quæ non forent existitura, si experientia omnium tam clara foret p. 262 ait : *Mais comme tout cela peut-il arriver dans un fait si clair, & qu'on suppose que chacun éprouve en lui-même*, cui verò, referente Walchio in Lexic. Philosoph. p. 1055. Joh. Eberh. Rösler Tub. occurrit duabus dissertationibus.

- (x) Vid. Turret. Theol. Elencht. T. I. p. 538. de provid. ubi prædeterminationem ita describit. *Pramotio est, quæ DEUS ciēt & applicat causam secundam ad agendum, adeoque antecedenter ad omnem operationem creatura, seu prius natura & ratione, quam creatura operatur, eam realiter & efficaciter movet ad agendum in singulis actionibus, adeo ut sine hac pramotione causa secunda operari non possit, eā vero positā, impossibile sit in sensu composito causam secundam non illud idem agere, ad quod à prima causa pramoveatur.* Cæterum de prædeterminatione ita pronuntiat Bayle : Dictionnaire p. 1531. *Tous ceux qui ont peu de pénétration, voient clairement, que sur la matière de la liberté il n'y a que ces deux partis à prendre l'un est de dire que toutes les causes distinctes de l'ame qui concourent avec elle, lui laissent la force d'agir & de n'agir pas, l'autre est de dire qu'elles la déterminent de telle sorte à agir, qu'elle ne sauroit s'en défendre.* Le premier parti est celui des Molinistes, l'autre est celui des Thomistes & des Jansenistes & des protestans de la confession de Genève. Fugiebat vero Virum summā eruditionis laude florentem, priorem partem in duos abire ramos ; Aut enim causæ ad agendum concurrentes relinquunt indifferentem & facultatem agendi, & exercitium actionis, tum indifferentia oritur perfecti æquilibrii, quam Kingius & Scholastici complures tuebantur ;

tur; aut causæ illæ exercitium determinant, non ipsam facultatem agendi, i. e. præstant, ut certissime ita sis acturus, non vero ut aliter agere non possis; tum oritur indifferentia *activitatis*, quæ Leibnitii, nec non aliorum Augustanæ Confessionis non variatæ Affeclarum sententia fuit. *Hac sententia media est inter utramque extremam.* Nec enim actiones hominum liberas casui cæco tribuit, quasi sine ratione omnimoda exortas; nec fato libertati inimico eas subijcit, quæ prædeterminantium causarum sive *physice* sive *moraliter*, efficacia est. In sententia media rei creatæ propriis viribus se determinant, in Thomistarum viribus DEI physice præmoventis, & in Jansenii aliorumque, moraliter præexcitantis. Ex eorum mente, si consentanea docent, facultas agendi aliud, tollitur, sive per physicam præmotionem, sive per moralem; In horum autem, qui Augustanæ confessioni adstipulantur, non tollitur per causas, agendi aliud potentia, dirigitur modo, per certas rationes exercitium ejus. Illinc igitur necessitas, sive physica sive moralis, introducit, hinc non item, manet quippe salva libertas.

## §. II.

*Aditus ad  
ulteriore  
resp.*

*Quæ tandem medicina huic morbo adhibenda est?*  
Nonnulli ea, quæ ex Recentiorum promptuario desumitur. Nam si eviceris præsto esse in animam vim agendi, liberaveris te à dubio Bæliano, ac hominis cum vexillo similitudine, namque hoc non agit, homo autem, probata vi agendi, spontaneitatem\* habet. Age autem, fac periculum, num argumentis idoneis animæ speciatim, nec unâ cæteris substantiis agendi vim vindicare possis? Non exstat meo judicio ratiocinium tale, quod vim agendi adjudicaret menti nostræ exclusis cæteris substantiis. Substantia omnis, opinor, res simplex est, corpora enim & res compositæ, non  
fun



sunt substantiæ, sed substantiarum plurium cumuli. *Aut hæc etiam vim agendi (y) habent, aut anima non habet.* Quid ita, inquis, dixi ad experientiam de libertate tuenda provocari non posse, nisi suppleantur ratiocinia quædam ex Philosophiæ tam exosæ penu. (z) Dicis, *animam sentire vim agendi, solve, inquam, prius dubium Balii.* Instas, cum Clarkio, *non posse non animam esse liberam (aa)* Agens enim necessarium phrasin esse contradictoriam, quod agat, non impelli i.e. necessitate non affici ab alio. Proba, quod anima agat. Nullum datur, quod jamjam monui, pro animæ viribus agendi argumentum particulare, datur tamen generale pro vi agendi substantiarum omnium, quod ad tuendam libertatem sufficit. Atqui hanc veritatem recentiores explicatiorem (bb) reddiderunt.

(y) Advertit Leibnitius omni substantiæ, quæ non esse potest, nisi simplex, vim tribuendam agendi, vid. Acta erudit. ad ann. 1698. p. 439. *Cum id quod non agit, quod vi activa caret, quod discriminabilitate, quod denique omni subsistendi ratione ac fundamento spoliatur, substantia esse nullo modo possit.* Ita quoque sentit Wolff, Metaph. §. 115 p. 49. ed. prim. Cave interim credas, elementa rerum esse atomos figurâ, situ, magnitudine præditas. Forent enim materiales particule, cumque materia omnis recipiendis, non edendis motibus apta sit, exularet hinc vis agendi omnis. *Materiales res phænomena sunt, sed bene fundata, vid. Recueil T. II. p. 133. Les substances simples sont les seules véritables substances, & les choses matérielles, ne sont que des phénomènes, mais bien fondés & bien liés.* Non est igitur, si corpora, ut colores, phænomena sunt, cur dicas: *quomodo ex eo, quod est non materia, coire potest materia?* Quid re-

Q 5

spon-

sponderes ei, qui de oraculo Judic. 9. v. 37. differens quæreret: *An ex militibus umbra fieri potest?*

(c) Anima per doctrinam influxus vexillo Baliano non absimilis evadit. Quemadmodum ventus suo afflatu ultro citroque venit signum altissimis turribus impositum, ita motus corporei per organa sensuum physice animam afficiunt, jam ad has, jam alias res considerandas excitatum. Scio alteram partem actionum animæ, quæ in liberis adpetitibus ponuntur, non derivari ab influxu corporis, ne prorsus *passiva* reddatur anima; sed cum & adpetitus liberi occasione sensationum oriantur, facilis videri potest à sensationum necessitate, ad horum necessitatem transitus: perinde ac si quis caussaretur: Vexillum in quibusdam quidem occasionibus à vento huc & illuc rapi, in cæteris autem ferri hâc illac sua sponte, si fingamus, quod conscientia sui præditum sit.

(aa) Vid. Resp. Clarkii ad Collini recherches sur la liberté Recueil. T. I. p. 386.

(bb) An elementa sint vi agendi prædita, non hodie demum disquisitum fuit. Cicero de natura Deor. L. I. p. 180. Democritus, ait, censet imagines divinitate præditas inesse Universitati rerum: tum principia mentesque, quæ sunt in eodem Universo Deos esse dicit. Augustin. Epist. 56. Democritus, inquit, hoc distare in naturalibus questionibus ab Epicuro dicitur, quod iste sentit inesse concursui atomorum vim quandam animalem & spiritalem. Non male! licet in eo erraverit, quod atomos finxerit elementa, quæ tamen & ipsæ adhuc in partes dividi possunt. Superiori seculò de viribus elementorum disputari coëptum fuit. Boyle in dissert. quæ inscribitur: *libera in receptam natura notionem disquisitio* 1686. abrogatam volebat *natura* vocem, substituat mechanismi significatione. Invenit assentientem Sturmium in dissert. de nat. idolo cui se opposuit Schellhammer, de natura sibi & Medicis vindicata, respondente Sturmio, de natura sibi in cassum vindicata. Quo scripto elicit ab adversario,

nati.

*natura vindicata vindicationem.* Confer Bülfinger de Harm. præstab. p. 75. vim originariam agendi rebus inditam crediderunt D. Stair in Physiologia nova experimentalis 1686. Du Hamel in Physic. gen. Tract. II. Diss. II. cap. 2. p. 159. Honorat Fabri vero scient. Phys. Tract II. L. I. Prop. X. XI. contrarium sentit. cum quo faciunt Malebranchii & Sturmii affectæ, omnem motum à DEO immediate, (*immediatione virtutis*) derivantes. De principio hylarchico, & vi plastica nonnullorum nihil nunc dicemus.

## §. 12.

Non deerunt forte, qui libertatem, absque *Continua-*  
subtili, de viribus rerum creatarum agendi, con- *tur re-*  
troverſia probari poſſe autumabunt, provocaturi *ſponſio.*  
ad argumenta à poſteriori, i. e. à pœnarum, pra-  
miorum, conſultationis &c. inutilitate deſumpta. Non  
refragabor ſi cætera ſint paria. At ubi nondum  
vim agendi propriam animæ vindicaveris, ſuper-  
vacuus erit labor tuus. Neceſſarius enim tum erit  
animi motus, neceſſaria pœna, neceſſaria con-  
ſultatio, eadem cauſa externa, quæ te excitavit  
ad agendum, impellet quoque ad conſultandum,  
pœnitentiam, aliaque reliqua. Non erunt ſuper-  
flua hæc, ſed neceſſaria ex æquo, phyſicò certe,  
ſi non morali nexu conſecutura. Quid ergo tan-  
dem? Distinguo in libertate certa momenta. Alia  
per experientiam & reſpectus morales probari  
poſſunt, unum eorum non poteſt. En quinque  
libertatis requiſita. Primò præſto eſſe debet *agenti*  
*vis*, poſt *excludenda eſt neceſſitas Metaphyſica*, cu-  
jus oppoſitum contradictionem involvit, qualem  
Spinoza (cc) introduxiſſe videtur, tum arcenda  
eſt *neceſſitas Phyſica*, cujus oppoſitum in miracu-  
lis

lis ponitur. Sic ignis necessario urit, sol movetur, nisi portentò divino aliud statuatur, in quam forte Thomistarum schola physicam prædeterminationem adoptantium propendebat; Certe eodem Malebranche, Sturmius, aliique, qui in rebus creatis omnem DEO soli tribuunt, perpetua miracula fingentes hanc necessitatem physicam ex (dd) corporibus tollunt. Præterea à libertate removenda est *necessitas moralis*, quâ homo per certa motiva ad hoc aut illud ita non inclinatur modo sed rapitur, ut videat meliora probetque, deterioraque sequatur. Hujus contrarium est *supernaturalis idearum* fortius afficientium in animum immissio. Sic in rebus ad comparandam vitam æternam pertinentibus homo destituitur libero arbitrio, non potest non peccare *necessitate morali*. Sed absit, ut eandem mortalium conditionem statuamus in negotiis civilibus, naturalibus. Qui tamen prædeterminationem moraliter irresistibilem stabiliunt, (ee) huic classi adscribendi sunt. Postremo ad libertatem accedat necesse est *cognitio actionis, & judicium*. *Anne hæc non sufficiunt ad libertatem plene cognoscendam?* Prima necessitas contingentiam omnem excludit, & afficit rerum essentias, quæ metaphysico sensu necessariæ sunt. Alterum genus contingentiam absolutam non excludit, pertinetque ad mechanismum corporum, causasque efficientes à finalibus sejunctas, excludit tamen libertatem. Terrium genus cum eadem contingentia amice componi potest, ita tamen ut causas afficiat finales, & libertatem sufflaminet. Ubi hæc triplex necessitas pulsa sit, libertas duobus cæteris paribus adinvenire locum potest.

potest. Ex quo intelligitur cum libertate amico consensu copulari *determinationem actionum* (ff) *moralement*, quā homo per certa motiva ad hoc aut illud non rapitur, sed inclinatur; *quia meliora non videt*, salva manente facultate aliter agendi. Hujus determinationis oppositum est *naturalis* idæ fortius afficientis in animum aditus. Vides quantum hæc à necessitate morali distet, quæ cum libertate componi nequit.

(cc) Spinozam talem rebus necessitatem imposuisse, cuius contrarium involveret contradictionem, pervulgatum est. Ita enim ille. Ethic. P. I. Schol. prop. 17. p. 17. *videt eos*, qui contendunt, fieri posse ut *qua in Dei potestate sunt*, non fiant *seve ab ipso non producantur*, quod idem esse ait, ac si dicerent, Deum posse efficere, ut ex natura Trianguli non sequatur *aquales esse duobus rectis tres ejus angulos*. Quæ ipsissima metaphysicæ necessitatis definitio est. Nam quis dubitat contradictionem emerfuram, si quis tres angulos non æquales fingeret duobus rectis.

(dd) Ita Malebranchius de investigatione Veritat. ejusque illustration. seu *eclaircissement* p. m. 112. *Multa*, inquit, *sunt rationes*, cur *causis secundis* (seu naturalibus, nullam vim, potentiam aut efficaciam quidquam producendi tribuam. - - Nullam potentiam cognoscam nisi in voluntate entis infinite perfecti. Cæterum Thomistas Augustinum secutos physicam docuisse prædeterminationem, certum est, quæ causa est, quare Bagnag. Histoire de la Religion des Eglises réformées T. II. p. m. 452. probat, Concilium Tridentinum præmotionem physicam rejiciendo, Augustinum damnasse. De præmotione physica egit Auctor quidam Anonymus gallico idiomate, à Malebranchio refutatus.

(ee) Jansenistæ, namque moraliter irresistibilem volunt Dei in creaturas operationem. Vid. Leydeker in vita & morie Jansenii.

## §. 13.

*Expositio  
sententiae.*

His ita præmissis, dicam quæ mihi circa libertatem sententia placeat? Nimirum per experientiam non cognoscimus omnia libertatis requisita, sed nonnulla tantum. Quod attinet primo ad vim agendi seu ad spontaneitatem, non arbitror, eam nos *immediate* experiri. Immediate non experimur nisi animi desideriorum & adpetituum vicissitudines, utrum autem à nobis proficiantur ipsæ, seu, an aliunde inferantur, hæcenus obscurum est. Mirum id haud videri debet. Nulla autem facultas *immediate* sentitur, sed per actiones suas medias cognoscitur. Experientia omnis ad facta pertinet. Nisi aliunde igitur innotescat, quod facultas interna sit, i. e. propria hujus subjecti, non potest id ex solis factis cognosci. Hinc fuerunt Malebranchiani, qui omnem creatis vim agendi denegabant, nihil moti actionibus earum, quæ solæ in oculos sensusque incurrunt. Quoniam igitur ex Philosophia recentiori probari potest, *animam esse ornatam spontaneitate*, simile istud à vexillo desumptum, nos non pungit, quippe alienum; Illos urit, qui ex sola conscientia spontaneitatem probant. Faciant periculum respondendi dubio Bæliano, si credere nolint. Eviçtâ aliunde spontaneitate, cætera ad libertatem concurrentia per experientiam animadvertimus. Sentio v. g. à meis actionibus abesse necessitatem metaphysicam, quod enim h. m. necessarium est, nunquam mutatur, ut de rerum essentiis constat; atqui appetitus meus non est unicus possibilis, succedunt subinde innumeri,

teste

teste experiētiā. Exultat etiam à meis actionibus necessitas physica, quæ ad solas causas efficientes spectat; quis enim sibi non conscius est? se intuitu finium agere, non per cæcū, & cognitione vacuum Mechanismi tactū & impulsū. Libera porro voluntatem video à necessitate morali, non sumus semper mancipia affectuum, qui in transvorsum invitos rapiunt, dummodo sapiamus: Frequenter suscipimus actiones, quas vel unius ideæ naturali interventu omissemus lubentissime. Accedit denique quod omnes (ff) sciant, & sentiant se judicare, ratiocinari, cognoscere, quæ quarta libertatis conditio fuit.

- ✓ (ff) Ne quis dicat, non fuisse hanc Recentiorum de libertate sententiā, nunquam tot necessitates istos auctores exclusisse, quod si facturi fuissent, immunes eos ab accusationibus fuisse futuros; respondeo, atqui hæc est genuina eorum mens. Sic v. g. Wolffius excludit manifestissime necessitatem metaphysicā à libertate? § 515. Wir finden, daß die Handlungen/ welche wir frey nennen / nicht schlechterdings nothwendig / in dem dasjenige / was ihnen entgegen gesetzt wird / eben so wohl möglich. Secundo arcet necessitatem physicā. Qui enim omnes penitus corporum in animas actiones & impulsus tanquam à causis externis & efficientibus profectos negant, non possunt mechanismo animam subicere. Mechanismus enim non habet locum nisi in compositis. Tertio etiam separat Wolffius necessitatem moralem, meo sensu dictam, à libertate. Metaph. § 516. ait: Die Beweg-Gründ lassen die Beschaffenheit der Sach / und das Vermögen sie auszuführen (ecce determinationem non ipsius agendi facultatis, sed exercitii in agendo) einmahl wie das andere / und können darinn keine Aenderung machen. Dixi necessitatem moralem esse eam, quā motiva rapiunt,

NON

*non inclinant, ut eorum efficacia tolli non possit, nisi per supernaturalem Dei operationem. Talem necessitatem libertati non imponit Wolffius. Vid. Metaph. §. 514. ubi concedit, posse nova agendi motiva naturali & ordinario modo accedentia hominem alio flectere, ut non agat, quod agendum instituit. Wer durch neue Vorstellungen / inquit, seinen Willen ändert / wird nicht gezwungen. Quocirca dum vocabulo necessitatis moralis utitur in Doctrina de libertate, nihil per id intelligit quam determinationem moralem, paulo ante à nobis definitam, placabilem cum libertate. Talem & Theologi & Philosophi statuunt; dum aliquid, ajunt, futurum est, non potest esse non futurum. § 575. nothwendig unter einer Bedingung ist / was in Ansehung eines andern nothwendig wird / und den Grund der Nothwendigkeit ausser sich hat. q̄s diceret, quod posita certâ hypothesi non potest non fieri.*

## §. 14.

*De viri-  
bus ele-  
mentorum  
agendi.*

Sed nunc de viribus agendi dispiciendum, quæ solæ per experientiam immediate cognosci non possunt. Res est altissimæ indaginis, summam complectar quædam. Quicquid existit, id vel agit, vel patitur, seu actiones recipit, vel exhibet utrumque simul. Non poteris quidquam rerum existentium allegare, quod nec agat, nec actiones recipiat. Substantiæ sunt res simplices. (ll) & existunt revera; ergo illis tribuenda vel agendi vis, vel patiendi facultas. Non dissentiant hæc Atomistæ; suas enim atomos potentia passiva, seu recipiendi impulsus, præditas affirmant. Sed an internus atomorum status plane passivus est? (externus enim in figura & situ & magnitudine ponitur) si plane passivus est, nec virium agendi quidquam completitur, tum prorsus



sus non existit. *bona*, inquis, *verba quæso, noli uno ictu prosternere Malebranchii, de rebus materialibus mere passivis, & Atomistarum opinionem.* Non prosternam, sponte ruet, audi, si placet. Si Atomus ceu minutissimæ materiæ particulæ sunt prorsus *passivæ*, tum plane non existunt: Passivum non est res, sed limitatio rei, non existit positivo actu, sed res existentes majori existendi virtute privat. Per omnia exempla rerum, quæ passivæ sunt, non poteris refragari. Quies in corpore, quid aliud est quam defectus motûs? Suppone in Atomo nihil esse prorsus, nisi quietem, merus aderit defectus i. e. nihil. Dicis, *atqui præsto est materia molecula*; atqui si ea materiæ particula mere passiva est, redit ratiocinium idem; si non est, habebit virium agendi nonnihil, quod volumus. Regeris, *adsunt figura, situs, magnitudines atomorum*; quid est *figura, quam terminus quantitatis*? i. e. privatio; *quid est magnitudo quam multitudo partium*? nihil in rerum natura ponens, nisi quid partes ponant, jam vero partes passivæ i. e. motum absorbentes, eoque privationes, & nihilum statuis. Quoquo te verteris, ostendere haud potes, atomos mere passivas, esse *aliquid*, nec vero privationes. Nam limitationes non existunt sine re limitata, tu vero nullam rem limitatam i. e. nullum motum, sed meram limitationem motus, i. e. quietem adesse contendis. An etiam existunt in Arithmetica meræ subtractiones sine ullo numero? Status atomorum externus, figura, magnitudo, in limitatione ponitur, jam & internum in *passivitate* i. e. limita-

R

tione

tione mera collocas, an ex meris limitationibus aliquid conflatur? Perinde ac si quis ex meris & continuis tenebris lucem, ex tarditatibus multis motum, ex nihilo pluries repetito aliquid elicere vellet. *Quid igitur, ais, est materia, an est prorsus nihil? atomos enim pro nihilo reputas sine viribus, ergo idem judicas de materia.* (hh) Materia est quiddam minus completum, quò repræsentatur id, quod in rebus limitatum & finitum est: nimirum *extensio & molis inertia.* *Extensio est positio rerum aliarum extra alias, eoque, qua talis, indicat plurium rerum distinctionem, & limitationem; si res ipsæ extra se mutuo positiæ non sint aliquid, ipsa multitudo, & diversitas nihil inferret: nihilum millies aliud extra aliud cogitatum nunquam conflabu verè aliquid:* idem sentiendum de inertia, seu reactione, quâ materiam concipimus ut motui resistantem. Vis agendi est aliquid, quod igitur his viribus derogat, id privationis loco habendum. Ergo, si atomos materiales mere tales concipimus, nihil concipimus; atqui si elementa mere passiva sunt, plane non existunt, quod erat demonstrandum: competit propterea elementis omnibus, seu substantiis vere talibus, vis agendi.

(gg) Dominus Profess. Creuling. in Exam. Principior. Philos. Leibnit. p. 5. de simplicibus adnotat: *Id forte Metaphysici adhuc desiderabunt, ut explicetur distinctius, quales intelligantur partes, qua in monadibus Leibnitianis negantur, an omnes omnino, an certitarum generis, qualisve sit illa compositio, cui hæc simplicitas opponitur, & quâ monades carent? An saltem physica, an vero etiam metaphysica, & omnimoda? Nam cum Leibnitius diserte ajat, se vim motricem quatenus primitiva est, & cum materia substantiam vere*

unam constituit, pro eo habere, quod Monadem appellet, monadem compositam fore, non amplius simplicem, Sed in vado res est, ut & eximius auctor eodem loco speravit: Considerat enim Leibnitius Monadem jam in se, jam in conjunctione cum quodam corpore, cui præest. Vis activa in se est simplex, prout vero constituit corpus vi agendi animatum una cum materia, monas est, sed componens, non composita. sicuti & anima corpori copulata humano simplex manet, etiamsi hominem constituat, non enim eò factò sit composita sed componens.

(hh) Vid. Recueil T. II. p. 7. *La matiere même n'est pas une substance, mais seulement substantiatum, un phenomene bien fondé, & qui ne trompe point, quand on y procede en raisonnant suivant les loix ideales de l'Arithmetique & de la Geometrie & de la Dynamique.*

### §. 15.

Cum omnibus substantiis vis agendi competat  
 §. 14. competet etiam animæ; quascunque igitur mutationes in anima ordinatio cursu naturæ animadvertere licet, eæ omnes manant à fonte domestico i. e. arguunt spontaneitatem. Si nullam vim agendi haberet anima, foret nihil, quod est absurdum. Itaque spontaneitatem animæ immediate non exterior, exterior tamen interventu ratiociniorum præsto esse vim percipiendi. Vim ipsam cognosco ex ratiociniis, non ex sensibus, specialem autem virium animæ conditionem, quod nimirum sint *perceptivæ*, non motrices, meâ ipsius conscientia edoceor. Quemadmodum ex altera parte per experientiam novi, vim corporum motricem esse, quia motus video, cum tamen ipsam vim generatim non nisi argumento philosophico detegere poterim. Sic ratio succurrit experientia, sic Bæliano du-

*Applicatio  
ad du-  
bium Bælii,*

bio satisfieri potest, sic & spontaneitas, & omnia cætera, quibus libertas absolvitur, inconcusso nituntur argumento, ut ne tantillum Athei habeant, quod possint oggannire. Intelligitur etiam, quid de Occasionalistarum sententia habendum, omnem rebus creatis efficaciam abjudicantium. Nimirum per agendi vim, sive percipiendi, sive movendi, res existunt, & substantiarum induunt naturam, accidentia autem sunt virium limitationes, plus minus tales: Quodsi igitur nullæ rebus creatis vires competunt, tum plane non existunt, Deusque est omnia solus, *reclusa Spinozismi portâ.*

## §. 16.

*De immortalitate animæ.*

Adeo disciplinæ omnes connectuntur, ut vel sine doctrina de substantiis recte explicata, libertas hominis consistere nequeat. Non indignabimur igitur recentioribus qui hæc talia monent. Superest ut exponamus, quid hodierni Philosophi in demonstranda animæ immortalitate præstiterint? Non exiguum enim ea veritas Theologiæ adjumentum affert. Sequar cogitata cujusdam Viri docti (ii) subjunctis hinc inde meditationibus propriis. Tribus notionibus distinctis, quod antehac non factum, recentiores animæ immortalitatem complectuntur, *ut primo post mortem perseveret ex sua natura in perpetuum.* Opponitur hæc idea iis, qui animam pro subtili flatu habuerunt (kk) in auras post mortem abituro. Secunda notio, *ne perseverantia anima absque conscientia suscipiatur, postea statim idearum non obscurarum, quarum nulla tangitur conscientia, sed omnino distinctarum, quæ reflectendi potestatem post obitum relinquit.* Hæc positione

tione

zione eorum sententia damnatur, qui animas post mortem dormientes & olim & hodie crediderint. (ll) Tertia immortalitatis idea complectitur nexum status præteriti cum futuro, ut homo post mortem sentiat, se eundem esse, qui antehac in vita mortali hoc aut illud boni malive perpetraverit. Oppugnat hæc thesis Aristotelem, qui immortalitatem quidem principii cujusdam externi, intelligentiam homini ingenerantis concessit, sed ita ut post obitum  $\Psi\chi\chi$  intereat,  $\nu\chi$  autem intelligendi donum retractet, nullo hujus nexu cum intermortuo posthac manente. (mm)

(ii) Sequor quoad summa rerum capita Clar. Virum Lud. Phil. Thumigium in dissert. de animæ immortalitate.

(kk) Horum numero venit Lucretius de rerum natura L. III. p. 86. seqq. ubi haud obscure innuit, animam constatam ex minutis ipso fumo, nebula, humore tenuioribus, item L. III. vers. 437. p. 155.

Et Nebula ac fumus, quoniam di cedit in auras,  
Crede animam quoque diffundi multoque perire  
Ocyus & citius dissolvi corpora prima.

Cum semel omnibus è membris oblata recessit.

In eandem sententiam iverunt quoque Epicurei, & aliorum similes.

(ll) Seculo post Christum tertio nota fuit hæresis Arabicorum, qui animas post mortem mori vel & dormire dicebant, resuscitandas olim cum corporibus. Vid. programma Buddæi de *Arabicorum hæresi in Syntagm. dissert. academic.* p. 738. quem errorem revocavit Covvartus supra allegat, it. Bucherus der Auctor des vertrauten Briefwechsel. vid. Pfaff. Hist. Eccles. ubi Arabicos citat. p. 170. sub not. (f)

(mm) Magna exorta fuit controversia quid senserit Aristoteles de immortalitate animæ. Petrus Pomponatius in Libro de *anima immortalitate* negasse Aristotelem hanc veritatem scribit. Cui ad stipulatur La Mo-

the le Vayer de l'immortalité de l'ame, ubi p. 139. ait: le plus celebre de tous ses interpretes & tant autres apres lui comme deux saints Gregoires, Lescot, Cajetan, & Simon Portius ont avoué, que la mortalité de l'ame étoit du tout nécessaire par la doctrine de ce Philosophe pag. 139. Vid. Auctor. observat. Halens. Tom. VIII. observ. 10. §. 16. Bayle in Diction p. 1351. Adde eos, quos Voetius T. I. selectar. Disp. p. 198. citavit. Inter quos fuerunt Augustinus Niphus aliique. Vid. Pfanner Systema Theol. Gentil. p. 401. Contrarium sentium quos Walchius nominavit in Lexico philosophico p. 2316.

## §. 17.

Continua.

260.

Cum singulæ immortalitatis notiones singulis iisdemque gravissimis erroribus opponantur, laude potius quam vituperio digni sunt, qui ideam ejus per partes seorsim enuclearunt. Erant Viri docti, qui immortalitatem animæ omnium optime ex Scriptura erui putabant: (nn) Quoniam verò Empectæ auctoritatem sacrarum litterarum non reverentur, eo major erit argumentorum pro hac veritate efficacia, quo sublimiorem verosimilitudinis, vel & demonstrationis gradum attingunt, (oo) rectæ rationis ductû. Quid? quod Scripturæ oracula non morituram quidem animam, peractâ hâc vitâ significant, (pp) mortalem vero, i. e. ex propria natura perennaturam non indicent. Itaque non est prorsus negligenda in hoc genere Philosophiæ opera.

(nn) Ita v. g. Charron de la sagesse L. I. chap. VII. edit. Paris. 1604. *L'immortalité de l'ame la plus utilement creüe, aucunement assez prouvée, mais proprement & mieux établie par le ressort de la religion, que par tout autre moyen.* Pomponatius de immortalitate animæ cap. ult. p. 126. *Hæc sola via inconcussa & stabilis est cetera vero sunt fluctuantes.* Intelligit viam S. Scripturæ.

Scali.

Scaliger, adversus Cardanum Exercit. 307. cap. 23. p. 990. idem sentit, quum dicit: *Ceterum esse, alterum esse, ab hoc esse, adeo nescimus, ut quotidiana vel suspicionibus, vel persuasionibus res etiamnum sit controversa. sola fide agatur.* Vid. & Oeuvres de Patru dans la vie d' Ablancourt p. 355.

(oo) Utrum argumenta pro immortalitate animæ apodictica sint, an probabilia, disquisitum fuit. Digbæus toto tractatu, Morneau de veritate relig. Christianæ, Grotius de veritate Rel. Christ. conati sunt istud dogma probare ex instituto. Alii autem, inter quos Walchius in Lexic. Philos. p. 2304. fluctuant, non decedentes, quantum certi gradum argumenta illa assequantur?

(pp) Hanc observationem lege apud Bulfinger. Dilucid. p. 382.

### S. 18.

Argumenta pro immortalitate animæ conjuncta pondus habent, disjuncta ab adversariis elonvantur. Copulabimus ea ergo majoris efficaciz causa. *Primo animam ex sua natura immortalem probabimus, tum id evincemus ex consideratione Naturæ DEL.* Post obitum animam non corrumpi, nec ut flatum dissipari in auris, patet ex ejus natura minime composita. Nihil potest sui conscientia tangi, nisi quod est simplex, itaque, cum anima sui conscia sit, simplex eoque interitus expers esse debet. Sic notio immortalitatis prima adstruitur, destructo errore (qq) contrario. Alterum multo difficilius est, an, si post mortem anima perseveret, non dormitura, sed sui conscia futura sit? Hoc distincte nemo evolvit, nisi Recentiorum cohors. Affirmatur quæstio ob sequentia ratiocinia. (rr) Cujus nulla excogitari potest ratio, id futurum non est, atqui, ut post obitum hominis, animæ conscientia

Divisio  
argumen-  
torum.

fui cesset, nulla præsto est ratio. E. Cum enim in systemate Harmoniæ (ss) præstabilitæ anima non obnoxia esse queat corporum actionibus, domesticum agendi omnia fontem nacta, nihil adest, ex quo intelligitur, cur ejus actiones, speciatim vero conscientia sui, extingui debeat. Alterum ab analogia desumptum ratiocinium non urgeo, *quamvis dicant, quod generatim res Natura in vicissitudinibus suis extantioribus perficiantur potius quam destruantur, comprobante id generationis exemplo, quò altius sit erecta anima, non depressa profundius*: non urgeo, inquam, hæc, ne quis senum defectus, ægrotorum deliria ad mortem usque non extirpanda objiciat. Tertium huc spectat. Præsto est ratio, ut anima perseveret, status enim consequens pendet ex statu antecedenti, atqui in statu antecedenti erat distinctarum idearum & conscientiæ fons uberrimus, cur igitur protinus exaresceret? sic anima sui conscientia post obitum existit, ut etiam eandem se agnitura sit, quæ antehac fuerit in vita mortali. Consequentes enim fluunt ex præcedentibus. Phantasiæ regula (tt) poscit, ut quoties idea offertur, quæ quid commune habet cum alia, olim in diversa serie observata, totius præteriti status memoria animum subeat. Cum igitur in anima separata plures oriantur notiones ex antecedentibus consecutæ, quæ non possunt non aliquid cum illis habere commune; sentiet profecto anima se eandem esse quæ fuit ante mortem. Hæc tertia fuit immortalitatis notio, nunc jam probata.

(gg) Plerique enim Veteres animam corpoream crediderunt unà cum Diis. vid. Diog. Laërt. L. I. num. 27. Cicero de natura Deorum L. III. p. m. 615.

(rr)



(rr) Adeatur præter Thumigium Bulffing. Dilucid. pag. 387. §. 361.

(ss) Ita sentit Dn. Buddæus in der bescheidenen Antwort auf Herrn Wolffens Anmerkung. p. 91. ein vernünftiger Philosophus wird das Systema Harmoniz præstabilitæ nicht so bald verwerffen/ sondern siehet diese vorher bestimmte Harmonie, wann solche in einem unanstößigen Sinn genommen wird / daß die Seele ihre Freyheit dabey nicht verlieret/ ebenfalls als eine Sache/ die seyn kan/ an/ und wann er dieses Systema gegen das Systema influxus hält/ so erwählt er dasjenige vor dem andern/ bey dem er die wenigste Schwierigkeiten angetroffen zu haben vermeynet. Eine andere Beschaffenheit hat es mit dem Systemate wie es Herr Wolff vorgetragen. Adde bescheidenen Erweis daß das Buddaische Bedencken &c. p. 193.

(tr) Vid. de regula Phantasiz Wolffium, Metaph. §. 238.

### §. 19.

Non diffiteor tamen huic argumento à Recentioribus adlato obverti posse dubium multo speciosissimum. Quid enim de brutorum animabus sentiendum est? num & illæ immortales sunt. Ratione præditas olim à pluribus habitas (uu) tritissimum est. Si nulla est in homine aut alibi ratio, quare post mortem ejus idæ cessent, nulla etiam erit, ut post interitum brutorum sensationes penitus extinguantur. Ino quemadmodum diximus statum antecedentem parere consequentem, superstitem igitur, post mortem, & sibi consciam, fore animam, quia antehac fuerit: ita idem prorsus de animantibus brutis videtur sentiendum. Cave isthanc animam materialem dicas. Si materia consueque evahi potest ut aliquid sentiat cum conscientia sui, idque fieri in brutis potest: Cur non ulterius

*Dubium  
adversus  
argumentum.*

R 5

posset,

posset promoveri ad considerandas paulo distinctius ideas sensuales, i. e. ad impetrandum intellectum: Tum vero revocabitur Materialismus manifestissime, à tot eruditis nunquam non explosus. Aut igitur anima brutorum differt ab humana, ut gradus à gradu, aut ut substantia ab alia substantia; sin illud dixeris, mortalis haudquaquam erit, quâ bruta reguntur anima. Inferior cognitionis gradus ea ratione perseverare post mortem debet (d) qua durare probatur gradus sublimior. Sin affirmaveris autem hoc, deficiet idoneum argumentum. licet enim brutorum animæ nonnisi afficiantur ejusmodi ideis, quæ per sensus offeruntur; tamen id argumento non est, tantum esse hinc & illinc intervallum, aliter & infantum animæ mirifice different à se ipsis atate provectis, quoniam in prima infantia atate vix ea sentiunt, quæ bruta sentire possunt.

(nu) Plutarchus de solertia animalium pag 961. Κατος Στρατωνος γε δ Φυσικῶς λόγῳ ἐστὶν ἀποδεικνύων ὡς καὶ αἰσθάνεσθαι τὸ πρὸς τὰν αἰσιν τὸ νοεῖν ὑπάρχει. Vid, Virgil Georg. L. IV. vers. 219. Clemens Alexandrinus Strom. L. V. p. 190. Xenocrates inquit Carthaginienſis non abjecit omnem spem, quin etiam in rationis expertibus sit Dei notitia. Plinius Elephantum plurimum tribuit L. VIII. cap. 1. Laur. Valla bruta ratione prædita etiam contendebat. apud Vossium de orig. & progress. idolol. L. III. c. 41. p. 940.

(xx) Plura evolve apud *Pardies de la Connoissance des Bêtes num. 49. p. 100.* Certum est, quod Cartesianorum sententia Bruta pro machinis habentium valde faveat argumentis pro immortalitate animæ hominis adlata. Malebranch. in illustration. L. VI. pag. m. 130. propterea negat Bruta habere animas, i. e. materiæ expertes. Sed cum sententia qua statuit bestias habere ani-

mam,

*nam, aut dolorem ubi percutiuntur sentire, præjudicium sit conformis. quippe nullus est Pater, qui id non credat, merito judicare possumus Augustinum de his adcommodate ad sermonem Vulgi esse loquutum. Sec. argumentum desumitur ab eximia Dei justitia per quam fieri non possit, ut dolorem perpetiatur, quod crimine vacuum est, eoque bruta crimines expertia dolorem non persentiscant animabus destituta. Vid. Nouvelles de la Republique des lettres Mars 1684. p. 26. 27. Addendum eo, quod caussentur, eos qui brutis animas tribuant occasionem præbere Empæctis aut denegandi animabus hominum immortalitatem, aut eam concedendi etiam brutis.*

## §. 20.

*Responsio.*

Animas Brutorum machinas esse non posse (77) concedemus, nihiloque secius ad ea respondendum, quæ in contrariam prolata sunt partem ejus argumenti, quo immortalitatem animæ humanæ stabilivimus. Damnamus sententiam de materiali brutorum anima ob rationem §. 19. citatam. Adoptamus alteram, quâ materiæ experta creditur. Nullo autem inde nexu concludi debet vel quod brutorum anima immortalis sit, vel quod humana mens non sit. Non interire post mortem brutorum animas largior, immortales tamen esse nego. Simplex est brutorum anima, eoque ab interitu immunis, immortalis tamen continuo non est. *Quid ita, inquis.* Quia nimirum immunitas ab interitu nondum integram immortalitatis ideam absolvit, sed incoat modo, ad quam quippe tria concurrere animadvertimus. Hic est fons difficultatum omnium, quod non omnia tria hætenus sint considerata distincte, hinc figmentum Scholasticorum de anima brutorum vere sentiente, materiali tamen, ne scilicet à materia immunis, mortalitatem

res est, nondum impetras animæ brutorum immortalitatem, omittis tertium immortalitatis requisitum à recentioribus distincte evolutum, eoque neglectu in priores difficultatum abyssos relaberis, queis demersi jacebant omnes propemodum Philosophorum, ante hæc tempora, chori. Poscimus tertio ut, qui immortalis evadat, *post obitum advertat se eundem esse, qui fuit antea.* Fac igitur animas brutorum etiam post mortem quædam adhuc sentire, intellecturas tamen probare non potes; atqui immortalitatis est etiam post obitum intelligere. Quid quod dubium sit, *an se brutorum anima post interitum corporis proiisdem sint agitura, quæ fuerunt antehac?* Competit brutis facultas rationi analoga, quæ in expectatione similium (22) casuum ponitur: nam quoties duæ sensationes in iis simul exstiterunt, redit altera, ubi prima fuerit exorta denuo. At intellectus i. e. perspicientia nexus veritatum in bruta non cadit. Habent igitur *memoriam præteritorum à sensibus coortam, non ab intellectu.* i. e. non recordantur præteritorum, nisi afficiantur sensatione, quæ olim, non logice, sed physice sociata fuit cum ea, cujus reminiscuntur: ut si canis conspecto Domini baculo in memoriam verberum redeat. Ex adverso memoria ab ipsis aliena est, quæ ab intellectu proficiscitur. Neque enim possunt exorta præsentis sensatione logicum hujus nexum cum alia percepta detegere, & v. g. ex plagis nunc toleratis argumento legitimo inferre turpitudinem criminum olim commissorum; quia nimirum nexus hic physicus non est, nec plagarum sensio cum perpetratis olim sceleribus conjuncta fuit.

fuit. Cum igitur bruti anima hoc, quod jam regit, corpus post mortem deponat, fieri non potest, ut posthac talibus sensationibus afficiatur, quæ in memoriam revocarent ante gesta, corpore enim destructo prorsus dissimiles oriuntur sensationes. At homo potest in priorum memoriam redire, qui quippe olim potis erit, eorum in hac vita reminisci quæcunque cum experientia post mortem logico nexu cohærent: ex præsentis gaudio v. g. cogitabit virtutem vitæ prioris, per legitimam consequentiam; si vel maxime nec virtus, nec cælestis lætitia unquam in hac vita, sensatione simultanea, perceptæ fuerint. Etiam si enim sensationes hominis post mortem præsentibus sint dissimillimæ, non sunt tamen adeo diversæ, ut non logico saltem nexu cohæreant cum iis, quæ nunc afficimur. Itaque dubium est an anima bruti se agnitura sit post mortem pro ea, quæ nunc existit, ergo & immortalis dici nequit.

(22) Vid. Metaph. p. 479. §. 370. seqq.

§. 22.

Continua-  
tur  
responsio.

Consequentia etiam illa hiatu laborat, quum adversarii dictitabant: *Etiam si brutorum anima non afficiantur nisi sensationibus, non esse tamen id argumento, quod inter hominis brutique animam tantum jaceat intervallum, nam & infantes primum plus non sentire quam bruta, nec tamen ab adultis, nisi gradu cognitionis differre.* Premitt hæc difficultas Patronos doctrinæ de influxu animæ & corporis mutuò, non Philosophiæ recentioris sententiam. Secundum systema influxûs anima indifferens est,  
ad

ad recipiendas à corpore sensationes omnes, nec  
 stamina futurarum idearum in eadem sepulta ja-  
 cent olim sua sponte evolvenda; fieri igitur potest,  
 ut brutorum anima ideo majorem cognitionis  
 gradum non assequatur, quia corpus habet non  
 satis accommodatum; cum contra infans valde  
 idoneum corpus gestet sublimioribus posthac ideis  
 imprimendis: At vero in systemate Recentiorum  
 determinatæ jam sunt in proprio animæ fundo fu-  
 turarum sensationum evolutiones. Itaque anima  
 etiam infantis longissime distat ab anima bruti;  
 namque illa rationem sufficientem omnium olim  
 formandarum notionum jam tum in tenella æta-  
 te complectitur; anima bruti nil tale comple-  
 ctitur. Illa plura & sublimiora in se invol-  
 vit, ad instar cepæ Tuliparum, hæc autem vi-  
 liora & indigniora comprehendit more cepæ  
 communis, sit venia similitudini ultra tertium  
 non extendendæ. Determinatio autem anteceda-  
 nea non obest libertati, quoniam nihil impedit, te-  
 ste experientia, quò minus unus subinde liber ad-  
 petitus pariat alterum, alter tertium & sic porro,  
 ut exemplo jam templum frequentantis, jam biblia  
 evolventis, jam meditantis &c. constat; Quæ actio  
 temporis elapsò quodam spatiò iterum tanquam  
 semen in Terra occultum novos fructus protrudit,  
 ita ut semper actio alia aliam sed liberrimò motu  
 dirigat, determinet. Hoc igitur dubium palpabi-  
 le discrimen præstat inter usum, quem doctrina in-  
 fluxus, & Harmoniæ præstabiliriæ in probanda ani-  
 mæ immortalitate præbet. Illinc anima est indis-  
 ferens, determinanda à corpore, non igitur explo-  
 ratum est, an, si anima bruti corpore humano vesti-

*De influ-  
 xu anima  
 & corpo-  
 ris.*

ta foret, aliter afficiente, quam suum afficit, annon, inquam, ad instar infantis majorem cognitionis gradum attingere posset. Hinc autem in dogmate Harm. præstab. id fieri nullo modo potest, quoniam hominis anima inde ab initio semina futurarum idearum habet in se recondita, qualia bruti anima non habet.

## §. 23.

*Alterum  
argumen-  
tum pro  
anima im-  
mortalita-  
te,*

Recentiorum igitur prima pro animæ immortalitate ratio inconcussa stat, non minuenda contra-rio brutorum exemplò. Altera ratio ad justitiam Dei (aa) provocat. Præstructâ animi humani post mortem in vivendo vel in existendo generatim perseverantia ex rationibus naturalibus, rectissime in subsidium vocantur rationes morales ad probandum, *quomodo* perseveratura sit mens hominis post mortem. *quò statû, qua conditione?* utar verbis viri cujusdam docti. *Anima post mortem non solum durat in eo statu, qui naturaliter ex præsentî sequitur, sed & qui ex eo sequitur moraliter. Moralia actionum consequentia sunt præmia & pœna: Præmia & pœna morales supponunt conscientiam sui & memoriam præteritorum. (bb) Igitur cum perseveret anima (ob indestructibilitatem) in æternum, perseverabit ita, ut consequens status semper respondeat antecedenti, non naturaliter solum sed & moraliter: supposito igitur semel statu moralitatis capaci quem in hac vita experimur, numquam ille amplius cessabit. Creatura enim moralitatis capax numquam est sine lege: Nunquam igitur sine meritis vel demeritis, nunquam igitur sine novo argu-mento*

mento per divinam bonitatem aut justitiam perseverandi ob premia aut pœnas promeritas, in statu conscientia sui & memoria praeiorum.

(aaa) Hôc argumento utitur Leibniti in Epist. de principiis Pufendorffianis p. 10. Plutarchus in Tractat. de sacra Numinis vindicta, utuntur eo & alii innumeri.

(bbb) Verba sunt Balfingeri Dilucidat. p. 390. confer inprimis Leibnit. Theod. § 89.

### §. 24.

Obstant huic argumento quædam dubia tollenda è medio. Si, inquiunt, *justitia DEI* Solvuntur dubia. *con-*  
*fulenda, cur non ex eadem resurrectionem corporis*  
*probamus, qua omnium consensu ad solam revelatio-*  
*nem pertinet, nam & corpori reddendum est secun-*  
*dum opera.* Annotarunt recentiores, se nolle, ut ipsa animæ perennitas ex justitia DEI probetur, sed status & conditio perennandi. (ccc) Adde, si placet, hoc. In omni pœna exsequenda, præmioque distribuendo maxime respicitur mens & animus, non vero corporis motus. Si quem à tergo stantem imprudens securi percusseris, occidisti hominem motû corporis, pœnas tamen non fers. Itaque corpus per se imputationis non capax, nisi quatenus per corporis membra ipsam animam affligere constitutum est. Atqui destruetur corpore, nil attinet propter pœnam id vel resuscitare vel conservare, ob allegatas causas. Regerunt, *posse animam interire post mortem, & eundem restituï, quum renovabitur corpus, salvâ manente justitiâ DEI.* Non potest id fieri, anima quippe est interitui non obnoxia, quod ex prioribus intelligitur. Instant, *ex justitia non se-*  

S

qui.



qui anima post mortem perseverantiam aeternam, sufficere ad præmia & pœnas immittendas longum tempus. Creatura res, quæ pœnarum præmiorumque in hac vita capax fuit, erit & in altera, status enim ex statu sequitur. Erit intellectu prædita & voluntate *semper*, alias res simplex periret: ergo & *semper* capax legis, eoque meriti & demeriti, præmii & pœnæ, idque *semper*. Nunquam convenit creaturæ rationali ut vivat exlex (ddd). Non omnium crimina heic impunita manent, nec omnium bene facta semper vacant præmio, ergo non obstante justitia anima post mortem deleri potest, saltem anima nonnullorum. Plenissima & accuratissima compensatio existit nunquam. Nemo hominum existit unquam, cujus non vel cogitationes pravæ quædam impunitæ manissent, vel consilia & destinationes bonæ præmio caruissent. Adde, quod anima post mortem voluntate & intellectu prædita duret, eoque legis capax, & inde novorum meritorum aut demeritorum mater evadat.

(ccc) Vid. Bultinger. Dilucid. p. 390.

(ddd) Vid. Pufendorff. de O. H. & C. Cap. 2. §. 1.

### §. 25.

**Conclusio.** Ita tandem intelligimus quid cæterorum laudatissimis circa hanc doctrinam meditatissimos addiderint. Tria nimirum in immortalitate probe distinguendo, effecerunt, ut evaderemus ternos circum scopulos. Cum animam tum demum immortalitatis titulo honorandam dicerent, quum non solum post mortem perseveraret, sed & in statu distinctarum permaneret  
idca-

idearum, atmârunt nos contra Scholasticorum errorem, qui immortalitatem in sola post mortem perennitate collocantes, animam brutorum, ne ipsorum sensu immortalis evaderet, materialem & post mortem interituram docebant. Quamquam sic derogabant animæ naturæ spirituali ex altera parte. Nam si brutorum mens materialis sentire potest, imaginari, &c. facilis videtur ad cætera adscensus, quo ipso Materialismus statuminatur. Eadem operâ distinctis scil. tribus in immortalitate momentis obstiterunt Recentiores, ne opus sit bruta machinas fingere meras; ea enim res vim agendi à brutis tollit, & à Spinozismo haud procul abest, ut supra paucis indicatum fuit. Tandem nulla nobis necessitas imponitur, quod nonnulli tertio loco fecerunt, animas brutorum ratione & immortalitate ornatas dicendi, namque inter sensum & immunitatem ab interitu, ex una parte, nec non inter vim intelligendi & immortalitatem ex altera, magnum *χάσμα* interjectum est.

## CAPVT. V.

### *Opportunitatem Philosophiæ recentioris in articulo de peccato originali sistens.*

#### §. I.

**P**Eccati, quod omnibus hominibus cōnnatura est, originem & naturam Philosophi (a) *Accessum ad materiam de mali naturam* juxta cum ignarissimis ignorant. Cum autem veritas

ritas veritati semper consentiat, nihil impedit, quo minus in Philosophia nunc generales notiones exhibeantur, quæ ad fidei capita adplicari nequeant, nunc vero etiam aliæ præstuantur, quæ exponendis sacrorum articulis peraccommodatæ sint. Illa methodus corruptam, hæc autem genuinam arguit Philosophiam. Mali naturam cum acutissimis ex omnium temporum Philosophis Recentiores privatione sola (b) contineri dicunt. Est illa notio ejusmodi ut complures errores caveat, (c) intricatissimisque quæstionibus evolvendis inserviat; non videtur itaque hoc locò prætermittenda.

(a) Adeo quidem ut ne mali quidem generationem considerati originem cognoverint. Cicero de nat. Deor. L. III. p. 709. *At subvenire certo potuit Deus & conservare urbes tantas & tales - - Materia universa reatricem & moderatricem dicitis esse providentiam divinam, itaque aut nescit quid possit, aut negligit res humanas, aut quid sit optimum non potest judicare.* Si perspectum habuisset Tullius, generis humani depravationem originariam pariter, ac ultro contractam, auctamque plagas insignes & strages commisitam, non erupisset in hæc verba. Hinc nonnulli originem mali ad Deum retulerunt, i. e. ad Jovem, quod Plutarchus Stoicis exprobrat *adversus Stoicos* p. 1075. in *morales* de Plutarque d'Amiot. pag. 707. alii ad casum, ut Epicurus apud Lactant. de ira Dei c. 13. p. 548. *aut Deus non vult, aut non potest, tolerare mala, aut vult & potest.* Si primum, est invidus, si secundum, est imbecillus, si tertium, cur mala fiunt? Loquor autem de Philosophis gentium, namque, quin Christiani originem mali & generationem, & speciatim inter homines existentis ortum inquisiverint, & detexerint, dubium nullum est. *illum ortum ex ratione, hunc ex revelatione.* Cætera mirum non est  
gentes

gentes peccatum originale ignorasse, cum quoque nesciverint, quod nosse potuissent, i. e. ortum mali in genere. Senserunt mala infinita, criminum horrendam multitudinem, ortum vero eorum non animadvertērunt. Vid. Tob. Pfanner. System. Theol. gentil. purior. c. 9. §. 7. pag. 259. ubi gentium de peccatis querelas recenset. Vid. libr. symbolic. p. 639. Præterea quid & quantum sit hoc ingens hereditarium malum id nulla humana ratio indagare aut agnoscere potest - id quod in Apologia his capitibus comprehenditur: Vid. quid Augustin. L. IV. contra Julian. c. 12. T. X. oper. p. 404. de Cicerone sentiat?

(b) Ita Leibnizius Theod. §. 20. Formale, inquit, peccati ponitur in privatione, in eo, quod causa efficiens non agit, i. e. quod agendum prætermittit. Sententia est Philosophorum communis. vid. Slevogt in dissert. Acad. Dissert. 31. p. 785. Scherzer System. Th. Loc. VII. §. 6. p. 145. Non male Dionysius Arcopagita Libr. de divin. nominibus: *Malum*, inquit, *carere tum essentia, tum fine, tum efficiente*. Augustinus L. XII. de civ. DEI c. 7. monet, *mali causam non tam efficientem quam deficientem querendam esse*, quod Thomas L. III. contra gentes cap. 10. ita effert: *Causa per se defectiva non est aliquid positivum, sed alius defectus, qualis enim causa per se, talis & effectus*.

(c) Si malum non est rei defectus sed res, non privatio sed aliquid, quod in rerum natura ponitur: aut erit à DEO aut non. Si prius, DEUS erit causa mali (peccati) si posterius, exsistet res à DEO non pendens. Vid. Bülfing. de orig. mali. §. 244. p. 189. Patet ex definitione mali, non posse existere principium mali supremum, i. e. Deum quendam perversum &c. qualem finxerunt Manichæi. Quid enim quæso esset defectus summus? nihil in rerum natura poneas. Quod enim est aliquid, id malum non dicendum. An dari potest infinita privatio? i. e. infinitum nihil? quod sit, utpote principium, & non sit, utpote malum & defectus? Absurde! Intervit definitio extricande quæstioni, de origine mali.

## §. 2.

Difficul-  
tas.

Difficultas tamen non exigua huic definitioni obesse videtur. Peccatum originale describitur à sacris auctoribus ut efficacissimum, ut pugnans, supplantans, captivans, Rom. 7. alibi, quæ actiones ex solo privationum defectuumque fonte promanare non videntur. Quo accedit librorum symbolicorum (d) sententia, quâ diserte non in sola privatione hoc peccatum collocatur. Concupiscendi enim, ea quæ lege improbantur, vehementes nifus, totum, quantus quantus est, hominem occupantes non continentur ex Confessorum mente nuda primitivæ justitiæ absentia, sed habitu maligno, quo in omnia crimina feruntur miseri mortales. Quod nemo negaverit nisi qui cum Pontificiis peccati originalis alteram, ut ita loquar, partem sc. concupiscendi vim, culpa vacuum, aut omne hoc peccatum cum hæreticis (e) figmentum esse calumnietur.

(d) Libr. Symbol. de peccato orig. hæc verba sunt: *Peccatum originis habet privationem originalis justitiæ, & cum hoc inordinatam dispositionem partium animæ, unde non est privatio, sed quidam habitus corruptus* - - *Hæc consentiunt cum Scripturis, nam Paulus interdum expresse nominat defectum ut 1. Cor. 2. Animalis homo non percipit &c. alibi concupiscentiam nominat efficacem in membris &c. pag. 55.*

(e) Famositissima est hæresis Pelagianorum qui peccatum negarunt originis. Vid. confessio Mopsvestini in Symbol. Pelag. apud Garnerium in *dissertat. de Libellus fidei scriptis ab auctoribus & principibus defensoribus hæreseos Pelagiana Dissertat. V. extat T. XII. operum Augustini* p. 189. Mopsvestinus enim inter prodomos Pelagi numeratur. Vid. Garnerius l.c. Diss. I. cap. II. p. 62. Vossii & Norisii Historiæ Pelag. novissimæ sunt.

## §. 3.

Ut itaque Philosophiæ circa hanc definitionem cum Theologia non consensum modo, sed & usum exponamus, mentio discriminis, quo privationes discernuntur, injicienda est. Quod primo in genere rerum defectus rei est, id in genere morum (f) non nudam absentiam, sed veram *entis moralis* (g) præsentiam arguere potest. Hoc sensu non est adscribendum privationibus peccatum originale. *In genere morum esse aliquid, significat scilicet exhibere rei, actionis, persona cum legibus.* Nullum dubium est, quin habitus à corrupta natura nobis inditi leges DEI respiciant, ingenti reatu contracto. (h) At alia ratio est considerandi peccatum in genere rerum, in quo si peccatum est, *non res, sed rei defectus est.* In viribus prava concupiscendi, quas libri symb. peccato originis complectuntur, tanquam habitum, non tanquam nudam justitiæ primæ absentiam consideratas, possumus adtendi duo, *vel vires ipsæ, vel earum* in denegata per legem, *directio.* Ipsæ vires sunt res, directio autem ejus rei, est limitatio. Viræ concupiscendi continentur Animæ substantiâ, quæ condita fuit à Deo, sed perpetua virium concupiscendi in malum directio culpam habet, cur autem habet? non quia vis concupiscendi est, indita quippe à Deo, sed quia vis concupiscendi est aliò tecta, quam quo deberet, alio detorta, quam quæ oporteret esse intentam. Atqui hoc ipsum limus, & absentia melioris directionis est, non res, non vis ipsa. Habes hic explicationem distinctioni inter peccati *formam & materiam.*

*Gradus  
privat.  
quomodo  
concupi-  
scentia  
male?*

Haftenus dixi communia omnium forsan calculo adprobanda.

(f) Vid. Bulffinger Dilucid. p. 360. seqq. in nota sub junct.

(g) Entia moralia à Pufend, Op. Maj. de J. N. & G. ita definiuntur: *Sunt Modi quidam rebus aut moribus physis superadditi ab entibus intelligentibus, ad dirigendam potissimum & temperandam libertatem actuum hominis voluntariorum, & ordinem aliquem ac decorem vitæ humana conciliandum* L. I. cap. 1. *de varietate entium moral.* p. 3. Nervosius puto h. m. definienda. Rurum ad *leges respectus & vicissim, sunt entia moralia.* Quicquid hac prolixa definitione inculcatus cogitur hîc in arctum.

(b) Errant enim Pontificii concupiscentiam à peccato eximientes refutati ab innumeris nostratibus. v. g. Joh Gerhard. de peccat. act. cap. 10. p. 166. nec errare non possunt ex hujus Philosophiæ thesibus. *Appetitus enim sensitivus oritur ex minus distincta rerum corporearum representatione,* vid. Metaph. Wolff §. 13. ex innumeris notionibus minoribus composita; et igitur nihil aliud, quàm ipsa voluntas, quatenus immitata minus bonum anteponit majori, atque id nunquam crimine vacat. Vid. Ruddeum in Theol. dogmat. p. 494. sub nota \* idem sentientem. Verum est sæpe vitio carere hunc appetitum, ubi meliora non postponuntur. Sic cibi & potus desiderium crimine vacat, at quoties his ita indulgetur, ut negligatur, quod unice necessarium est? Non potest igitur concupiscentia omnino liberari à culpa, si ve maxime verbum DEI taceret. *At enim non semper accedit consensus voluntatis:* inquiunt Pontificii. Quod majori bono derogat mentis desiderium, in viis ponitur, siye consentiat voluntas, siye dissentiat, aliter ex mala consuetudine perpetrata sine deliberatione, excusanda forent.

## §. 4.

Sed an ipsorum defectuum alter non est in *Dubium*,  
 absentia boni, alter autem in pugna mali præ-  
 sentis collocatus? Annon ipsa concupiscendi res  
 pravas vis plus arguit, quam merus justitiæ pri-  
 mitivæ defectus? Ita est sane! *Cur ergo dicis pec-*  
*catum omne contineri in rerum defectu?* Quia id  
 cum ratione conjunctum est. Generatim ita habe:  
 ex Recentiorum Philosophia imperfectiones tum  
 privative tum contrarie dictas referri ad classes  
 defectuum in rebus, non rerum ipsarum. Con-  
 stat, utor verbis Viri docti, unum contrarium  
 æquipollere duobus defectibus. Nimirum ubi contra-  
 rium perfectionis adest, ibi primo abest perfectio,  
 habes defectum primum. Deinde ubi contrarium  
 est: ibi reducendo contrario ad medium negationis  
 (1) impendenda est una perfectio, habes igitur  
 secundum. Dicam ego clarius; imperfectio con-  
 trarie dicta est duplicata privatio, privative acce-  
 pta, est una. Detegimus in peccato originali  
 primo simplicem justitiæ primitivæ absentiam,  
 tum perspicere licet concupiscendi mala vim, quæ  
 duobus defectibus æquipollet: ubi est vis mala de-  
 siderandi, ibi primo locum habet absentia desi-  
 derii in bonum tendentis, secundo etiam præsto  
 est desiderium mali. Itaque primo caremus amore  
 Dei, uti bruta animantia cæteræque res inanimæ,  
 hic est defectus unus, secundo accedit odium, seu  
 directio vitium in contrariam partem, hic est de-  
 fectus secundus priorem supponens. Ponamus  
 vires concupiscendi id, quod probatur DEO, esse  
 neutras, uti sunt in brutis animantibus; emer-



get prima absentia, quæ DEI amorem submovet. Fac porro, vires istas non solum neutras, sed & contrariæ parti addictas, iterum duplicato errore longius à primo scopo, qui ad amorem DEI pertinet, aberrasti. Quid igitur est concupiscentia prava, quam duorum defectuum concursus? Absit ut quisquam in vi quadam *positiva* eam ponat, similis ratio est oppositorum *contrarie* omnium, quæ ab oppositis *privative* adpellatis non aliter differunt, nisi tanquam numerus binarius à monade.

(i) Verba sunt Bullfingeri in L. de orig. Mali. p. 69. §. 117.

§. 5.

*Gradus  
privationum.*

Perpicuitatis majoris ratio poscit ut privationum gradus designem, alium alio profundiorrem deterioremq; , ut quid de concupiscentia peccati originalis habendum sit, distinctissime pervideatur. Privationum gradus numero quinque. *Prima* defectuum classis significat absentiam perfectionis à re minus capaci. Sic solida litterarum cognitio abest à brutis, quæ tamen earum capacia non sunt. *Secunda* classis complectitur perfectionum defectus in re capaci quidem, quæ tamen iis ornari non debebat. Sic eruditionis præstantioris concinnitas à mercatore, opifice &c. abest, quâ tamen ut excellat, nullo adstringitur debito. *Tertia* classis exhibet perfectionum à rebus absentiam, quibus excellere & poterant & debebant, hoc tamen eventu, ut absentia isthæc cæteris, quæ in re jam præsto sunt, perfectionibus nihil derogat. Ignorantia sæpe vitiat hominem, qui

quī litteris præclare instructus & esse posset & deberet, eo eventu ut cæteris opportunitatibus nihil decedat, i. e. ut lautissimis tamen admoveatur muneribus. Has classes imperfectiones *privative* dictas includere arbitror. Sequitur nunc *quarta* in imperfectionum *contrarie* dictarum ordine primum locum occupans. Fieri enim solet, ut perfectiones à re absint, quibus ornari potuissent & debuissent, quarumque absentia plurimum detrahit ornamentis cæteris quæ rem digniorem præstitissent. Turpis ignorantia animi dotium defectus, in eo homine, qui litterarum studia proficetur, sæpe detrahit lautioris fortunæ spei; qua frui alias licuisset. Ecce duorum defectuum, vel & plurium infelices concursus! Quod si quintò his omnibus accedat tantorum defectuum sensus, i. e. dolor, ægritudo animi, corporisque vel diuturna, vel brevis, vel gravis vel tolerabilior &c. *quinta-classis* defectuum constituitur, quæ omnium est sanctissima.

## §. 6.

Peccatum originale duabus partibus absolvi-  
tur (k) absentia imaginis primæ, tum pravis,  
queis stimulamur, adpetitibus. Absentiam ima-  
ginis primæ consideratam in se, si cogitando  
tristes concupiscendi mala effectus separaveris,  
refero ad classē tertiam. Vim autem adpetendi  
prava adscribo quartæ, pœnasque huic dictas,  
imminentesque quinta classē collocandas puto.  
Aut si mavis, perpende peccatum originis summa-  
tim, erit tum pro defectu habendum in quarta &  
quinta classē. Est enim inopia imaginis primæ,  
qua fulgere homo poterat & debebat, sed plurimum  
etiam

Applicatio.

etiam derogat cæteris animæ facultatibus; præstat enim ea absentia non solum, ut nude deficiat summum animi decus, sed ut naturales quoque mentis facultates, quæ in intelligendo & adpetendo versantur, prorsus corrumpantur, i. e. ut intellectus non solum ignorantia labore, sed erroribus etiam pervicacissime inhæreat, ut voluntas non solum circa Dei amorem aut odium neutra sit, sed ut gravissime Deo obluetur. Itaque concupiscendi vis quatenus mala est, nihil in rerum natura ponit, sed duorum pluriumve defectuum concursus præstat. Si quis vestibus à latrone, hybernò tempore, in eremo spoliatus, frigore pereat nudus, duplex privatio concurrit, quarum altera alteram parit: *vestium defectus & vita extinctio*. Similis ratio est virium prava concupiscendi, sublatâ Dei imagine introductarum. *sapere quæ cariblandiuntur Rom.* S. v. 8. *ipsâ morte deterius est*: iniqua autem hæc sapientia, cum retractato imaginis primævæ ornameto exorta sit, morti similis est, quam vestimenti spoliū intulit. Aut ita explicari debet, quod de concupiscentia Theologi docent, aut plane nihil sani pro eo interpretando potest asserti.

(k) Vid. Johannes Gerhard. loc. Theol. de peccato origin. p. 137. Cap. 5. num. 70. *Peccatum originale est privatio iustitiæ originalis. num. 72. nec vero per lapsum natura humana solummodo spoliata est, sed & misere corrupta, quæ corruptio successit in locum imaginis divinæ &c.*

## §. 7.

**DAMNATUR  
TUT ERRO-  
NEA SEN-  
TENTIA.**

Qui mali naturam in perfectionis absentia quæsiimus, longe absumus à Theologi cujusdam Rostochiensis sententia, qui duos omnium fontes, unâ

unâ æternos, *DEUM* rerum bonarum, *Nihil* rerum malarum esse contendit. (1) Intelligit enim hic autor nihilum negativum, quod non est limitatio rerum, uti nihilum privativum, sed rerum potius negatio omnimoda. Quomodo hæc æterna esse potest? *Non entis sunt nulla proprietates.* Non possum, quin has metaphysicas notiones interspergam. Erraret igitur qui nobis hanc sententiam tribueret, à qua sumus longe alienissimi.

(1) Sententia fuit Eilhardi Lubini Theologi Rostochien-  
sis, de prima causa & natura mali. Docbat quippe peculiari Scripto, hypermetaphysica dicto: *Nihil negativum ante creationem, esse principium malum bono synchronon; peccatum vero dici tendentiam ad illud nihilum; idque necessarium fuisse, ut natura boni posset cognosci.* Et quæ Philosophus de materia prima habet, nihilo isti negativo adcommodat. Vid. Carol. Memorab. Seculi XVII. p. 110. Gravverus in Centur. I. illustrium disput. 9. quæst. 3. p. 235. usque 246 auctorem refutat his verbis: *Inveniuntur qui docere non verentur, malum esse à NIHILO negative sic dictæ, & duo fuisse ante omnia, tanquam initia contraria, nempe ens & nihil, hinc nonnemo scribit (Lubinus) si quis ex me quærat: quis malum fecit? vere respondebo, Malum NIHIL fecit. Si quis quærat, quid malum sit? recte respondebo, malum NIHIL est &c.* respondit Gravvero Lubinus in Apologetico quo Alberti Gravvericalumniis occurritur anno 1600. quo factò se Gravverus defendit editò Magdeburgi 1606. *Anti-Lubinò sive Elenchò paradoxorum Lubini & emblematum Calvinisticorum &c.* Cumque eo nonnisi responsio contineretur ad Phosphorum Lubini, addit etiam ad tuendam suam personam adpendicis loco respons. ad elumbem Lubini Apologeticum. Contra emisit Lubinus *Tractationem Theologicam de causa peccati, ad Theologos Augustana confessionis.* Vid. Baillet. au 1. Tom. des Ant. p. 397.

## §. 8.

*Peccatum  
originis  
est priva-  
tio.*

*Originis peccatum substantiam non esse contra* Illyrium Flacium unanimi Theologorum consensu decretum est. (m) Peccatum igitur hoc pro acciden-  
ti habendum. Quid autem est accidens, nisi limita-  
tio substantiæ finitæ, infinita enim accidentibus (n)  
caret, non igitur malum est res, sed rei privatio, ni-  
si forte fuerit, ut Flacii sententiam revocare, &  
summa imis miscere velis. Si ipsam vim concupi-  
scendi malam dixeris, non ejus directionem in sini-  
stram partem, quæro, *quid per vim intelligas?* Num  
actionum fontem, quo sensu recentiores vocem ac-  
cipiunt, à natura boni inis distinctum? tum aut erit  
accidens aut substantia, si substantiam dixeris, inci-  
disti in Flacii errorem reprobatum, si accidens ad-  
pellaveris fontem illum, *fonti fons inhærebit*,  
quod est absurdum. Nam anima est fons actionum  
sive bonarum sive malarum; constituto igitur ope-  
rationum malarum peculiari fonte, discerpetur ani-  
ma in principia duo. Fons, principium est pri-  
mum, quod alteri non inhæret; aliter esset rivus,  
ut ita loquar. Sin autem concupiscendi vim quate-  
nus mala est, in derivatione ad objecta prava collo-  
ces, facis nobiscum, suscepto ad nostra castra transi-  
tu, qui quippe in virium sinistra directione i. e. li-  
mitatione malum omne quærimus.

(m) Vid. Budd. Theol. dogm. p. 785. *Illyrius Flacius cum*  
*Viſtor, Serigelio* de viribus liberi arbitrii disputans co-  
ram Duce Sax. Vinariensi, vid. Micræl. Syntagm. Hi-  
stor. Eccles. p. 827. eo devenit, ut *peccatum diceret*  
*substantiam*. Lege Spondan. ad ann. 1560. num. 32.  
Acta disputationis multis sessionibus continuatæ pro-  
dierunt cum præfat. Musæi Vid. Micræl. cit. loc. p. 827.  
218.

(n)

(n) Deum accidensibus vestitum, inepta Cunn. Vorst. i. sententia est. in disput. decem de natura & attributis Dei diverso tempore Steinfurt. publice hab. nec alienus plane videtur Episcopus ob decretorum in DEO contingentiam. Nostri instituti non est hæc persequi.

§. 9.

Liberum Lectori relinquo judicium, num in explicanda peccati originalis propagatione Leibnizii sententia opportunitatem habeat (o) *de animalium præformatione*, ab Adamo usque ad hominis generationem per gradus lineæ descendentis ordine delatorum? Ita enim intelligitur, quomodo in Protoplasto potuerit corrumpi, quod jam secundum prima stamina existit: Ita traducem non statuendo suspicionem dividuæ animæ, perinde ac si quid decerperetur, evitamus: Ita creationem animæ reprobando, in Deum culpam peccati cum anima admissi non transferimus: Ita omnium optime explicatur, quomodo nondum nati in parentum lumbis esse, & ab uno morali Capite repræsentari queant, Hebr. 7. v. 10. Sicut v. g. mater in utero jam *formatum infantem* in foro, utpote jam certò futurum, repræsentare potest: Cum contra eorum Syndici non constituentur, quorum nativitas incerta, & *exsistentia* nondum prorsus ulla putatur. Si vero anima per traducem propagatur, eo demum tempore, ubi homo gignitur, cur in lumbis parentum esse dicitur? *At enim tam difficilis res scrutanda non est, cur in tenebris quarimus lucem?* bona verba quæso! Non scrutamur justo curiosius, sed conciliamus Scripturas, ne opiniones foveantur cum S. Codice implacabiles. Quid hoc criminis est? Cur  
me

me lucifugam malles, quam tenebrarum osorem?  
*Scilicet quod Tumes non adprobas, nec excogitabas* id  
 loco tenebrarum habendum est. Quæ contra sen-  
 tentiam de animalium præformatione propo-  
 dubia, isthæc è medio dudum sustulit Vir erudi-  
 tus. (p)

(o) Sententiam de præformatione dilucide proponit Leib-  
 nitius Theod §. 90. 91. Existisse suo modo animam  
 ante nativatem suspicatz sunt gentes ita, ut suspicio-  
 nem extenderent nimis, & cum Pythagora transmi-  
 grationem, nec non admissa ante peccata crederent.  
 Invehitur in Cicronem *Lactantius divin. Institut. L. III.*  
*c. 18 p. 197. Quid, inquit, Ciceroni faciemus?*  
*qui cum in principio consolationis suæ dixisset luendorum*  
*scelerum causa nasci homines, iteravit id ipsum postea,*  
*quasi objurgans eum, qui vitam pœnam non esse putet.*

(p) Vid. Bülfing. Dilucid. p. 108. Adde Georg. Meyer. in  
 Pnevmat. p. 538. 539. Aut semen animatum est,  
 aut non est. Illud arguit præformationem, hoc aut  
 creationem animæ, semini postea conceptio indendæ,  
 aut decerptionem ex anima parentis, Cave alleges  
 luminis de lumine factam accensionem. Luminis  
 enim partes dividi nemo temere dubitat. Exstat in-  
 teger Tractatus Gochonii Prof. Marburg. *de ortu animæ*  
 ubi variorum super hac doctrina dissertationes collegit,  
 Vultej, Fr. Junii Joh. Jac. Coleri, Caspar. Peuceri &c.  
 Sanior hæc est docendi methodus quam Poireriana qui  
 animam à DEO emanasse contendit, Occ. divin. L. 1.  
 c. 10. §. 2. p. 134. Differt hæc de animalis præ-  
 formatione sententia à Platoniorum opinione præ-  
 existentiam animarum tuente, de qua vid. Henric.  
 Mor. in operibus Philos. T. II. p. 365. Hæc pauca adde  
 iis, quæ Walchius in Lexic. Philos. p. 2333. de ortu  
 animæ historice tradidit. Augustini tractat. sub ann.  
 419. 420. emissus de anima ejusque origine nemini  
 est ignotus. evolv. Buikard. Gotthelff. Struv. in bi-  
 blioth. Philosoph. c. 5. p. 79. §. 10. seqq.

§. 10.

Num gentium à nostris sacris alienarum actiones, virtutesque splendida fuerint peccata? semper in Ecclesia disceptatum est; affirmantibus quæstionem his, negantibus illis. (9) Arbitror autem, (quanquam meum non sit arbitrari, sed modeste indicare sententiam) Puto igitur, si mali à nobis exhibita notio distincte animo obversetur, non difficile futurum iudicium. (r)\* Peccatum positum est in absentia perfectionis, perfectio arguit in varietate consensum, dissensum igitur parit legis violatio. Nunc dispiciendum est, cum quam norma actio culpam declinatura consentire debeat? In promptu est responsio, normam illius perfectionis seu consensus nullam esse nisi legem. Legem eandem dico vel naturalem, vel divinam, prout vel ipso naturæ rerum ordine vel DEI adprobatione continetur. (s) Veneror potro legem revelatam, suspicio denique vim & efficaciam Spiritus S. in cordibus operantis fidelium, quæ sensu Metaph. adpellatur lex, Rom. 8. v. 2. His præmissis dico, quid mihi videatur.

De actio-  
nibus  
gentium.

(9) Libri symbolici quæstionem affirm. p. 700. *Esti opera qua ad conservandam externam disciplinam faciunt, qualia etiam ab infidelibus sunt, & requiruntur, suam coram mundo dignitatem & laudem habent, & temporalibus quibusdam premiis in hoc mundo à Deo ornantur: attamen eum non ex verâ fide proficiuntur, reverè coram DEO sunt peccata, h. e. peccatis contaminata, & à DEO pro peccatis & immunditia reputantur, propter naturæ humanæ corruptionem & quia persona cum DEO non est reconciliata. Quæ Patrum de doctrina & viâ Ethicorum sententia fuerit?*

T

opere



ritas veritati semper consentiat, nihil impedit, quo minus in Philosophia nunc generales notiones exhibeantur, quæ ad fidei capita adplicari nequeant, nunc vero etiam aliæ præstruantur, quæ exponendis sacrorum articulis peraccommodatæ sint. Illa methodus corruptam, hæc autem genuinam arguit Philosophiam. Mali naturam cum acutissimis ex omnium temporum Philosophis Recentiores privatione sola (b) contineri dicunt. Est illa notio ejusmodi ut complures errores caveat, (c) intricatissimisque quæstionibus evolvendis inserviat; non videtur itaque hoc locò prætermittenda.

(a) Adeo quidem ut ne mali quidem generatim considerati originem cognoverint. Cicero de nat. Deor. L. III. p. 709. *Ac subvenire certe potuit Deus & conservare urbes tantas & tales - Materiam universa reatricem & moderatricem dicitis esse providentiam divinam, itaque aut nescit quid possit, aut negligit res humanas, aut quid sit optimum non potest judicare.* Si perspectum habuisset Tullius, generis humani depravationem originariam pariter, ac ultro contractam, auctamque plagas insignes & strages commeritam, non erupisset in hæc verba. Hinc nonnulli originem mali ad Deum retulerunt, i. e. ad Jovem, quod Plutarchus Stoicis exprobrat *adversus Stoicos* p. 1075. in *morales* de Plutarque d' Amiot. pag. 707. alii ad casum, ut Epicurus apud Lactant. de ira Dei c. 13. p. 548. *aut Deus non vult, aut non potest, solvere mala, aut vult & potest. Si primum, est invidus, si secundum, est imbecillus, si tertium, cur mala sunt?* Loquor autem de Philosophis gentium, namque, quin Christiani originem mali & generatim, & speciatim inter homines existentis ortum inquisiverint, & detexerint, dubium nullum est. *Illum ortum ex ratione, hunc ex revelatione.* Cætera mirum non est  
gentes

gentes peccatum originale ignorasse, cum quoque nesciverint, quod nosse potuissent, i. e. ortum mali in genere. Senferunt mala infinita, criminum horrendam multitudinem, ortum vero eorum non animadvertunt. Vid. Tob. Pfanner. System. Theol. gentil. purior. c. 9. §. 7. pag. 259. ubi gentium de peccatis querelas recenset. Vid. libr. symbolic. p. 639. *Præterea quid & quantum sit hoc ingens hereditarium malum id nulla humana ratio indagare aut agnoscere potest - id quod in Apologia his capitibus comprehenditur*: Vid. quid Augustin. L. IV. contra Julian. c. 12. T. X. oper. p. 404. de Cicerone sentiat?

(b) Ita Leibnizius Theod. §. 20. *Formale*, inquit, *peccati ponitur in privatione, in eo, quod causa efficiens non agit*, i. e. quod agendum prætermittit. Sententia est Philosophorum communis. vid. Slevogt in dissert. Acad. Dissert. 31. p. 785. Scherzer System. Th. Loc. VII. §. 6. p. 145. Non male Dionysius Areopagita Libr. de divin. nominibus: *Malum*, inquit, *carere tum essentia, tum fine, tum efficiente*. Augustinus L. XII. de civ. DEI c. 7. monet, *mali causam non tam efficientem quam deficientem quarendam esse*, quod Thomas L. III. contra gentes cap. 10. ita effert: *Causa per se defectiva non est aliquid positivum, sed alius defectus, qualis enim causa per se, talis & effectus*.

(c) Si malum non est rei defectus sed res, non privatio sed aliquid, quod in rerum natura ponitur: aut erit à DEO aut non. Si prius, DEUS erit causa mali (peccati) si posterius, existet res à DEO non pendens. Vid. Bülfing. de orig. mali. §. 244. p. 189. Patet ex definitione mali, non posse existere principium mali supremum, i. e. Deum quendam perversum &c. qualem finxerunt Manichæi. Quid enim quæso esset defectus summus? nihil in rerum natura ponas. Quod enim est aliquid, id malum non dicendum. An dari potest infinita privatio? i. e. infinitum nihil? quod sit, *utpote principium*, & non sit, *utpote malum & defectus*? Absurde! Inservit definitio extricande quæstioni, de origine mali.

## §. 2.

Difficul-  
tas.

Difficultas tamen non exigua huic definitioni obesse videtur. Peccatum originale describitur à sacris auctoribus ut efficacissimum, ut pugnans, supplantans, captivans, Rom. 7. alibi, quæ actiones ex solo privationum defectuumque fonte promanare non videntur. Quo accedit librorum symbolicorum (d) sententia, quâ discrete non in sola privatione hoc peccatum collocatur. Concupiscendi enim, ea quæ lege improbantur, vehementes nifus, totum, quantus quantus est, hominem occupantes non continentur ex Confessorum mente nuda primitivæ justitiæ absentia, sed habitu maligno, quo in omnia crimina feruntur miseri mortales. Quod nemo negaverit nisi qui cum Pontificiis peccati originalis alteram, ut ita loquar, partem sc. concupiscendi vim, culpa vacuum, aut omne hoc peccatum cum hæreticis (e) figmentum esse calumnietur.

(d) Libr. Symbol. de peccato orig. hæc verba sunt: *Peccatum originis habet privationem originalis justitiæ, & cum hoc inordinatam dispositionem partium animæ, unde non est privatio, sed quidam habitus corruptus* - - Hac consentiunt cum Scripturis, nam Paulus interdum expresse nominat defectum ut 1. Cor. 2. Animalis homo non percipit &c. alibi concupiscentiam nominat efficacem in membris &c. pag. 55.

(e) Famosissima est hæresis Pelagianorum qui peccatum negarunt originis. Vid. confessio Mopsvestini in Symbol. Pelag. apud Garnerium in *dissertat. de Libello fidei scriptis ab auctoribus & principibus defensoribus hæreseos Pelagiana Dissertat. V. extat T. XII. operum Augustini p. 389.* Mopsvestinus enim inter prodromos Pelagii numeratur. Vid. Garnerius l.c. Diss. I. cap. II. p. 62. Vossii & Norisii Historiæ Pelag. novissimæ sunt,

## §. 3.

Ut itaque Philosophiæ circa hanc definitionem cum Theologia non consensum modo, sed & usum exponamus, mentio discriminis, quò privationes discernuntur, injicienda est. Quod primo in genere rerum defectus rei est, id in genere morum (f) non nudam absentiam, sed veram *entis moralis* (g) præsentiam arguere potest. Hoc sensu non est adscribendum privationibus peccatum originale. *In genere morum esse aliquid, significat schesin exhibere rei, actionis, persona cum legibus.* Nullum dubium est, quin habitus à corrupta natura nobis inditi leges DEI respiciant, ingenti reatû contracto. (h) At alia ratio est considerandi peccatum in genere rerum, in quo si peccatum est, *non res, sed rei defectus est.* In viribus prava concupiscendi, quas libri symb. peccato originis complectuntur, tanquam habitum, non tanquam nudam justitiæ primæ absentiam consideratas, possunt adtendi duo, *vel vires ipsæ, vel earum* in denegata per legem, *directio.* Ipsæ vires sunt res, directio autem ejus rei, est limitatio. Vire concupiscendi continentur Animæ substantiâ, quæ condita fuit à Deo, sed perpetua virium concupiscendi in malum directio culpam habet, cur autem habet? non quia vis concupiscendi est, indita quippe à Deo, sed quia vis concupiscendi est aliò tesa, quam quo deberet, alio detorta, quam quæ oporteret esse intentam. Atqui hoc ipsum limus, & absentia melioris directionis est, non res, non vis ipsa. Habes hic explicationem distinctioni inter peccati *formam & materiam.*

*Gradus  
privat.  
quomodo  
concupi-  
scentia  
mala?*

Haftenus dixi communia omnium forsan calculo adprobanda.

(f) Vid. Bulfinger Dilucid. p. 360, feqq. in nota fub junct.

(g) Entia moralia à Pufend, Op. Maj. de J. N. & G. ita definiuntur: *Sunt. Modi quidam rebus aut moribus physis fuperadditi ab entibus intelligentibus. ad dirigendam potiffimum & temperandam libertatem actuum hominis voluntariorum, & ordinem aliquem ac decorem vitæ humana conciliandum* L. I. cap. 1. de *varieta te entium moral.* p. 3. Nervosius puto h. m. definienda. *Rurum ad leges respectus & viciffim, funt entia moralia.* Quicquid hac prolixa definitione inculcatus cogitur hîc in arctum.

(b) Errant enim Pontificii concupifcentiam à peccato eximenes refutati ab innumeris noftratibus. v. g. Joh Gerhard. de peccat. act. cap. 10, p. 166. nec errare non poffunt ex hujus Philofophiæ thefibus. *Appetitus enim fenfitivus oritur ex minus diftincta rerum corporearum representatione*, vid Metaph. Wolff §. 43. ex innumeris notionibus minoribus compofitâ; et igitur nihil aliud, quàm ipfa voluntas, quatenus admittata minus bonum anteponeit majori, atque id nunquam crimine vacat. Vid. Buddeum in Theol. dogmat. p. 494. fub nota\* idem fentientem. Vrum eft fæpe vitio carere hunc appetitum, ubi meliora non poftponuntur. Sic cibi & potus defiderium crimine vacat, at quoties his ita indulgetur, ut negligatur, quod unice neceffarium eft? Non potest igitur concupifcentia omnino liberari à culpa, fi ve maxime verbum DEI taceret. *At enim non femper accedit confenfus voluntatis*: inquiunt Pontificii. Quod majori bono derogat mentis defiderium, invitio ponitur, fiye confentiat voluntas, fiye difsentiat, aliter ex mala confuetudine perpetrata fine deliberatione, excufanda forent.

## §. 4.

Sed an ipsorum defectuum alter non est in *Dubium*,  
 absentia boni, alter autem in pugna mali præ-  
 sentis collocatus? Annon ipsa concupiscendi res  
 pravas vis plus arguit, quam merus justitiæ pri-  
 mitivæ defectus? Ita est sane! *Cur ergo dicis pec-*  
*catum omne contineri in rerum defectu?* Quia id  
 cum ratione conjunctum est. Generatim ita habe:  
 ex Recentiorum Philosophia imperfectiones tum  
 privative tum contrarie dictas referri ad classes  
 defectuum in rebus, non rerum ipsarum. Con-  
 stat, utor verbis Viri docti, unum contrarium  
 æquipollere duobus defectibus. Nimirum ubi contra-  
 rium perfectionis adest, ibi primo abest perfectio,  
 habes defectum primum. Deinde ubi contrarium  
 est: ibi reducendo contrario ad medium negationis  
 (1) impendenda est una perfectio, habes igitur  
 secundum. Dicam ego clarius; imperfectio con-  
 trarie dicta est duplicata privatio, privative acce-  
 pta, est una. Detegimus in peccato originali  
 primo simplicem justitiæ primitivæ absentiam,  
 tum perspicere licet concupiscendi mala vim, quæ  
 duobus defectibus æquipollet: ubi est vis mala de-  
 siderandi, ibi primo locum habet absentia desi-  
 derii in bonum tendentis, secundo etiam præsto  
 est desiderium mali. Itaque primo catemur amore  
 Dei, uti bruta animantia ceteræque res inanimæ,  
 hic est defectus unus, secundo accedit odium, seu  
 directio virium in contrariam partem, hic est de-  
 defectus secundus priorem supponens. Ponamus  
 vires concupiscendi id, quod probatur DEO, esse  
 neutras, uti sunt in brutis animantibus; emer-

get prima absentia, quæ DEI amorem submovet. Fac porro, vices istas non solum neutras, sed & contrariæ parti addictas, iterum duplicato errore longius à primo scopo, qui ad amorem DEI pertinet, aberrasti. Quid igitur est concupiscentia prava, quam duorum defectuum concursus? Absit ut quisquam in vi quadam *positiva* eam ponat, similis ratio est oppositorum *contrarie* omnium, quæ ab oppositis *privative* adpellatis non aliter differunt, nisi tanquam numerus binarius à monade.

(i) Verba sunt Bulfingeri in L. de orig. Mali. p. 69. §. 117.

### §. 5.

*Gradus  
privationum.*

Perpicuitatis majoris ratio poscit ut privationum gradus designem, alium alio profundiorum deterioremque, ut quid de concupiscentia peccati originalis habendum sit, distinctissime pervideatur. Privationum gradus numero quinque. *Prima* defectuum classis significat absentiam perfectionis à re minus capaci. Sic solida litterarum cognitio abest à brutis, quæ tamen earum capacia non sunt. *Secunda* classis complectitur perfectionum defectus in re capaci quidem, quæ tamen iis ornari non debebat. Sic eruditionis præstantioris concinnitas à mercatore, opifice &c. abest, quâ tamen ut excellat, nullo adstringitur debito. *Tertia* classis exhibet perfectionum à rebus absentiam, quibus excellere & poterant & debebant, hoc tamen eventu, ut absentia isthæ cæteris, quæ in re jam præsto sunt, perfectionibus nihil deroget. Ignorantia sæpe viciat hominem, qui

qui litteris præclare instructus & esse posset & deberet, eo eventu ut cæteris opportunitatibus nihil decedat, i. e. ut lautissimis tamen admoveatur muneribus. Has classes imperfectiones *privative* dictas includere arbitror. Sequitur nunc *quarta* in imperfectionum *contrarie* dictarum ordine primum locum occupans. Fieri enim solet, ut perfectiones à re absint, quibus ornari potuisset & debuissent, quarumque absentia plurimum detrahit ornamentis cæteris quæ rem digniorem præstitissent. Turpis ignorantia animi dotium defectus, in eo homine, qui litterarum studia proficitur, sæpe detrahit lautioris fortunæ spei; qua frui alias licuisset. Ecce duorum defectuum, vel & plurimum infelices concursus! Quod si quintò his omnibus accedat tantorum defectuum sensus, i. e. dolor, ægritudo animi, corporisque vel diuturna, vel brevis, vel gravis vel tolerabilior &c. *quinta classis* defectuum constituitur, quæ omnium est funestissima.

## §. 6.

Peccatum originale duabus partibus absolvi-  
tur (k) absentia imaginis primævæ, tum pravis,  
quæis stimulamur, adpetitibus. Absentiam ima-  
ginis primævæ consideratam in se, si cogitando  
tristes concupiscendi mala effectus separaveris,  
refero ad classem tertiam. Vim autem adpetendi  
prava adscribo quartæ, pœnasque huic dictatas,  
imminentesque quinta classe collocandas puto.  
Aut si mavis, perpende peccatum originis summa-  
tum, erit tum pro defectu habendum in quarta &  
quinta classe. Est enim inopia imaginis primævæ,  
qua fulgere homo poterat & debebat, sed plurimum  
etiam

Applicatio.



etiam derogat cæteris animæ facultatibus; præstat enim ea absentia non solum, ut nude deficiat summum animi decus, sed ut naturales quoque mentis facultates, quæ in intelligendo & adpetendo versantur, prorsus corrumpantur, i. e. ut intellectus non solum ignorantia labore, sed erroribus etiam pervicacissime inhæreat, ut voluntas non solum circa Dei amorem aut odium neutra sit, sed ut gravissime Deo obluetur. Itaque concupiscendi vis quatenus mala est, nihil in rerum natura ponit, sed duorum pluriumve defectuum concursus præstat. Si quis vestibus à latrone, hybernò tempore, in eremo spoliatus, frigore pereat nudus, duplex privatio concurrit, quarum altera alteram parit: *vestium defectus & vita extinctio*. Similis ratio est virium prava concupiscendi, sublatâ Dei imagine introductarum. *sapere quæ carniblandiuntur Rom. 8. v. 8. ipsâ morte deterius est*: iniqua autem hæc sapientia, cum retractato imaginis primævæ ornameto exorta sit, morti similis est, quam vestimenti spoliū intulit. Aut ita explicari debet, quod de concupiscentia Theologi docent, aut plane nihil sani pro eo interpretando potest afferri.

(k) Vid. Johannes Gerhard. loc. Theol. de peccato origin. p. 137. Cap. 5. num. 70. *Peccatum originale est privatio iustitiæ originalis. num. 72. nec vero per lapsum natura humana solummodo spoliata est, sed & misere corrupta, quæ corruptio successit in locum imaginis divinæ &c.*

## §. 7.

*Damnat  
tur erro-  
nea sen-  
tentia.*

Qui mali naturam in perfectionis absentia quærivimus, longe absumus à Theologi cujusdam Rostochiensis sententia; qui duos omnium fontes, unâ

unà, æternos, *DEUM* rerum bonarum, *Nihil* rerum malarum esse contendit. (1) Intelligit enim hic autor nihilum *negativum*, quod non est limitatio rerum, uti *nihilum privativum*, sed rerum potius negatio omnimoda. Quomodo hæc æterna esse potest? *Non entis sunt nullæ proprietates*. Non possum, quin has metaphysicas notiones interspergam. Erraret igitur qui nobis hanc sententiam tribueret, à qua sumus longe alienissimi.

(1) Sententia fuit Eilhardi Lubini Theologi Rostochien-  
sis, de prima causa & natura mali. Docebat quippe peculiari Scripto, hypermetaphysica dicto: *Nihil negativum ante creationem, esse principium malum bono synchronon; peccatum vero dici tendentiam ad illud nihilum; idque necessarium fuisse, ut natura boni posset cognosci. Et quæ Philosophus de materia prima habet, nihilo isti negativo adcommodat*. Vid. Carol. Memorab. Seculi XVII. p. 110. Gravverus in Centur. I. illud strium disput. 9. quæst. 3. p. 235. usque 246 auctorem refutat his verbis: *Inveniuntur qui docere non verentur, malum esse à NIHILO negative sic dicto, & duo fuisse ante omnia, tanquam initia contraria, nempe ens & nihil, hinc nonnemo scribit (Lubinus) si quis ex me quærat: quis malum fecit? vere respondebo, Malum NIHIL fecit. Si quis quærat, quid malum sit? recte respondebo, malum NIHIL est &c.* respondit Gravvero Lubinus in Apologetico quo Alberti Gravverici alumnus occurritur anno 1600. quo facto se Gravverus defendit edito Magdeburgi 1606. *Anti-Lubinô sive Elenchô paradoxorum Lubini & emblematum Calvinisticorum &c.* Cumque eo nonnisi responsio contineretur ad Phosphorum Lubini, addit etiam ad tuendam suam personam adpendicis loco respons. ad elumbem Lubini Apologeticum. Contra emisit Lubinus *Tractationem Theologicam de causa peccati, ad Theologos Augustana confessionis*. Vid. Baillet, au 1. Tom. des Ant. p. 327.

## §. 8.

*Peccatum  
originis  
est priva-  
tio.*

*Originis peccatum substantiam non esse contra* Illyrium Flacium unanimi Theologorum consensu decretum est. (m) Peccatum igitur hoc pro acciden-  
ti habendum. Quid autem est accidens, nisi limita-  
tio substantiæ finitæ, infinita enim accidentibus (n)  
caret, non igitur malum est res, sed rei privatio, ni-  
si forte fuerit, ut Flacii sententiam revocare, &  
summa imis miscere velis. Si ipsam vim concupi-  
scendi malam dixeris, non ejus directionem in sini-  
stram partem, quæro, *quid per vim intelligas?* Num  
actionum fontem, quo sensu recentiores vocem ac-  
cipiunt, à natura boni inis distinctum? tum aut erit  
accidens aut substantia, si substantiam dixeris, inci-  
disti in Flacii errorem reprobatum, si accidens ad-  
pellaveris fontem illum, *fonti fons inhærebit*,  
quod est absurdum. Nam anima est fons actionum  
sive bonarum sive malarum; constituto igitur ope-  
rationum malarum peculiari fonte, discerpetur ani-  
ma in principia duo. Fons, principium est pri-  
mum, quod alteri non inhæret; aliter esset rivus,  
ut ita loquar. Sin autem concupiscendi vim quate-  
nus mala est, in derivatione ad objecta prava collo-  
ces, facis nobiscum, suscepto ad nostra castra transi-  
tu, qui quippe in virium sinistra directione i. e. li-  
mitatione malum omne quærimus.

(m) Vid. Budd. Theol. dogm. p. 785. *Illyrius Flacius cum*  
*Viſtor. Strigelio* de viribus liberi arbitrii disputans co-  
ram Duce Sax. Vinariensi, vid. Micræl. Syntagm. Hi-  
stor. Eccles. p. 827. eo devenit, ut *peccatum diceret*  
*substantiam*. Lege Spondan. ad ann. 1560. num. 32.  
Acta disputationis multis sessionibus continuatæ pro-  
dierunt cum præfat. Musæi Vid. Micræl. cit. loc. p. 827.  
218.

(n) Deum accidentibus vestitum, inepta Cunn. Vorstii sententia est. in disput. decem de natura & attributis Dei diverso tempore Steinfurt, pullice hab. nec alie-nus plane videtur Episcopus ob decretorum in DEO contingentiam. Nostri instituti non est hæc persequi.

§. 9.

Liberum Lectori relinquo iudicium, num in explicanda peccati originalis propagatione Leibnii sententia opportunitatem habeat (o) *de anima-  
lium præformatione*, ab Adamo usque ad hominis generationem per gradus lineæ descendentis ordine delatorum? Ita enim intelligitur, quomodo in Protoplasto potuerit corrumpi, quod jam secundum prima stamina existit: Ita traducem non statuendo suspicionem dividuæ animæ, perinde ac si quid decerperetur, evitamus: Ita creationem animæ reprobando, in Deum culpam peccati cum anima admissi non transferimus: Ita omnium optime explicatur, quomodo nondum nati in parentum lumbis esse, & ab uno morali Capite repræsentari queant, Hebr. 7. v. 10. Sicut v. g. mater in utero jam *formatum infantem* in foro, utpote jam certò futurum, repræsentare potest: Cum contra eorum Syndici non constituentur, quorum nativitas incerta, & *exsistentia* nondum prorsus ulla putatur. Si vero anima per traducem propagatur, eo demum tempore, ubi homo gignitur, cur in lumbis parentum esse dicitur? *At enim tam difficilis res scrutanda non est, cur in tenebris quarimus lucem?* bona verba quæso! Non scrutamur iusto curiosius, sed conciliamus Scripturas, ne opiniones foveantur cum S. Codice implacabiles. Quid hæc criminis est? Cur  
me

me lucifugam malle, quam tenebrarum osorem? *Scilicet quod Tumes non adprobas, nec excogitabas* id loco tenebrarum habendum est. Quæ contra sententiam de animalium præformatione propòita dubia, isthæc è medio dudum sustulit Vir eruditus. (p)

(o) Sententiam de præformatione dilucide proponit Leibnitijs Theod §. 90. 91. Existisse suo modo animam ante nativatem suspicatz sunt gentes ita, ut suspicionem extenderent nimis, & cum Pythagora transmigrationem, nec non admitta ante peccata crederent. Invehitur in Ciceronem *Lactantius divin. Institut. L. III. c. 18 p. 197. Quid, inquit, Ciceroni faciemus? qui cum in principio consolationis suæ dixisset luendorum scelerum causa nasci homines, iteravit id ipsum postea, quasi objurgans eum, qui vitam pœnam non esse putet.*

(p) Vid. Bülfing. Dilucid. p. 108. Adde Georg. Meyer. in Pnevmat. p. 538. 539. Aut semen animatum est, aut non est. Illud arguit præformationem, hoc aut creationem animæ, semini postea conceptio indendæ, aut deceptionem ex anima parentis, Cave alleges luminis de lumine factam accensionem. Luminis enim partes dividi nemo temere dubitat. Exstat integer Tractatus Goclenii Prof. Marburg. *de ortu animæ* ubi variorum super hac doctrina dissertationes collegit, Vultej, Fr. Junii Joh. Jac. Coleri. Caspar. Peuceri &c. Sanior hæc est docendi methodus quam Poireriana qui animam à DEO emanasse contendit. Oec. divin. L. 1. c. 10. §. 2. p. 134. Differt hæc de animalis præformatione sententia à Platoniorum opinione præexistentiam animarum tuente, de qua vid. Henric. Mor. in operibus Philos. T. II. p. 365. Hæc pauca adde iis, quæ Walchijs in Lexic. Philos. p. 2333. de ortu animæ historice tradidit. Augustini tractat. sub ann. 419. 420. emissus de anima ejusque origine nemini est ignotus. evolv. Burkard. Gotthelff. Struv. in biblioth. Philosoph. c. 5. p. 79. §. 10. seqq.

## §. 10.

Num gentium à nostris sacris alienarum actiones, virtutesque splendida fuerint peccata? semper in Ecclesia disceptatum est, affirmantibus quæstionem his, negantibus illis. (q) Arbitror autem, (quanquam meum non sit arbitrari, sed modeste indicare sententiam) Puto igitur, si malum à nobis exhibita notio distincte animo obverletur, non difficile futurum iudicium. (r) Peccatum positum est in absentia perfectionis, perfectio arguit in varietate consensum, dissensum igitur parit legis violatio. Nunc dispiciendum est, cum quam norma actio culpam declinata consentire debeat? In promptu est responsio, normam illius perfectionis seu consensûs nullam esse nisi legem. Legem eandem dico vel naturalem, vel divinam, prout vel ipso naturæ rerum ordine vel DEI adprobatione continetur. (s) Veneror porro legem revelatam, suspicio denique vim & efficaciam Spiritus S. in cordibus operantis fidelium, quæ sensu Metaph. adpellatur lex, Rom. 8. v. 2. His præmissis dico, quid mihi videatur.

*De actionibus gentium.*

(q) Libri symbolici quæstionem affirm. p. 700. *Est opera qua ad conservandam externam disciplinam faciunt, qualia etiam ab infidelibus sunt, & requiruntur, suam coram mundo dignitatem & laudem habent, & temporalibus quibusdam premiis in hoc mundo à Deo ornantur: attamen cum non ex verâ fide proficiantur, reverè coram DEO sunt peccata, h. e. peccatis contaminata, & à DEO pro peccatis & immunditia reputantur, propter naturam humanam corruptionem & quia persona cum DEO non est reconciliata. Quæ Patrum de doctrina & vitæ Ethaicorum sententia fuerit?*

T

opere

opere amplo & erudito Balus ostendit nuperus Scrip-  
tor Jesuitarum Societati adnumeratus Opus inscribi-  
tur: *Jugement des saints Pères sur la Morale de la Philosophie Payenne* anno 1719. Argentor. ubi operose  
probare annuitur, *non omnes actiones Philosophorum  
Gentilium esse peccata.* Wolffii de hac quæst. judi-  
cium legitur in orat. de Sinatum Philosophia practic.  
notis illustrat. p. 91. not. 182. Leibnizius Augustini,  
*virtutes gentium splendida peccata vocantis non omni-  
ratione approbat effatum.* Locus jam non succurrit.

- (v) Pertinet huc Mart. Lutheri judicium quod virtutes  
gentium peccata sint à Balto L. I. C. l. p. 6. acriter ex-  
agitatum, add. & ejusd. Balu alium loc. L. III. c. 6. p. 423.  
ubi idem agit. Nisi cum grano salis hoc effatum acci-  
piatur, Pontificiorum ludibrio exponimur. Dicunt,  
*perinde esse, si boni quid faciat, sive mali, quia omnes  
virtutes nondum emendati sint peccata.* Regerent omnia  
*sic peccata aequalia fore.* Novi quid respondeant no-  
strates, sed sine positionibus nunc jam in Textu enar-  
randis eorum responsio locum habet nullum: hinc  
ipsi libri symbol. observant, *actiones gentium bonas  
peccata aut peccatis contaminatas esse.* Relinquunt igitur  
boni quiddam, licet contaminatum, nec mera  
peccata Ethnicorum virtutes esse credunt.

- (s) Acriter super hac redisputatum est, in scriptis eristicis  
inter celeberr. Viros Dn. Buddeum & Wolffium ultro  
citroque reciprocat, cum alter legem divinam à na-  
turali distingueret. Sed salva res est. Cogitatione  
duntaxat separatur lex naturalis à divina, non recipiã.  
Quaterus impulsu me ipsum aliosque conservandi, to-  
tius immò universi perfectioni criminibus non decur-  
bandi sed virtute ornandi, honestatem sequor, lege  
ducor *merè naturali*; hæc enim motiva ex ordine de-  
sumuntur naturæ. Contra si propterea in bonum se-  
ror, quoniam DEUS hæc motiva approbat, jubet, &  
suis perfectionibus immensum pondus addit rectæ agendi,  
legis oritur divina efficacia. Est igitur naturalis à di-  
vina distincta, sicut unius rei respectus ab altero,  
e. dem

eadem honestas ex duplici motivo amari potest, vel alterutro tantum. Nihil mali his inest.

### §. 12.

Decuisse, & ita vixisse quosdam ex gentibus *Gentium*  
 Prudentiores, ut existimarent, non sufficere externi *actiones*  
 actus cum lege convenientiam, sed requiri etiam con- *non sunt*  
 formitatem destinationis interna, intentionis, iudicii *mere*  
 & appetitus, (1) manifestum est. Decoravit igitur *peccata,*  
 eorum actiones saltem quidam cum lege consensus.  
 Consensus cum lege bonitas est moralis, itaque  
 non est prorsus talis abjudicanda Gentium virtuti-  
 bus. Nisi forte fuerit ut meros hypocritas iudices,  
 & ne uni quidem sinceram mentis destinationem  
 hoc aut illud honestum sequendi adscribas. Quæ  
 dura foret sententia. In quantum præsto fuit cum  
 lege consensus, in tantum vera virtus. At enim,  
 cur Deo improbantur actiones gentium etiam laudatissi-  
 ma? Non quia cum quadam Norma inferiori (de  
 quâ §. 10.) consentiebant, sed quoniam dissentie-  
 bant cæteris, nec accommodatæ fuerunt legi reve-  
 latæ, nec profectæ à lege i. e. impulsu spiritûs.  
 Laudatur ex parte consensus, culpatur dissensus in  
 toto. Honestatem amare cum gentibus, quia est ho-  
 nestas, præclare factum; At non ob amorem Chri-  
 sti Servatoris, non ob ductum div. Spiritus, hiatum  
 arguit & hortendam dissensum. Non igitur gen-  
 tium virtutes prorsus damnandæ, damnandi sunt de-  
 fectus. Non damnamus incessum claudi quia in-  
 cessus, sed quia impeditus est: non adpellamus me-  
 ram quietem. Dices: at gentes mortuis in bono se-  
 quendo similes; sunt sane, si bonum metiaris ex ple-  
 no cum normis omnibus consensu, non sunt, si id  
 aestimes ex consensu cum norma inferiori. Annon  
 hunc



hunc consensum aliquando suis viribus præstant? *sunt mortuis similes*, si bonum judicaveris ex consensu actionum cum lege naturali perpetuo, omnibus absoluto gradibus; Non sunt vero tales, si tantus in æstimando consensu rigor non adhibeatur. Habes igitur in gentilium virtutibus dissensum, eundemque duplicem, qui & à supremis gradibus, & à sublimiori norma recedit: Non tollitur tamen omnis consensus cum lege, in quo vera virtus moralis posita est. *Te autem iudice hac bonitas ad forum duntaxat humanum pertinet, nunquam ad divinum.* Sed quæso, an Deus consensum judicat dissensum? Pertinet igitur etiam bonitas isthac ad forum Dei, licet ut parum sufficiens damnetur, defectû per accuratissimum Dei iudicium profundius observatô, quam per humanum quodvis. Dic igitur posthac cum Confessoribus *virtutes gentium non mera peccata, sed actiones bonas, defectibus tamen contaminatas*

(e) Vid. Orat. Wolff. de Philos. Sin. pract. not. illustr. p. 69. Agnovit Confucius non sufficere externi actûs cum lege convenientiam; sed requiri quoque conformitatem actûs interni, iudicii nempe appetitûs & intentionis, ut scil. judicantes actionem esse legi conformem, non fallamur, ut eandem appetamus, quia legi conformis, & ut eam propter eam rationem appetamus, ob quam lege imperatur.

## CAP. VI.

### De Providentia & Mali per- missione.

§. 1.

Doctrina  
gravitas.

**A**Rdua est omnium consensu, de providentia Dei, quæstio (a) in qua adversus Empæctorum insultus solide decidenda aut recentiores plu-  
rium

rimum adjumenti adtulerunt, aut nemo. *Thra-  
sonismos rides, & militem Comici gloriosum revixisse ju-  
dicas.* Dignus ludibriis fuero, quamprimum Tu  
de permissione mali sententiam excogitaveris, & à  
Leibnitiana diversam, & eâdem longe accommo-  
datiorem. Quod si in eo præstando spem felle-  
ris, nullus dubito quin & materia ridendi, & ex-  
probrandi Thraasonismos occasio defecerit.

(a) Perplacuit, quod literatissimus politissimusque Vi-  
Stolle in Hist. litt. ed. sec pag. 489. ait. Die Vorse-  
hung Gottes ist ein Meer / auf welchem die Ver-  
nunfft sehr behutsam schiffen muß, idque ex Liplio  
desumptum.

§. 2.

Tot & tanta ultrocitroque de permissione & *Quæstio*  
origine mali nostris temporibus disputata sunt, ut *de mali*  
nulla unquam lis majori videatur agitata fuisse nec *permissio-*  
ardore animi, nec scriptorum copiâ. Si in hac  
re prolixos discursus sectarer, non absimilis forem  
ei, qui magno molimine aquas gestaret in Ocea-  
num. Quo minus autem rerum dictarum apicem  
ostendam, aut in quam capitalem quæstionem fu-  
sissime disputata (b) tandem erumpant, cominon-  
strem, nihil video, quod obster. Tot undique  
nos malis obseptos, ut eorum nullus iniri nume-  
rus queat, tristi docemur experientia: Deum re-  
rum omnium arbitrum esse tam verum est, quam  
quod verissimum, itaque non sine causa investi-  
garunt, (c) *qui malum permittere possit Deus, qui*  
*in immenso intervallo à malis sejunctus est.*

(b) Quem fugiunt sententiarum de origine & permissione  
mali inde ab antiquissimis temporibus exorta divortia?

Forſan jam in gentē Judaica culpam peccati nonnulli tranſtulerunt in DEUM vid. Eccleſiaſt. 15. v. 11. 12. Hinc Deum excuſat Jacobus Epiſt. 1. v. 13. Id à gentibus quoque factum fuit: vid. Pſanner. ſyſt. Theol. gent. purior. c. 9. §. 3. p. 251. Alii in materiam peccatorum originem eadere diſtitabant: vid. Wolff. in Manichæiſm. ante Manich. ſect. II. §. 28. p. 164. Quid Chaldaei ſenſerint de peccati origine, legitur in Philoſophumenis quæ ſub Origenis nomine circumferuntur à Joh. Chr. Wolff. editis p. 39. *Lucem ſc. boni, & caliginem mali cauſam eſſe pronuntiabant.* Contra Perſæ, licet duo principia boni & mali agnoſcerant, tamen hoc poſterius creatum agnoſſe conſtat. conſ. Thom. Hyd. Hiſtor. Relig. Vet. Perſar. c. 9. p. 161. ſeq. Zoroaſtræ ſententiam examinat Bayle in Diſt. Hiſt. Crit. ſub hoc titulo p. 3079. vid. de Perſarum Dualiſmo Budd. Hiſt. Eccleſ. V. T. T. II. ad per. II. ſect. VI. §. 13. p. 1053. De Ægyptiorum ſententia ex inſtituto Plutarchus de Iſide & Oſiride T. II. op. p. 376. Græcorum Poetæ in eadem Dualiſmi ſententiam ſunt ingreſſi vid. Plutarch. de Iſide & Oſiride p. 370. De Jonicorum Græc. Philoſoph. ſententia leg. theſes de Atheiſm. & ſuperſtit. Buddæi C. I. §. 10. p. 20. Schola Eleatica unam tantum ſubſtantiam admittit: Pythagoræ duo principia deſcribit Plutarchus de Iſ. & Oſir. p. 370. Plato ejusdem opinionis duo principia tuentis Patronus fuit. vid. Plutarch. l. c. p. 370. apud Budd. in theſ. de Atheiſmo & ſuperſtit. c. 1. §. 13. p. 31. adde Wolff. in Manich. ante Manich. ſect. II. §. 32. p. 128. De Ariſtote-  
lis circa boni malve originem ſententia lege eos, quos Budd. in theſ. Ath. & ſuperſt. c. 1. §. 15. p. 41. citat. Lucem dabunt ulteriorem Philoſ. Origenis edente Wolff. p. 140. Stoicos duo principia ſtatuiſſe Deum ſeu rationem, atque materiam Seneca innuit Epiſt. 65. A Gentibus ad Chriſtianos error dimanavit. De Simone Mago Epiphanius Hæreſ. XXI. p. 58. idem dogma narrat. Conſer. Jacob Thomæſii Schediaſm. de definitione Philoſ. in not. ad §. 34. ſequunt ſunt Menander Saturninus Carpocrates &c. ut ex Irenæo L. I. de Har. c. 21. conſtat

constat. Valentinus Hæresiarcha ejusdem erroris accusatur ab Origene L. IV. *περί ἀρεσκῶν* c. 7. Hieronymo in procem. Epist. ad Phil. T. II. op. p. 211. Num autem Valentinus materiam DEO coeternam statuerit, discutitur, vid. dissert. Buddxi de Hæres. Valentinian. ad §. 9. p. 590. Joh. Christ. Wolff. in Man. &c. sect. II. §. 47. p. 93. *Manichæi vero perniciosum errorem ad fastigium evexerunt.* Horum primipilus erat Cubricus natione Persa, qui à Magis venenum hocce hausit, Epiphanius Hæres. 66, p. 618. memoriæ prodidit, Scythianum quendam è Saracenis oriundum hanc doctrinam certis libris complexum, quos sibi Terebinthus vindicaverit, à quo Manes tandem acceperit. Nostri temporibus Manichæorum dubia mirifice extulit P. Bayle in Dict. Hist. Crit. sub art. *Manich. & Pauliciani.* Expertus est adversarios, Clericum, Jaquelotium, Juræum, Placettium &c. de scriptis ultro citroque emissis vid. apud Wolff. in Manich. ante Manich. sect. II. §. 18. Fabricium in delectu argumentorum & syllab. scriptorum qui veritatem religionis Christianæ asseruerunt p. 383. Clerici adversus Bælium prima pugna, editio librò *Defense de la Providence contre les Manichéens, dont les raisons ont été proposées par Mr. Bayle dans son diction. Critique,* commissâ fuit. Quem librum Tom. I. Parrhas. p. 303. inseruit. Cui respondit Bayle in secunda edit. Diction. Non sibi desuit Clericus Tom. VII. Biblioth. choisie p. 330. Ubi Origeniani auditoris causam defendit, adversus dubia Bælii. Sed Bayle in repons. à un provincial T. III. p. 172. 173. acriter respondit, quò factò Clericus zelo inflammatus *Archeismi* patronum Bælium declaravit. Biblioth. Choisie T. IX. art. 3. & 13. Ex adverso emisit Bælius Reponse à Mr. le Clerc. au sujet du 3. & 13. Articles [du IX. Tom. de la Bibl. chois. ne sic quidem lite sopita Clericus T. X. Biblioth. chois. Artic. VIII. p. 394. Ad judicium Academicarum de Bælio provocavit. Cum amarulentissimis verbis Bælius responsurus esset morte fuit extinctus. Longum foret cætera scripta enarrare.

quæ Jaquelotius aliique ediderunt. v. g. *Conformité de la foi &c.* Examen de la Theologie de Mr. Bayle &c. quibus Bælius Tom. II. reponſ. aux quaſt. d'un Prov. ch. 128. item in entretiens de Maxime & Themiste occurrit. Anno 1710. edidit Leibnitius Theodicæam Amſtel. vid. den Bücher-Saal in der 18. und 20. Deſſnung art. 1. quò pacto Vir il uſtris his libus immixtus fuerit narrat ipſe in prologo. Anno 1712. celeberr. Buddæus diſputat. edidit *de origine mali* Theod. Leibnitii oppoſitam. Secutus eſt Chr. Wolffius qui in Metaph. cap. de DEO Leibnitii ſententiam adoptabat. Reculiani tractatu eam explicuit Büſſinger. vid. Joh. Albert. Fabric. in delectu argumentor. & ſyllabo &c. p. 384. Aggreſſus eſt Büſſingerum Weismann, in ſchediaſm. Academ. anno 1723. emiſſis. Addatur judicium Pfaffii in diſſert. de morte nat. p. 17. Poſt actò in exilium Wolffio graviffimæ lites exortæ, Quibus occaſionem dedit *primo cauſa DEI aſſerta* curante Joh. Joach Langio. Secuta eſt Commentatio Wolffii *luculent. de differentia nexûs ſtoici & ſapientis*, quam reſp. loco excepit, *modesta diſquiſitio &c.* auctore Langio, quæ elicuit *monitum ad commentationem*, reſutatum & ipſum in placidis vindictis *modesta diſquiſ* pulſo Halâ Saxonum, neſcio quorum inſtinctu, Wolffio res erupit in Nervum, publici juris ſictâ modestâ detractione, ſ. beſcheidene Entdeckung der ſchädlichen Wolffſchen Philoſophie. Dici vix poſteſt quot ab illo tempore animorum motus exortu inter celeberrimos Viros Buddeum & Wolffium, quorum ſcripta criſtica omnium manibus teruntur non jam h. l. reſenſenda.

(c) Inquiſivit in eam rem Bælius in Diction. p. 1896. ſeqq.

### §. 3.

*Quid videres de ea ſenſerint.*

Antequam decretorium pro ulu ſententiæ Leibnitianæ in hoc articulo Theologico argumentum afferamus, aliorum prius placita audiemus, eo potiſſimum conſilio, ut, ſi ſolida credan-

dantur, quantum à Leibnitii decisione abeant, aut non abeant, intelligi, & judicari possit. Allegamus quorundam ex Patribus Ecclesiæ judicia: *Concedimus*, inquit nō nemo, *meliozem esse naturam*, qua omnino peccare nōlit, concedant vicissim & ipsi, *non esse malam*, qua talis facta est, ut posset non peccare, si vellet, & *juste punitam*, qua voluntate non necessitate peccavit. Cum ergo utraque bona (Angelorum & hominum) cur illam solam & non utramque Deus secut? ut uberius laudaretur de utraque. (d) Alius quidam Ecclesiæ primæ Doctor his verbis utitur: *Tu Ministros tuos non habes pro fidelibus & frugi servis, si compedibus aut vinculis conclusi id agant, quod jubes, sed si sponte & libere, quod sui muneris est, strenue faciant*: Ita Deo acceptum minime, quod coactum, & violentia quadam expressum, sed quod ex vera virtute proficiscitur. (e) Addantur hæc ab Hipponensi (f) dicta. *Quia omnipotens, posset, (peccatum impedire) cur non fecit, quia noluit, cur noluit? Ipse noluit. Non debemus plus sapere quam oportet. Puto autem non parvi boni esse rationalem creaturam, qua malorum comparatione caret malum.*

(d) Verba sunt Augustini 11. de Gen. ad lit. c. 7.

(e) Verba sunt Athanasii Serm. de incarnat. T. I. p. 39. edit. Commelin.

(f) Ita Augustinus 11. de Gen. ad lit. c. 10.

§. 4.

Prostant alia testimonia Patrum. Hipponensis ait, quod rationes reddi possint, cur Deus sententia permiserit malum; *requisivisse id ipsum primo Dei plures.*

T S

omni-

omnipotentiam, cum magis pertineat ad omnipotentissimam ipsius bonitatem de malis benefacere quam mala non esse sinere. (g) Nisi me omnia fallunt, aut hæc cæteraque verba in Leibnitii sententiam inclinant significatu, aut ita dura sunt, ut admitti nequeant. Sententia Viri illustris est: *Malum ideo à Deo in hoc systemate permissum, quia collatus cæteris systematis omnibus convenientius fuerit in hoc mundo malum permittere, quam eò absolute impeditò aliud efficere rerum systema.* (h) Jam Hipponensis ait requisivisse bonitatem Dei ut malum permetteretur: quicquid requirit bonitas Dei, id convenientius, id melius altero est. Quomodo differt hoc effatum à decisione Viri illustris? Nullo pacto, nisi forte in eo quod verba Episcopi hujus duriora placita innuant, *peccatum movisse Deum ut malum permetteret, quò nimirum illud condonando benefacere possit, quæ à Viri illustris mente aliena sunt; non enim juxta eum peccatum Numen impulit, ut hunc eligeret mundum, sed Mundi in cæteris rebus prærogativa induxit ut hunc, licet cum crimine conjunctum, ob cætera prævalentia, quibus reliquis systematibus præstitit, bona, anteponeret omnibus.* Aliò locò Hipponensis Præsul ita differit, (i) *movisse DEUM ad permittenda mala justitiam & misericordiam, cum hominis lapsu ad misericordiam in electis & justitiam in reprobis declarandam se uti posse viderit.* aut misericordiæ & justitiæ declaratio cumulate compensat mali eventum aut non compensat. Si illud, malum in hoc mundo majoti bono compensatum mundum non reddit alio quovis systemate deteriora: si non compensat,

absur.



absurda est Præsulis responsio, elige utrumvis. Porro sentit idem (k) *Universi pulcritudinem, cum aliquis ornatus mundo decederet, si nulla esset anima, quæ peccando misera fieret, Deum induxisse ut malum permitteret. Expendat Benev. Lector hanc responsionem. Si nulla, inquit Præsul, peccasset anima, vel quod idem sonat, ver'is Leibnitii, si malum deesset in hoc mundo, ornatus decederet, i. e. tam bonus aut optimus non foret. Dic, amabo, quomodo ab hæresi Leibnitiana Augustinum exsolvere velis? In quo differt Præsul ab ill. Viro, nisi in eo, quod Præsul minus caute ipsum peccatum putat pulcritudinem mundo addere, quo malo impedito, & ornatus deesset; ex adverso Noster ornamentum Mundi non in peccato quærit, sed in ejus systematis, quod peccato contaminatum, reliquis perfectionibus: ita ut si peccatum impediretur, systema mutaretur, quod est optimum. Non autem est optimum, quia est peccato inquinatum, sed id quod inquinatum peccatò, optimum dicitur.*

(g) August. de corrupt. & grat. c. 10.

(h) Vid. Leibnit. Theod. p. m. 312. §. 114.

(i) August. de corrupt. & grat. c. 10.

(k) August. L. III. de L. Arbitr. c. 9.

### §. 5.

Permissi mali alias quoque rationes adfert Lutheri Vener. Præsul. Denique, inquit, cum occasione sententia, transgressionis istius Christus nobis donatus, per quam plura, quam in Adamo sunt amissa, recepimus (l) Lutherus ita sentit: Deus permisit peccatum, quia ipsi placuit, ut periclitaretur Adamum, & exerce-

ret



ret ipsius vires, sicut hodie cum baptizati & in regnum Christi translati sumus, Deus non vult nos otiosos, sed vult exerceri per verbum & dona sua, ideo permittit nos infirmos à Satana cribrari. (m) Et hæc ratio permissi mali nititur argumento majoris convenientiæ, qua mundus hic optabilior evadit cæteris. Alius quidam Theologus solidissima ornatus doctrina de mali permissione h. m. (n) judicat: Ideo permisit Deus hominem tentari, non ut ex malis bonum eliciendi occasionem haberet, sed quia liberam ab homine obedientiam sibi præstari voluit, quia ex lapsu hominis bonum elicere novit. Aut illa bonitas ex malo elicienda, cujus intuitu hoc permissum est, una cum cæteris præsentis mundi perfectionibus major fuit quam perfectiones alterius mundi peccato vacui, aut non major fuit. Sin illud agnoscas, adoptasti Leibnitii sententiam de superpondio perfectionum hujus systematis præ cæteris possibilibus cunctis; si bonitas illa ex malo elicienda una cum cæteris hujus mundi perfectionibus major non fuit quam cæterorum systematum excellentiæ, tum hæc ratio summi Theologi vana & nulla est. Aut igitur in Leibnitii sententiam resolvitur, quod Doctores respondent, aut nervo caret & fundamentò.

(l) August. 14. de Civ. Dei. cap. 27.

(m) Lutherus in Genes. cap. 3.

(n) Gerhardus in loc. Theolog. de peccato orig. Cap. 1. num. 16. sub fin. p. 125.

### §. 6.

*Theologo-  
rum quo-  
rundam  
sententia.*

Ut penitus cognoscatur responsiones de permissione peccati, seu mali generatim omnes, aut nihil proficere, aut resolvi in recentiorum fundamen-

damenta, citabimus etiam aliorum cogitata. Celeberrimi cujusdam Viri verba hæc sunt: (o) *Ad permissionem peccati quod adinet, si quis actionem quandam impedire non tantum possit sed & debeat, idque non faciat, & hac ratione eam permittat, is quidem pro causa istius actionis recte habetur. Deum vero, etsi actiones malas quaslibet, si secundum omnipotentiam suam agere velit, impedire possit, nemo tamen dixerit hoc eum etiam facere debere. Imo non debere, inde patet, quod ipsa natura libere agentium hoc postulet, ut potestas illis concedatur, secundum facultatem, natura illorum convenientem, agendi.* (p) Fieri non potest, ut aliter hæc verba intelligantur, quam sensu Recentiorum. Deus, inquit Vir celeberrimus, *non debet peccatum impedire.* Ergo ubi absolute impedit, contra debitum, i. e. contra suarum perfectionum dignitatem agit, hoc enim solo debito adstringitur Deus. Itaque aliud Systema, impeditiō per miracula peccatō, conditurus minus convenientia & *contra debitum* condita fuissent, nihil superest, quam ut hoc convenientissimum habeatur, quod nunc existit, id autem Recentiores contendunt.

(o) Vid. Budd. Theol. dogmat. L. III. Cap. 2. §. 10. p. 769.

(p) Permissionem h. l. eo sensu accipimus, quō Bultinger de orig. mali p. 210. §. 260. ubi eam ita definit: *Permissio est suspensio vel negatio alicujus efficientie, quā opposita factum ab agente non eliceretur.* Dicitur ergo permittere & qui hactenus oppositis suis viribus aliud agens impedivit suspensio nunc impedimento, & ille, qui hactenus plane agentis viribus non resistit.

§. 7.

## §. 7.

*Judicium* Animum quoque subit Theologi alterius ju-  
*Theologi* dicionum, (q) qui, *fundamentum*, inquit, *istius per-*  
*alterius* *missionis* est tum *libertas arbitrii*, quam *creatura*  
*rationali* contulit *Deus Creator*, & *cujus usum crea-*  
*tura* isti adimi non patitur *constantia datoris*: tum  
*infinita* ejus *potentia* & *sapientia* quâ potest ex malo  
*bonum elicere*. Etiam atque etiam rogo *Benev.*  
*Lectorem* ut perpendat, an hæc responsio vel suf-  
*ficiat*, vel si sufficit, à Viri illustri decisione alie-  
*na sit*? An ideo *permittendum malum*, inquiet  
*Adversarius*, quia *bonum elici potest*? atqui non  
*sunt facienda aut permittenda mala*, ut inde eve-  
*niant bona*; turpius ejicitur quam non admittuntur  
*hospes*. Quid heic respondendum est, num in  
*objurgationes adversariorum effundemur*? eorum  
*non esse rimari vias Dei*, earundemque *rationes*, at-  
*qui non scrutantur rationes Dei speciales*, sed dis-  
*quirunt modo*, an generatim potior fuerit ratio  
*peccati permittendi*, quam non permittendi: si  
*potiorem concedas*, convenientius fuit admittere  
*mundum*, peccatò inquinatum, quam alium  
*quemvis*. Sit *Magistratus* qui *subditorum peccata*  
*non impediatur*, quia *bonum elici posse existimat*;  
*num tu eum excusatum putas*? atqui ita  
*excusant Theologi Deum*, aut igitur hæc excusa-  
*tio irrita*, aut *Leibnitiano sensu explicanda est*:  
*Deum similem esse Magistratui qui peccata permittat*,  
*non eliciendi tantum boni causa*, posset enim *bonum*  
*non compensare mala*; sed ne *impedito malo gravius*  
*incommodum oriatur*, i. e. quia omnibus circum-  
*stantiis computatis convenientissimum seu opti-*  
*imum*

mum est, malis non obstate. Responsio igitur Theologorum quam pro mali permissione allegant, nititur Leibnitiana. *Deus mala permisit, cur?* Theologi docent, *quia elicere bonum potuit*, an Theologi intelligunt bonum minus, quod permissum malum abundantissime non compenset? Hoc non innuunt, alias Deum arguerent, quod majus malum permittat propter bonum minus: Ergo alterum volunt, bonum scilicet ex malo eliciendum innumeris modis majus fuisse, eoque malo non obstante mundum hunc manere optimum, quæ ipsissima Leibnitii sententia est.

(q) Vid. Joh. Wolffg. Jæger, Compend. de providentia Dei p. 122.

§. 8.

Per mundum cum Recentioribus (r) intelligo seriem omnium rerum conditarum, inde à prima creatione existentium, durantiumque per omnia seculorum secula: Complector itaque sub eo vocabulo vitam æternam, felicem, & infelicem &c. quicquid præter Deum existit, aut posthac existet. Nunc peremptorio, ni fallor, argumento Leibnitii sententiam stabilire licet. Aut hæc rerum existentium series, quæ suis defectibus laborat, illustrandæ Dei gloriæ præ cæteris aliis possibilibus inservire potuit, aut non potuit, aut denique aliæ possibiles rerum series perfectissime æqualem gloriæ Dei illustratæ effectum præstitissent. Quantum non datur, si prius adoptaveris, habes rationem permittendi mali Leibnitianam, ex eo pendentem quia hic mundus gloriam Dei optime promoveret, atque convenientissimus Deo est: Si dixeris, præ-

*Argumentum præcipuum.*

*sententia.*

*sentem rerum seriem non tantum inservire Dei gloria, quam alia possibiles inserviissent; Deus sibi ipsi defuit, penes quem stetit meliora exhibere, Deus igitur non est Deus: Si tertium placuerit, alias rerum series possibiles nec inferiores nec meliores hanc qua nunc existit, fuisse, sed perfecte aequales; tribues manifestissime Deo & imperfectionem, & peccati originem. Imperfectionem quidem, nam series, quas Dei intellectus perfecte aequales iudicat, voluntas ejus ut minus aequales tractat, alteram alteri per creationem anteponendô; Ita oritur in Deo dissensus, dissensus autem est imperfectio. Tum & peccati originem seu culpam Deo affinxeris: Nam si aliarum rerum series possibiles ex æquo fecissent ad gloriam Dei illustrandam, uti facit series nunc jam existens: Cur Deus eas ex statu possibilium non transvexit in statum existentiae, cur non elegit ex iis talem seriem, à qua malum abfuisset, cur hanc antetulit, in qua tantum est malitiae? Num qui servos habere potest integros vitae, scelerisque puros, quique malignostamen cooptat, vitiorum rei familiari per eos illatorum culpam non gestat? Toties jam ad ravimusque clamasti, stante de hoc mundo tanquam optimo sententiâ, Deum necessario optimum malò infectum condidisse, eoque malorum fieri auctorem. Fingam, quod falsissimum est, necessitatem summam eligendi optimi Deo impositam, tum ea necessitas potius excusat, quam accusat; ea enim, ut juris naturalis Doctores inculcant, non imputantur, quæ, quo minus fiant, penes auctorem non stat: quæ quis necessario agit. At ubi alii mundi*

etiam

etiam finguntur optimi perfecteque æquales, ubi liberum locum habet arbitrium, quod malo contaminata opera præfert vitio vacuis, tum culpam contrahit qui vitiosum opus cæteris anteponebat. Responde nunc, si placet, ad ratiocinium, videbimus, quantum æta distent lupinis.

(r) Nescio quid factum, ut viri longe doctissimi ita potuerint arguere, si Deus necessario optimum condidisset, futurum mali, quod eo continetur, auctorem. Plane non cogitasse videntur, vel prima moralis disciplinæ axiomata reclamare. vid. Pufendorff de O. H. & C. cap. 1. §. 17. Qualibet actio, quam penes aliquem est fieri vel non fieri, potest ei imputari.

§. 9.

Addatur huic argumento aliud: aut convenientius fuit peccatum permittere, quam miraculo impedire, aut non fuit. Si prius, vera est recentiorum sententia, convenientiorem fuisse mundum in quo malum non absolute sufflaminatum fuerit, si non fuit convenientius, tum DEUS permittendo peccatum, parum congrue fecit, quod est blasphemum. Vis aliter inflexum? accipe: Aut dignior fuit rerum series (mundus), in qua peccatum declinandi motiva pro intelligentibus creatis fortiora erant, aut series illa præstantior fuit, in qua erant (ut in præsentia fiebat) non fortiora. Sin illud, Deus posterioris generis seriem condendo indigne fecit, quod est impium: si posterius, habent recentiores quod volunt. Loquor autem de fortioribus peccatum committendi rationibus, non de dignioribus. Fortiores in Adamo peccandi rationes fuisse concedo, digniores nego. Aut ita, si lubet: mundus, in quo stultissimæ peccandi ra-

*Aliud ratiocinium.*

U

tiones

tiones fortius primum violatorem afficiebant, aut præstantior fuit cæteris omnibus, in quibus non afficiebant fortiter, aut non fuit: sin illud dixeris, mundus ille erit optimus, licet peccato contaminatus; sin hoc, Deus minorem præstantiam antepoluit majori, quod est improbum dictu.

## §. 10.

*Judicium  
de argu-  
mento.*

Existimo has rationes esse omni dubio majores. Puto eas Phari loco habendas, ad quas in tanto fluctuantium animorum mari respiciendum sit semper. Si vel mille effugia adhibuerint, querelas effuderint, distinctiones adplicaverint, ut perplexum temet & ancipitem præstent: cogita quæso has rationes, examina, an perspicue & distincte non nihil dixerint, quod ad eas solvendas fecerit: Nihil ejusmodi fieri posse egomet præstabo. Redi in memoriam eorum, quæ in articulo de scriptur. §. 14. 15. diximus: Intelliges observationem ibi insertam gravissimo hoc exemplo confirmari. Facile est ad sententiam recentiorum ex hypothesi vaga & sine ratione sufficienti adoptata distinctiones petere, elusis certissimis ratiociniis: Querentes recentiorum Antagonistas audies, problema facillimum intricantes, varia miscentes: Jam dicent *factum inferre rationem optimi, jam plura fieri sine ratione* contendent, manifestissimo veritatum gravissimum periculo, imo spe Epicuræi Triumphæi de fortuito atomorum concursu, *jam libertatem à sapientia distinguunt non solum sed & drident,* ut sine sapientia & ratione à DEO quid fieri posse doceant: jam alias minus recte intellectas objici doctrinas animadvertes: His omnibus occurritur ratio-

rationibus §. anteced. allegatis; Posce tantum, ut contrariæ sententiæ Patroni directe respondeant; aut tecum sentiant, aut facient manifesto cum Poi-  
reto, ut Numen plane absque ulla ratione, imò nec intuitu gloriæ mundum creasse sint inculcaturi, quod quam à vero alienum sit, nemo est quin videat.

§. II.

Qui manifestissimis rationibus his §. 9. indicatis non moventur, eos vehementer rogo, ut aliter thesin suam de permissione peccati probeant, ac Leibnitius fecit: sumant dubia Bælii examinanda ex suis meditatibus, cooptent responsionem Theologorum, *malum ideo permissum, quia boni quid potuerit elici*, caveant ne hæc dicta Leibnitii immisceant: Quod si tum vel sibi ipsis, vel aliis satisfecerint, victas egomet manus dederò. Facilius est aliorum positiones impugnare, vagò vocabulorum significato, quam propriam stabilire thesin argumentis determinatè probantibus. Nondum ego quemquam legi vel audivi ante Leibnitium, qui doctrinam de permissione mali ex instituto persecutus fuisset. Si facile negotium est, cur id non suscipimus ex instituto? cur sententiæ Leibnitianæ Patronos non melius instruimus? spondeo fore, ut primus in eam sententiam sim iturus. Nihil enim desidero, quàm ut missis, quæ contra recentiores adferunt dubiis, thesin probeant suam de permissione peccati. Argumenta pro thesi animum figant, dubia autem aliis obversa, præsertim ratione munitis, mirifice conturbant animos debiliores. Quisquis autem thesin serio demonstrandam suscepit, cognos-

Continuatur.



scet, aliter eam probari non (s) posse, quàm more Leibnitiano.

(s) Dispiciamus v.g. quo casu Doctores malum permitti debere statuunt, sin illi casus non exhibeant canonem, qui ad Deum translatus Leibnitii sententiam referat, eadem arena ultro: Ill. Thomasius in fund. I. Nat. & Gent. p. 267. edit. 4. permittendorum à Magistratu lupanarium nullam causam adfert, quàm curam evitandi mali majoris. Atqui hæc ipsissima est Leibnitii decisio. *Summatim*, inquit Vir illustris, *Lupanaria non sunt toleranda, nisi ad evitandum majus malum in regionibus calidioribus. Quimetus majoris mali cum regulariter non adsit in regionibus septentrionalibus, vix est ut prudenter faciat Magistratus lupanaria tolerans. Nec est quod dicas electionem minoris mali saltem procedere in naturalibus, non in moralibus; Neque enim facienda esse mala ut inde eveniat bonum: Uti enim alterius loci est disquirere de falsa hujus loci & explicatione & applicatione in se verissimi: ita tamen ex iis, qua supra de differente natura honesti, justi & decori diximus, patet, mala injusta non admittere electionem, at vero indecori & inhonesti non eandem esse rationem, præprimis intuitu non ejus, qui perpetrat indecora aut inhonesta, sed ejus, qui cum non possit impedire utrumque, tolerat saltem minus, qua omnia communiter miscentur in communi applicatione regula: Non esse facienda mala, ut &c. Canon celeberrimi Viti hic est: *Permittendum est malum, quoties majus ex ipsius impedimento oriretur.* Atqui hæc est ratio Leibnitii, quare à DEO malum permissum; quia minus conveniens fuisset, seu majus incommodum ortum esset, si absolute obstitisset: eoque hic mundus in quo permittitur malum, convenientior est, non ob mala, sed ob incommodorum cum aliis comparatorum in diversis systematibus, paucitatem. *Monstrent saltem adversarii casum quo malum permittere licet, intelligent eo contineri regulam Leibnitii.* Si nolint ita Leibnitium resutare, aut hæc examinare causam, si*

non

non inquisiverint in rationes, quibus permittere malum licet, indicio id erit infirmæ causæ. Plura non addo, quod integri in hanc materiam scripti libri me arbitrò sufficere possunt. Non autem hæc superflua erant, quoniam cum Theologorum disertis verbis, & sententiis de præsentī causa nemo hæcenus Leibnitii cogitata contendit.

DE  
APPLICATIONE PHILOSOPHIÆ  
*Secundum accessiones &c. In capite*  
de CHRISTO & *quidem speciatim de*  
Omnipræsentia *Humana ejus*  
*natura.*

CAPUT VII.

§. I.

**A**D considerandum hoc mysterium summā veneratione, precibus ardentissimis præmissis, accedamus oportet, ut nobis naturā caligantibus cœlestem affundat lucem supremum in cœlis Numen (a): Quoꝛ scriptis in utramque partem editis de Omnipræsentia Christi ut hominis decertatum fuerit, nemo, nisi literarum plane expertus, ignorat. Nostrium est indicare, an usum in ea lite præstet recentiorum doctrina Philos. nec ne? Præstruenda vero quædam ante sunt, quàm ad ipsū institutum pergamus.

*Accessus  
ad materiam.*

- (a) Controversiæ hujus historiam omnium plenissime tradit exc. Dn. Plāssius Cancell. Tub. in Hist. litter. T. II. L. III. p. 420. seqq. ubi & quid Chemnitius de Omnipræsentia carnis Christi senserit, indicatur, addi potest David. Parzi methodus ubiquitariæ controversiæ

contra Albertum Gravverum. Confer. Adrian Baillet  
des satyres personnelles &c. T. I. p. 361.

## §. 2.

*Quæstio.* Quæstio est gravissima, an corpus Christi queat  
esse *Omniprasens*? Celebrissimi Reformationum Do-  
ctores pariter ac formulæ concordiæ Promachi, in  
eo consentiunt, tantum humana Christi natura à *λόγῳ*  
tributum esse, quantum sine contradictione fieri potuit,  
& res creata ad summum capax fuit: Tum vero in  
diversa abeunt, quum quæstio est: num contradi-  
ctionem involvat, unum corpus esse *prasens multis*  
aut *omnibus locis*, affirmantibus quæstionem Dn.  
Reformatis, negantibus formulæ concord. doctis-  
simis Patronis. (b) Quod si igitur paulo distin-  
ctius per doctrinam recentiorum ostenderis, nullam  
habere locum contradictionem, si vel maxime cor-  
pus quoddam multis *prasens locis* statuatur: intel-  
liges, hujus Philosophiæ non plane nullum esse  
usum.

(b) Ratio enim Dn Reformationum, cur negent posse cor-  
pus esse *omniprasens*, non est, quia DEUS noluerit  
Christum hominem ulterius evchere, sed quia id con-  
tradictorium putant, ut finitum corpus ubique *præsto*  
sit. Edidit Turretin. ultra Pfaffium dissertat, quâ ostendit,  
contradictoria non debere credi, eo interpretans  
Cancellarii hujus dicta, ac si per ἀκατάληπτα con-  
tradictoria intelligeret. Respondit vero Vir Celeb. in  
dissertat. Num contradictoria proprie loquendo possint  
credi? Accessit Dan. Maichelii examen succinctum  
dissert. ab Alph. Turretino scripta contra Pfaffium &c.  
Sum interim in ea sententia, ut credam, solutionem  
hujus quæstionis ad Philosophiam pertinere. Sermo  
enim, num quid involvat contradictionem? rationis est.

num

numquid vero ut existens revera credi debeat, pertinet ad Theologiam. Illa quæstio præliminaris, hæc Theologica & capitalis. Vid. Menzerus in brevi confid. Theol. Photinianæ p. 345. Non igitur principia rationis immiscetur revelationi, ubi docetur ex Philosophia, hoc aut illud non esse absolute impossibile; sed consensus tantum ostenditur Philosophiæ cum Theologia. Quod si ita arguerem: *Corpus esse omnipræfens sine contradictione potest, ergo revera est Omnipræfens*, tum *μετὰ βασιν εἰς ἄλλο γένος* admitterem. Cum ex omnium mente Theologia non sit contra rationem sed supra eandem, quoties in applicatione hujus theos. generalis, ad speciales casus quæstio incidit, num hoc dogma rationi adversetur, i. e. contradictionem involvat? necessarium est ut ostendam ex ratione: quantus ejusdem cum Theologia, seu an consensus locum habeat? Si ex Theologia decisionem petas, semper causæ buntur Antagonistæ, ipsæ oraculorum citatorum interpretationes esse contradictorias, te petere principium &c. posse eodem jure credi, Deum esse propriè Leonem; cum ita in sacris adpellatur &c. Nunquam proficies quidquam, nisi te contuleris ad examen rationis, quid contradictorium sit, aut non sit; nisi docueris, contradictionem non pertinere ad idem, secundum idem, aut eodem modo &c.

## §. 3.

Qui, num corpori *πλυτοπία* competere queat? *Αναλυσις*  
 disputaturi sunt, eos lex methodi jubet, ut in- *quæstionis,*  
 quirant (c) quid præsentia sit? quid denique cor- *quid sit*  
 pus? tum explicato utrimque subjecto & prædi- *existere?*  
 cato, judicari poterit, an istæ ideæ prorsus ini-  
 micis cornibus pugnent, nec ne? Cogitari sine  
*existentia præsentia* nequit; est enim *præsentia* nihil  
 aliud, quam existentis ad aliud existens proxi-  
 mus respectus: de præsentia igitur sermonem fa-

Æturis definienda est *existentia*. Ea autem ita à Recentioribus describitur. (*d*) *Existentia est status essentiae quo apta est ad agendum, vel patiendum.* Quicquid existit hoc caractere continetur, & vicissim, quidquid hunc caractere habet, illud revera existit. Definitio itaque est genuina, cum definitionis nominalis sit, exhibere caractere, uni, soli rei, & semper competentem. (*e*) Id quod neminem logicæ præceptis vel obiter initiatum fugit.

(*c*) Vid. Leibnitii Discurs. de Harm. ration. revelat § 20. ubi monet, accurate prius decidendum esse, in quonam corporis natura ponatur, si de possibili ejus *πολυπρία* quid statuere in animum induxerimus.

(*d*) Vid. Bulffing. Dilucid. p. 257. §. 270. ne quis autem huic definitioni Scheiblerianam anteponat, quâ id existere docet, quod sit positum extra causas Libr. I. cap. 15. §. 2. *Existentia est actus secundum quem res ponitur extra causas.* p. 184. velim observetur, non satis late parere hanc definitionem; Deus enim existit, nec tamen extra ulla ponitur causas. Itaque nostra definitio præferenda est, maxime, quod nihil allegari possit, quod existeret, nec tamen vel pati quid posset, vel agere. Tuto igitur huic superstruere licet.

(*e*) Mathematicæ methodo assueti distinguunt inter definitionem nominalem, & realem, alio sensu, ac auctor artis cogitandi, & Clericus in log. opëribus Philosoph. præmissa P. II. cap. 12. p. 111. ubi ait: *definitionem rei exponere, qua rei natura sit, nominalem vero, quam significationem nomini cuiuspiam tribuamus*: Contra Leibnitius & Wolffius Mathematicos secuti, v.g. in log. Cap. 1. §. 38. p. m. 28. nominalem dicunt definitionem quæ characteres exhibeat, quibus res definita ab alia semper & in omni statu distingui possit: realem

realem vero definitionem adpellant eam, qua rei genesin & ortum exprimat, quâ aliquid possibile sit. Nullus igitur dubitò quia definitio existentiae genuina sit.

## §. 4.

Cum in definitione existentiae actionis & passionis sit facta mentio, non alienum est, ad notionem explicatiorem præstandam, indicare: *quid sit agere? quid pati?* agere dicitur A. in se ipso, quando ratio alicujus B, in A. observandi, neque ad hujus essentiam pertinentis, est in ipso A. Si v. g. ratio desiderii, quod in anima existit, est in ipsa anima, tum dicitur hæc agere, *actione immanente*. Contra agere dicitur A. in aliud C. si ratio alicujus, quod B. vocabimus, & ad essentiam C. non pertinet, continetur in A. Sic DEUS in creatas res agit, quia mutatio in illis orta rationem habet in DEO. Pati contra dicitur C. cum ratio alicujus B. in ipso C. observandi, nec ad ejus essentiam referendi, continetur in A. Non est cur regeras, has definitiones parum sufficientes esse, *quia in causa finali sit ratio cur effectus prodeat, nec tamen causam finalem in effectum agere, nisi forte fuerit, ut causam efficientem confundere cum finali velimus: nam causa finalis non agit accurate loquendo, sed representatio ejus, eoque hoc dubium ad Rhombum facit nihil.* (f)

*Quid sit  
agere &  
pati?*

(f) Vid. Wolff. Metaph. §. 104. p. 42. Eine Veränderung/ davon der Grund in der Sache anzutreffen/ die verändert wird/ heisset man das Thun/ hingegen eine Veränderung/ davon der Grund in einer andern Sache/ als die verändert wird/ anzutreffen/ heisset man eine Leidenschaft.

U 5

Nota

Nota tamen hanc definitionem solum pertinere ad res creatas, nostram in Textu, ad omnes.

## §. 5.

*Definitio  
præsentia.*

Expendimus, *quid sit existentia?* Præmonuimus quoque, præsentiam nihil aliud esse, quam proximum respectum existentis ad existens; Non ergo poterit, mea tenui sententia aliter præsentia definiri, quàm hōc modō: *Præsentia rei ad rem est status, cujus gratiâ res in rem aut agit aut agere potest, res à re patitur, aut pati potest, vel immediate, sine interventu ullius rei alterius, vel sine intercurſu saltem plurium.* Demonstratio ita habet. Existentia est status agendi vel patiendi, præsentia vero est respectus existentis ad existens. ergo ipsa quoque est status, quō res in rem vel agere, vel ab ea sine interventu plurium pati potest. Sub operationis vocabulo complector illum quoque respectum, quō quædam res alias repræsentant. Ubi enim est status aliud repræsentandi, seu in id operandi immediate, vel operationes ab eo recipiendi, ibi est duarum rerum mutua præsentia. Qui aliter definiunt (g) infinitis implicantur difficultatibus. (h)

(g) Alii præsentiam definiunt barbara voce, *per adæsentiam in loco s. spatio, sive per modum, secundum quem res dicitur in spatio.* Vid. Suarez - disput. 51. Sect. I. num. 14. Non possum enim, quin tam exosos etiam Scholasticos in controversia maxime metaphysica eicem. Sed quid est spatium? *an est receptaculum immensa ratione extensum, in quo res omnes collocentur?* Profecto talis conceptus, si quisquam alius, rationi summopere repugnat, quod primus animadvertit Leibnitiſ in Epistol. V. ad Clark. T. I.

Recueil.

Recueil. p. 119. §. 62. seqq. Si enim in duas v. g. partes perfecte æquales mente dividam tale receptaculum, altera pars alteri erit perfecte similis, nec ullo momento discernenda, erunt igitur ambæ res una, iterato conceptu repræsentata. De ista una parte simile valet ratiocinium, & sine fine quidem, ut tandem spatium illud, seu receptaculum ad punctum mathematicum individuum revocetur, eoquæ nonnisi figmentum reperjatur mentis. Spatium igitur, aliter cum Leibnitio definiendum, est ordo rerum quatenus existunt simul, ubi nihil existit, ibi nullus ordo, nullum spatium. Vid. Recueil T. II. p. 139. Dum igitur Veteres præsentiam adpellant, modum, secundum quem res est in spatio, falluntur, receptaculum extensum ab omni re abstractum innuentes, sensus ergo definitionis eorum, si quis sit, hic nec alius esse potest: præsentia est modus secundum quem res est in spatio i. e. ordine rerum simul existentium. Et quoniam res propterea existunt, quia possunt operari, aut pati, præsentia erit peculiaris modus secundum quem res existit, i. e. pati aut agere potest, in ordine rerum simul existentium, i. e. quæ pariter operari & pati possunt. Sic resolvitur Veterum definitio in nostram, quæ Wolffii est Physic. de finibus §. 27. p. 44.

- (b) Qui præsentiam concipiunt per ἀδιασσίαν in spatio, illi rem præsentem ut spatio coextensam non possunt non concipere, erit enim res præsens vel spatii extensi punctum mathematicum i. e. nihil nisi conceptus mentis, vel physicum, i. e. extensum minimum. Inde fontes omnium difficultatum in compositione continui, & hæc quoque materia obviarum, oriuntur, quod spatii ideam formamus, tanquam extensi receptaculi partibus mere similibus constantis, quod est absurdum. Novi Theologos ἀδιασσίαν ab operatione discretam præsentiaæ conceptui tribuere v. g. Gerhard. loc. Theol. de nat. Dei p. 70. num. 115. ex reformatis Turret. Theol. Elenctic. Loc. III. quæst. 9. §. 8. p. m. 218. ex Scholasticis Fonsec. L. V. Metaph.



c. 15. quæst. 9. S. 4. Suarez. disput. 30. sect. 7. n. 14. disp. 51. Sect. 4. 11. Scaliger. Exercit. 359. &c. Sec-  
 novi etiam, ubi ad caput rei perventum est, Theo-  
 logos præsentiam Dei expansivam negare, adeoque  
 arcere conceptum spatii, quo evitato nulla *ad-iacen-*  
*tia*, quam quæ in operatione ponitur, superest; No-  
 vi Scholasticorum argumenta aliter sentientium nullo  
 nixa esse fundamento. Scaliger. v. g. exercit. 359.  
 frustra objicit: *non posse præsentiam consistere in opera-*  
*tionem, namque rem esse posse etsi non operetur*; petit  
 enim principium: Accedit, quod si res non operetur  
 aliquid obster, quo minus id fiat, eoque facto salim-  
 patiatur, quem alterum existentia characterem in crea-  
 tis rebus dixi. Non potest igitur fieri neutrum, ubi re-  
 vera quid existit. Pergit Vir subtilissimus: *Si angelus esset*  
*in suo ubi per operationem, non posset in eodem ubi aliam*  
*exercere operationem, sed variata operatione, variaren-*  
*tur ubi. At hoc est absurdum, quia Angelus sine mu-*  
*tatione loci varia agere potest*, E. Facilis est responsio:  
 Alii in angelo operatione immanente exorta, præsen-  
 tia ejus ad res externas non variatur; Neque enim  
 præsentiam statu operandi immanenti ratione contine-  
 ri diximus: sed ubi alia operatio ab angelo in rem  
 aliam suscipitur, nec in unam rem operationes conti-  
 nuantur; fieri non potest, quin præsentiam mutet suam.  
 Quocirca Deus nullibi absens esse potest, quia nusquam  
 non in res creatas operatur, Frivolum est quod Vir acutus  
 subjicit. *Deum esse in spatiis infinitis extra cælum, nec*  
*tamen ibidem operari, præsentiam ergo operandi statu*  
*saltem si Deum spectes, non absolvi.* Spatium extra  
 cælos effectum est nihil, Deus vero non est in nihi-  
 lo. Actuosissimus est in se, si vel maxime nulla res  
 adesset, itaque vere absque mundo existit, non tamen  
 est vere præsens sine mundo.

## §. 6.

Exami-  
 natione  
 verba

Quâ definitione observatâ duo extrema evi-  
 tari possunt, alterum eorum, qui præsentia con-  
 ceptu

ceptu præter repræsentationem, agendique & pa- definitionis  
ordinaria.  
 tiendi in & ab aliis rebus statum, nescio quam  
*ἀδιαφορίαν* distinctam complectuntur, cum *ἀδια-*  
*φορία* per illas notiones demum accurate & distin-  
 ctè cogitetur: Alterum Viri cujusdam eruditi Be-  
 rolinensis, (i) qui *præsentiam rei actualem ejus ex*  
*propriis notis agnitionem esse docuit*, multa enim  
 corpora sunt unà, quorum neutrum distinguit  
 alterum, multominus ab altero agnoscitur. Ge-  
 neratim observandum, quod potissima Metaphy-  
 sices Scholasticæ incommoda in eo ponantur, ut  
 ex copia divisionum laboret, secundarum autem  
 definitionum inopiâ maxime prematur. Sunt enim  
 pleræque synonymis formatae verbis, aut obscu-  
 ris nihilque sonantibus. Prioris navi exemplum  
 est *præsentia definitio*. Dicunt Auctores *eam esse ad-*  
*sentiam rei in loco*. Sed *adessentia* est barbarum vo-  
 cis puræ (præsentia) Synonymum. Cur igitur  
 fumos vendunt Scholastici? Cur Synonyma ob-  
 trudunt, res difficillimas definituri? *adessentia* de-  
 rivatur ab *adesse*, quæ autem quæso Synonyma  
 sunt, si *adesse* & *præsentem esse* non Synonyma  
 sunt? Similis ratio est vocis *ἀδιαφορίας*, quod idem  
 sonat, ac *non distare, prope alterum stare*. Nova  
 video vocabula rem ipsam caractere certo decla-  
 ratam non video. Est hæc opportunitas Philoso-  
 phiæ recentioris, ut res ipsas rimetur, cortici vo-  
 cabulorum non inhæreat. Non id agimus, ut in  
 philosophando copiam impetremus vocabulorum,  
 sed ut rerum, vocibus designatarum, characteres  
 distinguamus. Qui igitur affirmat præsentiam  
 esse *ἀδιαφορίαν* ille vocabulo aliud synonymum  
 substituit, rem ipsam non indicat aut exponit. Quo-  
 circa

circa si quis urget, ut in præsentiæ conceptu præter statum in aliud vel operandi, vel ab eo operationem recipiendi, ἀδιασσίαν complectar, is perinde agit, ac si postularet, ut præter citatos characteres in definienda præsentiā etiam ceu distinctam consideratam ipsam præsentiā, non enim præsentiā differt ab ἀδιασσίᾳ nisi sonō. Accedit quod ἀδιασσίᾱs vocabulum tacite notionem extensi receptaculi, in quo res una stant, animo offerat, quā ideā ad conturbandos in hac doctrina animos nihil est accommodatius, pestilentiusque nihil.

- (i) Intellego Christian. Gabriel. Vischerum Prof. Phy. extraord. in dissert. *an spiritus sint in loco?* p. 3. §. 8. satis ob intempestive propalata Leibnitii dogmata infelicem. Maximum eruditi orbis decus Buddæus in Theol. dogmat. p. 1054. existimat, *humanam naturam Christi non per solam operationem, & scientiam, h. e. prout omnia cognoscit, & omnia ubique operatur, esse præsentem, improprie enim præsentem esse, qui ita saltem præsens sit, nec cum communicatione naturarum hoc conciliari posse; quin potius Christi humanam naturam in se, & qua ipsam substantiam spectatam, omnibus rebus creatis actu præsentem esse.* Sed si calculos recte subduco, in substantia corporis cujuslibet, eoque etiam corporis Christi nonnisi duo, aut tria attendi possunt: *vis agendi*, de qua in anteced. *extensio*, & *αὐτιτυπία* seu vis inertiz. Extensionem si spectaveris, non esse potest secundum eam Corpus Christi omnipræsens, fatente id integro Theologorum choro, qui expansivam præsentiam negant, & pernegant: *αὐτιτυπία* est ratio similis, neque enim ubique resistit corporibus cæteris gloria cœlesti vestitum Christi corpus. Ergo in substantia corporis Christi nihil remanet, quam vis agendi, quæ cum divina ἡ λόγῳ personaliter unio

ta ubique est, quia omnia in omnibus operatur. Qui ergo quoad immediatam operationem præsens undique est, is & quoad substantiam vere præsens est, una alteram involvit.

## §. 7.

*Existentia est status essentia quò quid agere aut pati potest. Præsentia autem est duorum pluriumve existentium status, quorum alterum in alterum sine intercurfu aliorum saltem plurium agere potest, vel & pati; Ergo ab operatione ad præsentiam non præbetur transitus longus. (k) Errant propterea, qui actionem dari putant in loca distantia; (l) Eorum sententia distincte evoluta tam rationi dissentanea est, ac si quis contendere: posse eandem rem uno eodemque respectu & tempore agere & non agere: agere quidem ob hypothefin, quam fingunt, operationis in distantiam, non agere vero, ob hypothefin absentia, seu negatæ præsentia i. e. illius status, quo quid in alterum sine aliorum interventu operari solet. Quod si hæc idea semet ipsam non destruat, non intelligo, quid tandem contradictionem involvat. Cognoscitur ex definitione porro, quomodo alterum altero propius, aut, ut ita loquar, præsentius sit? Quo pauciora aut plura intercurrent ut unum possit in aliud agere, eo propius aut remotius alterum est ab altero. Si unum agat immediate in alterum, alterum in tertium, tertium in quartum: tum quartum non tam præsens est primo, aut vicissim, ac primo quidem solet esse secundum. Ne dicas, posse vincetum carceris in carcere non agere in Carnificem licet præsentem:*

*tem: tenue esset hoc dubium: Qui enim agere in Carnificem non potest, pati tamen potest: ut omittam, radios à corpore vincti reflexos Carnificis oculos afficere, effluvia è corpore Capri vi exeuntia protrudere aerem, hunc autem in Carnificis corpus actum id contingere &c.*

(k) Quæ Leibnitii observatio est in *Discurs. de Harm. rat.* revelar. § 19.

(l) Ita sentit Newton. vid. *Recueil T. I. pag. 79. 144 §. 118. p. 196.* Animum forte subit, si inter duo corpora unum duntaxat passum distantia, omnia alia tollerentur, per quæ alterum in alterum agere posset, præsentiam quidem utriusque mutuam remansuram, sine aspen mutua actione aut reactione: Sed absurdam hypothesein, quæ nexum creaturarum interrumpit, ineptam conclusionem patere, mirum non est. Quid? quod eo casu vis certe agendi, aut patiendi facultas sine interventu plurium, locum habitura esset, licet exercitium ejus majore vi sufflaminaretur, id vero ad stabiliendam præsentiam sufficit.

### §. 8.

*Præsentia  
species.*

Cum præsentia sit, status rerum, quò in se mutuo agere possunt, aut pati sine aliarum interventu: facile intelligitur, quomodo reliquæ species aut classes præsentia definiri possint. *Omni præsentia est status quò ens supremum omnes omnes res representat, easdemque potentissimo concursu animat, dirigit, moderatur, gubernat. Quæ acti Dei in res omnes longe consummatissima est, nulla re actione creaturarum limitata, nulla passiva interpolata, quem existendi modum Scholastici vocant actum purissimum. Succedit alia præsentia classis, quæ spiritibus competit; illi enim præ-*  
fe

fentes dicuntur; ubi operantur, operatio autem eis nulla alia competit, quam intelligendi, & adpetendi; sunt igitur præsentes, (si nulla corpora regunt) illis rebus, quas distincte repræsentant intelligunt, & circa quas averfando & volendo versantur. Noli ideam *αδιαστίας* immiscere, ne idem per idem explices, quasi diceret: *Spiritus præsentes sunt, ubi αδιαστοι, i.e. ubi præsentes.* Ita Paulus, *quonquam*, inquit, *corpore non sim præsens, animo tamen vestris rebus intersum, non sine latitia considerans & ordinem sacrorum, & fidem in Christum Coloss. 2. v. 5.* Non est, cur hanc præsentiam improprie adpellatam accuses: quod si enim Angelos animasque post mortem ab omnibus plane corporibus separatos statuas, nulla in eos præsentia cadere potest, quam talis. At alia ratio est, ubi & angeli subtilissimis corporibus regundis (m) præsunt.

(m) Ita certe sentit Leibnîtius Recueil. T. I. p. 119. §. 6r. & alibi.

### §. 9.

Naturali præsentiâ porro ibi præsto esse dicimur, ubi res repræsentant sensus nostri, *auditus, visio, tactus, gustus & olfactus*, atque etiam ubi à rebus adficiuntur, unô verbô: *ubi sensus operantur s. patiuntur.* Intelligitur ergo, quomodo quis corpore possit esse his rebus præsens, animo autem absens, uti de se Paulus loquitur 1. Cor. 5. v. 3. Illis nimirum rebus corpore intersumus, quas sensus repræsentant, quibusque afficiuntur, illis autem animô, de quibus cogitamus, non

*Præsentia naturalis,*

clare tantum, sed & distincte, seu, si mavis, quas intelligimus & meditamur per partes. Præsentia beatorum post resurrectionem posita erit in sensuum gloriâ cœlesti vestitorum representatione, ex quo decidere litem possumus: *num vita æterna locum certum arguat an tantummodo statum?* (n) quod ulterius explanarem, si instituti ratio posceret.

(n) Quid inter nonnullos Scholasticos & Theologos quoque de hac re disputatum sit, neminem temere præterit. Becanus Pontif. *Cælum empyreum vita æterna locum esse docet*: de purgat. Calvin. in append. c. 1. n. 3. p. 44. Lampad. cens. ubiquit. pag. 76. idem sentit Magister sentent. L. II. distinct. 3. Ursinus in compend. doctr. Christ. p. 345. Sohn. disp. de creat. T. I. op. p. 114. vel unica loci distincta notio lites omnes sustulisset. Sed manum de Tabula.

### §. 10.

*Gradus* Divina præsentia suis gradibus distinguitur.  
*div. præ-* *Primus* gradus est præsentia generalis, per quam  
*sentia.* DEUS omnia regit, moderatur in cœlo & terra  
 Hebr. 1. v. 3. *Secundus* gradus est præsentia gratiosæ, per quam DEUS in cordibus credentium habitat, i. e. novos motus accendit Joh. 14. v. 23.  
*Tertius* gradus est præsentia gloriosæ, ob quam Angelis & electis suam DEUS gloriam conspiciendam præbet Joh. 17. v. 24. *Quartus* denique gradus præsentia hypostaticæ, per quam totum divinitatis πληρωμα in Christo homine habitat, i. e. ineffabili modò cum carne Sospitatoris unitum per & in ea omnia in rebus creatis agit, conservat, dirigit & arbitratur. *Quot sunt (o) divinarum operationum*

rationum species, tot gradus præsentiæ DEI constitui possunt.

(o) Verba sunt Joh. Gerhardi loc. Theol. de nat. DEI num. 119, p. 71.

### §. II.

Cùm ea sit præsentiæ natura, ut operandi & patiendi statu contineatur; perspicuum est, quam necessarium sit, ut hinc spatii cujusdam extensi præsentibus rebus substrati notio longissime arceatur, nec distantiae cujusdam fiat (p) mentio, in qua res rei vel adpropinquatur, vel ab eadem removetur; namque is conceptus ad res divinas translatus receptaculi, in quo res præsens sit, expansi ideam animo offert, quæ innumeros cogitandi labyrinthos recludit. Hac inducti ratione saniores Theologi omnes inde à Christo nato ab his conceptibus abstinere jusserunt. Nescio tamen, quid fiat, ut hoc imaginationis phantasma, furcâ licet expulsum in gravissimis tamen controversiis, vel nihil tale opinantibus obrepit? Digna sunt verba Augustini quæ h. l. recenseantur: (q) *In eo quo DEUS dicitur ubique diffusus, naturati resistendum est cogitationi, & mens à corporeis sensibus avocanda, ut quasi NB. spatiosa magnitudine opinemur Deum per cuncta diffundi, sicut fumus, aut humor, aut aer, aut lux ista diffunditur, omnis enim hujusmodi magnitudo minor est in sui parte, quam in toto, sed ita potius, sicut est magna sapientia etiam in homine, cujus corpus est parvum, & duo si sint sapientes, quorum alter sit corpore grandior, non est illa in majore major, in minore minor, aut minor in*



*nno quam in duobus &c. tandem claudit : absit ut quod potest in se qualitas creati corporis, non possit in se substantia Creatoris.*

(p) Distantia & *adiasoria* sine spatio extenso cogitari nequeunt, animo enim offerunt longitudinem, quæ certis pedibus designata distantiam metitur. Longitudo autem omnium consensu extensionis modus aut species est. Hinc tam solícite curavit Leibnitius, ut, exsiccatis his difficultatum fontibus, aliam distinctionem spatii notionem exhiberet. Vellem ut lectores laud gravatæ Epistolæ ejus ad Clarkium cum summa attentione legerent : Quæ enim ibi de spatio probavit, heic supponuntur. Sæpe miratus fui, cur his notionibus in describenda DEI præsentia uterentur eruditi, nec tamen alia occasione in rectam viam non redeuntes ideam præsentia diviniæ expansivam cavendam, rectissime & peropportune dicerent. Audiamus Braunium in doctrina foederum p. 160. §. 12. ita differentem. Non possumus concipere Omnipræsentiam DEI, nisi per ejus operationes, cum omnia creet, & conservet, & quidem per essentiam, quandoquidem essentia DEI est maxime actiuosa, immo actus purissimus. Certissimum est Deum in omnibus creaturis, sive sint spiritus, sive corpora, potenter operari. Cum autem operatur per voluntatem DEI, & voluntas sit ipsa essentia, sequitur eum operari per essentiam, eoque rebus omnibus per essentiam esse præsentem. Multis etiam verbis antecedentibus disputat contra ideam extensionis i. e. distantia. Occupatur his verbis quoddam dubium: Erunt forsan, qui dicent: *stante hæc sententiâ præsentem Deum futurum, non secundum substantiam, sed solum juxta potentiam & operationem, quod saniori doctrina repugnet.* Dixi autem in antecedentibus §. 7. hujus cap. inter operationem rei ejusdemque substantiam nullum ambigere intervallum: respondet hic etiam Braunius: substantiam DEI nihil aliud esse quam ens actuosissimum. Quodsi igitur per operationem præsens est, præsto quoque est per substantiam, ipsa enim ejus substantia est infinita vis agendi. Examina  
quæso

quæso, quid in substantia distincte cogites, si à vi agendi immensa cogitando discesseris: profecto nihil aliud quàm *un je nesci quoy*. Cur vocibus nihili delectamur dudum à Clerico in arte critica explosis? Redi in memoriam definitionis, quâ existentiam explicui, non poteris non fateri, per & propter operationem substantiam alicubi esse, est enim secundum recentiores *substantia nihil aliud quam vis agendi*, radix vitæ & actionum, fons operandi, ex quo actiones derivantur.

(9) Verba sunt Augustini de præsentia DEI ad Dardan. c. 4. notionem igitur spatii in doctrina divinæ præsentia summo improbat opere Ven. Præsul.

### §. 12.

Disceptatum fuit inter summos Theologos Saxones & Tubingenses: *an præsentia Dei ab operatione ejus seungi queat? (r) potueritne humana Christi natura ante statum gloria præsens locis omnibus esse, abdicata omni in res creatas operatione, earumque regimine tantisper prorogato?* Affirmantibus quæstionem Saxonibus, negantibus qui Tubingensium Parnasso præsunt. Si eâ, quâ par est modestia, quid sentiam, exponere liceat, dicerem, operationem à præsentia tam non posse divelli, quam definitio à suo definito separari nequit; alterum altero explicatur. Præsentia à vi operandi in hoc aut illud, differt ut *obscure cognitum à cognito distincte*, ut character à re characterè donata, ut definitio à re definita. *In quodcumque aliquid operatur, ei etiam est præsens.* Si præsentiam distinguendam contendas à vi operandi, etiamsi non *materialiter*, *formaliter* certe, characterè peculiari opus est, qui in præsentiam cadat, non cadat in vim operandi. Sic v. g. alius character est, quò discerno Dei omniscientiam, alius, quo cogito æternitatem, alius, quò voluntatem

De contro-  
versia Sa-  
xonum &  
Tubing.

tem &c. Atqui nullam te allegaturum præstabo. Num provocabis ad *αἰδιασάριαν*? Synonymum pro charactere obtrudes, verba dabis pro conceptibus. Quomodo concipies ipsum, *quod non distat*, an ut punctum in spatio, an ut magnitudinem extensam? credo te eo non deventurum. Num forsan τὸ αἰδιασάριον ut quoddam existens cogitabis: quæro ex te *quid sit existere?* eo enim explicato facilis conjectura erit, quid sit præsto existere, i. e. esse præsentem. Non poteris sine gravissimo incommodo aliam definitionem existentiaæ adoptare nisi nostram, quâ agnitâ, nobiscum præsentiam per vim operandi in hoc aut illud definies. Quod nullum peculiarem characterem præ altero habet, id ab eo distingui non debet, nec *formaliter* quidem. Cum igitur præsentia ita comparata sit, ut vim operandi in hoc aut illud, mente sejungentibus nullum ulteriorem characterem offerat: oppido intelligitur, (s) differre vim operandi à præsentia tanquam distincte cognitum ab eodem cognitò obscure.

(r) Notissima est controversia ante hos centum, & quod excurrit, annos agitata. Prostant Thummii in hoc negotio scripta, v. g. *assertio sana & orthodoxa doctrina* 1621. *Kürzer Bericht etlicher streitiger Fragen über der Gegenwart des Menschen Christi* 1625. *Amica admonitio super decisione Saxoniorum. Ex altera parte Apologia Saxonum* Lipsi. 1625 & quæ primo loco fuisset nominanda, *decisio ita nominata* 1624.

(s) Ex male formata præsentia divina idea, cum distingueret præsentiam & *αἰδιασάριαν* à vi in omnibus operandi, eo delapsus est Heshusius ut negaret Omnipræsentiam carnis Christi ex Scriptura probari posse. Vid. Melchior Adam in *Vitis Theol.* p. 621. Micraëlius in *syntagm. Hist. Eccles.* p. 867. Quenstedt de Patriis

Viror-

Viror. Illustr. p. 622. de Heshusio sequentia memoriæ prodidit. *Ante librum Concordia defendit Omnipræsentiam carnis Christi, postmodum vero non tam ipsam in libro concordia de Majestate Christi hominis doctrinam, quam præconceptum cerebri sui idolum impugnavit, talem sc. Omnipræsentiam, qua substantia carnis Christi, sit localiter, extensive, diffusiva & objective in omnibus creaturis, cum qua portentosa ubiquitate nostris Ecclesiis nihil quicquam fuit commercii.* Vid. Micræl. syntagm. Hist. Eccles. p. 758. de Melchiore Adamo, qui Heshusii vitam dedit vid. Acta Erudit. Lips. mense Junio 1684. p. 288. Pronò alveo illa consequentia, quod Omnipræsentia Christi sit localis, fuit ex distinctione inter ἀδιασώτως, & vim operandi. Nam prior, ubi à posteriori discesseris, nullo charactere discerni potest, nisi *universalis diffusionem*, quæ à re nulla distat. Si hunc characterem non admiseris, nullum habes, eoque de re affirmas & negas aliquid, quam non nōsti. Perinde ac si calculum subducere institueres ex numeris nondum perspectis. Cur negas præsentiam in operatione querendam, cum præsentia quæ talis peculiarem, diversumque à vi operandi characterem allegare non possis, synonyma tantum obtrudendū?

## §. 13.

His præstructis propius ad ipsum institutum accedimus. Exposuimus quid præsentia sit, monuimus dari varios præsentia modos aut gradus §. 10. Intelligitur ergo alium præsentia modum non everti ab alio. DEUS generali præsentia præsto est ubique; conservat enim res creatas omnes, ad eatum actiones universas & singulas concurrit &c. eoque sensu *metaphysico*, non *physico* terrarum cœlumque replet. Jerem. 23. v. 24. Contra hanc præsentia non obstante DEUS *determinate* hîc potest

*Una res  
potest esse  
diversis  
modis  
præsens.*

test esse, nec eo modo alibi, i. e. singulari operatione, ut DEUS hanc rem creatam afficiat, nec aliam, nihil omnino impedit. Falleretur oppido, qui ita argueret: *Qui alicubi est, nec alibi, is non potest esse ubique; altera enim idea destruit alteram. Altera arguit finitam presentiam, altera infinitam, non possunt itaque in idem subjectum cadere ambe presentia*: Erraret, inquam, qui ita ratiocinaretur: diversitas enim modi dissipat nebulas, & metum contradictionis atrum. Novimus DEUM ita in vento fuisse certa ratione, ut eadem non fuerit alicubi 1. Reg, 19. v, 11. Nemo tamen dixerit, DEUM eo casu desiisse esse omnipresentem. Fuit igitur abiens & præsens idem DEUS eodem tempore, sed intuitu diverso, quo omnis idearum pugna amicissime componitur.

## §. 14.

*Quid sit  
corpus?*

Expendimus, ni fallor, distinctius iudicanda propositionis: *num corpus Christi possit esse omnipræsens*, prædicatum: Nunc in eo est, ut & subjecti notiones præstemus explicatiores. Tria in quolibet corpore discernimus, *materiam* (1) sive multitudinem quæ componitur: *essentiam* compositi, sive modum materiæ disponendæ, & variegatæ, denique *naturam*, sive fontem mutationum, s. operationum, i. e. vires motrices. Huc accedit quarto *determinatus modus* cæteris rebus coexistendi, qui locus (2) adpellatur. Unum horum perfectionem arguit, tria reliqua perfectionis limitationem. Multitudo compositorum, seu materia, rerum finitarum indicium est; non enim cadit in substantiam immensam, quæ

quæ prorsus unica, uti supra docuimus. Si quid perfectionis multitudo, qua talis, innueret, à Deo aliena non foret, quippe qui omnes omnino perfectiones complectitur. Similis ratio est *essentie* corporis, quæ in *modo compositionis partium* collocatur. Ubi partes ibi res finitæ, ubi partes hęc aut illo modo dispositæ, hoc aut illo modo vim suam in se mutuo, movendõ, cohærendõ exercentes, ibi oritur *determinatus reliquis rebus coexistendi modus* i. e. *locus*, eoque & hic limitum in rebus filius est. Alia ratio est virium corporis motricium, quæ perfectionem involvunt, & per multitudinem seu distinctionem, quâ partes exhibent, limitantur. Ponunt illæ vires aliquid in rerum natura, non limitant, ut limitat multitudo partium i. e. materia, ut compositio partium, i. e. corporis essentia, ut determinatus existendi modus, i. e. locus. *Omnis autem perfectio in consensu variorum ponitur*; Ergo hac parte nihil obstat, quo minus vires Dei immensæ cum his conjungantur, corpusque, omnia per id operandõ in omnibus, sistant omnipræsens.

(r) Vid. Wolff. in Metaph. cap. 4. §. 626. Bulffing. d<sup>e</sup> Harmon. præstab. p. 30. sub nota (s)

(u) Ita locus à Recentioribus definitur. v. g. Thumigio p. 52. §. 50.

### §. 15.

Admodum subtili discursu hætenus utendum *Quid sit unitas?* erat: Sed prima cognitionis humanæ stamina, & lineamenta non referunt unquam crassos conceptus, ad instar funium navalium, vel à Rusticis palpandos. (x) *Unitas oritur, si A. in locum B. substituto*

X 5

*stuitur ne tantillum quidem discriminis adparet. (γ) Unio hinc adpellatur actus, seu status, quò alterum cum altero in tertio quodam unitatem refert, aut unum evadit. (z) Sic corpus & anima humana uniuntur, quia constant unum quoddam, sc. hominem: sic duo asleres conglutinati in tertio quodam unitatem exhibent, constituendò unam mensam; sic eruditio cum literato conjuncta ideo est, quia sistit tertiam unitatem sc. Doctum. Si tenuia hæc videntur accipe exemplum grave. Sic λόγος cum carne unitur, quoniam in tertio quodam i.e. in persona λόγος caro & divina natura sunt unum.*

(x) Vid. Præfationem Wolffii ad germanicam epistolarum Leibniti & Clarkii versionem à Kœhlerio editam, ubi observat, fundamenta cognitionis ima tandem in subtiliores conceptus resolvi pag. 2.

(y) Hæc est unitatis definitio à Wolffio in Metaph, tradita §. 17. p. 8.

(z) λόγος & caro uniuntur, quia in tertio quodam unum sunt, tertium autem illud non demum per compositionem conflatur, ut ex anima & corpore fit quoddam tertium, homo. Sed revera idem est cum ipso λόγος, neque enim Christus tertium quiddam est à duabus suis naturis, nec personalitas ejus demum, ut per corpus & animam, oritur, sed jam ante compositionem supponitur. Dico hæc propter Liberium de Sanct. Amore in Epistol. p. 4. ubi ita disserit, *Cum personalitas sit mera denominatio externa, si verbum in se consideretur, atque persona est, quia ad nullius rei compositionem concurrat; sed si spectes quatenus unitum est cum humanitate, persona non est, quia ad persona θεανθρωπικῆς constitutionem cum humanitate concurrat: erit ergo, inquit, ens incompletum, fateor eo respectu, nec id ullam divinitati imperfectionem adspargit &c.* Putat igitur personam θεανθρωπικῆς esse

esse tertium quid, resultans demum ex compositione, quod cum Theologis recte improbat.

### §. 16.

Nunc gravissima quaestio examinanda erit: *Deceditur*

*An corpus Christi queat esse omnipraesens?* *quaestio.* Corpus omne, quod paulo ante cognovimus, viribus agendi praeditum est, sed limitatis per multitudinem, quæ phaenomenon materiae, & per variam determinationem, quæ phaenomenon compositiones exhibet. *Omnipraesentia est status operandi omnia in omnibus creatis, si corpus esset omnipraesens, non haberet amplius vires operandi limitatas, quod est contradictorium. Quod enim in omnibus operatur, non operatur in hoc aut illo genere tantum.* Ita tibi videtur Dn. Reformatorum sententiam secuto, mihi non ita, quoniam ex antecedentibus contrarium elucescit. Annon probavi, DEUM omnia operari in omnibus, eoque non obstante operari etiam singulari ratione tantum in quibusdam, exclusis cæteris, eoque *omnipraesentem esse, & unitantum loco praesentem*, diverso respectu? An id impossibile foret, an contradictionem involveret? Atqui similis est ratio corporis Christi: potest esse praesto uni loco, limitatâ praesentiâ, quam habet ex humanae naturæ vi, & tamen iterum omnibus (aa) locis praesens praesentiâ λόγῳ, quam per unionem habet, eoque diversus intuitus ideas in speciem adversas amicissime conciliat. Quidquid huic dogmari objeceris, objectum etiam esto priori, quod ne Tu quidem vocare in dubium audes.



(40) Sententia de possibili omnipræsentia corporis Christi non Lutheri demum tempore aut ab ejus basiatoribus fuit excogitata. Leo de incarnat. necess. serm. 8. *Utrique natura*, inquit, *in suis proprietatibus permanenti tanta est unitatis facta communio, ut quidquid est ibi DEI, non sit ab humanitate disjunctum, quidquid autem est hominis, non sit à Deitate divisum.* Hugo de S. Victore L. II. de Sacram. Part. VIII. cap. II. *Quomodo corpus Christi unum eodem tempore in diversis locis esse potest? hic est, ibi est, & totum utrobique est, & in multis locis similiter. Noli mirari qui locum fecit, corpus fecit & locum in corpore, & corpus in loco. Qui, ut unum corpus in uno loco esset, fecit sicut voluit, & si voluisset aliter facere potuisset.* Ipse Foretus acerrimus omnipræsentiae hostis in bello ubiquit, p. 173. citat locum ex Episcopo Rossenii: neque enim sequitur: potest per operationem DEI corpus aliquod ubique esse: Igitur ita est de facto: neque enim Deus ad effectum producit, quidquid potest: At neque Theologi ita colligunt. Ipsum factum ex sacris litteris probare instituunt, τὸ δυνάσθαι autem testimoniis aliorum & rationibus probant. Adde quæ apud Bellarminum L. III. de Christo c. 1. paragrapho qui his incipit verbis (*auctor hujus &c.*) Stapulensis in eandem sententiam disputat, citata etiam à Coccio T. I. Thesaur. L. II. artic. 2. Pertinet huc suo modo sententia Poinetti Episcopi Angli qui in Diallactic. fol. 81. his verbis utitur: *Vident substantiam à nobis præsentem affirmari, & communionem nostram cum Christo naturaliter, & ut ita dicam, substantialiter prædicari, sed hæc voces ut Theologi loquuntur, intelligi oportere.* Ostendit etiam Johannes Cosinus Episcopus Dunelmensis Hictor transubstant. Papal. cap. II. num. 4. p. 9. seqq. docuisse Poinettum, *Eucharistiam non solam figuram esse corporis Domini, sed etiam ipsam veritatem, naturam, ac substantiam in se comprehendere.*

## §. 17.

Naturali præsentia homo illis rebus interest, *Explana- tur uita- rius.* quas sensus five ordinarii, five gloria vestiti divina repræsentant, & in quas agere solent; atqui hæc præsentia non tollitur, etiamsi corpus per aliam vim personæ, quâ sustentatur, immensam omnia repræsentet, & omnia operetur. Dicis: omnia operari & repræsentare, & quadam operari ac repræsentare sunt *αὐτόματα*. An est quæso *αὐτόματος* ut DEUS in rebus creatis omnibus opere- tur, & tamen in solis etiam renatorum animis? Non est, inquis. Cur autem quæso? *diverso respectu diversa DEO potest competere operatio eoque præsentia.* Tibi hoc quæso responsum putato. Corpus igitur & Christi per naturam suam potest operari in quibusdam, sensibusque suis repræsentare tantum aliqua, i. e. *actu natura* esse uni Cælorum loco præsens: at etiam aliò respectu idem corpus per immensam *λόγος* cum quo conjunctum est, vim operari omnia, i. e. ex mea definitione esse omnipræstans. Ubi est illa contradictio, quam tantopere urgebas, ob quam adeo adversarios reprehendebas? Nondum probasti ullam.

## §. 18.

Nunquid in corpore est, cui omnipræsentia repugnet? tria allegavi, quodnam illorum omnipræsentia repugnat? an virés agendi? atqui eæ perfectionis numero habentur, Tu vero nosti, nihil obstat, nisi forte limitationem, quominus perfectio perfectioni exacte consentiat. *Hæc ipsum est,* *Illustratur porro.*

est, inquis, quod volo. Obstat igitur limitatio virium agendi in corpore, quo minus omnia in omnibus agere, eoque omnipræsens evadere queat. Triumphas ante victoriam: si limites corporis tollerentur, & ipsæ vites ejus agendi eveherentur in imminensum, diversa numero exortâ corporis præsentia; tum haberes, quod exprobares: duæ enim existerent omnipræsentia, corpus definiret esse finitum quia est corpus, non sine absurditate summa. (bb) At nōsti eo non spectare sententiam, quam impugnas. Corpus Sosipatoris omnipræsens est, non qua corpus, sed quā cum λόγῳ persona conjunctum. eodem numero omnipræsentia. At enim sic non corpus tibi, sed λόγος cum corpore omnipræsens videtur: ita in λογομαχίαν tandem litem tantam evanescere non sine risu exclamas. Sed intempestivo sane risu! Jubeo te redire in memoriam unitatis. & unionis, quam consulto in antecedentibus definivi præfagiens hæcce effugia. An humana Christi natura persona est seorsum considerata? Non est ais. habetne igitur alienam? sustentatur omnino, hoc enim verbo uteris (cc) à persona τῷ λόγῳ. Ergo caro unita est, quia cum persona λόγῳ unum exhibet σύνθετον, quid autem est λόγος, cum quō caro una est persona composita, quam immensa vis operandi? Non potest igitur hæc non in & per carnem semet exerere, Quis autem, inquis, vis ioco alligata finito confisteret non absorptâ cum immensâ vi agendi? quæro & ex Te, ratione simili: quī fieri potest, ut operario DEI in omnibus rebus non absorbeat determinatum actionem in cordibus fidelium? i. e. Cur non gratiosam DEI præsentiam everteret tam late per omnes res creatas patens

patens praesentia? forte immensa. illa praesentia est  
*sejuncta à definita DEI in credentibus operatione,*  
 forte non *DEUS*, sed alia vis in corde credentis semet  
 exercet *saltem cum DEO*? sequor ratiocinando  
 dubium tuum. Quis aurem illud adprobaverit?  
 Annon idem DEUS, qui in omnibus operatur,  
 operatur & in quibusdam fidelibus, *illinc ex na-*  
*tura*, hinc *ex singulari gratia*? Cur vero non  
 etiam idem corpus in omnibus posset operari, nec  
 tamen non etiam in aliquibus solis, *illinc ex gra-*  
*tia unionis*, hinc *ex natura corporis*? Ecce instan-  
 tiam discursus tui sororem, sed fratricidam!

(bb) Plane incommoda est eorum sententia, qui diversa  
 numero omnipraesentia corpus Christi ubique esse con-  
 tendunt. Altera enim non posset non esse *expansiva*.  
 Vid. Budd, Theol. dogm. L. IV. cap. 2. p. 1055, ubi  
 Vir summus hanc sententiam improbat.

(cc) Turretini verba in Theol. Elencht. Loc. XIII.  
 quaest. 8. §. 24. p. 356. haec sunt: *Assumptio natura po-*  
*test consistere absque communicatione hypostaseos, suffi-*  
*cis sustentatio hypostatica, ut natura humana, qua in*  
*se est ανυπόστατος fiat ενυπόστατος λόγῳ & ab eo su-*  
*stentetur.* Negant igitur communicationem hyposta-  
 seos, sustentationem duntaxat admittentes.

### §. 19.

Non esse impedimentum, quod obstat, quò *Argumenti*  
 minus corpus queat esse praesens omnibus locis, *ea pro hac*  
 intelligitur per modo explanata; non praeter-*sententia.*  
 eundem tamen est & hoc: omnipraesentia est  
 potentissima in omnibus rebus operatio, earun-  
 demque repraesentatio distinctissima. Operari  
 dicitur A. (ut supra adnotatum §. 4. hujus ca-  
 pituli) in B, si ratio cujusdam C. in B. observandi,  
 nec

nec ad hujus essentiam pertinentis, reperiatur in  
*A. Causa finalis igitur non agit, sed ejus repræsen-  
 tatio. Quodsi Christi humana natura non est om-  
 nipræfens, non operatur nisi in Cælo in cer-  
 ta objecta, quousque vis agendi extenditur. Cum  
 ergo sanguine humanæ Christi naturæ in regno  
 gratiæ redimi, emendari, mundari dicuntur ho-  
 mines; ratio istius rei non est in operatione san-  
 guinis, & humanæ Sospitatoris naturæ, sed in  
 divina sanguinis repræsentatione quærenda. Cla-  
 rius: non ipsa actio sanguinis Christi nos mundat;  
 aliter enim, per definitionem, nobis foret præ-  
 sens: sed DEUS nos mundat, servat, restituit,  
 intuitu sanguinis & absentis humanæ naturæ Christi.  
 Quo pacto sanguinis & Christi hominis præsentia  
 non realis, sed moralis solum est, minime di-  
 versa à V. T. modo præsentia, ubi Spiritus in-  
 intuitu futuri sanguinis corda fidelium perpurga-  
 bat. (dd)*

(dd) Ne quis objiciat, ex recentiorum mente futurum,  
 ut anima non sit præfens corpori, in quod physico in-  
 fluxu haud agat: Rogo ut Benev. Lector actionis &  
 passionis definitionem §. 4. hujus capitis traditam ex-  
 pendat, intelliget hoc sensu & animam in corpus agere  
 & vicissim, quod ad præsentiam constituendam & de-  
 finiendam sufficit. Vid. Monadol. §. 52. Adde quod  
 hic de operatione DEI loquamur, quæ & corpus &  
 animam omnium consensu potest afficere. *Alterius  
 in alterum actio idealis nititur naturâ, actio autem  
 moralis cujusdam absentis in rem, per aliud præfens,  
 nititur consensu. Enigmata loquor, pro iis, quæ  
 curæ est hæc objectio.*

§. 20.

*Qualem  
 Reformati  
 præsentiam*

Unio moralis est, cum plures fiant unum  
 consensu ultioneo. Ex ea fuit præsentia moralis,  
 cum

cum non ipsum A. agit in B. sed quum C. agit in B. intuitu tã A. Sic Rex *moralis presentia* præsento est subditis cunctis per amplissimas terras diffusis propter magistratus subordinatos, qui intuitu ejus agunt omnes. Quem fugit Clerici sententia, (ce) qui unionem λόγος & carnis in Christo moralem fecit? ita ille: *DEus non potest aliter uniri cum spiritu creato, quam consensu unicum totum componendi cum eo, adeo ut utriusque proprietates & actiones & creaturae passiones toti composito tribui possint.* Credit igitur Vir Doctissimus, carnem Christi non operari in rebus creatis omnibus, sed λόγος intuitu carnis, cum qua pactum inijt, ut quidquid ageret λόγος, imputaretur carni. Necessarium igitur est, ut acutissimi Dn. Reformati suam ab hac separent, quæ nonnihil suspecta est: Si dixerint, carnem & sanguinem Christi Joh. 6. v. 54. seqq. non operari ipsa in gratiæ regno hujus terræ, sed λόγος intuitu eorum, stabiliunt *unionem* cum Clerico *moralem*, ex definitione modo data, *moralem, inquam, presentiam*, & *unionem*, exceptò solò istò, cui Christus in cœlis interest, angulò, *ubi unio realis cum presentia maneret reali.* Si dubitas, cogita definitionem *unionis moralis.* Qualis est unio λόγος *his in terris* cum carne? an personalis? atqui caro non est in terris; unio autem sine alterutro extremo concipi non debet. Ergo unio est ejusmodi, ut λόγος in Terris intuitu carnis absentis, cœlo autem præsens agat, & ob voluntatem & meritum absentis. Ea autem unio ex definitione *moralis* est, saltem in hac Terra. Idem sentien-

Et unio-  
nem sta-  
tuere de-  
beant?

dum de præsentia. Si dixerint vero non λόγος intuitu carnis, sed carnem ipsam in illius persona ubique operari, concedunt omnipræsentiam carnis, sensu adcuratissimo nominatam.

(cc) Vid. Liberii de S. Amor. Epist. Theol. p. 12. illustrat unionem moralem hōc simili. Si contingeret alicujus contrahentibus ionge majorem esse auctoritatem quam aliorum, ut si Rex potentissimus cum longe minori Principe fedus feriret iis legibus, quas diximus: Siquid nomine societatis Princeps faceret, eadem auctoritate ageret ac Rex ipse, & si quid in eum committeretur non in eum tantum, sed in totam societatem, ac proin in Regem ipsum admissum censeretur, & aque arox judicaretur, ac si in ipsam Regis personam perpetratum esset. Similiter intercedente illo consensu, de quo diximus, natura humana Christi perpeffiones Θεανδρώων iuste tribuuntur, ac proinde infiniti ponderis esse possunt. Semper quæstio reedit, qualis sit unio carnis & λόγος, ubi caro absens est? Non potest esse personalis unio, illa enim, quam vocant, personalis sustentatio nullibi contingit, nisi in certo loco, cui caro præsens est. Ergo in cæteris non potest habere locum nisi unio moralis, ut, quæ λόγος agit, quia agit intuitu meriti & consensūs carnis, carni imputentur, & vicissim, quæ in λόγος admittuntur peccata his in terris perpetrata, putentur contra carnem in cælis: q̄b̄ quam causam indigni Cæna hospites iniqui in corpus Servatoris adpellantur, asstimio tantum morali. Non differt hæc sententia ab opinione Clerici, nisi quod illa, in unico loco, quò Caro personaliter sustentatur, realem unionem relinquat, in cæteris innumeris admittere debeat moralem, Clericus autem hanc posteriorem universalem statuat.

### §. 20.

*Præsentia  
sacramen-  
talis.*

Quando igitur non λόγος tantum intuitu carnis, sed ipsa caro in persona λόγος augmentum gratiæ

gratiæ operatur in sacri epuli hospitibus dignis, corpus Christi præsens est secundum substantiam; quid enim est, quæso, substantia generatim omnis, quam, ut sæpe dixi, operandi vis, radix & fons? Cum autem iterum non λόγος intuitu carnis tanquam absentis, sed ipsa caro in λόγω persona judicii divini incrementum 1. Cor. 11. v. 29. operatur in convivis impiis, profecto ex eadem ratione corpus Christi & secundum substantiam Improbis præsto est. De modo præsentiae seu operationis (ff) non multum disputabimus. Quidquid hactenus dictum est; id omne refertur ad Recentiorum definitionem de præsentia. Quod si cum cæteris ἀδιαιρέτως, tanquam à vi operandi distinctæ mentionem injecissem, spatii extensi notio irrepsisset, confusionem minata gravissimam, ut ex paragrapho decimo cognoscitur.

(ff) De modo præsentiae disceptatum fuit inter illustres duumviros Pfaffium & Leibnitium. Dixerat hic in discurs. de Harm. ration. & revelat. § 18. Protestantes Lutherum secutos non admittere Corporis Christi inclusionem in pane, imò ne unionem quidem Corporis cum pane eosdem concedere, quamquam concomitantiam poscant, ut dua substantia simul accipiantur ore corporis. Cui occurrit celeberr. Pfaffius Tub. in dissertat. de consecrat. Veter. Eucharistica §. 16. p. 449. pronuntians, per solam concomitantiam realem præsentiam Corporis Christi everti p. 466. Corpus Christi esse omnipræsens ex mente illorum auctorum, comitari res quasvis, eoque in quovis cibo Corpus Christi capiendum, nisi quadam uno ulterior doceatur: Respondit Leibnitius, se quandam conjunctionem admittere, in Actis Erudit. Lips. an. 1715 p. 376. Sed monuit tamen præterea quædam Da. Pfaff, in primitiis Tub. part. post. p. 259. Measententia sacramentalis Corporis Christi præsentia differat à præ-



sentia ejusdem, quâ omnibus creatis præsto est, atque arguit singularem conjunctionem cum pane & vino, quæ in eo ponitur, ut per panem & vinum, in convivis sacri Epuli, vel augmentum gratiæ, vel iræ divinæ operetur caro Christi; quod cum in aliis rebus creatis non operetur humana Christi natura, licet generali potentissima actione eas afficiat, regat, &c. sacramentaliter his, nec eò modo aliis, præsens esse dicitur in, cum & sub pane & vino. Hæc sacramentalis præsentia est singularis operatio à promissione Christi pendens, sicuti ex adverso Corporis Christi in rebus omnibus generalis operatio, i. e. omnipræsentia pendet ab unionem personali: Ita Gerhard. loc. Theol. IV. de persona & officio Christi. p. 514. num. 164. *Præsentia sacramentalis unice dependet ex institutione & ordinatione Christi, voluntatem Christi ex verbis institutionis unice probamus, facultatem ex communicata Christo per unionem & sessionem ad dextram infinita majestate ac potestate.*

## CAPUT VIII.

### *Opportunitatem Philosophiæ recentiorum sistens in Artic. de satisfactione Christi.*

#### §. 1.

*Transitus  
ad mathe-  
riam.*

**N**ON absque Metaphysicæ subtilioribus ideis doctrinam paulo antecedentem potuimus persequi. Nunc vero dogma longe gravissimum, & ad salutem æternam omnino comparatum contendendi debet cum notionibus Recentiorum, quas in Philosophia morali exhibent. Satisfactio Christi cogitari non potest sine justitia DEI, justitia autem DEI generalem (a) justitiæ notionem supponit.

nit. Nostrum non est hanc sublimem doctrinam uberius exponere, quod (b) Theologis merito relinquatur: sed id nobis negotii datum esse existimamus, ut, quàm amice recentiorum Philosophemata cum his fidei capitibus conspirent, indicemus, dicturi tum de necessitate tum de perfectione satisfactionis.

- (a) Non est cur cum Viro præstantiss. webe: o intesp. ad Leibnitii Epist. p. 10. not. 18 dicamus: *naturalem hominem de justitia divina certi quid statuere non posse, quum etiam sanctissimis & divina luce irradiatis viris hæ meditationes subinde crucem fixerint.* Utut enim hoc verum sit, illud tamen non consequitur. De Carneade interim constat quod omnem justitiam exploserit. Jam ante Grotium in Præfat. ad Op. de jure Belli & pacis. Lactantius Libr. V. cap. 14. p. 336. 337. memoriæ prodidit, Carneadem *uno die justitiam laudasse, altero contraria disputatione eandem everuisse.* Idem auctor p. 341. loc. cit. argumentum Carneadis non esse solum à Cicerone observat: Habebat vero ita: *Si datur justitia, aut fundatur lege positiva, aut naturali, non positiva, qua pro diversitate civitatum variat, sæpe altera alteri contraria est: Nec verò etiam justitia nititur lege naturali, nam hoc jus nihil aliud est quam instinctus natura omni animanti ingeneratus, quo fertur in id quod est utile, neque vero justitia ad hunc instinctum accommodari potest sine mille fraudibus.* Quis autem sanus concedat propositionem posteriorem. Confundit Sophista privatam singulorum utilitatem à cæterorum commodo sejunctam, cum publica generis humani omnis utilitate. Hæc justitia nititur, non illa. Sed hæc facilia. Vid. Cicero L. I. de legibus fol. 330. Augustin. de Civitate DEI L. II. cap. 21.

- (b) Complures enim eximii Theologi in probanda contra Socinianos satisfactione desudârunt. Gerhard. in erroribus Socin. Jen. 1609. Stegmann. in succincta refutat. errorum Photinianorum. Dürrius, Spener, Calovius,

test esse, nec eo modo alibi, i. e. singulari operatione, ut DEUS hanc rem creatam afficiat, nec aliam, nihil omnino impedit. Falleretur oppido, qui ita argueret: *Qui alicubi est, nec alibi, is non potest esse ubique; altera enim idea destruit alteram. Altera arguit finitam præsentiam, altera infinitam, non possunt itaque in idem subjectum cadere ambe præsentia: Erraret, inquam, qui ita ratiocinaretur: diversitas enim modi dissipat nebulas, & metum contradictionis atrum. Novimus DEUM ita in vento fuisse certa ratione, ut eadem non fuerit alicubi* 1. Reg, 19. v, 11. Nemo tamen dixerit, DEUM eo casu defuisse esse omnipræsentem. Fuit igitur abiens & præsens idem DEUS eodem tempore, sed intuitu diverso, quo omnis idearum pugna amicissime componitur.

## §. 14.

*Quid sit corpus?* Expendimus, ni fallor, distinctius judicandæ propositionis: *num corpus Christi possit esse omnipræsens*, prædicatum: Nunc in eo est, ut & subjecti notiones præstemus explicatiores. Tria in quolibet corpore discernimus, *materiam* (1) sive multitudinem quæ componitur: *essentiam* compositi, sive modum materiæ disponendæ, & variegatæ, denique *naturam*, sive fontem mutationum, s. operationum, i. e. vires motrices. Huc accedit quarto *determinatus modus ceteris rebus coexistendi*, qui locus (2) adpellatur. Unum horum perfectionem arguit, tria reliqua perfectionis limitationem. Multitudo compositorum, seu materia, rerum finitarum indicium est; non enim cadit in substantiam immensam, quæ

quæ prorsus unica, uti supra docuimus. Si quid perfectionis multitudo, qua talis, innueret, à Deo aliena non foret, quippe qui omnes omnino perfectiones complectitur. Similis ratio est *essentia* corporis, quæ in *modo compositionis partium* collocatur. Ubi partes ibi res finitæ, ubi partes hęc aut illo modo dispositæ, hoc aut illo modo vim suam in se mutuo, movendõ, cohærendõ exercentes, ibi oritur *determinatus reliquis rebus coexistendi modus* i. e. *locus*, eoque & hic limitum in rebus filius est. Alia ratio est virium corporis morticium, quæ perfectionem involvunt, & per multitudinem seu distinctionem, quâ partes exhibent, limitantur. Ponunt illæ vires aliquid in rerum natura, non limitant, ut limitat multitudo partium i. e. materia, ut compositione partium, i. e. corporis essentia, ut determinatus existendi modus, i. e. locus. *Omnis autem perfectio in consensu variorum ponitur*; Ergo hac parte nihil obstat, quo minus vires Dei immensæ cum his jungantur, corpusque, omnia per id operandõ in omnibus, sistant omnipræsens.

(r) Vid. Wolff. in Metaph. cap 4. §. 626. Balfing. d<sup>e</sup> Harmon. præstab. p. 30. sub nota (s)

(u) Ita locus à Recentioribus definitur, v. g. Thurnigio p. 52. §. 50.

# §. 15.

Admodum subtili discursu hætenus utendum erat: Sed prima cognitionis humanæ stamina, & lineamenta non referunt unquam crassos conceptus, ad instar funium navalium, vel à Rusticis palpandos. (x) *Unitas oritur, si A. in locum B. sub-*

X 5

*stitu-*

*Quid sit  
unitas?*

*stituto ne tantillum quidem discriminis adparet. (γ)*

Unio hinc adpellatur actus, seu status, quò alterum cum altero in tertio quodam unitatem refert, aut unum evadit. (z) Sic corpus & anima humana uniuntur, quia constant unum quoddam, sc. hominem: sic duo asseres conglutinati in tertio quodam unitatem exhibent, constituendò unam mensam; sic eruditio cum literato conjuncta ideo est, quia sistit tertiam unitatem sc. Doctum. Si tenuia hæc videntur accipe exemplum grave. Sic λόγος cum carne unitur, quoniam in tertio quodam i.e. in persona λόγος caro & divina natura sunt unum.

(x) Vid. Præfationem Wolffii ad germanicam epistolarum Leibnitii & Clarkii versionem à Kœhlero editam, ubi observat, fundamenta cognitionis ima tandem in subitiores conceptus resolvi pag. 2.

(γ) Hæc est unitatis definitio à Wolffio in Métaph, tradita §. 17. p. 8.

(z) λόγος & caro uniuntur, quia in tertio quodam unum sunt, tertium autem illud non demum per compositionem conflatur, ut ex anima & corpore sit quoddam tertium, homo. Sed revera idem est cum ipso λόγος, neque enim Christus tertium quiddam est à duabus suis naturis, nec personalitas ejus demum, ut per corpus & animam, oritur, sed jam ante compositionem supponitur. Dico hæc propter Liberium de Sanct. Amore in Epistol. p. 4. ubi ita disserit. Cum personalitas sit mera denominatio externa, si verbum in se consideretur, atque persona est, quia ad nullius rei compositionem concurrit; sed si spectes quatenus unitum est cum humanitate, persona non est, quia ad personam θεανθρώπου constitutionem cum humanitate concurrit: erit ergo, inquires, ens incompletum, fateor eo respectu, nec id ullam divinitati imperfectiorem adspargi &c. Pntat igitur personam θεανθρώπου esse

esse tertium quid, resultans demum ex compositione, quod cum Theologis recte improbat.

### §. 16.

Nunc gravissima quaestio examinanda erit: *Deceditur*

*An corpus Christi queat esse omnipraesens? Corpus* *quaestio.*  
omne, quod paulo ante cognovimus, viribus agendi praeditum est, sed limitatis per multitudinem, quæ phaenomenon materiæ, & per variam determinationem, quæ phaenomenon compositiones exhibet. *Omnipraesentia est status operandi omnia in omnibus creatis, si corpus esset omnipraesens, non haberet amplius vires operandi limitatas, quod est contradictorium. Quid enim in omnibus operatur, non operatur in hoc aut illo genere tantum.* Ita tibi videtur Dn. Reformatorum sententiam secuto, mihi non ita, quoniam ex antecedentibus contrarium elucescit. Annon probavi, DEUM omnia operari in omnibus, eoque non obstante operari etiam singulari ratione tantum in quibusdam, exclusis cæteris, eoque *omnipraesentem esse, & unitantum loco praesentem*, diverso respectu? An id impossibile foret, an contradictionem involveret? Atqui similis est ratio corporis Christi: potest esse praesto uni loco, limitatâ praesentiâ, quam habet ex humanæ naturæ vi, & tamen iterum omnibus (aa) locis praesens praesentiâ λόγῳ, quam per unionem habet, eoque diversus intuitus ideas in speciem adversas amicissime conciliat. Quidquid huic dogmati objeceris, objectum etiam esto priori, quod ne Tu quidem vocare in dubium audes.

(aa)

(44) Sententia de possibili omnipræsentia corporis Christi non Lutheri demum tempore aut ab ejus basilatoribus fuit excogitata. Leo de incarnatione, necess., serm. 8. *Utrique natura, inquit, in suis proprietatibus permanenti tanta est unitatis facta communio, ut quidquid est ibi DEI, non sit ab humanitate disjunctum, quidquid autem est hominis, non sit à Deitate divisum.* Hugo de S. Victore L. II. de Sacram. Part. VIII. cap. II. *Quomodo corpus Christi unum eodem tempore in diversis locis esse potest? hic est, ibi est, & totum utrobique est, & in multis locis similiter. Noli mirari qui locum fecit, corpus fecit & locum in corpore, & corpus in loco. Qui, ut unum corpus in uno loco esset, fecit sicut voluit, & si voluisset aliter facere potuisset. Ipse Forerius acerrimus omnipræsentiae hostis in bello ubiquit, p. 173. citat locum ex Episcopo Rossensi: neque enim sequitur: potest per operationem DEI corpus aliquod ubique esse: Igitur ita est de facto: neque enim Deus ad effectum producit, quidquid potest: At neque Theologi ita colligunt. Ipsum factum ex sacris litteris probare instituunt, τὸ δυνάτον autem testimoniis aliorum & rationibus probant. Adde quæ apud Bellarminum L. III. de Christo c. I. paragrapho qui his incipit verbis (auctor hujus &c.) Stapulensis in eandem sententiam disputat, citata etiam à Coccio T. I. Thesaur. L. II. artic. 2. Pertinet huc suo modo sententia Poinetti Episcopi Angli qui in Diallactic. fol. 81. his verbis utitur: *Vident substantiam à nobis præsentem affirmari, & communionem nostram cum Christo naturaliter, & ut ita dicam, substantialiter prædicari, sed has voces ut Theologi loquuntur, intelligi oportere.* Ostendit etiam Johannes Cosinus Episcopus Dunelmensis Hicor transubstant. Papal. cap. II. num. 4. p. 9. seqq. docuisse Poinettum, Eucharistiam non solam figuram esse corporis Domini, sed etiam ipsam veritatem, naturam, ac substantiam in se comprehendere.*

## §. 17.

Naturali præsentia homo illis rebus interest, *Explana-*  
 quas sensus sive ordinarii, sive gloria vestiti di- *tur Nis-*  
 vina repræsentant, & in quas agere solent; atqui *rius.*  
 hæc præsentia non tollitur, etiam si corpus per ali-  
 am vim personæ, quâ sustentatur, immensam  
 omnia repræsentet, & omnia operetur. Dicis:  
*omnia operari & repræsentare, & quedam operari*  
*ac repræsentare sunt ἀσύνετα.* An est quæso ἀσύν-  
 ετος ut DEUS in rebus creatis omnibus opere-  
 tur, & tamen in solis etiam renatorum animis?  
*Non est*, inquis. Cur autem quæso? *diverso re-*  
*spectu diversa DEO potest competere operatio eoque*  
*præsentia.* Tibi hoc quæto responsum putato.  
 Corpus igitur & Christi per naturam suam potest  
 operari in quibusdam, sensibusque suis repræ-  
 sentare tantum aliqua, i. e. *ad hanc naturam* esse uni  
 Cælorum loco præsens: at etiam aliò respectû  
 idem corpus per immensam λόγος cum quo con-  
 junctum est, vim operari omnia, i. e. ex mea  
 definitione esse omnipræsens. Ubi est illa con-  
 tradictio, quam tantopere urgebas, ob quam adeo  
 adversarios reprehendebas? Nondum probasti  
 ullam.

## §. 18.

Nunquid in corpore est, cui omnipræsentia *illustratur*  
 repugnet? tria allegavi, quodnam illorum omni- *porro.*  
 præsentia repugnat? an virés agendi? atqui eæ  
 perfectionis numero habentur, Tu vero nosti,  
 nihil obstat, nisi forte limitationem, quominus  
 perfectio perfectioni exacte consentiat. *Hæc ipsum*  
*est,*



patens praesentia? forte immensa illa praesentia est  
*sejuncta à definita DEI in credentibus operatione,*  
 forte non DEUS, sed alia vis in corde credentis semet  
 exercet *saltem cum DEO?* sequor ratiocinando  
 dubium tuum. Quis autem illud adprobaverit?  
 Annon idem DEUS, qui in omnibus operatur,  
 operatur & in quibusdam fidelibus, *illinc ex na-*  
*tura, hinc ex singulari gratia?* Cur vero non  
 etiam idem corpus in omnibus posset operari, nec  
 tamen non etiam in aliquibus solis, *illinc ex gra-*  
*tia unionis, hinc ex natura corporis?* Ecce instan-  
 tiam discursus tui sororem, sed fratricidam!

(bb) Plane incommoda est eorum sententia, qui diversa  
 numero omnipraesentia corpus Christi ubique esse con-  
 tendunt. Altera enim non posset non esse *expansiva.*  
 Vid. Budd, Theol. dogm. L. IV. cap. 2. p. 1055, ubi  
 Vir summus hanc sententiam improbat.

(cc) Turretini verba in Theol. Elencht. Loc. XIII.  
 quaest. 8. §. 24. p. 356, haec sunt: *Assumptio natura po-*  
*test consistere absque communicatione hypostaseos, suffi-*  
*cis sustentatio hypostatica, ut natura humana, qua in*  
*se est ανυπόστατος fiat ενυπόστατος λόγω & ab eo su-*  
*sistentetur.* Negant igitur communicationem hyposta-  
 seos, sustentationem duntaxat admittentes.

### §. 19.

Non esse impedimentum, quod obstat, quò *Argumentu*  
 minus corpus queat esse praesens omnibus locis, *sa pro hac*  
 intelligitur per modo explanata; non praeter-  
 eundum tamen est & hoc: omnipraesentia est  
 potentissima in omnibus rebus operatio, eatur-  
 demque repraesentatio distinctissima. Operari  
 dicitur A. (ut supra adnotatum §. 4. hujus ca-  
 pituli) in B, si ratio cujusdam C. in B. observandi,  
 nec

nec ad hujus essentiam pertinentis, reperiatur in A. *Causa finalis igitur non agit, sed eius representatio.* Quodsi Christi humana natura non est omnipræfens, non operatur nisi in Cælo in certa objecta, quousque vis agendi extenditur. Cum ergo sanguine humanæ Christi naturæ in regno gratiæ redimi, emendari, mundari dicuntur homines; ratio istius rei non est in operatione sanguinis, & humanæ Sospitatoris naturæ, sed in divina sanguinis representatione quærenda. Clarius: *non ipsa actio sanguinis Christi nos mundat; aliter enim, per definitionem, nobis foret præfens: sed DEUS nos mundat, servat, restituit, intuitu sanguinis & absentis humanæ naturæ Christi.* Quo pacto sanguinis & Christi hominis præfentia non realis, sed moralis solum est, minime diversa à V. T. modo præfentiæ, ubi Spiritus intuitu futuri sanguinis corda fidelium perpurgabatur. (dd)

(dd) Ne quis objiciat, ex recentiorum mente futurum, ut anima non sit præfens corpori, in quod physico influxu haud agat: Rogo ut Benev. Lector actionis & passionis definitionem §. 4. hujus capitis traditam expendat, intelliget hoc sensu & animam in corpus agere & vicissim, quoad præfentiam constituendam & definiendam sufficit. Vid. Monadol. §. 52. Adde quod hic de operatione DEI loquamur, quæ & corpus & animam omnium consensu potest afficere. *Alterius in alterum actio idealis nititur naturâ, actio autem moralis cujusdam absentis in rem, per aliud præfens, nititur consensu.* Ænigmata loquor, pro iis, quæ curæ est hæc objectio.

## §. 20.

Qualem  
Reformati  
præfentiam

Unio moralis est, cum plures sunt unum consensu ultronco. Ex ea fuit præfentia moralis, cum

cum non ipsum A. agit in B. sed quum C. agit in B. intuitu tñ A. Sic Rex *moralis præsentiâ* præsto est subditis cunctis per amplissimas terras diffusis propter magistratus subordinatos, qui intuitu ejus agunt omnes. Quem fugit Clerici sententia, (ce) qui unionem λόγος & carnis in Christo *moralement* fecit? ita ille: *DEus non potest aliter uniri cum spiritu creato, quam consensu unicuique totum componendi cum eo, adeo ut utriusque proprietates & actiones & creaturae passiones toti composito tribui possint.* Credit igitur Vir Doctissimus, carnem Christi non operari in rebus creatis omnibus, sed λόγος intuitu carnis, cum qua pactum inijt, ut quidquid ageret λόγος, imputaretur carni. Necessarium igitur est, ut acutissimi Dn. Reformati suam ab hac separent, quæ nonnihil suspecta est: Si dixerint, carnem & sanguinem Christi Joh. 6. v. 54. seqq. non operari ipsa in gratiæ regno hujus terræ, sed λόγος intuitu eorum, stabiliunt *unionem cum Clerico moralem*, ex definitione modo data, *moralement*, inquam, præsentiā, & unionem, exceptò solò istò, cui Christus in cœlis interest, angulo, ubi unio *realis* cum præsentiā maneret *reali*. Si dubitas, cogita definitionem *unionis morales*. Qualis est unio λόγος *his in terris* cum carne? an personalis? atqui caro non est in terris, unio autem sine alterutro extremo concipi non debet. Ergo unio est ejusmodi, ut λόγος in Terris intuitu carnis absentis, cœlo autem præsens agat, & ob voluntatem & meritum absentis. Ea autem unio ex definitione *moralis* est, saltem in hac Terra. Idem sentien-

Y

dum

Et unio-  
nem sta-  
tuere de-  
beant?

dum de præsentia. Si dixerint vero non λόγος intuitu carnis, sed carnem ipsam in illius persona ubique operari, concedunt omnipræsentiam carnis, sensu adcuratissimo nominatam.

(ee) Vid. Liberii de S. Amor. Epist. Theol. p. 12. illustrat unionem moralem hōc simili. *Si contingeret alicujus contrahentibus ionge majorem esse auctoritatem quam aliorum, ut si Rex potentissimus cum longe minori Principe fedus feriret iis legibus, quas diximus: Siquid nomine societatis Princeps faceret, eādem auctoritate ageret ac Rex ipse. & si quid in eum committeretur non in eum tantum, sed in totam societatem, ac proinde in Regem ipsum admissum censeretur, & aequo atrox judicaretur, ac si in ipsam Regis personam perpetratum esset. Similiter intercedente illo consensu, de quo diximus, natura humana Christi perpeffiones Θεανθρωπῶν ἰuste tribuuntur, ac proinde infiniti ponderis esse possunt. Semper quaestio reedit, qualis sit unio carnis & λόγος, ubi caro absens est? Non potest esse personalis unio, illa enim, quam vocant, personalis sustentatio nullibi contingit, nisi in certo loco, cui caro præsens est. Ergo in cæteris non potest habere locum nisi unio moralis, ut, quæ λόγος agit, quia agit intuitu meriti & consensus carnis, carni imputentur, & vicissim, quæ in λόγος admittuntur. peccata his in terris perpetrata, putentur contra carnem in cœlis: quod quam causam indigni Cæna hospites iniqui in corpus Servatoris adpellantur, *astimio tantum morali*. Non differt hæc sententia ab opinione Clerici, nisi quod illa, in unico loco, quod Caro personaliter sustentatur, *realem unionem* relinquit, in cæteris innumeris admittere debeat *moralem*. Clericus autem hanc posteriorem universalem statuat.*

### §. 20.

*Præsentia  
sacramen-  
talis.*

Quando igitur non λόγος tantum intuitu carnis, sed ipsa caro in persona λόγος augmentum gratiæ

gratiæ operatur in sacri epuli hospitibus dignis, corpus Christi prasens est secundum substantiam; quid enim est, quæso, substantia generatim omnis, quam, ut sæpe dixi, operandi vis, radix & fons? Cum autem iterum non λόγος intuitu carnis tanquam absentis, sed ipsa caro in λόγος persona judicii divini incrementum 1. Cor. 11. v. 29. operatur in convivis impiis, profecto ex eadem ratione corpus Christi & secundum substantiam Improbis præsto est. De modo præsentiae seu operationis (ff) non multum disputabimus. Quidquid hætenus dictum est; id omne refertur ad Recentiorum definitionem de præsentia. Quod si cum cæteris ἀδιαφορίας, tanquam à vi operandi distinctæ mentionem injecissem, spatii extensi notio irrepsisset, confusionem minata gravissimam, ut ex paragrafo decimo cognoscitur.

(ff) De modo præsentiae disceptatum fuit inter illustres duumviros Pfaffium & Leibnitium. Dixerat hic in discursu de Harm. ration. & revelat. § 18. *Protestantes Lutherum secutos non admittere Corporis Christi inclusionem in pane, imò ne unionem quidem Corporis cum pane eosdem concedere, quanquam concomitantiam poscant, ut dua substantia simul accipiantur ore corporis.* Cui occurrit celeberr. Pfaffius Tub. in dissertat. de consecrat. Veter. Eucharistica §. 16. p. 449. pronuntians, per solam concomitantiam realem præsentiam Corporis Christi everti p. 466. Corpus Christi esse omniprasens ex mente illorum auctorum, comitari res quasvis, eoque in quovis cibo Corpus Christi capiendum, nisi quadam uno ulterior doceatur: Respondit Leibnitius, se quandam conjunctionem admittere, in Actis Erudit. Lips. ann. 1715 p. 376. Sed monuit tamen præterea quædam Da. Pfaff. in præmiis Tub. part. post. p. 259. Mea sententia sacramentalis Corporis Christi præsentia differt à præ-

sentia ejusdem, quâ omnibus creatis præsto est, atque arguit singularem conjunctionem cum pane & vino, quæ in eo ponitur, ut per panem & vinum, in convivis sacri Epuli, vel augmentum gratiæ, vel iræ divinæ operetur caro Christi; quod cum in aliis rebus creatis non operetur humana Christi natura, licet generali potentissima actione eas afficiat, regat, &c. sacramentaliter his, nec eò modo aliis, præsens esse dicitur in, cum & sub pane & vino. Hæc sacramentalis præsentia est singularis operatio à promissione Christi pendens, sicuti ex adverso Corporis Christi in rebus omnibus generalis operatio, i. e. omnipræsentia pendet ab unionem personali: Ita Gerhard. loc. Theol. IV. de persona & offic. Christi. p. § 14. num. 264. *Præsentia sacramentalis unice dependet ex institutione & ordinatione Christi, voluntatem Christi ex verbis institutionis unice probamus, facultatem ex communicata Christo per unionem & sessionem ad dextram infinita majestate ac potestate.*

## CAPUT VIII.

### *Opportunitatem Philosophiæ recentiorum sistens in Artic. de satisfactione Christi.*

#### §. I.

*Transitus  
ad mate-  
riam.*

**N**ON absque Metaphysicæ subtilioribus ideis doctrinam paulo antecedentem potuimus persequi. Nunc vero dogma longe gravissimum, & ad salutem æternam omnino comparatum contendit cum notionibus Recentiorum, quas in Philosophia morali exhibent. Satisfactio Christi cogitari non potest sine justitia DEI, justitia autem DEI generalem (a) justitiæ notionem supponit.

nit. Nostrium non est hanc sublimem doctrinam uberius exponere, quod (b) Theologis merito relinquitur: sed id nobis negotii datum esse existimamus, ut, quàm amice recentiorum Philosophemata cum his fidei capitibus conspirent, indicemus, dicturi tum de necessitate tum de perfectione satisfactionis.

- (a) Non est cur cum Viro præstantiss. Webe'o in resp. ad Leibnitii Epist. p. 10. not. 18 dicamus: *naturalem hominem de justitia divina certi quid statuere non posse, quum etiam sanctissimis & divina luce irradiatis viris hæ meditationes subinde crucem fixerint.* Utut enim hoc verum sit, illud tamen non consequitur. De Carneade interim constat quod omnem justitiam exploserit. Jam ante Grotium in Præfat. ad Op. de jure Belli & pacis Lactantius Libr. V. cap. 14. p. 336. 337. memoriæ prodidit, Carneadem *uno die justitiam laudasse, altero contraria disputatione eandem everuisse.* Idem auctor p. 341. loc. cit. argumentum Carneadis non esse solum à Cicetone observat; Habebat vero ita; *Si datur justitia, aut fundatur lege positiva, aut naturali, non positiva, qua pro diversitate civitatum variat, sæpe altera alteri contraria est; Nec verè etiam justitia nititur lege naturali, nam hoc jus nihil aliud est quam instinctus natura omni animanti ingeneratus, quo fertur in id quod est utile, neque vero justitia ad hunc instinctum accommodari potest sine mille fraudibus.* Quis autem sanus concedat propositionem posteriorem. Confundit Sophista privatam singulorum utilitatem à cæterorum commodo sejunctam, cum publica generis humani omnis utilitate. Hæc justitia nititur, non illà. Sed hæc facilia. Vid. Cicero L. I. de legibus fol. 330. Augustin. de Civitate DEI L. II. cap. 21.

- (b) Complures enim eximii Theologi in probanda contra Socinianos satisfactione desudârunt. Gerhard. in erroribus Socin. Jen. 1609. Siegmänn. in succincta refutat. errorum Phouinianorum. Dürrius, Spener, Calovius,

Scherzer, Schomerus &c. nostris temporibus Joh. Francisc. Turretin in peculiari Tractat. de satisfact. Addo, quod in priori nota sum oblitus: Carneadem aut minus consentanea docuisse, aut sententiam emendasse aut non recte fuisse intellectum. Ita enim de eo Cicer. de finibus L. II. sol. 23. *Si scieris, inquit Carneades, apudem occulte latere uspiam, & velle imprudentem aliquem super eam assidere, cujus mors tibi emolumento futura sit, improbesceris, nisi monueris, ne assideat: Justitiæ singularem notionem, quam jam sumus adoptaturi, Leibnitius dedit in præfat. ad Codicem Diplomati.*

## §. 2.

*Justitia  
quid &  
quotuplex?*

Justitia, quæ dogmati satisfactionis præstruitur, ex sententia recepta (c) *est constans & perpetua voluntas suum cuique tribuendi.* Cum qua definitione mox nostram comparabimus. Justitiam cum Hugone Grotio dividunt in *explettricem* sive *particularem*, & *attributricem* sive universalem. Justitia expletrix est, *quæ præstat officia, quæ alter jure perfecto exigere poterat.* Attributrix autem officia exercet, *ad quæ jus imperfectum alteri competit.* Justitia expletrix in rectoriam & æquatoriam subdividitur. Illa inter inæquales, hæc vero inter æquales habet locum.

(c) Vid. Buddei Philos. Practic. L. II. cap. 2. §. 45. 46.

## §. 3.

*Nova Justitia definitio.*

Ex mente recentiorum autem justitia definitur per *bônstatem*, *quæ administratur sapientiâ.* (d) *Eâdem, inquis, ratione ordinem invertendo dicere liceret, justitia est sapientia cum bonitate administrata.* Arguis ex verborum sono, nec quid vocabula significant, revocas ad animum. Bonitas est virtus DEI, *quâ solet impertiri perfectiones,* sapien-



*sapientia vero est virtus, quæ observat convenientiam*: Num observationi congruitatum exercendæ inservit largitio bonorum? vel an potius vicissim largitioni bonorum administrandæ inservit observatio convenientiæ? Arbitror priora esse dictu parum apta, posterius vero adprobandum.

(d) Vid. Wolfii Metaph. p. 573. §. 1084. Die Gerechtigkeit / welche nach den Regeln der Weisheit sich richtet / ist dasjenige / was wir Gerechtigkeit nennen.

§. 4.

Contendamus ordinariam definitionem cum nostra. *Justitia est studium tribuendi suum cuique*. Qui bonus est, tribuit cuique, (e) si bonitate sapienter utitur, non tribuit aliena, i. e. suum. In quo differt hæc nostra definitio à communi, quam in eo, ut ostendat evoluto conceptu, quid sit *suum* cuique tribuendum? Nimirum id, quod suadet sapientia ex rerum convenientia observatum. Convenientia autem attingit rerum harmoniam, ut consequentia suaviter concinant cum antecedentibus, ut antegressas v. g. actiones bonas sequatur remuneratio, malas excipiat poena, aut per se sustinenda, aut per substitutum vadem, qui pro peccatis satisfacit, de quo mox plura.

*Comparatio  
ad Metaph.  
que.*

(e) Vid. de his plene differentem Bülfing. in Dilucid. §. 449. pag. 507.

§. 5.

Qui ita bonus est, ut sapientiâ inducatur ad tribuendum, quod leges tribui volunt, ornatur *justitia expletice*, qui bonus est ut sapientiâ movea-

*Divisio  
Justitia.*

veatur ad tribuendum quæ humanitas poscit, floret  
*justitia attributrice*. In explettrice rectoria debentur  
 vel præmia, vel pœnæ. Bonitas ergo, quæ  
 sapientia temperatur, respicit quoque ad hæc.  
 Duplex hic occurrit dubium, tam ad præmia quam  
 ad pœnas pertinens.

## §. 6.

*Remove-  
 tur du-  
 binum.*

*Pœna quomodo potest esse fructus bonitatis sa-  
 pientia temperate? pœna est malum passionis influctum  
 ob malum actionis. (f) An malum oritur à beni-  
 gnitate? Dudum respondit Vir doctus. (g) Sapien-  
 tia benignitatis superpondium aufert, ut bonum  
 capacitati respondeat subjecti, ne dissensus oriatur  
 inter collatum bonum, & illum, cui bonum de-  
 bebat conferri. Quin pœna damni in sufflami-  
 nato per sapientiam benignitatis ulterioris exer-  
 citio ponatur, dubium est nullum. De pœna sen-  
 sus videtur quæstio difficilior, quam tamen soli-  
 de examinavit idem Auctor. (h) Nimirum ex Re-  
 centiorum mente dolor omnis, in quo pœna sen-  
 sus vertitur, vel in corpore spectatur vel in ani-  
 mo. Illinc est divisio continui, hinc representatio  
 illius imperfectionis. (i) Itaque pœna nihil est,  
 quam perfectionis absentia, seu fructus suspen-  
 sa, sapientiâ suadente, benignitatis.*

(f) Vid. Tractat. Hochstetter. de jure pœnar. p. 2. §. 2.

(g) Eulffinger Dilucid. p. 502. §. 447.

(h) De origine mali. p. 298. §. 252.

(i) Wolff. Metaph. §. 427. p. 235.

## §. 7.

*Aliud sol-  
 vitur du-  
 binum.*

*Sapientia tantum suadet benignitati ut in alios  
 boni quid conferat, sed justitia expletrix obligat ho-  
 minem*

*minem ut id faciat, respondente postulandi in altero jure: Non potest igitur justitia generatum esse benignitas quam sapientia moderatur.* Est hoc alterum dubium pridem quoque, ut prius illud, sublatum. (k) Jus postulandi præmium, justitiæ explettrici respondens, arguit imperfectionem, est enim à perfectissima DEI justitia alienum. Atqui definitiones ita formandæ sunt, ut sub se complectantur definita omnia, speciales definitorum condiciones in progressu demum Demonstrationis eruantur.

(k) Büllfinger, Dilucid p. 501. §. 446. Ubi in puniendo, solutus hominum actus intercurrit, pœna proprie continetur consecratio ejus, non ipso actû. Qui supplicium extremum & adjudicat, & infligit, agit aliquid, ipsa autem pœna est actionis fructus, contineturque privatione vitæ. Pœna igitur semper est privatio.

# §. 8.

Frequenter fui miratus quò pacto dici Amor ipse DEUS queat, qui tamen exquisitissimis tormentibus damnatos subicere, flammis nunquam extinguendis cruciare, dolore ineffabili in extremam desperationem reprobos conjicere soleat. An æque DEUS *ira* dicendus, ac amor? Num tanta atrocitas (hæc enim sunt obstreperæ carnis nefanda verba) in amorem cadere potest? O insanos motus, qui rerum supremo judici dicam scribere non erubescunt! DEUS puniendô, rem creatam actione infesta non exagitat, sed benignitatis actionem nunc jam suspendit. Nam desinit esse Sol amœna lux, quum stulti apricum subterfugientes, in cellas gelu rigidas recipiendô

Y 5 semet,

*Quomodo  
DEUS  
puniat?*

femet, extinguuntur frigore? Non desit lucere Sol, sed ineptos non potuit suomet fulgore attingere. Non encavavit sol improbum positivâ actione, sed limitatô per densos cavernæ muros splendore reliquit stupidum suæ caligini. Similis ratio est pœnarum DEI. Qui non in benignitate DEI manent Rom. 11. v. 22. exciduntur, non culpâ benignitatis, sed culpa neglectûs, quo illa posthabita est. Manet benignitas DEI, quæ & quanta est, sed non manent scelerati in benignitate. Manet DEUS amor, sed illi non manent in amore. Indignitas igitur peccatoris *per sapientiam* detecta, facit ut *ulteriori benignitatis affluxu* non fruatur. Hujus suspensionis autem repræsentatio distincta, sive, quod idem sonat, intelligentia dolores parit incredibiles. Quodsi DEUS *positivô actû* excruciatet malignos, desineret esse amor, degeneraturus in iram: sed non affligit agendo: verum non continuando bonitatem, cujus vel præsentia vel absentia voluptas vel tristitia omnis comprehenditur. (1)

(1) Hinc Theologi pœnarum æternarum atrocitatem in remotione à facie DEI collocant. ex 2. Thess. 1. v. 9. aliisque oraculis.

### §. 9.

*Justitia  
Dei non  
est arbi-  
traria.*

Cum benignitas perfectiones, quoad fieri potest, tribuere cupiat omnibus, sapientia vero nonnullorum repræsentet indignitatem: intelligitur, non penes DEI voluntatem licet benignissimam stare, ex quavis re præstare quamvis, sed certas rerum convenientias, scheses, nexus i. e. veritates & essentias jam ante voluntatis divinæ decretum suppo-

supponi : alias posset DEUS ex indigno peccatore pro arbitrio dignum reddere , & pœnarum infligendarum necessitatem pro lubitu auferre. Detestanda igitur est Poireti aliorumque de essentiis arbitrariis à DEI voluntate pendentibus (m) opinio , quâ satisfactio Christi prorsus evertitur. Justitia est, quæ *suum* unicuique tribuit. Si rerum convenientiæ omnes arbitrio DEI subjiuntur , non tribuit DEUS *suum* cuique , sed unicuique tribuit quod *vult*: Nulla heic convenientia voluntati divinæ substrata indicat , quod cuiusque *suum* sit , ipsa potius DEI voluntas distribuit cuique *suum* pro lubitu , sine ratione ex obsectorum nexu desumpta. Puniendus igitur erit malignus , non quia est individuus inter peccatum pœnamque destinatum nexus , sed quia DEUS pro arbitrio hunc nexum esse voluit : Præmio afficiendus pietati studens , non ob nexum remunerationis cum probitate , sed quia DEUS sine ratione ex-objecto petita *vult* : *stat pro ratione in subiecto voluntas*. Posset igitur etiam innocentissimum (n) æternis torquere plagis , non enim DEUS nexum meritorum & pœnarum invenit , sed ex voluntatis beneplacito demum facit. Quâ sententiâ nihil potest esse pestilentius.

(m) Opinionem de essentiis arbitrariis tuetur Poiret. Oeconom. L. I. c. 5. § 7. p. 51. seqq. incogitat. Rat. L. III. c. 10. § 5. p. 395. In veris & cognitis omnium primis p. II. 272. Cartesius vol. 1. Epist. 112. vid. Bülfinge Dilucid. p. 13. § 21. Dabo locum quem Dn. Bülf. omisit. Statuit Poiret. possibile *anteidale* quod nihil est nisi efficacia voluntatis divinæ , ex parte creaturæ absolutum NIHIL, *Postidale*, quod habet à DEO ideam, quæ

quæ posthac existentia donari potest. [Obiecerat Pungelerus, objicit Büllfinger cit. loc. *Stante hac sententia DEO possibile anteidale incognitum futurum fuisse, saltem determinate, licet vage servisset efficaciam voluntatis, ut si pictor novit, quam elapso anno artem sit exerciturus generatim, speciatim autem ignoraret, quodnam opus sit excogitaturus? respondet Poirer in cognitis veris & primis p. 102. Si aliter, inquit Pungeler, potuit Deus, quomodo hoc ipsi DEO potuit esse incognitum? Respondeo cognitum ipsi fuit se liberum esse, vel in se solo manere sine egressu, vel extra se ludere, si lubeat. Idea autem hactenus non cognita, h. e. non statuta erant. Ita concedit auctor determinatam possibilis Anteidealis cognitionem non cecidisse in DEUM, quam sententiam nemo temere secutus fuerit, maxime ideo, cum auctor & alibi de omnipræsentia doceat, quæ perfectissimo ente indigna sunt, Peropportune fit, ut opinio arbitrariorum essentiarum defendi nequeat, sine adoptata sententia periculi plenissima, vid. colleg. Pufendorff. Hochstetteri p. 33.*

(n) Hæc est sententia Angli Tvvissi in *Amore DEI erga mortales*. Qui & alias contra Arminium varia edidit præsertim vindicias gratiæ, potestatis & providentiæ divini, quibus in eandem opin. videtur passim pendere.

### §. 10.

*Deus justus non potest remittere peccata sine satisfatione.*

Benignitas, quam sapientia dirigit, justitiæ adcuratissimo sensu dictæ titulo digna est. Dixi id aliquoties, submotoris dissentientium dubiis. Sapientia rerum convenientiam, pulchritudinem & nexum observat, media aptissima finibus præstantissimis subordinando, quo nexu nihil potest esse præclarior, nihil sapientia dignius. Finita sapientia mediocris sæpe ab hoc scopo deflectit, non pervidens omnia, turbat aliquando ordinem, labefactat convenientiam. Major sapientia ab hoc errore tutior.

Inf-

Infinita, quæ DEI solius est, sapientia rebus præsidens cunctis non potest non rerum congruitates omnes omnino possibiles præteritas & futuras animadvertere, nec ab illis recedere vel latum quidem, ut ita loquar, unguem. Itaque convenientias vel observat pro se perpetuo, vel ab aliis neglectas curate restituit. Quod ni faceret, delectata aut connivens si non suis, aliorum certe *inconvenientius*, suprema non foret, eoque nec divina. Summum dissensum in rebus parit, convenientiæque potissimum obstat violatio legis, quæ ad evertendam rerum harmoniam cummaxime nata est. Fieri ergo nequit, quin DEUS in restituendum hunc dissensum, eâ quâ floret sapientiâ, incumbat totus. Compensatio dissensus lege violata introducti expiatorius est & internus pœnarum finis, ergo DEUS non potest non peccata curare expianda. Ergo satisfactio, quæ peccatis expiandis continetur, summo necessaria est opere. (o)

- (o) Habes hic invictum necessariæ satisfactionis, præfisci dixi, argumentum. Fundatur quippe rerum convenientiâ, vid Leibnit. Theod. §. 71. Sapientia obstat operis dissolutioni, ne *eadem consequantur ex diversis*, nullo ordine, nexu nullo i. e. ne bonas actiones mala sequantur aut vicissim. Hæc ratio convenientiæ prima est secundum rem ipsam enata. Accedit alia ratio à spiritibus intelligentibus quibusvis petita, quorum nemo non ordine vel continuatō, vel restituito iustissime delectatur, more, quō affici musicâ aut concinnâ structura, solemus. Has duas rationes Hobbesius, Sociniani aliique satisfactionis hostes ante oculos non habuerunt, quin satisfactionis inficiabantur necessitatem, ea autem observata dubia Socinianorum cuncta facillime solvuntur. Dabimus breve specimen. Nescio interim an Sociniani hac parte

Lookius adscribendus? quia *librum de Religionis Christiana*, prout in sacris litteris traditur, *rationalitate* edidit. Quem Joh. Eduardi Socinianismi coarguit. In *meditationibus de causis & occasione Atheismi hodierni* praesertim seculi. Quibus Lookius *vindictas libri de Religionis Christianae rationalitate* opposuit: defendente accusationem Eduardi in *dissertatione qua vanitas nuperi scriptoris rationalitatis religionis Christianae de unico fidei articulo ostenditur*, Londini Anno 1696. ubi Lookio vitio vertit, quod uno fidei articulo constituto satisfactionis fecerit mentionem nullam. Quid de Grotio summo Viro dicendum? qui anno 1618. emisit *defensionem fidei Catholicae de satisfactione Christi adversus Faust. Socinum Senensem*; cui Joh. Crellius Francus *responsionem ad Grotii librum de satisfactione* obvertit. Exstat in Bibliotheca Fratrum Polonorum. Quid Martinus Ruarus de hoc certamine iudicet, lege in *Epist. VIII. centuriae primae* p. 59. dissentit tamen à sodali Sociniano Michaël Gittichius in *Epistol. ad Ruarum Centur. prim. 63. p. 278.* conquestus de Grotio, quodd *sententiam de satisfactione* tueatur in *annot. ad Ephes. 1.* Grotium autem, quem malà fide satisfactionem defendisse putat, Ruarus defendit *Epist. 64. p. 282.* at & hanc defensionem Grotii impugnavit Gittichius in *sine partis prima* p. 465. maximo Grotii commodo: Disputatum etiam est de Grotii sententia à aliis. Hermannus Ravenspergerus quidam in Grotii *discursu de satisfact.* reprehendit, Joh. autem Vossius edidit *Responsionem ad iudicium Ravenspergeri Tom. I. operum ejus* p. 883. Grotius ipse gratias egit Crellio pro refutatione sui libri *epistola ling. quae exarata d. 10. May 1631.* Confer, Paul. Colomes, dans la Bibliothèque choisie.

## §. II.

Dans pu-  
nit ob pec-  
cata pra-  
derita,

Quam necessarium est, ut sit DEUS sapien-  
tissimus, tam quoque fieri non potest, ut nullam  
convenientiæ rerum gerat curam, ut exorto per  
peccatum dissensu compensationem omittat. Non  
igitur



igitur respicit puniendô duntaxat ad futura , ne quis posthac violatis legibus Universi perfectiorem & consensum disturber , sed intuetur etiam præteritorum peccatorum convenientiæ antehac derogantium abominationes , partim quod funestiarum consequentiarum peccati series per totum systema exporrigitur , partim vero , quod præcipuum , ne ullus hiatus , seu lacuna ulla non expleta maneat , licet admissa jam antehac ; Id enim sapientiæ divinæ , quæ compensare dissensum posset , foret exprobrandum , atque etiam intelligentes spiritus memoriâ præteritorum affectos , admodum haberet male. Qui inconvenientiæ vel præteritæ , vel præsentis , vel futuræ indulget , sapientissimus non est. Cæcus itaque sit , qui ex principiis Recentiorum non minus ac ex Theologorum , satisfactionis necessitatem non pervideat.

§. 12.

Sed occurritur nobis dubiô speciosissimô . *Resolvitur dubium.*  
quod & Theologorum de necessitate satisfactionis , & nostram causam premit : Contendunt Theologi , *justitiam vindicativam esse DEO essentialem , non posse igitur peccata dimittere impunia , plectere ob eam causam Numen supremum necessario.* Atqui eadem ratio est benignitatis , quæ non minus pertinet ad essentiam DEI , ac justitia quidem , nec tamen DEUM necessario in alios boni quid conferre quisquam dixerit. Aut igitur de benignitate sentiendum idem , aut de justitia sentiendum aliter. Attingit illa difficultas & causam nostram. *Justitiam diximus bonitatem sapientiam*  
*admi-*

*administratam*, ut igitur ob sapientiam benignitatis effluvia diuinæ aliquando puniendi causa necessario limitantur, sic & eâdem suadente sapientiâ, ubi major est benignitatis fructuum in creatis capacitas, extendentur & augebuntur necessario. Sic DEUS non potest non afficere præmiis. (p)

(p) Est hoc socinianorum præcipuum dubium, in *Antithesi doctrinae Christi*, & *Anti-Christi de uno vero DEO*, in aliis etiam libris maxime exaggeratum, ut mirum non sit, hujusmodi errores cum negata Trinitate & Christi divinitate conjunctos Turcismo proximis declaratos esse. Vid. Hornbek in apparat. ad Controvers. Socinian. p. 98. idque factum à Theologis Lugdunensibus Batav: Non alienum quoque à justitia fuit, cujus satisfactionis intererat, homines Christi satisfactionem inficientes expellere oris Christianorum, quod Adolpho Venatori Ministro Alcmæcr. contigit. confer. Voët. Polit. Eccles. T. II, L. IV. p. 533. de horrendo libro, quem sub prelo habebant 1647. inscripto: *Tormentum Trinitatem Throno deturbans* vid. Respons. Cocceji ad Apolog. Equit. Pol. fol. XXXV, 2. vers.

### §. 13.

*Respondetur.*

Diversa est Benignitatis & justitiæ DEI ratio. Nemo Creatori quidquam tribuit, ut esset, quod sua benignitate compensaret Rom. I I. Nul- lum hîc bona postulandi jus, nullum meritum, ne species quidem. At ut justitiam DEUS exsequatur frequentissime peccatis læsorum cum maxime refert, quo ipso jus quodam suo sensu ipsis enascitur, justitiæ exercitium postulandi. Concurrent igitur hîc duæ rationes ut juste agatur, *convenientia divini operis* quam tuendam sapientia suadet.

suadet, & aliquod jus eorum, qui extra DEUM peccatorum indignitate violati sunt. Arctius hæc ratio justitiam DEI urget, & quandam imponit necessitatis speciem; Contra ad benignitatem ipso opere significandam nil tale DEUM inducit, nisi rerum convenientia, cujus vis omnis in repræsentatione suæ ipsius sapientiæ posita est. Hinc misericordia *æque certa*, sed non *æque necessaria ac justitia* esse solet. Addendum eodem, quod notatu dignissimum, benignitatis notionem esse simpliciolem, justitiæ vero compositam. Qui benignitatem cogitat, pronitatem DEI ad bona tribuenda cuivis animo sistit suo, contra qui justitiam concipit, præter benignitatem intuetur etiam ejus temperamentum à sapientia additum pro conditione objecti. Mirum igitur non est, cum in benignitate cogitanda a dispensandi congruitate per sapientiam observata tantisper discendamus, tantæ ibi necessitatis ideam non intervenire, sed libertatis summæ obversari notionem. Sapientia enim bonitatis exercitium limitat, & quoddam velut morale vinculum injicit. Quanquam non diffitear, quod summæ benignitatis exercitium semper à sapientia dirigatur eoque justitiæ remuneratricis classem referat, quâ DEUS benefaciet certissime vid. Ebr. 6. v. 10.

§. 14.

Hæc igitur justitiæ definitione substrata evanescent Socinianorum dubia; faciemus in aliquibus ex definitione respondendi periculum. *Quod ad essentiam DEI pertinet, nunquam non potest esse, Atque hic inquirunt, Atque, si mundus peccato mansisset va-*

*Solutio ambiguum Socinianorum ex doctrinis hinc*

*cius, non habuisset locum justitia.* Ergo nec bonitas DEI necessaria est, ex eodem argumento, justitia enim est bonitas sapienter administrata, nec extensa nimium. Distinguiamus igitur oportet exercitium justitiæ à justitia ipsa, illud peccatores supponit, hæc semper eadem manet, siue existant improbi siue non. *Justitia vero benignitati repugnat mala inferens, cum illatura foret bona misericordiae virtus, non potest igitur illa ad essentiam DEI jure referri.* Justitia est, ut sæpe inveni, ipsa benignitas per sapientiam quoad exercitium ob indignitatem personæ suspensa, quod ob rationes gravissimas beneficia non continuat, non potest contrarium esse sibi ipsi. Quod si DEUS positiva actione mala inferret, contrarius benignitati fons in ipso scaturiret: sed falsum id esse probavimus §. 9. An Sol sibi contrarius est, si quis ob radiorum ejus impedimenta frigore consumitur? *At vero justitia & misericordia admittunt gradus, plectitur DEUS quartam generationem, benefacit millesima.* Responsum solidam jam alii dederunt, (q) dabimus & ex nostris aliquam, Gradus admittit exercitium justitiæ, non justitia ipsa. Non est, ne conceptu quidem, justitia distincta à benignitate sapienter administrata. Si restringatur benignitatis effluxus, plectitur homo, si per aliquod id fiat intervallum temporis, pœna transire ad nepotes potest, si extendatur benignitatis effectus, succedit pœnæ præmium. Non igitur justitia gradus admittit, sed bonitatis exercitium gradus admittens constituit justitiam.

(q) Vid. Hochstetter de jure pœnarum p. 76. §. 1.  
 Quod si liberi puniuntur, tum vel castigationem vel pœnam

pœnam, suo quam delicto meruere, sustinent. Sed & lex ista de puniendis improborum Liberis, ultra abnepotes i. e. tertiam seu quartam generationem non extenditur, quia ad eorum conspectum pertingere potest humana as. & parentes adhuc purius eo spectatulo possunt, quod gravius illis, quàm quod ipsi ferunt. Adde quod ista generationes perversis plerumque Antecessorum exemplis fuerunt corrupta; Saulis posteritas gens fuerit sanguinaria 2. Sam. 21. v. 1. &c. Non punit DEUS peccata parentum in Liberis partem culpæ patriæ nullam capientibus, fieri tamen potest ut parentum peccata occasionem dent animadvertendi in Liberos ob propria.

§. 15.

Cedere jus suum DEUS potest, nisi cum inferiore quovis Domino debitum condonante, aut vilissimo homine offensas prætermittente dixeris. Qui jus cedit, sapienter cedat oportet, ne stulte faciendo gravius peccet. Atqui justitia est bonitas cum sapientia copulata, non potest igitur à justitia DEUS deflectere sine stoliditatis maculâ, quod vel cogitatu blasphemum. Debita quæ remittit pecuniaria, rationem paupertatis, aut alterius ærumnæ habet; agit igitur *intuitu convenientiæ prudenter*; atqui Tu fingis DEUM à justitia vindicativâ, i. e. à studio peccatorum inconvenientias compensandi recedentem, nec eas impredientem, *contra sapientiam*. Sæpe Dominus æs alienum debitori remittit, si per longam verò futurorum eventuum seriem prospicere posset, incommoda inde pro posteris nata ad contrarium impellerent, ex ratione convenientiæ; At penes Numen, perspicientia congruitatum futurarum omnium immensa est, non potest vel tantillum à tuenda confor-

Cetera Sc.  
emianpo-  
rum dubia  
removien-  
tur.

mitate rerum abire, cui quippe inconvenientiæ culpa multo ante cognita magis exprobrari posset, quam imprudenti patrifamiliâs. *Princeps etiam publicas in universitatem populorum admissas condonare potest injurias*, potest si convenientia commodi publici suadeat, nunquam autem suadet publicum commodum veniam peccatorum omnium, licet à pœnitentibus petatur. Imbecillitatis humanæ est, ut quædam crimina declinandi majoris mali ergo in Republica sortiantur veniam, ne potentia delinquentium, peccatorum multitudo, vel scelerum inolita consuetudo majores civitatis turbas excitet: Non autem est, cur hæc talia DEUS meruat, sapientia ergo pœnarum convenientiam suadet, si vel maxime resipiscerent omnes, cum nec in Republica pœnitentes semper consequantur gratiam. *DEUS est nullo jure adstrictus Arbitrarius pœnarum pramiorumque, non deterioris conditionis quam Reges*, dimittunt utique Reges aliquando peccata impunia ob necessitatem & convenientiam Reipublicæ; dic autem quæso casum, ubi rerum convenientia DEO peccatorum impunitatem suaferit?

## §. 16.

*De Satisfactionis perfectione.*

Eo consilio dubia quædam ex definitione nostra solvi, ut intelligat lector, necessitatis, qua satisfactio exigitur, potissimum argumentum contineri Justitiæ ideâ, quam Recentiores urgent. (r) Pergimus nunc ad *satisfactionis declarandam perfectionem*. Fuisse qui satisfactionis Christi valorem in dubium vocarent, dum eum just-

justitiæ divinæ exacte satisfacisse abnuentes, aliquid saltem pretii dedisse contenderent, (s) neminem sacris vel obiter imbutum temere præterit. Dispiciemus nunc quantum roboris habeat recentiorum philosophia in eo errore detegendo pariter ac arguendo.

(r) Christian Democritus sive Dippel librum scripsit cui titulus: *Apostolischer Weegweiser zur wahren Gerechtigkeit* / in quo satisfactionem non sine turpitudinis nota rejecit. Parum dextre de eadem gravissima doctrina sensit famosus Poirer, quos ambos refutavit solide Vir laudatissimus Joach. Lang. Halens. in *der richtigen Mittelstraß*. tertia Parte, ubi ex instituto agit de satisfactione. Quod Arminiani satisfactionem ita necessariam fuisse negent, ex eorum scriptis patet. Stephanus Curcellæus institut. Christi. Relig. L. V. cap. 18. §. 10. Simon Episcop. institut. Theol. L. V. sect. V. cap. 3. Limborch. in Theol. Christi. L. II. cap. 12. §. 27, & L. III. cap. 18. §. 4. *Satisfactionem sospitatoris non ita inevitabilem docens, ut si DEO aliter fuisset visum, peccata nequivisset impunia dimittere.*

(s) Grotius in libro supra citato: qui inscribitur: *defensio fidei catholica de Sc. negat satisfactionem fuisse perfectam, aut pretium legis rigori nostroque debito existuisse æquale*, vid. Huber, in Exerc. VII. § 8. p. 105. Faciunt cum eo plerique remonstrantes. Limborch. Theol. Christi. L. III. cap. 21. §. 6. Episcop. institut. Theol. L. V. sect. V. cap. 3.

### §. 17.

Vadimonium Christi, quod ad satisfaciendum pro nobis suscepit, maxime pertinebat ad subeundas locò hominum promeritas pœnas. Pœna omnis in absentia boni; & sensu ejus absentia vi-

vīdo recte collocatur. Quæstio nunc est: *An Christus satisfecerit plenissime, omnium nostrorum peccatorum acerbissimas immo infinitas plagas gustando?* Recte Theologi quæstionem affirmant. (t) Negant vero eam Remonstrantes. Eorum v. g. Celebris Scriptor his verbis (u) utitur. *Satisfactio Christi dicitur, quā pro nobis pœnas omnes luit, peccatis debitas, easque exhauriendo divina iustitia satisfecit. Verum illa sententia nullum habet in Scriptura fundamentum.* - *Christus non est passus mortem æternam, nec intensione, non enim sub ira divina pondere desperavit; nec extensione, ad tres enim horas in cruce pependit, & tertio die ex mortuis resuscitatus est in vitam æternam, ut id alibi ostendimus. Si Christus omnes peccatis nostris debitas pœnas plene sustinuit & exhausit, nihil DEUS nobis ex gratia condonare posset. Si enim Christus omnia ad minimum quadrante usque persolvit, nihil restat quod Pater ex gratia nobis condonare posset, atqui docet Scriptura Deum ex misericordia concedere remissionem peccatorum in Christo.*

(t) *λύψ* vocis græcæ significationem, quæ in doctrina satisfactionis non nullius momenti est, valde ambiguum & suspectum reddit Clericus in Arte Critic. P. II. l. I. cap. V. § 5. Sed quamprimum satisfactionis necessitas ostensa est, quod factum à nobis supra, Criticorum circa voces maxima dubia deciduntur, & sublata, de qua queruntur, ambiguitate, intelligitur *λύψ* significationem pretium innuere propriissime dictum. Peccatum enim experiundo, satisfactionis necessitatem ratiocinandò cognoscimus, *λύπον* igitur non potest non de pretio satisfactionis proprio accipi.

(u) Lege hæc verba apud Limborch. Th. Christ. L. III. c. 21. §. 6.



§. 18.

Vidimus Remonstrantium dubia, inquire-  
mus vero etiam, numquid ad refutandum errorem  
hunc adjumenti afferat recentium Philosophorum  
doctrina. Humanæ Christi naturæ omnipræsen-  
tiam recte explicatam competere posse diximus.  
(Philosophi enim est loqui de τὸν διανεῖω, factum  
pertinet ad sacras litteras) omnipræsentia præter  
vim operandi immensam, caractere repræsentati-  
onis rerum omnium cognoscitur. Quò præmissò  
de pœna satisfacturo perferenda dicendum. Obser-  
vavi pœnam in sensu absentis boni vividissimo sive  
dolore vel animi vel corporis collocari: nunc  
ipsas definitiones allegabo. *Dolor in animo est re-  
præsentatio alicujus imperfectionis.* (x) Quo distin-  
ctior est repræsentatio per omnes imperfectionis  
partes, eo gravior oritur animi ægritudo. Gna-  
viter insensatos oportet, qui malis, queis oneran-  
tur, obstupescunt ad instar ἀπηλγνησάντων; Neque  
enim distincte, vel & ullo modo sua sibi mala  
repræsentant. Simul autem atque serio de suis  
malis occipiunt cogitare, conscientia cum incre-  
dibili dolore evigilat. *Peccatum est ἀνομία, dis-  
sensu à lege, eoque imperfectio*, quo longius, quo  
sæpius à lege recedit, eo gravius imperfectio  
augmentum caput.

(x) Dolor est repræsentatio imperfectionis ad repræsen-  
tantiem spectantis, nam & DEUS nostras cognoscit  
imbecillitates, nec tamen dolet. Nisi forte fuerit ut  
cum Poireto omnem Numini peccatorum ideam ab-  
judicare velles. Vid. Hoffm. Theol. Tub. dissert. de  
scientia DEI p. 10. ubi sententia Poireti refutata est.

## §. 19.

*Christus  
plene satis-  
fecit, quia  
ejus hu-  
mana na-  
tura omni-  
præsens.*

*Christus pro nobis saltem quasdam pertulit pœ-  
nas, non id abnuunt Arminiani, (7) qui nec in-  
ficiari audent, quod Servator DEUS sit. Christum  
ut hominem omnipræsentem esse negant, in quo  
suis doctrinis valde consentanea docent. Quodsi  
enim infiniti valoris satisfactionem crederent, haud  
scio utrum negatâ Christi hominis omnipræsentia  
dogma illud tam facile tueri possent: *Quam inex-  
pectatum, inquis, Commentum? vellem ut intelli-  
gerem, qui cum omnipræsentia carnis Christi copu-  
lata sit perfectio satisfactionis?* Intelliges, saltem ex  
mea sententia, ubi haud gravate adverteris ani-  
mum. Quodsi caro Christi locis præsens est omni-  
bus, tum ex definitione præsentia in persona læge caro  
res creatas omnes distinctissime repræsentat. (*Vid.  
caput antecedens*) Cum igitur servator peccatorum,  
seu imperfectionum nostrarum pœnas i. e. dolores  
pertulerit, non potuerunt non hi esse infiniti,  
quoniam & repræsentatio tantarum, quæ totus  
orbis contaminatus erat, imperfectionum longe  
distinctissima immo immensa plane fuit. Paulo  
enim ante observatum eo graviorem oriri dolorem,  
quo sit repræsentatio attentior, & per omnes di-  
stinctior partes. Qui autem non est omnipræsens,  
limitatâ per sensus repræsentatione, nonnisi id  
animadvertit, quod sensus offerunt. Non intel-  
ligit omnia distincte, non excutit rerum momen-  
ta omnia, non complectitur evoluta conceptu vel  
unius peccati circumstantias singulas, nedum pec-  
cata totius generis humani, omnium minime sin-  
gularum singulas circumstantias. Igitur deficiente  
omni-*

omnipræsentia, deficit immensa repræsentatio, deficiente hæc, deficit dolor immensus, desiderato dolore immenso, desideratur pretii pro peccatis persoluti valor ἰσὺρροπος æquans infinitorum peccatorum ineffabilem reatum. Patitur humana Christi natura, itaque & ipsa, non λόγος tantum, in eo esse debet, ut divinâ & distinctissima repræsentatione peccata totius mundi omnia sibi objiciat, quò dolor æqualis i. e. immensus respondeat, pretii infiniti fundamentum. (z) Non sufficit λόγος omnia repræsentare, ignorare interim infinita carnem, (qui enim non omnia scit, infinita nescit) ignorantia carnis dolorem minuit, & ad valorem pretii restringit finitum. Novimus quippe dolorem ad Carnem pertinere tanquam ad subiectum ut quò: Itaque si plura ignoravit, tanto etiam opere dolere non potuit.

(y) Ita v. g. Limborch, Theol. Christ. L. III. c. 22. §. 1. Tulit igitur pro nobis & nostro loco gravissimam afflictionem atque ita pœnam à nobis commeritam avertit. — Quæres quodnam sit illud malum quod Christus loco nostro sustinuit? an sit pœna quam nos peccatis nostris meriti eramus? resp. Pœnam eandem, quam nos peccatis nostris meriti eramus Dominum nostrum non tulisse, jam ante ostendimus sc. quia desperationem damnatorum non pertulit: Consentanea igitur suæ doctrinæ de negata omnipræsentia carnis docent.

(z) Nullius igitur momenti est dubium Arminii affectuum: Satisfactionem ideo imperfectam esse; quod non conturbatus fuerit Christus inferorum desperatione. Fuit enim dolor immensus, etiamsi desperatio Christum non occuparet. Desperatio per se ad summum dolorem non pertinet, est enim conspectus amissæ liberationis spei, quod cum pœna non semper conjunctum est. Sufficit carnem distinctissima omnium mundi

mundi imperfectionum repræsentatione pro singulis, earundemque singulis circumstantiis dolere potuisse quod exactæ satisfactioni præstandæ inservit. Non possunt id ne damnati quidem apud inferos, non possunt satis, vel unius peccati gravitatem dolendò, facere DEO, qui nec unum peccatum perfectissime cum omni momento & effectu repræsentant, *hinc eorum pœna, accedentibus subinde novis peccatis, non potest non esse æterna, immo evadere desperationis tristissima mater.*

## §. 20.

*Corollaria.*

Ita explicatis declaratur, quod Viri summi de idiomatum Carni servatoris communicandorum necessitate inculcant, addito argumento, quod sine ea dolor Christi non potuerit esse immensus, nec pretii infiniti. Intelligitur quoque ex his, quomodo in tertio communicationis genere, *qualibet natura agat quod suum est, cum communicatione alterius.* In immenso dolore perpetiundo concurrunt infinita λόγῶν repræsentatio, quæ carni tributa ut infinita esse quiret doloris vis, contra sensus ex repræsentatione tantorum imperfectionum oriundus carnis fuit, quem tamen & suum esse voluit λόγος, *sed in carne.* Ita mutua contingit communicatio salvo naturarum discrimine, duobus utrinque evitatis scopulis. Cum non solum peccatorum nostrorum horrendus dissensus systemati huic illatus suadente DEO justo i. e. sapienter benigno & consensûs tenaci compensandus fuerit, sed & facta compensatione, nova convenientia stabi-  
lienda inter vitæ æternæ præmium, & hominis perfecte pii dignitatem, quæ tamen inter tot mortalis vitæ imbecillitates nunquam impetratur: necessarium fuit (aa) obsequium Christi in agendo,  
colen-

colendaque pietate perfectissima collocatum, nobis deinde imputandum, quod breviter attingisse sufficiat.

(aa) Piscatoris sententia de obsequio activo pro nobis non præstito nova non fuit, sed habuit præeuntem Georgium Kargium seu Parsimonium. Vid. Christ. Matth. Pfaff, in Schediasmate Theologico de formula consensus Helvetica c. 1. ad §. 7. p. 18. Hist. liter. ampl. not. illustr. ad §. 8. p. 212.

## CAP. IX.

*Opportunitatem Philosophiæ recentiorum sistens in Art. de Prædestinatione.*

### §. 1.

Quæ fuerit Leibnitii circa prædestinationem sententia nuper demum inter eruditissimos Viros (a) disceptatum fuit. Equidem eam disquisitionem, qua, quid his aut illis visum fuerit, examinatur, non lubens ingredior; cum tamen veritatis ex altera parte stantis intersit, ne alieno vestimento adparens aliarum quoque partium patrona videatur: non inepte facit, qui nudam contemplando judicat, quænam litigantium pars in suis eam castris habeat militantem. Investiganda ob eam causam Leibnitii sententia, ut quoddam prædestinationis systema fructum inde, vel certe consensum sibi polliceri queat, perspicue intelligatur. (b)

*Accessus  
ad materiam.*

(a) Inter celeberrimum Mosheimium in consultat. quam Johannis Halefii Epistolis præmisit, & Vitem in Apologia contra Moshem. p. 368. seqq.

(bb)

(b) Varia gratiæ & prædestinationis Systemata tradit Pfaffius in dissert. de gratia & prædestinatione. per totum, vid. & Hottinger, Hist. de grat. & prædest.

## §. 2.

*Demon-  
stratur  
princi-  
pium  
suffic.  
rationis.*

Primum fuisse Leibnitium qui axiomatis de sufficienti ratione amplissimum usum vel agnoverit, vel præ cæteris urserit toto litterato orbe pervulgatum est. Testes habemus Epistolas ejus ad Clarkium. (c) *Ratio autem est id, ex quo intelligitur cur aliquid sit potius quam non sit, sit potius hoc, quam alio modo.* (d) Amplitudo axiomatis latissime patentis sine ullo contrario exemplo facillime probatur ex definitione vocum, quibus constat, (e) quid ratio sit? indicavi, dicam & quid sit sufficiens? ratio quæ sufficiens, est, quæ posita nihil amplius requiritur ad hoc, ut intelligatur, quare res sit, quæque remotâ aliquid amplius requiritur, aut potius fingitur præsto esse aliquid, cujus præsentia nullum est in ipso aut extra ipsum fundamentum. Sed contradictionem in vocibus implicat, ut præsto sit id, ad cujus præsentiam requiruntur plura, ubi igitur nulla rei aut ideæ ratio, ibi nec res nec idea, quod erat probandum.

(c) Omnes quidem existimant, se principium sufficientis rationis tueri, revera autem in casibus multis non pauci id omittunt, fingentes plura sine ratione. Si monentur, respondent, se non axioma ipsum, sed applicationem ejus reprehendere. Quomodo principium, quod universale concedunt, male applicari potest? Applicatio mala contingit, quum regulas ad casus non comprehensos inepte referimus, atqui illi concedunt, aut saltem concedere præ se ferunt, quod nullus casus exclusus sit. Si aperte profiteantur, excludi casus, respondendum  
ipsis

ipsis erit ad argumentum in Textu. Accessiones omnes quibus Philosophiam Leibnitius locupletavit hōc principio distinctius per eundem evoluto nituntur; Qui autem tanto dogmatum Leibnitii odio flagrat, fallit, ubi se principii universalitatem admittere caussatur. Audiamus Leibnitium in epist. ad Clark. V. §. 127. Rec. T. I. p. 147. *Tout le Monde ne s' en est il point servi en mille occasions? Il est vray, qu' on l' a oublié par negligence en beaucoup d' autres; mais c' est la justement l' origine de Chimere; comme par Exemple d' un tems ou d' un Espace absolu reel, du vide, des Atomes, d' une attraction à la scholastique, de l' influence physique entre l' Ame & le corps, & de mille autres fictions, tant de celles qui sont restées de la fausse persuasion des Anciens, que de celles qu' on a inventées depuis peu.*

(d) Definitionem rationis hanc vid. apud Wolff. in Metaph. §. 29. p. 12.

(e) Axioma apud Mathematicos est cujus demonstratio pendet ex definitione terminorum, quibus constat. vid. Bülfinger. in dissert. de Axiom. Wolff. in præfat. operibus mathemat. german. præmissa ubi de methodo agitur mathematica.

### §. 3.

Cum nihil existere possit sine ratione, perspicuum est, divinæ voluntatis decreta sine ratione nunquam formata fuisse. Abesset enim à summa ratione i. e. DEO, agendi ratio, quod quàm ineptum sit, dici vix potest. Ipse Calvinus non ab omni ratione decretum DEI sejungit, pronuntians, *esse justas, licet nobis non perspektas rationes, quibus Numen reprobatis quibusdam, ceteros æternis destinaverit gaudiis.* (f) Quodcunque decretum cogitaveris, sive eligendi, sive creandi, sive redimendi per Christum, nunquam eorum ullum

*Deus nil  
decernit  
sine ratio-  
ne.*

à DEO statutum sine rationis intuitu certæ. Quod nisi dixeris, laxata erunt naturalis theologiæ fundamenta omnia.

(f) Ita sentit Calvinus in libro de prædestinatione, vid. Leibnit, Theod. §. 79.

#### §. 4.

Poireti  
sententia  
rejicitur.

Aut fallor ego vehementissime, aut admodum erronea est Poireti sententia, qui DEUM plane nullâ ratione ad quidquam decernendum induci mordicus tenebat. Intolerabilis est ejus Absolutismus, qualem nemo mortalium unquam stabilivit. Laudari tamen in eo Profundus Mysticus debet, quod semper suis doctrinis consentanea ad systematis usque prima fundamenta tradiderit, nec verbi gratiâ cum quibusdam, quorum nomina sileo, & veneror, in aliquibus DEI decretis v. g. in electione rationes admiserit, in creando aut in decreto potius creandi easdem abnuerit; Quæ prorsus hiulca esse vel obiter advertens videt. Cum enim libertatem creandi adeo extollant, ut & *sine ratione* factam contendant, haud scio annon Adversarii in *electionis decreto* eundem absolutissimum ab illis sint postulaturi?

#### §. 5.

Distinctio  
Poireti.

Distinguit Poiret subtilior ipsis Scholasticis inter rerum creatarum usum & finem, occupationem & scopum, priorem concedens, negans posteriorem, his potissimum verbis: (g) *si in questione, cur aliquid factum respiciatur ad rei usum, quasi quæreretur, quis nam hujus rei verus usus est,*

quæritur



quem ei DEUS assignavit: Non modo hac quæstio iusta est & æqua, verum etiam è maxime necessarius - - - si vero in eadem quæstione, cur vel quo fine aliquid DEUS fecerit? respiciatur ad scopum quem sibi proposuit DEUS, vel potius ad motiva, ad rationes, quibus inductus hoc vel illud egerit? ut si quærat, quibus de causis permiserit DEUS lapsum Angelorum, quid intenderit, quo motivo DEUS homines plures perire sinat, vel creaverit cunctos, cur tot & non plures, quibus rationibus rerum naturas & statum sic disposuerit? Hoc quæstionis genus sine temeritate & impietate non fit, cum consilia DEI rimari audeat, quæ & res nobis incomprehensibiles optime conciliant, simulquæ adoranda obscuritate teguntur.

(g) Cog. Rat. L. III. cap. 15.

§. 6.

In hoc discursu meritò reprehenduntur duo. *Respondetur.*  
 Primo enim opponuntur subordinanda, rerum usus sunt & DEI fines. (b) Cur enim DEUS ad certos usus res accommodatas conderet, nisi & inde veller tanquam sapientissimus cognosci? atqui tale consilium condendi, finis est. Non igitur sine ratione agit DEUS. Deinde confunditur notitia finis divini generalis, cum investigatione scoporum DEI specialium. Qui, num ratione quadam inductus, hoc vel illud agat Deus? quærunt, non id agunt, ut singulas rationes rimentur, & iusto curiosius scrutentur; sed eo potissimum spectant, ut generatim ne à DEO quidem quidquam sine ratione fieri inculcent, quæ ratio summam in eo posita est, sit id faciat

faciat DEUS, quod illustrandæ gloriæ suæ cum-  
maxime inservit.

(b) Rerum usus- (*de abusibus non loquimur*) fines DEI  
esse solide probavit Balffinger de orig. Mali §. 439. &  
Diluc. §. 444. nolui igitur agere actum.

## §. 7.

*Præstrui-  
tur canon  
decisioni  
inserviens.*

In tanta igitur sententiarum varietate nemo  
cum Poireto crediderit, DEUM, licet absolutô  
decreto agentem prorsus sine omni motivo, sine,  
ratione &c. vel eligere, vel creare, vel redi-  
mere &c. In eo maxime Reformati à cæteris dis-  
sentiant, ut negent decretorum DEI rationes vel  
*in fide vel alia quavis nota* conditione collocan-  
das. Nos interim præstruimus canonem qui Pha-  
ri instar lucem adsperset intricatissimæ, & per  
innumera scripta nimium extensæ Liri de præde-  
stinatione. *Omnis determinatus eventus, volun-  
tatis actus, & quidquid omnino determinate hoc exi-  
stet, id poscit & rationem sui determinatam.* (i)  
Demonstratio axiomatis ex priori pendet §. 2.  
indicato. Nam si nihil existit sine ratione,  
nihil etiam poterit *determinate* existere sine  
*determinata* ratione. Cur? Quidquid existit,  
*determinate* existit. Genera enim & species  
quæ vaga & *indeterminata* concipiuntur,  
non existunt nobis haud cogitantibus. Quod  
*determinate* existit, & ratione *determinata* de-  
stituitur, id plane non habet rationem pro se.  
Ratio enim minus determinata, quid aliud est  
quam principium, ex quo intelligitur, *cur res  
aliquot esse possint*, non autem, *cur hæ præcise sist  
nec alia*. Omnipotentia DEI ratio est minus de-  
fini-

finita cur res creati queant, non autem est ratio determinata, cur hæ potius creatæ sint nec aliæ, itaque quod definitum est, nec rationem definitam habet, perinde est, ac si plane non haberet.

- (c) Vid. Bülling. de orig. mal § 182. p 123. Res, inquit sunt determinata quatenus illa causarum suarum operatione ex vaga possibilitatis generalitate ad unam aliquam illius partem, modum, speciem actu jam reducta sunt, ut cum potuerint existere aliter & aliter, nunc quidem existant, hoc præcise modo, nec alio. Cognoscitur ex his verbis, implicare contradictionem determinate esse, nec tamen sui rationem habere determinatam, ipsa enim determinata existentia definitio rationem includit determinatam.

§. 8.

Existimo me in admittendo hoc canone faciles inventurum doctissimos Dn. Reformatorum scriptores. Concesso igitur axiomate præcipuam causam propius attingo. Aut DEUS decernendi hoc vel illud, rationes habet vel non habet, si hoc adoptaveris, peccabis in generale scientiarum omnium axioma: Ergo amplectendum erit prius illud. Si quam DEUS talia vel talia statuendi rationem intuetur, non potest non determinati decreti determinata præsto esse ratio, ex qua intelligatur, saltim abs DEO, si non à creatis, cur hoc potius statutum sit, quàm aliud quodvis. Immo vero, inquires, habet DEUS rationes consistorum suorum, quæ determinata sunt, definitas, sed nobis non perspektas; ad leges, ordines, statutaque hominum non (k) exigendas. Nunc arcem causæ decretorio impetu petam. Nulla decretorum DEI ratio determinata est nisi petita, non à subiecto, DEO,

*Argumentum decretorium contra Absolutum*

Aa

sed

mitate rerum abire, cui quippe inconvenientiæ culpa multo ante cognita magis exprobrari posset, quam imprudenti patrifamiliâs. *Princeps etiam publicas in universitatem populorum admissas condonare potest injurias*, potest si convenientia commodi publici suadeat, nunquam autem suadet publicum commodum veniam peccatorum omnium, licet à pœnitentibus petatur. Imbecillitatis humanæ est, ut quædam crimina declinandi majoris mali ergo in Republica fortiantur veniam, ne potentia delinquentium, peccatorum multitudo, vel scelerum inolita consuetudo majores civitatis turbas excitet: Non autem est, cur hæc talia DEUS metuatur, sapientia ergo pœnarum convenientiam suadet, si vel maxime resipiscerent omnes, cum nec in Republica pœnitentes semper consequantur gratiam. *DEUS est nullo jure adstrictus Arbitrarius pœnarum premiorumque, non deterioris conditionis quam Reges*, dimittunt utique Reges aliquando peccata impunia ob necessitatem & convenientiam Reipublicæ; dic autem quæso casum, ubi rerum convenientia DEO peccatorum impunitatem suaserit?

## §. 16.

*De Satisfactionis perfectione.*

Eo consilio dubia quædam ex definitione nostra solvi, ut intelligat lector, necessitatis, qua satisfactio exigitur, potissimum argumentum contineri Justitiæ ideâ, quam Recentiores urgent. (r) Pergimus nunc ad *satisfactionis declarandam perfectionem*. Fuisse qui satisfactionis Christi valorem in dubium vocarent, dum cum  
justi-

juſtitia divinae exacte ſatisfeciſſe abnuentes, aliquid ſaltem pretii dediſſe contenderent, (s) neminem ſacris vel obiter imbutum temere præterit. Diſpiciemus nunc quantum roboris habeat recentiorum philoſophia in eo errore detegendo pariter ac arguendo.

(r) Chriſtian Democritus ſive Dippel librum ſcripſit cui titulus: *Apoſtoliſcher Weegweiſer zur wahren Gerechtigkeit* / in quo ſatisfactionem non ſine turpitudinis nota rejecit. Parum dextre de eadem graviffima doctrina ſenſit ſamofus Poirot, quos ambos reſutavit ſolide Vir laudatiſſimus Joach. Lang. Halenſ. in *der richtigen Mittelſtraß*. tertia Parte, ubi ex inſtituto agit de ſatisfactione. Quod Arminiani ſatisfactionem ita neceſſariam fuiſſe negent, ex eorum ſcriptis patet. Stephanus Curcellæus *Inſtitut. Chriſt. Relig.* L. V. cap. 18. §. 10. Simon Episcop. *inſtitut. Theol.* L. V. ſect. V. cap. 3. Limborch. in *Theol. Chriſt.* L. II. cap. 12. §. 27. & L. III. cap. 18. §. 4. *Satisfactionem ſoſpiratoris non ita inevitabilem docent, ut ſi DEO aliter fuiſſet viſum, peccata nequiviſſet impunia dimittere.*

(s) Grotius in libro ſupra citato: qui inſcribitur: *deſenſio fidei catholica de Ec.* negat ſatisfactionem fuiſſe perfectam, aut pretium legis rigori noſtroque debito exiſtiſſe æquale, vid. Huber, in *Exerc.* VII. § 8. p. 105. Faciunt cum eo plerique remonſtrantes. Limborch. *Theol. Chriſt.* L. III. cap. 21. §. 6. Episcop. *inſtitut. Theol.* L. V. ſect. V. cap. 3.

### §. 17.

Vadimonium Chriſti, quod ad ſatisfaciendum pro nobis ſuſcepit, maxime pertinebat ad ſubeundas locò hominum promeritas pœnas. Pœna  
omnis in abſentia boni; & ſenſu ejus abſentia vi-  
vido

vīdo recte collocatur. Quæstio nunc est: *An Christus satisfecerit plenissime, omnium nostrorum peccatorum acerbissimas immo infinitas plagas gustando?* Recte Theologi quæstionem affirmant. (t) Negant vero eam Remonstrantes. Eorum v. g. Celebris Scriptor his verbis (u) utitur. *Satisfactio Christi, dicitur, quæ pro nobis pœnas omnes luit, peccatis debitas, easque exhaustiendo divina justitia satisfecit. Verum illa sententia nullum habet in Scriptura fundamentum. - Christus non est passus mortem æternam, nec intensiōe, non enim sub ira divina pondere desperavit; nec extensiōe, ad tres enim horas in cruce pependit, & tertio die ex mortuis resuscitatus est in vitam æternam, ut id alibi ostendimus. Si Christus omnes peccatis nostris debitas pœnas plene sustinuit & exhaust, nihil DEUS nobis ex gratia condonare posset. Si enim Christus omnia ad minimum quadrantem usque persolvit, nihil restat quod Pater ex gratia nobis condonare posset, atqui docet Scriptura Deum ex misericordia concedere remissionem peccatorum in Christo.*

- (t) *λύψ* vocis græcæ significationem, quæ in doctrina satisfactionis non nullius momenti est, valde ambiguum & suspectum reddit Clericus in Arte Critic. P. II. l. I. cap. V. §. 5. Sed quamprimum satisfactionis necessitas ostensa est, quod factum à nobis supra, Criticorum circa voces maxima dubia deciduntur, & sublata, de qua queruntur, ambiguitate, intelligitur *λύψ* significationem pretium innuere propriissime dictum. Peccatum enim experiundo, satisfactionis necessitatem ratioecinandò cognoscimus, *λύπον* igitur non potest non de pretio satisfactionis proprio accipi.

- (u) Lege hæc verba apud Limborch, Th. Christ. L. III. c. 21. §. 6.

§. 18.

Vidimus Remonstrantium dubia, inquire-  
mus vero etiam, numquid ad refutandum errorem  
hunc adjumenti afferat recentium Philosophorum  
doctrina. Humanæ Christi naturæ omnipræsen-  
tiam recte explicatam competere *posse* diximus.  
(Philosophi enim est loqui de τῇ δυνάμει, factum  
pertinet ad sacras litteras) omnipræsentia præter  
vim operandi immensam, caractere repræsentati-  
onis rerum omnium cognoscitur. Quò præmissò  
de pœna satisfacturo perferenda dicendum. Obser-  
vavi pœnam in sensu absentis boni vividissimo sive  
dolore vel animi vel corporis collocari: nunc  
ipsas definitiones allegabo. *Dolor in animo est re-*  
*præsentatio alicujus imperfectionis.* (x) Quo distin-  
ctior est repræsentatio per omnes imperfectionis  
partes, eo gravior oritur animi ægrotudo. Gna-  
viter insensatos oportet, qui malis, quæ oneran-  
tur, obstupescunt ad instar ἀπηληκολων; Neque  
enim distincte, vel & ullo modo sua sibi mala  
repræsentant. Simul autem atque serio de suis  
malis occipiunt cogitare, conscientia cum incre-  
dibili dolore evigilat. *Peccatum est ἀνομία, dis-*  
*sensus à lege, eoque imperfectio*, quo longius, quo  
sæpius à lege recedit, eo gravius imperfectio  
augmentum capît.

(x) Dolor est repræsentatio imperfectionis ad repræsen-  
tantiem spectantis, nam & DEUS nostras cognoscit  
imbecillitates, nec tamen dolet. Nisi forte fuerit ut  
cum Poireto omnem Numini peccatorum ideam ab-  
judicare velles. Vid. Hoffm. Theol. Tub. dissert. de  
scientia DEI p. 20. ubi sententia Poireti refutata est.

## §. 19.

*Christus  
plene satis-  
fecit, quia  
ejus hu-  
mana na-  
tura omni-  
præsens.*

*Christus pro nobis saltem quasdam pertulit pœ-  
nas, non id abnuunt Arminiani, (7) qui nec in-  
ficiari audent, quod Servator DEUS sit. Christum  
ut hominem omnipræsentem esse negant, in quo  
suis doctrinis valde consentanea docent. Quodsi  
enim infiniti valoris satisfactionem crederent, haud  
scio utrum negatâ Christi hominis omnipræsentia  
dogma illud tam facile tueri possent: Quam inex-  
pectatum, inquis, Commentum? vellem ut intelli-  
gerem, qui cum omnipræsentia carnis Christi copu-  
lata sit perfectio satisfactionis? Intelliges, saltem ex  
mea sententia, ubi haud gravate adverteris ani-  
mum. Quodsi caro Christi locis præsens est omni-  
bus, tum ex definitione præsentia in persona lævæ caro-  
res creatas omnes distinctissime repræsentat. (Vid.  
caput antecedens) Cum igitur servator peccatorum,  
seu imperfectionum nostrarum pœnas i. e. dolores  
pettulerit, non potuerunt non hi esse infiniti,  
quoniam & repræsentatio tantarum, quæ totus  
orbis contaminatus erat, imperfectionum longe  
distinctissima immo immensa plane fuit. Paulo  
enim ante observatum eo graviolem oriri dolorem,  
quo sit repræsentatio attentior, & per omnes di-  
stinctior partes. Qui autem non est omnipræsens,  
limitatâ per sensus repræsentatione, nonnisi id  
animadvertit, quod sensus offerunt. Non intel-  
ligit omnia distincte, non excutit rerum momen-  
ta omnia, non complectitur evoluto conceptu vel  
unius peccati circumstantias singulas, nedum pec-  
cata totius generis humani, omnium minime sin-  
gulorum singulas circumstantias. Igitur deficiente  
omni-*



omnipræſentiâ, deficit immenſa repræſentatio, deficiente hâc, deficit dolor immenſus, deſiderato dolore immenſo, deſideratur pretii pro peccatis perſoluti valor ἰσῆρροπος æquans infinitorum peccatorum ineffabilem reatum. Patitur humana Chriſti natura, itaque & ipſa, non λόγος tantum, in eo eſſe debet, ut divinâ & diſtinctiſſima repræſentatione peccata totius mundi omnia ſibi obijciat, quò dolor æqualis i. e. immenſus respondeat, pretii infiniti fundamentum. (z) Non ſufficit λόγος omnia repræſentare, ignorare interim infinita carnem, (qui enim non omnia ſcit, infinita neſcit) ignorantia carnis dolorem minuit, & ad valorem pretii reſtringit finitum. Novimus quippe dolorem ad Carnem pertinere tanquam ad ſubjectum ut quò: Itaque ſi plura ignoravit, tanto etiam opere dolere non potuit.

(y) Ita v. g. Limborch. Theol. Chriſt. L. III. c. 22. §. 1. Tulit igitur pro nobis & noſtro loco graviffimam afflictionem atque ita pœnam à nobis commeritam avertit. — Quæres quodnam ſit illud malum quod Chriſtus loco noſtro ſuſtinuit? an ſit pœna quam nos peccatis noſtris meriti eramus? reſp. Pœnam eandem, quam nos peccatis noſtris meriti eramus Dominum noſtrum non tuliffe, jam ante oſtendimus ſc. quia deſperationem damnatorum non perſulit. Conſentanea igitur ſuæ doctrinæ de negata omnipræſentiâ carnis docent.

(z) Nullius igitur momenti eſt dubium Arminii aſſeclarum: Satisfactionem ideo imperfektam eſſe; quod non conturbatus fuerit Chriſtus inferorum deſperatione. Fuit enim dolor immenſus; etiamſi deſperatio Chriſtum non occuparet. Deſperatio per ſe ad ſummum dolorem non pertinet, eſt enim conſectarium amiſſæ liberationis ſpei, quod cum pœna non ſemper conjunctum eſt. Sufficit carnem diſtinctiſſima omnium mundi

mundi imperfectionum repræsentatione pro singulis, earundemque singulis circumstantiis dolere potuisse quod exactæ satisfactioni præstandæ, intersit. Non possunt id ne damnati quidem apud inferos, non possunt satis, vel unius peccati gravitatem dolendò, facere DEO, qui nec unum peccatum perfectissime cum omni momento & effectu repræsentant, *hinc eorum pœna, accedentibus subinde novis peccatis, non potest non esse æterna, immo evadere desperationis tristissima mater.*

## §. 20.

*Corollaria.*

Ita explicatis declaratur, quod Viri summi de idiomatum Carni servatoris communicandorum necessitate inculcant, addito argumento, quod sine ea dolor Christi non potuerit esse immensus, nec pretii infiniti. Intelligitur quoque ex his, quomodo in tertio communicationis genere, *qualibet natura agat quod suum est, cum communicatione alterius.* In immenso dolore perpetiundo concurrunt infinita λόγος repræsentatio, quæ carni tributa ut infinita esse quiret doloris vis, contra sensus ex repræsentatione tantorum imperfectionum oriundus carnis fuit, quem tamen & suum esse voluit λόγος, *sed in carne.* Ita mutua contingit communicatio salvo naturarum discrimine, duobus utrinque evitatis scopulis. Cum non solum peccatorum nostrorum horrendus dissensus systemati huic illatus suadente DEO justo i. e. sapienter benigno & consensûs tenaci compensandus fuerit, sed & facta compensatione, nova convenientia stabilienda inter vitæ æternæ præmium, & hominis perfecte pii dignitatem, quæ tamen inter tot mortalis vitæ imbecillitates nunquam impetratur: necessarium fuit (aa) obsequium Christi in agendo, colen-

colendaque pietate perfectissima collocatum, nobis deinde imputandum, quod breviter attigisse sufficiat.

(aa) Piscatoris sententia de obsequio activo pro nobis non præstato nova non fuit, sed habuit præcuntem Georgium Kargium seu Parsimonium. Vid. Christ. Matth Pfaff, in Schediasmate Theologico de formula consensus Helvetica c. 1. ad §. 7. p. 18. Hist. liter. ampl. not. illustr. ad §. 8. p. 212.

## CAP. IX.

### *Opportunitatem Philosophiæ recentiorum sistens in Art. de Prædestinatione.*

#### §. I.

Quæ fuerit Leibnitii circa prædestinationem sententia nuper demum inter eruditissimos Viros (a) disceptatum fuit. Equidem eam disquisitionem, qua, quid his aut illis visum fuerit, examinatur, non lubens ingredior; cum tamen veritatis ex altera parte stantis interfit, ne alieno vestimento adparens aliarum quoque partium patrona videatur: non inepte facit, qui nudam contemplando judicat, quænam litigantium pars in suis eam castris habeat militantem. Investiganda ob eam causam Leibnitii sententia, ut quodnam prædestinationis systema fructum inde, vel certe consensum sibi polliceri queat, perspicue intelligatur. (b)

*Accessus  
ad materiam.*

(a) Inter celeberrimum Mosheimium in consultat. quam Johannis Haleii Epistolis præmisit, & Vitæ in Apologia contra Mosheim. p. 368. seqq.

(bb)

(b) Varia gratiæ & prædestinationis Systemata tradit Pfaffius in dissert. de gratia & prædestinatione, per totum, vid. & Hottinger, Hist. de grat. & prædest.

## §. 2.

*Demon-  
stratur  
princi-  
pium  
suffic.  
rationis.*

Primum fuisse Leibnitium qui axiomatis de sufficienti ratione amplissimum usum vel agnoverit, vel præ cæteris urserit toto litterato orbe pervulgatum est. Testes habemus Epistolas ejus ad Clarkium. (c) *Ratio autem est id, ex quo intelligitur cur aliquid sit potius quam non sit, sit potius hoc, quam alio modo.* (d) Amplitudo axiomatis latissime patentis sine ullo contrario exemplo facillime probatur ex definitione vocum, quibus constat, (e) *quid ratio sit?* indicavi, dicam & quid sit *sufficiens?* ratio quæ *sufficiens, est, quæ posita nihil amplius requiritur ad hoc, ut intelligatur, quare res sit, quæque remota aliquid amplius requiritur, aut potius fingitur præsto esse aliquid, cujus præsentia nullum est in ipso aut extra ipsum fundamentum.* Sed contradictionem in vocibus implicat, ut præsto sit id, ad cujus præsentiam requiruntur plura, ubi igitur nulla rei aut idæ ratio, ibi nec res nec idea, quod erat probandum.

(c) Omnes quidem existimant, se principium sufficientis rationis tueri, reversa autem in casibus multis non pauci id omittunt, fingentes plura sine ratione. Si monentur, respondent, se non axioma ipsum, sed applicationem ejus reprehendere. Quomodo principium, quod universale concedunt, male applicari potest? Applicatio mala contingit, quum regulas ad casus non comprehensos inepte referimus, atqui illi concedunt, aut saltem concedere præ se ferunt, quod nullus casus exclusus sit. Si aperte profiteantur, excludi casus, respondendum

*ipsis*

ipsis erit ad argumentum in Textu. Accessiones omnes quibus Philosophiam Leibnitiu locupletavit hōc principio distinctius per eundem evoluto nituntur; Qui autem tanto dogmatum Leibnitiū odio flagrat, fallit, ubi se principii universalitatem admittere caussatur. Audiamus Leibnitiu in epist. ad Clark. V. §. 127. Rec. T. I. p. 147. *Tout le Monde ne s' en est il point servi en mille occasions? Il est vray, qu' on l' a oublié par negligence en beaucoup d' autres; mais c' est la justement l' origine de Chimere; comme par Exemple. d' un tems on d' un Espace absolu reel, du vuide, des Atomes, d' une attraction à la scholastique, de l' influence physique entre l' Ame & le corps, & de mille autres fictions, tant de celles qui sont restées de la fausse persuasion des Anciens, que de celles qu' on a inventées depuis peu.*

(d) Definitionem rationis hanc vid. apud Wolff. in Metaph. §. 29. p. 12.

(e) Axioma apud Mathematicos est cujus demonstratio pendet ex definitione terminorum, quibus constat, vid. Büllfinger, in dissert. de Axiom. Wolff. in præfat. operibus mathemat. german. præmissa ubi de methodo agitur mathematica.

### §. 3.

Cum nihil existere possit sine ratione, perspicuum est, divinæ voluntatis decreta sine ratione nunquam formata fuisse. Absset enim à summa ratione i. e. DEO, agendi ratio, quod quàm ineptum sit, dici vix potest. Ipse Calvinus non ab omni ratione decretum DEI sejungit, pronuntians, *esse justas, licet nobis non perspektas rationes, quibus Numen reprobatis quibusdam, ceteros aternis destinaverit gaudiis.* (f) Quodcunque decretum cogitaveris, sive eligendi, sive creandi, sive redimendi per Christum, nunquam eorum ullum

*Deus nil  
decernit  
sine ratio-  
ne.*

à DEO statutum sine rationis intuitu certæ. Quod nisi dixeris, laxata erunt naturalis theologiæ fundamenta omnia.

(f) Ita sentit Calvinus in libro de prædestinatione, vid. Leibniz, Theod. §. 79.

#### §. 4.

Poireti  
sententia  
rejicitur.

Aut fallor ego vehementissime, aut admodum erronea est Poireti sententia, qui DEUM plane nullâ ratione ad quidquam decernendum induci mordicus tenebat. Intolerabilis est ejus Absolutismus, qualem nemo mortalium unquam stabilivit. Laudari tamen in eo Profundus Mysticus debet, quod semper suis doctrinis consentanea ad systematis usque prima fundamenta tradiderit, nec verbi gratiâ cum quibusdam, quorum nomina silco, & veneror, in aliquibus DEI decretis v. g. in electione rationes admiserit, in creando aut in decreto potius creandi easdem abnuerit; Quæ prorsus hiulca esse vel obiter advertens videt. Cum enim libertatem creandi adeo extollant, ut & *sine ratione* factam contendant, haud scio annon Adversarii in *electionis decreto* eundem absolutissimum ab illis sint postulaturi?

#### §. 5.

Distinctio  
Poireti.

Distinguit Poiret subtilior ipsis Scholasticis inter rerum creatarum usum & finem, occupationem & scopum, priorem concedens, negans posteriorem, his potissimum verbis: (g) *si in questione, cur aliquid factum respiciatur ad rei usum, quasi quæreretur, quis nam hujus rei verus usus est,*

quem

quem ei DEUS assignavit: Non modo hac quaestio iusta est & æqua, verum etiam è maxime necessarius - - - si vero in eadem quaestione, cur vel quo sine aliquid DEUS fecerit? respiciatur ad scopum quem sibi proposuit DEUS, vel potius ad motiva, ad rationes, quibus inductus hoc vel illud egerit? ut si quaeratur, quibus de causis permiserit DEUS lapsum Angelorum, quid intenderit, quo motivo DEUS homines plures perire sinat, vel creaverit cunctos, cur tot & non plures, quibus rationibus rerum naturas & statum sic disposuerit? Hoc quaestionis genus sine temeritate & impietate non fit, cum consilia DEI rimari audeat, quæ & res nobis incomprehensibiles optime conciliant, simulquæ adoranda obscuritate teguntur.

(g) Cog. Rat. L. III. cap. 15.

§. 6.

In hoc discursu meritò reprehenduntur duo. Primo enim opponuntur subordinanda, rerum usus sunt & DEI fines. (h) Cur enim DEUS ad certos usus res accommodatas conderet, nisi & inde vellet tanquam sapientissimus cognosci? atqui tale consilium condendi, finis est. Non igitur sine ratione agit DEUS. Deinde confunditur notitia finis divini generalis, cum investigatione scoporum DEI specialium. Qui, num ratione quadam inductus hoc vel illud agat Deus? quærunt, non id agunt, ut singulas rationes rimantur, & iusto curiosius scrutentur; sed eo potissimum spectant, ut generatim ne à DEO quidem quidquam sine ratione fieri inculcent, quæ ratio summatim in eo posita est, ut id faciat

*Respondetur.*

faciat DEUS, quod illustrandæ gloriæ suæ cum-  
maxime inservit.

(b) Rerum usus- (*de abusibus non loquimur*) fines DEI  
esse solide probavit Balfinger de orig. Mali §. 439. &  
Diluc. §. 444. nolui igitur agere actum.

§. 7.

*Præstrui-  
tur canon  
decisioni  
inserviens.*

In tanta igitur sententiarum varietate nemo  
cum Poireto crediderit, DEUM, licet absolutò  
decreto agentem prorsus sine omni motivo, sine,  
ratione &c. vel eligere, vel creare, vel redi-  
mere &c. In eo maxime Reformati à cæteris dis-  
sentiunt, ut negent decretorum DEI rationes vel  
*in fide vel alia quavis nota* conditione colloca-  
das. Nos interim præstruimus canonem qui Pha-  
ri instar lucem adperget intricatissimæ, & per  
innumera scripta nimium extensæ Liti de præde-  
stinatione. *Omnis determinatus eventus, volun-  
tatis actus, & quidquid omnino determinate hoc exi-  
stet, id postulat & rationem sui determinatam.* (i)  
Demonstratio axiomatis ex priori pendet §. 2.  
indicato. Nam si nihil existit sine ratione,  
nihil etiam poterit *determinate* existere sine  
*determinata* ratione. Cur? Quidquid existit,  
*determinate* existit. Genera enim & species  
quæ vaga & *indeterminata* concipiuntur,  
non existunt nobis haud cogitantibus. Quod  
*determinate* existit, & ratione *determinatâ* de-  
stituitur, id plane non habet rationem pro se.  
Ratio enim minus determinata, quid aliud est  
quam principium, ex quo intelligitur, *cur res*  
*aliquot esse possint*, non autem, *cur ha præcise sint*  
*nec alia*. Omnipotentia DEI ratio est minus de-  
fini-



finita cur res creari queant, non autem est ratio determinata, cur hæ potius creatæ sint nec aliæ, itaque quod definitum est, nec rationem definitam habet, perinde est, ac si plane non haberet.

- (1) Vid. Bülfing. de orig. mal § 182. p 123. *Res, inquit sunt determinata quatenus illa causarum suarum operatione ex vaga possibilitatis generalitate ad unam aliquam illius partem, modum, speciem actu jam reducta sunt, ut cum potuerint existere aliter & aliter, nunc quidem existant, hoc præcise modo, nec alio. Cognoscitur ex his verbis, implicare contradictionem determinate esse, nec tamen sui rationem habere determinatam, ipsa enim determinata existentia definitio rationem includit determinatam.*

§. 8.

Existimo me in admittendo hoc canone faciles inventurum doctissimos Dn. Reformatorum scriptores. Concesso igitur axiomate præcipuam causam propius attingo. Aut DEUS decernendi hoc vel illud, rationes habet vel non habet, si hoc adoptaveris, peccabis in generale scientiarum omnium axioma: Ergo amplectendum erit prius illud. Si quam DEUS talia vel talia statuendi rationem intuetur, non potest non determinati decreti determinata præsto esse ratio, ex qua intelligatur, saltem abs DEO, si non à creatis, cur hoc potius statutum sit, quam aliud quodvis. Immo vero; inquires, habet DEUS rationes consistorum suorum, quæ determinata sunt, definitas, sed nobis non perspectas; ad leges, ordines, statutaque hominum non (k) exigendus. Nunc arcem causæ decretorio impetu petam. Nulla decretorum DEI ratio determinata est nisi petita, non à subiecto, DEO,

*Argumentum decretorium contra Absolutum*

*sed ab objecto. Atqui rationes decretorum DEI oportere esse determinatas ex canone concedes, ergo fatearis etiam necesse est, rationes decretorum DEI ab objecto desumtas, seu potius ab ejus intuitu. Atqui rationes decernendi, quas ab objecto DEUS depromit, uno ictu prosternunt absolutissimum.*

(k) Hæc est Viti responsio, quam ingenti argumentorum machinâ adversariis suis extorquere cupit, ut nimirum fateantur, licet supralapsiariorum cooptetur sententia, DEUM tamen læsæ justitiæ non ut homines coargui possit. In Apolog. p. 348. §. 57. DEUS superior legibus, quas homini tulit, ea decernere, permittere, agere bene, sancte, juste potest, qua ad humanorum officiorum rationes exigere neque possint, neque debeant. Et sic DEI non permittentis tantum sed decernentis etiam malum, bonitati, sanctitati, justitiæ consultum & provisum est.

## §. 2.

*Insistitur  
argumen-  
to.*

Prævideo primam argumenti propositionem omni nisu negatum iri, est ergo cur ea sustentetur fulcro. Si ratio decretorum DEI petitur à subjecto i. e. à DEO ejusdemque voluntate, quæro, *quæ possit esse determinata?* voluntas est potentia indifferens eligendi hoc, & eligendi illud. Num stat pro ratione voluntas? atqui ratio illa indeterminata est. Ex sola voluntate non intelligitur cur v. g. Judas exitio destinatus, suæque malitiæ relictus, Petrus autem abnegato Christo servatus sit? Non inquiri arcanas decretorum rationes, sed ex pacto axiomatis, in quod mecum consensisti, quod eventus determinati detur ratio determinata, jure desidero ex te audire, quomodo voluntas DEI determinata queat ratio esse deter-

determinati eventûs quem experiebatur Judas ? Quomodo definis voluntatem , *annon per vim eligendi hoc aut illud ?* atqui talem esse indifferentem jam dixi. Cave igitur dicas , *eventus determinati posse esse rationem indifferentem.* Iterum inculco , me absconditas DEI rationes non scrutari , nec ut scruteris , temet inbere , velle me tantum ut ostendâs , quomodo voluntas DEI indifferens determinati decreti de reprobando v. g. Juda ratio esse queat ? Annon luce meridiana clarius est requiri aliquid , ex quo intelligatur , cur voluntas deserto indifferentiæ statu *determinate* hoc decernat nec aliud ? i. e. requiri rationem sufficientem , eandemque determinatam.

§. 10.

*Non deest voluntati divina sua ratio* , inquires , *Explana*  
*habet justissimas* , de justis rationibus disquiram *sur ultem*  
mox , nunc de ratione voluntatis ipsa dispiciam. *vims.*  
Aut ratio cur DEUS aliquid decernit , est voluntas divina , aut ipsum voluntatis divinæ decretum. Sin illud affirmaveris , nôsti voluntatem esse indifferentem , nec posse propterea eventûs seu decreti determinati rationem esse , *ob axioma*  
*utrinque cooptatum* : Aut vero ratio cur DEUS aliquid decernat , est ipsum decretum , quô decernit , tum idem *formaliter* ratio est sui ipsius. *Formaliter* , *inquam* , nam si ratio decreti à voluntatis decreto est *formaliter* distincta , cùm in voluntate indifferenti quæri non possit , invenietur tandem in repræsentatione quadam intellectus , qui hoc aut illud cognovit DEO dignum , tum præsto est ratio petita ab objecto , quam volumus. (1)

(1) Velim hic expendantur verba Bulffingeri in Dilucid. p. 482. quibus Leibnitii sententiam de voluntate semper ex motivo determinato agente contra AntiLeibnitianos, eodemque Decreti tamen absoluti adversarios, suscepit probandam. Miratus fui, decretorum DEI absolutorum Adversarios in Leibnitio reprehendere id ipsum, quod omnium maxime decreta DEI absoluta evertit, immo quod solummodo ea destruit. Nam si cujuslibet *determinati* decreti motivum *determinatum* requiritur pro hoc potius quam alio quovis; nec vero tale motivum in ipsa voluntate detur, recurrendum tandem est ad representationem intellectus, quâ hoc vel illud præ alio judicatur convenientius: ita voluntas agit propter prævisas has aut illas in objecto conditiones, quæ ipsissima Protestantium Reformatis oppositorum sententia est. Ita autem ille: *Voluntatis essentia consistit in conatu agendi vid.* §. 315. igitur recte quidem ratio actionis repetitur ex voluntate, cur ambulo? quia habeo conatum ambulandi continuatum, & non impeditum, h. e. quia volo nunc ambulare serid. Sed cur volo? vel cur habeo conatum ipsum ambulandi (hunc)? An volo, quia volo, h. e. an habeo conatum ambulandi quia habeo? quis hoc ferat. Volo quia placet, inquis. Recte id, & non recte, prout voci sensum tribuis. Volo i. e. habeo conatum ambulandi, quia placet, i. e. quia videtur sub præsentibus circumstantiis bonum. Concedo te recte respondisse. allegasti rationem volendi ex representatione prævia, sic decet! Volo ambulare, h. e. habeo conatum ambulandi quia placet, h. e. quia stat pro ratione voluntas, i. e. quia, cum possim habere alios conatus, habeo hunc potius quam alium. Quid dixisti? Non sane rationem volendi audio, sed negationem rationis, & positionem tamen actionis, tanquam ex ratione profluentis. Volo quia volo, volitio, inquis, ipsa est ratio volitionis meæ. Patere ut aliquid requiram. Aut volitio, qua ratio est, est distincta

*stincta à volitione, cuius ratio est, ut habeam volitionem A, & eius rationem, volitionem sc. B. hoc sensu: volo velle, hic quæro cur velis velle? an iterum quia vis? quousque? confer Leibnit. in Theod. §. 51. Aut eadem sibi ipsi volutio est ratio sui ipsius? hoc sensu: Volo actionem hanc potius quam illam; volutio hac mea procedit ex aliqua sui ratione, ex qua intelligi potest, cur sic potius velim quam aliter; illa autem huius mea volitionis ratio, est ipsa hac mea volutio, veretur ut pauci accedant huic analysi. Adplicentur hæc ad DEUM, & perspicuum erit, quodlibet decretum DEI habere rationem non in voluntate, aliter idem decretum A, esset ratio sui i. e. A. quod absonum, sed in divini intellectus repræsentatione.*

## §. II.

Liceat majoris lucis causa & aliter dicta inflectere. Proferuntur acutissimi Reformati, quemlibet eventum *determinatum* existere ob rationem *determinatam*. Habemus igitur Decretum de Petro eligendo divinum, quod vocabo A. nunc quæro, ubi sit ratio *determinata* r̃ A. num in voluntate DEI ipsa, quatenus est vis agendi libera, hoc aut illud eligendi? atqui hæc vis est *indifferens*, quia libera; Adversarii vero concedunt, minus *determinatum* seu *indifferens* non posse esse rationem *determinatam* alicujus rei. Id quod axioma postulat. Forsan ratio decreti A. est in ipso A? ita A. erit, quia est A. quàm hoc quæso incommodum! *ratio sufficiens est, ex qua intelligitur, cur aliquid existat potius, quàm non existat, tale sit potius, quàm tale.* Si igitur A. est, quia ipsum A. est, nondum intelligitur cur A. existat potius quam non existat, cur tale sit potius quam

*Argumentum paulo aliter inflexum.*

rale, i. e. nondum habet A. rationem sufficientem determinatam. Cum igitur ratio determinata  $\tau$  A. nec in voluntate, nec in voluntatis actu sit, non potest non esse in alio DEI attributo, intellectu, iustitia &c. de quibus nunc dispiciendum est. Nisi forte dixeris, rationem determinatam decreti A. esse in alio voluntatis decreto B. quò ipsò tamen parum profeceris; nam & de B. eadem quæstio recurrit, quam rationem determinatam habeat? ita ut vel infinitam retro decretorum DEI se invicem præsupponentium seriem statuere, vel ab ultimo ulterius ascendere, & rationem ejus determinatam in intellectu, seu alibi quærere debeas.

## §. 12.

*An ratio  
decreto-  
rum Dei  
quæri de-  
beat in ju-  
stitia?*

Aut sol non lucet ipsò meridie, aut ratio decretorum DEI determinata non in voluntate ejusdemque actibus, sed in alia DEI virtute *moralis* quærenda. Virtutibus DEI *moralibus* potissimum adscribitur *iustitia*, *sapientia*, *Sanctitas*. Itaque forsitan his determinata decretorum ratio continebitur. *Videbimus. iustitia est benignitas cujus exercitium dirigit sapientia: benignitatem vocamus DEI virtutem, quæ perfectiones rebus extra se tribuit. Sapientia adpellatur quæ convenientiam adminiculorum & finium respicit. Quodsi igitur determinata alicujus decreti ratio in iustitia ponitur, sapientia benignitatis exercitium suspendit ob minus convenientem objecti beneficijs maclandi conditionem. Quærenti proinde, Cur Judas reprobus sit, nec vero Petrus, aut Paulus, aut alius ele-*

*electus*

*florum quivis ?* respondendum , quia *justa* adfuit ratio : i. e. quia sapientia suasit , ut propter hujus objecti incapacitatem indignitatenique benignitatis effluvia retardarentur. Quocirca ratio *determinata* objecti damnati erit in ipsa ejusdem conditione *determinata* , quod volunt Dn. Reformatorum Antagonistæ. Justitia enim in se generatim considerata est pronitas DEI benignitatem suam moderandi pro objecti convenientia sapienter , convenientiam autem DEUS volendo non facit , aliter arbitrariæ essentia à Dn. Reformatis amplectendæ forent, sed eam demum in objectorum schesi , nexu , & capacitate invenit ab intellectu repræsentatam.

§. 13.

Si conquerantur , *hanc definitionem* , *ipsis obtrudi invitis* , esse *figmentum Leibnitii* , saltem contra suum sodalem id agnoscant , quod Leibnitii doctrinæ Absolutissimo omnium decretorum adversentur ; Cum tamen Vitus Casselanus in supralapsariorum partes trahere Leibnitium voluerit. Sed possumus etiam salvâ hâc , quam tuemur , causâ demonstrationi substernere justitiæ definitionem eam , quam nec Reformati rejiciunt. Justitia est *studium constans suum cuique tribuendi*. Sciscitemur nunc , num in justitia DEI possit esse *determinata* ratio , *determinate* Judam proditorem nec alium Apostolum , seu electum reprobandi ? quæ ratio fuit reprobationis hujus , nec alterius , quæ ratio erat Judam ejiciendi , nec alium ? *Justitia* , inquis , *DEI* , quia *actio hac justa fuit*. *justa actio est* , *quâ tribuitur cuique quod debetur* , *justa hæc*

*Urgetur  
idem.*

*actio in individuo, qua tribuitur huic in individuo quod ipsi debetur, ergo debebatur reprobatio Judæ, si quidem, ut causæ, iusta fuit. Quis autem debitum illud statuit, quis convenientiam inter Judam & pœnam contemperavit? Annon ipsa Judæ conditio? An DEI decretum illam convenientiam inter plagas æternas & Proditorem stabilivit? Quidni? forsan inquis, atqui redi in circulum. De voluntate DEI eadem difficultas redit, quæ paulo tibi ante obversa est, & ob quam ad justitiæ mentionem te contulisti. Nunc cum urgeris, eò recurris, unde jam deturbatus es. Deinde si ipsum DEI decretum statuit, quid cujusque *suum* esse debeat, tum justitia non est studium DEI cuique tribuendi *suum*, sed cuique tribuendi, quod *vult*. Jam, quæro ex te, an DEUS omnium rerum convenientias, quæ tò *suum* cujusque rei constituunt, pro arbitrio facit? an vero in æterna possibilium regione i. e. in div. intellectu repræsentata voluntati optionis causa offeruntur? si prius dicas, arbitrariarum essentiarum opinionem cum Poireto revocare instituis, si posterius placeat, habemus quod volumus, namque eò admisso, DEI intellectus rerum convenientias, v. g. pœnæ congruitatem cum Proditore repræsentat, voluntas vero decernit, quia DEO dignæ sunt, moveturque rationibus *objectivis*. Decretum DEI igitur vel fidei vel perfidiæ convenientiam objecti in destinando præmio & pœna respicit.*

## §. 14.

*Argumentum contra justitiam.*

Totus litteratorum chorus, quaqua per orbem diffunditur, hinc intelliget, absoluta DEI decreta



creta doceri non posse, sine arbitrariarum essentiarum dogmate, atqui hoc etiam axiomate nostro evertitur. *Determinatum decretum poscit rationem determinatam.* Quod si Deus ideas rerum & essentias pro lubitu statuit, rogo, an determinatum moti-  
 tum ab æterno habuerit, hæc prædicata cum his subjectis potius connectendi quàm alia, nec ne? si non habuit, determinate aliquid decretum est, sine determinata ratione, quod absurdum: si habuit, tum ratio illa determinata, qua inductus hæc prædicata DEUS cum his subjectis copulavit, erit fundatâ in quadam rerum convenientia ab intellectu orta, & repræsentata, eademque immutabili, & necessaria. Nam si à voluntate penderet & ipsa, semper recurreret eadem superior quæstio, eoque progressus in infinitum, i. e. si ratio illa liberæ voluntatis filia foret, denuo posset inquiri, num ratio determinata voluntatis, quâ rationem priorem statuit, in voluntate poneretur, an in voluntatis actu, & sic sine fine.

*tiam arbitriariam quâ absolutissimus nititur:*

§. 15.

Non licet mihi non esse subtili, propter consilium omnes, & minutissimas quidem elabendi rimulas obstruendi. Dico igitur sententiam veram. Rerum essentiarum, scheses, nexus, convenientiarum sunt necessariae. Quamobrem? essentiarum sunt possibilitates: Res non sunt possibles quia DEUS vult, sed eas DEUS vult, quia sunt possibles. Nec enim possunt esse impossibiles, quo continetur character necessitatis. Licet autem necessariae sint, dependentes tamen sunt à DEI omnipotentia; ideo  
 Aa 5                      enim

*Vera de electione Sententia*

enim possibiles sunt, quoniam eis præstandis par est omnipotentia; ex aduerso ideo habentur impossibilia, seu contradictionem involventia, quia omnipotentia DEI pugnare contra se ipsam nequit, i. e. eodem respectu & tempore idem adstruere & destruere non potest. Intellectui divino essentia i. e. possibilitates omnes ab æterno observabantur, & seorsum, & in certos redactæ ordines, i. e. prout varios referebant possibiles mundos. In cunctis vero ordinibus res etiam hactenus nonnisi possibiles semet mutuo determinant. *Cur v. g. ab æterno possibile fuit, ut esset Servatoris proditor?* quia in his circumstantiis, quas talis rerum ordo tulit, poterat elici ejus peccatum, in aliis circumstantiis possibile fuisset, ut non peccasset. *Cur fieri poterat, ut puniretur?* quia poterat peccare; unde convenientia pœna proditoris & peccati? ex utriusque possibili natura ac definitione. DEUS igitur creaturus vidit innumeros rerum possibilium series i. e. **Mundos**, unum tamen præ cæteris præstantissimum licet & cum malo conjunctum, quem tanquam se dignissimum anteponere, & existentia donare constituit, non quia malo contaminatus, sed quia eo non obstante reliquis omnibus melior erat. En rationem decreti *determinatam*, non *subiectivam*, sed *objectivam*, quæ *determinationem* parit. In optimo rerum possibilium ordine existentia jam destinato rationem DEUS habuit omnium perfectionum singularum & univrsarum. Quæ igitur ratio fuit, ut in æterna possibilium regione, quæ in DEI intellectu sita est, perfectiones singulæ hoc aut illo modo determinatæ à se mutuo fuerint:

ea ipsa etiam fuit, ut eas DEUS eligeret. Quoniam v. g. ab æterno possibile fuit in hoc rerum ordine existentia donato, ut Petrum certæ circumstantiæ ad fidem determinarent, fidesque disponderet ad consequendam vitam æternam, ideo etiam DEUS Petri vitam propter fidem voluit. Quoniam ab æterno possibile fuit, Judam in hac rerum serie ad proditionem determinari, eoque præparari ad pœnas inferorum, Numen etiam decrevit pœnas propter peccatum.

§. 16.

Suspicas forsan, hoc probari non posse, quod vitam DEUS largiatur ob fidem, sufficere quod generatim hunc mundum decreverit ut optimum. Falleris. Non esset decretum DEI pro Petro servando potius quam Nerone determinatum, nisi peteretur ejus ratio determinata ex objecto. Cur enim Petrum eligeret & non alium? semper te urgent priora. Cum igitur ex objectis ratio determinata sumenda, quorum subinde alterum altero determinatur, etiam ubi in possibilem æternam regionem adhuc respiciuntur: potuit DEUS hoc præcise nec aliud velle, quia illud à divino intellectu repræsentatum fuit, ceu convenientius hîc & nunc in his objecti circumstantiis. Ita vitam æternam hujus præcise hominis non decernere poterit, nisi ob determinatam ejus dispositionem antecedentem, quæ ad vitam præparat. Uti universum mundum non eligit præ alio quovis, quàm quia hic solus ipso dignissimus: ita & singulas mundi partes has, aliis quibuscunque antepositas non vult, quàm quia hîc & nunc convenientiores sunt. Est

*Decretum Dei conditionatum, quia nititur rationibus obiectivis.*

enim

enim universum hoc optabilius propter singulas partes, ex quibus constat, quas nisi DEUS in *determinatis* circumstantiis considerasset, non habuisset rationem eas cum Universo admittendi *determinatam*. (m) Mali est dissimilis ratio. DEUS namque non vult nec generatim ullum malum, nec definitò modò hoc aut illud. *Decernit tamen permissionem* hujus magis, quam alterius; quia hoc nec aliud cum optimo systemate conjunctum est.

(m) Si prolixiora hæc sunt, accipe ea nervosius. Nullius decreti, sive de præstando quodam bono, sive permittendo malo, datur determinata ratio, nisi ex objectis, quorum comparatio majorem unius præ cæteris convenientiam, eoque etiam rationem determinat illud præferendi. Illustrabo sententiam Leibnitianam de prædestinatione simili quodam, ut intelligatur, subinde in ea urgeri rationes ab objecto petitas, quæ *absolutissimum* evertunt. Finge cuidam Principi aliquot offerri typos (etliche Plans) gerendi pro necessitate Reipublicæ bellum, exercitumque mittendi in has aut illas oras. Fac porro aliquem typum tales suadere oras, quæ similes forent illis, in quibus Hannibalis marcescebat virtus, ubi nemo militum fugiendo aliisque criminibus bellicis supplicium mereret extremum, quod ipsum tamen cum utilitate publica non optime consentiret. Cogita porro offerri etiam alios typos reipublicæ magis salutare, ut sc. mittatur exercitus in oras hosti proximas, cum quibus certandum foret, quo factò milites aliquot occasionem essent sumturi aufugiendi, & culpam contrahendi suppliciorum. Quod si Rex expensis omnibus circumstantiis hunc typum eligeret, quia esset cæteris convenientior, & commodo publico promovendo accommodatior; omnes rationes eligendi determinatæ forent *per conditiones objecti*. Primo generatim typus ipse aliis antelatus foret, ob suam majoris convenientiæ schesin, post etiam singulæ typi partes sua conditione concurrissent, ad eligendum

gendum totum. Si quæreres, *cur jam hic miles prænam dat capiti*, annon responderetur solide? quia *au-*  
*fugiebat*, & quoniam Rex typum decernendo totum,  
propter fugam & hoc decrevit. Sin vero instares, *cur*  
*eum Rex in his circumstantiis collocavit*, in quibus pec-  
caturum præfagiebat, forte non respexit ejus peccatum,  
sed arcana voluntate hunc perditum voluit? Non ex-  
cipereris ludibrio? primo enim responderetur, miles  
in his circumstantiis necessario non peccavit, poterat &  
non fugere, fortiterque pugnare. Secundo urgenti, *cur*  
*ergo in his circumstantiis positus fuerit?* occurreret, quo-  
niam cum typo bellandi optimo hic eventus conjunctus  
erat, Regis autem non erat, ob salutem privatam mili-  
tis posthabere publicam. Interim vel stupidissimus vi-  
det, tam in typo summam considerato, quam singu-  
lis ejus partibus rationem eligentis principis à conditione  
vel objecti totius vel partium depromendam. Nam &  
fortes milites non ob aliam causam præmiis Rex affi-  
ciendos statuit, quam quia typus generalis eorum re-  
præsentavit fortitudinem. Ratio decreti Regii deter-  
minata omnis, sive in toto, sive in parte typi, obje-  
ctorum conditiones respicit. Substitue in locum prin-  
cipis DEUM, in militum vices electos & reprobos,  
tum plana erit adplicatio. At juxta Reformatorum sen-  
tentiam simile ita foret instruendum. Ut primo Rex  
cogitasset de manifestanda auctoritate in præmio &  
supplicio afficiendis militibus, tum de conferendo  
exercitu, post de loco & modo bellandi, quo non-  
nulli occasionem sumerent vel ignavia supplicium, vel  
fortitudine præmium conciliandi. Sed in hoc ordine  
typi nulla foret ratio determinata cur hos potius milites  
conferisisset nec alios, cur hunc locum bellandi de-  
crevisset, nec alium, in quo æque alii milites qui-  
dam, ignaviæ occasione arreptâ, supplicium meruif-  
sent, aut non arreptâ, præmium. Hoc est capitale  
discrimen inter Reformatos & Leibnitium inter-  
jacens. quod illi determinatum eventum sta-  
nuant, sine ratione determinata, hic vero nunquam.

Ita

Ita Turretin. de supralapsariis. Primum inquit, secundum eos decretum est de manifestatione gloria DEI in exercitio misericordia & iustitia, per salutem & damnationem hominum. Secundum de creatione, quod comparo cum exercitus conscriptione. Tertium de permissione lapsus, quod contendo cum delectu loci, in quo futurum capturos praevidet Rex milites. Quantum de missione Christi, quod simile est exercitio juris aggratiandi in quibusdam transfugis. T. I. Loc. IV. de praedest. quæst. 18. §. IV.

## §. 17.

An ratio  
decreto-  
rum Dei  
in sancti-  
tate.

Determinata decretorum DEI ratio non est igitur, nec in iustitia, nec in bonitate & sapientia, nisi petatur ab objecto. Sed forsitan est in sanctitate, ita quidem, ut objectum non respiciat? Inquiremus. Sanctitas DEI est virtus, quâ omnes (n) perfectiones possidet, easdemque solas i. e. non conjunctas cum contrario i. e. imperfectione. Sancta igitur voluntas quæ non nisi bonum vult, & malum averſatur. Sanctus intellectus, qui nulli errori unquam sed vero semper assentitur. Quodsi ergo ratio determinata quare Petrus servetur, nec alius quivis reprobus, in sancta DEI voluntate est, tum ea fertur in salutem Petri, quia est bona nec mala. Atqui hæc ratio non est determinata, quia etiam in Judam cadit; nam & hujus perniciæ Voluntas sancta acquiescit, nihil autem potest esse determinatum pro hoc, quod & in alia quadrat prorsus idem manens. Ergo ut voluntas sancta salutis Petrinæ definita ratio fieri queat, dicendum, salutem ejus a DEO discerni, quia est præcise huic subjecto conveniens, quia præmii colatio in his individuis Petri circumstantibus, bona est, nec mala, quò sanctitas decreti hujus indivi-

dividui continetur. Qui autem hoc affirmat, rationem decreti ab objecto petit. Non est cur dicas, *bonum & malum quod sit, à DEO decerni, si igitur vel maxime absolutum pro arbitrio consilium ineat, ut Judas pereat, id bonum fore nihilominus, vel tantum ideo quod DEUS decreverit*: Ita enim revocares sententiam de essentiis arbitrariis, quæ origo est omnium errorum in doctrina de prædestinatione. Adde quod & fratribus (o) reclamares, qui non ideo aliquid bonum esse contendunt quia Deus vult, non ideo sanctum, quia decernit, sed propterea velle DEUM ajunt, quia quid est bonum, ideo decerni, quia est sanctum. Ergo sanctitas voluntati præstruitur, ergo aliquid ante debet esse sanctum, quàm DEUS velit, atque siquid DEUS determinate velit, oportebit esse in his circumstantiis determinate sanctum, cumque circumstantiæ definitæ ex objecti natura pendeant, rationes decernendi petuntur ab objecto, quod erat probandum. Ita stat sententia velut Marpesia cautes, quod absoluta decreta sine essentiis arbitrariis defendi nequeant.

(n) Vid. supra caput 1. sect. 5. de sanctitate DEI.

(o) Witsio v. g. in Oeconom. sæder. DEI L. I. c. 13. § 18.

*Præpostere res digerunt, qui sanctitatem in eo duntaxat faciunt consistere, quod actiones ejus exacte cum voluntate consentiunt. Qua voluntas, inquit, omnis sanctitatis etiam divina regula est. Ex adverso sanctitas DEI naturalis ut voluntate prior concipi debet, & potius voluntatis regula est, quàm ad voluntatis regulam exigenda. Kingii Episcopi Angli hæc sententia fuit explosa à Leibnitio in Theod. Non diffiteor autem Patronos absolutorum decretorum magis consentanea docere, si Kingii sententiam, aut Poirëti de arbitrariis essentiis cooptent, quam si admittant essentias necessarias. Poirëti Metaphysica adcommodata est ad*

Refor,

Reformatorum doctrinas, quoniam DEUM *absolutissime* agentem supponit, Leibnizii ex adverso Metaphysica generalia cæterorum Protestantium, qui Humeum sequuntur, axiomata exhibet: Statuit enim DEUM agentem in creatis non sine ratione *objectiva*, quæ in majori convenientia ponitur,

## §. 18.

Ordo decretorum  
Dei juxta  
Supralapsarios.

Nunc, quem Dn. Reformati decretorum ordinem constituent, iustrabimus, ut instituto examine cognosci queat, *an omnium decretorum*, quæ determinata sunt, *possint allegare rationes determinatas*, nec ne? seu, annon violent axioma supremum, dubio omni majus? Miror à paucissimis definiri, *quid sit decretorum ordo*? Qui de ordine decretorum anquirat, examinat, *quodnam alterius sit motivum*. Arbitror hanc esse definitionem, aut nullam. Non potest igitur decretum decretò antèrius concipi, nisi exploratum sit, unum esse alterius *motivum*. Ordo decretorum à supralapsariis constitutus hic est. (p) *Decretum prædestinationis statuitur prius decreto creationis & permissi lapsus, & concipitur DEUS primo cogitasse de manifestanda gloria in exercitio justitiæ & misericordiæ quoad salutem & damnationem hominum, quam cogitaverit de creando homine vel permittendo ejus lapsu, ita ut creatio & permissio habeant rationem mediæ ad satisfactionem misericordiæ & justitiæ tanquam finem. Ita primum ordine decretum de manifestanda gloria per misericordiæ & justitiæ exercitium, secundum de Creatione, tertium de permissione lapsus, quartum de missione Christi &c. Quodli Canon: determinati eventus, datur determinata ratio, verus est, ordo hic omni fundamento destituitur. Primum de-*  
cre-



cretum formatum fuisse affirmant de *manifestanda gloria in exercitio justitiæ & misericordiæ*. Quæro egomet jurè: Cur DEUS hoc decrevit misericordiæ & justitiæ exercitium in his hominibus comprobandum, nec aliud in aliis creatis ratione præditis? vel an hoc primum decretum indifferens fuit? per quodnam igitur sequens determinatum, & ab universalitate suâ vagâ ad gloriam hanc, in hoc exercitio justitiæ quærendam restrictum est? Dicis, *de gloria manifestanda fuisse primo statutum*. Cur autem hanc gloriam in hoc mundo, nec in alio, quem etiam creare poterat, sibi comparavit. Intelligitis, ô doctissimi & pientissimi Viri Reform. *Vos determinata decreta statuere sine determinata ratione*, & nullam definitam rationem indicari posse, quàm sumtam ab objecto, quia scil. hujus mundi gloria reliquis omnibus, per alios mundos conciliandis, illustrior fuit. Hæc autem est Leibnitii ratio, eademque determinata.

(p) Vid. Joh. Francisc. Turretin. Loc. IV. de prædest. quæst. 18. §. 4. ubi ipse impugnat infralapsariorum sententiam, quia *actus odii divini erga creaturas statuatur, antequam odio digna sunt, quod auctoris effectus ex odii principio scil. Creatio ex reprobationis consilio adjudicari fingatur*. Si verò hæ rationes resolvuntur, ultimum earum fundamentum cernitur in rostris axiomate sc. ideo DEUS odio non habere potest odio hæc ætenu indignos, quia nulla definita ratio præsto est, ad odium huc præcise in hunc, nec aliorum in alium determinandum. Atqui eodem principio profligatur etiam infralapsariorum sententia, ut mox cognosces.

§. 19.

Cum determinata ratio ab objecto sit arces- *Examina-*  
senda quando de *universa* gloria DEI quæritur, *tur hæc*  
ita *sententia.*

Bb

ita ut aliter responderi nequeat, *quam quia hoc ob-  
jectum gloriæ divinæ illustranda ad commodatius fuit:*  
debet etiam ratio determinata in objecto quaeri-  
tum, quum de *quodam* gloriæ divinæ testimo-  
nio sermo instituitur, & v. g. rogatur: cur in Pe-  
tro DEUS misericordiæ potius, quàm justitiæ lau-  
dem & gloriam destinaverit? Non potes aliter re-  
spondere, nisi more Leibnitii, quia convenien-  
tius determinate fuit, hunc determinate eligere,  
quam alium reprobum. Nullam autem conveni-  
entiam indicabis in Petro ad electionem impe-  
trandam, quam fidem. *Secundum* decretum su-  
pralapsariorum premitur eodem defectu? Pertin-  
et id ad creandum. Cur autem DEUS hos crea-  
vit homines, angelos, nec alios? à *quibus forsam*  
*aqualis gloria expectari poterat?* recte addis,  
*forsan:* Convenientius fuit hos condere propter  
horum conditionem, quam alios. In *tertio* &  
*quarto* decreto observatur idem. Si DEUS lapsum  
permisit, quaeritur cur potius permittere quam  
impedire voluerit? Num alleganda est voluntas  
à ratione sejuncta, i. e. absoluta? atqui ipsa vo-  
luntas ut & ejus actus ratio esse non potest, pro-  
voco ad antecedentia. Quid voluntatem determi-  
navit ad permittendum magis quàm impedi-  
dum malum? rationem oportet adesse in objecto,  
quia convenientius erat primum quam secundum  
ex conditione systematis optimi. Vides igitur &  
hanc voluntatem aut potius decretum non sine  
ratione in objecto formatum. Simile judicium  
est de missione Christi decreto quippe quarto. (9)

(9) Qui rationem decreti de Universo condendo in  
objecto, quod optimum fuerit, quaerit, is etiam in  
lingu-

singulis objecti partibus easdem rationes majoris convenientia singulares admittere debet : ita ut si quæ-  
ratur : cur Petrus in hoc optimo Mundo electus fuerit,  
respondendum sit, non aliter ac de universo syste-  
mate responsum est, quia in his circumstantiis, quis  
autem fidem ab illis eximat ? convenientius fuit, cum  
eligi, quam reprobari. Revoca, si placet in memo-  
riam simile §. 16. sub nota (m) exhibitum. Adde simi-  
litudini, quod oblitus eram, valere ibi dicta, si vel  
maxime etiam supponatur, quod Rex vires, militi-  
bus in bellum excurrendi tribuisset, ita ut illi nihil ad  
victoriam suis viribus, bene tamen ad fugam viribus  
regis resistendo conferrent. Dico hæc ne quis cavil-  
lando simile extra tertium extendat, norque objur-  
get, quod ex simili nimium tribuatur libero arbitrio.  
Tota prædestinationis doctrina verior, quatenus exha-  
rit infinitas, in tanto sententiarum divorcio, difficul-  
tates, eo simili commodissime illustrari potest.

§. 20.

Pergimus ad sententiam *Infralapsariorum*, Sententia  
Infralapsario-  
rum. quæ & in Synodo Dordracena cooptata. *Primum decretum* esse ajunt formatum de creando ho-  
mine. *Secundum* (r) de permittendo ejus lapsu. *Tertium* de quibusdam eligendis, cæteris in sua na-  
tiva corruptione relinquendis. *Quartum* de Chri-  
sto in mundum mittendo. *Quintum* de vocandis  
efficaciter electis per Evangelii præconium & spiritus  
donum. Examina-  
tur. Primo *Infralapsarii* responderi potest, quod ipsi objiciunt *Supralapsariis*, ut affirmare  
non dubitem, suis hypothesebus magis consen-  
tanea docere hos, quam illos, ob quam causam  
quoque Vitus Cassellensis laudandus, qui aperte  
*supralapsariorum* sententiam proficitur. (s) Post  
observandum & *Infralapsarios* adversus axioma  
B b 2 doce-

docere : *Determinati eventus , datur determinata ratio.* Primum decretum ad homines creandos pertinuisse dicunt. Cur autem quæto ad hos nec ad alios? Annon ipsa objecti i. e. mundi creandi major cum gloria DEI consensus hos homines poposcit nec alios? sin hanc creandi rationem ab objecto petitam concesseris , etiam in cæteris decernendirationes *determinatas* ab objectis sumere potes & debes , si fueris refragatus : *determinati* de creando decreti non erit ratio *determinata* , quod est absurdum. Ita secundi decreti de *permittendo lapsu* pariter non habetur definita ratio, nisi recurras ad objectum , i. e. lapsum ipsum , quippe qui in mundo optimo futurus sapienter poterat permitti. *Tertium decretum de quibusdam eligendis , cæteris in corruptione nativa relinquendis* manifeste adeo axioma evertit ut nihil possit esse manifestius. *Esse ex aquo corruptos omnes Dn. Reformati concedunt , inculcant , urgent ,* (a) Igitur peccatum non potest esse definita reprobationis causa, multo minus electionis , nam quod omnibus commune est, id inter omnes non distinguit : Fateantur igitur oportet, nullam esse determinatam de eligendis his, deferendis illis rationem , quàm decretum DEI. Sed de decreti ratione quæritur , quod sane sui ipsius ratio esse nequit. Aliter esset determinatum , quia esset determinatum , quod est rationi dissentaneum. Recurrunt h. l. omnes difficultates, quas §. 10. 11. & seqq. insuperabiles ostendi, subinde debetur responsio : *Cur ex massa corrupta Petrus præfise nec alius electus? An DEUS hunc voluit , quia hunc voluit?* annon opus est ratione *termi-*

terminata eximendi à perniciè hunc? *An igitur hæc individua DEI inclinatio existit sine ratione?* Non poteris revertere, *habet rationem sed nobis incognitam.* De ea enim incognita quæro: an ne id quidem perspectum sit, utrum ea ratio sit in *subiecto*, DEO, an extra eum, in *objecto*? *si id exploratum quoque ipsum neges, fateris, quod nolles fateri, sciri non posse, an DEI decretum objecti conditionem respiciat nec ne, i. e. an prædestinatio sit absoluta, num conditionata?* Nemo quippe dubitat, absolutam esse prædestinationem, si ratio nulla detur nisi in *subiecto* prædestinante, conditionatam vero, si ratio inveniatur in *objecto* prædestinato. *Qui igitur annuis, exploratum non esse, an ratio eligentis Petrum DEI sit in subiecto, an in objecto?* fateris, te ignorare num tua de absoluto decreto sententia vera sit, an falsa? Quod si autem dicas, *rationem eatenus esse cognitam, quatenus sciri possit, quod eligendi motivum non sit in objecto, sed solo subiecto DEO:* Profecto non debuisses mea difficultate pressus provocare ad ignorantiam; Visus enim es elabendi, aut potius tegendi tantum difficultatem meam, non vero solvendi consilium agitaſſe. Nam nunc Te urget, quod paulo ante dixi, *quomodo potest ratio v. g. Petrum eligendi determinata in DEO esse?* si ab objecti conditione, quæ sola determinat, disceſſeris. Num ratio determinata est in voluntate? atqui voluntas, ut sæpe dixi, est indifferens, *Num determinate Petrum vult, quia determinate vult?* quis ita respondentem ferat? *An provocabis, allegandò determinatam rationem, ad iustitiam, sanctitatem, sapientiam?* cave id facias;

cias; ea enim adtributa objecta extra DEUM sive possibilia, sive existentia supponunt, eoque rationes *objectivas* offerunt, quas nolles: Nisi forte fuerit, ut arbitrariatum essentiarum sententiam contra fidei tuæ socios recoquere instituas: atque dicas, *rem ideo sanctam, sapientem, justam esse, quia DEUS velit*? tum novus metus orietur: Urgeberis enim: *cur DEUS determinate hoc voluerit sanctum esse, nec potius aliud quiddam.* Vides tandem, Doctissime Reformate! fidem tuam contra rationis palmarium dogma pugnare quod eo tibi molestius esse debet, quia rationem sanam non captivandam esse in aliis fidei articulis, mirifice urges.

(r) Vid. hunc ordinem apud Francisc. Turretin. Theol. Elenctic. L. IV. de prædest. quæst. 12. §. 21. 22.

(s) Professio Viti in Apolog. p. 363. §. 60. hæc est. *Qua hæcenus pro supralapsariis dixi, ea nolum Lutherani fratres nostra Ecclesia tribuant. Publica enim nostra fides, ut inter omnes constat, tota infralapsaria est. Neque ego, licet cum supralapsariis sentiam, quidquam in publica fide mutatum volo. Cæterum, quæ in Textu dixi, confirmo. Obijciunt supralapsarii infralapsariis. Si prædestinationis decretum non prius est decreto creando, sequitur DEUM incerto sine hominem condidisse. Respondent infralapsarii v. g. Turret. Loc. IV. de prædest. quæst. 9. §. 12. Nec enim si DEUS pro fine non habuit satisfactionem misericordia & justitia in salute vel damnatione, illico dicendum est omni fine caruisse. Quidni enim DEUS in utroque gloriam suam patefacere voluit per exercitium aliorum adtributorum, potentia, sapientia, bonitatis, licet non respexerit adhuc ad misericordiam & justitiam, quia nondum erat eorum obje-ctum constitutum. Quidquid hîc respondet infralapsarius, poterit ei etiam obverti à Lutheranis, quos incom-*  
mode

mode ita vocant. Arguit contra eos Hottinger in *dis-*  
*sertat. de voluntate anteced. & conseq. quæ Histor. de*  
*grat. & prædestin. subjuncta T. II. p. 458. §. 44. volun-*  
*tatem humanam non posse inter duo decreta ita interve-*  
*nire, ut prius seu antecedens aliquod DEI decretum*  
*(v. g. hominem servandi voluntas) ab homine rescindat-*  
*tur, DEUS suo sine excidat, & per voluntatem conse-*  
*quentem illud velle, (ut Arminiani, Lutherani, lo-*  
*quuntur) cogatur, quod per intervenientem hominis*  
*voluntatem liceat: Nobis esse dicendum, paulo infe-*  
*rius §. 45. pergit, hoc vel illud faciemus, si Deus per-*  
*miserit, Jacob 4. v. 15. Hebr. 6. v. 3. at illi invertunt,*  
*DEUS hoc vel illud faciet, si homo voluerit; Si per hu-*  
*mines licuerit. Atqui Turretinus fidei socius, Clarif-*  
*sime Hottinger! ut intellexisti modo, statuit, posse*  
*DEUM primo cogitare de manifestandis aliis adtributis,*  
*quàm justitiâ, & misericordiâ, quippe quæ ante cogi-*  
*tationem lapsus nondum semet excrendi objectum habeant:*  
*Tum demum interveniente lapsus præscientia, DEUM*  
*respicere manifestandas misericordiam, & justitiam vin-*  
*dicantem. Quid autem hoc est aliud, quam se adcom-*  
*modare ad voluntatis humanæ interventum in decer-*  
*nendo, & si odiose loqui, tecum, Vir optime! vel-*  
*lem, quid hoc esset, quam consilium mutare. Quid-*  
*quid mihi responderis, socio tuo infralapsario responsum*  
*est. Si DEUS ex mente infralapsariorum primam vo-*  
*luntatem manifestandi alia adtributa, quàm justitiam*  
*& misericordiam, dimittere potest, ob interventum*  
*lapsus, coque justitiæ & misericordiæ laudem post*  
*lapsum prævisum destinare: poterit etiam primò*  
*omnium misereri, deinde prævisâ incredulitate cer-*  
*torum, alia de his statuere. Magis igitur consentanea*  
*docent supralapsarii quam infralapsarii, interim tamen*  
*non ex omni parte vera. Arguo enim contra Suprala-*  
*pсарios: Aut Deus illud bonum, quod nunquam futu-*  
*rum est. nec fuit olim, nec existit, amat, aut odio*  
*habet, aut ambigit inter odium, & amorem: Si po-*  
*stremum dixeris, non est DEUS benignissimus, quippe*  
*quò cogitari potest benignior, amans & id bonum,*

cias; ea enim adtributa objecta extra DEUM sive possibilis, sive existentia supponunt, eoque rationes *objectivas* offerunt, quas nolle: Nisi forte fuerit, ut arbitrariarum essentiarum sententiam contra fidei tuæ socios recoquere instituas: atque dicas, *rem ideo sanctam, sapientem, justam esse, quia DEUS velit?* tum novus metus orietur: Urgeberis enim: *cur DEUS determinate hoc voluerit sanctum esse, nec potius aliud quiddam.* Vides tandem, Doctissime Reformate! fidem tuam contra rationis palmarium dogma pugnare quod co tibi molestius esse debet, quia rationem sanam non captivandam esse in aliis fidei articulis, mirifice urges.

(r) Vid. hunc ordinem apud Francisc. Turretin. Theol. Elenctic. L. IV. de prædest. quæst. 12. §. 21. 22.

(s) Professio Viti in Apolog. p. 363. §. 60. hæc est. *Qua hactenus pro supralapsariis dixi, ea nolum Lutherani fratres nostra Ecclesia tribuant. Publica enim nostra fides, ut inter omnes constat, tota infralapsaria est. Neque ego, licet cum supralapsariis sentiam, quidquam in publica fide mutatum volo. Cæterum, quæ in Textu dixi, confirmo. Obijciunt supralapsarii infralapsariis. Si prædestinationis decretum non prius est decreto creandi, sequitur DEUM incerto sine hominem condidisse. Respondent infralapsarii v. g. Turret. Loc. IV. de prædest. quæst. 9. §. 22. Nec enim si DEUS pro fine non habuit patefactionem misericordia & justitia in salute vel damnatione, illico dicendum est omni fine caruisse. Quidni enim DEUS in utroque gloriam suam patefacere voluit per exercitium aliorum adtributorum, potentia, sapientia, bonitatis, licet non respexerit adhuc ad misericordiam & justitiam, quia nondum erat eorum obiectum constitutum. Quidquid hîc respondet infralapsarius, poterit ei etiam obverti à Lutheranis, quos incommode*



mode ita vocant. Arguit contra eos Hottinger in disertat. de voluntate anteced. & conseq. qua Histor. de grat. & prædestin. subjuncta T. II. p. 458. §. 44. voluntatem humanam non posse inter duo decreta ita intervenire, ut prius seu antecedens aliquod DEI decretum (v. g. hominem servandi voluntas) ab homine rescindatur. DEUS suo sine excidat, & per voluntatem consequentem illud velle, (ut Arminiani, Lutherani, loquuntur) cogatur, quod per intervenientem hominis voluntatem liceat: Nobis esse dicendum, paulo inferior §. 45. pergit, hoc vel illud faciemus, si Deus permiserit, Jacob 4. v. 15. Hebr. 6. v. 3. at illi invertunt, DEUS hoc vel illud faciet, si homo voluerit; Si per homines licuerit. Atqui Turretinus fidei socius, Clarissima Hottinger! ut intellexisti modo, statuit, posse DEUM primo cogitare de manifestandis aliis adtributis, quàm justitiâ, & misericordiâ, quippe qua ante cogitationem lapsus nondum semet exerendi objectum habeant: Tum demum interveniente lapsus præscientia, DEUM respicere manifestandas misericordiam, & justitiam vindicantem. Quid autem hoc est aliud, quàm se accommodare ad voluntatis humanæ interventum in decernendo, & si odiose loqui, tecum, Vir optime! vellem, quid hoc esset, quam consilium mutare. Quidquid mihi responderis, socio tuo infralapsario responsum est. Si DEUS ex mente infralapsariorum primam voluntatem manifestandi alia adtributa, quàm justitiam & misericordiam, dimittere potest, ob interventum lapsus, coque justitiæ & misericordiæ laudem post lapsum prævisum destinare: poterit etiam primò omnium misereri, deinde prævisâ incredulitate certorum, alia de his statuere. Magis igitur consentanea docent supralapsarii quam infralapsarii, interim tamen non ex omni parte vera. Arguo enim contra Supralapsarios: Aut Deus illud bonum, quod nunquam futurum est, nec fuit olim, nec existit, amat, aut odio habet, aut ambigit inter odium, & amorem: Si postremum dixeris, non est DEUS benignissimus, quippe quò cogitari potest benignior, amans & id bonum,

quod nunquam fuit, aut futurum est: Si secundum placuerit, *DEum se. odio habere illud bonum*, tum est ex parte malignus, quò nihil dici potest scelestius: Si primum adoptaveris, *DEum illud bonum amare*, tum vult utique omne bonum fieri, etiam id quod non evenit, quale est v. g. salus reprobis, cum autem *rationabiliter*, liceat ita loqui, omne fieri non possit, facit certe tantum, quantum præstari potest, i. e. decernit *optimum*. Datur igitur voluntas antecedens, & consequens, quam tantopere impugnât Hottingerus cit. loc. Quod enim *DEUS* pro se sub certo ordine vult, nec tamen existit, id pertinet ad voluntatem antecedentem, quod vero *actum* præstat, quia ex omnibus bonis, quæ amavit, cum ratione, & salva sapientia fieri potuit, id est voluntatis consequentis. Majori jure egomet ad solvendum hoc argumentum Reformatos omnes animose provocarem, quam *VITUS* adversarios in Apolog. p. 364. §. 60. provocavit, nisi vereretur, ne eam temeritatem pro *thrajonismo* haberent Viri eruditi. Id habeo tamen perspectum, quod hoc ratiocinium nemo unquam distinxit, & ex instituto examinaverit, quoniam à nemine, quod sciam, ita instructum est. Audiamus verba Bülfingeri in Dilucid. p. 474. 475. *Intendit DEus omne bonum, decernit optimum*. Non igitur locutio est exclusiva, cum dicitur, *DEum velle & eligere optimum*, quasi in divino consilio, ubi *systema optimum* ceteris imperfectioribus præfertur, divina voluntas inclinatoria sese abstraheret ab eo omni, quod in optimo mundo futurum non esse prævidet. *Vult optimum per hoc quia vult omne bonum*. Igitur non vult exesse ex suo opere hoc vel illud bonum, quod in optima serie absurdum est: v. g. non vult negligere aut exesse salutem reprobis, quæ non futura est, hæc est Leibnitii sententia à discipulo exposita, cur ergo *Vitus* illustrem Virum supralapsariis adscribit? *Vult illud cum ceteris simul omnibus, per vires in illo opere presentes possibilitatis, inesse operi*; Non vero illius præsentiam ita abso-

lute decernit, ut eandem mediis quoque talibus efficias, quæcum effectu ſuo ſpectata ἀποτέλεσμα præſtarent imperfectius eo ipſo, quod iiſdem non adhibitis futurum fuiſſet. Falluntur igitur hic, qui formulam (DEUS vult optimum in toto univerſum) ita intelligunt, ut putent, eum non ſolum velle præſentiam ejus boni, per quod optimus eſt, ſed & abſentiam illius boni, ſine quo nihilominus eſt adhuc optimus: vel etiam, velle DEUM, ut viribus creaturarum naturalibus non præſtetur id bonum, quodſi mediis absoluta efficacia extraordinariis tantum obtineretur, ἀποτέλεσμα imperfectius exhiberet illò, quod non obſtante creaturarum viſio per divinam gubernationem cohibentem & corrigentem, nunc obtinetur. Vid. Leibniz. Theod. §. 25.

§. 21.

Qua igitur via, inquis, invenianda eſt? quem *Non datur decretorum DEI conſtituam ordinem?* jampridem *ordo decre-* everſò *absolutiſmò* reſpondit Leibnitius. (1) De- *cretum* DEI, etiam *formaliter* & in ſigno rationis *Dei* nonniſi unicum eſt, quod eo ſpectat, ut optimum rerum poſſibilium ſyſtema creetur, in quo poſſibile ab æterno fuit, collocari Petrum in his circumſtantiis, ut fidem in Chriſtum concipiat, Judam autem in aliis, ut fidem non concipiat. Ecce *determinatam* rationem, quare hic præciſe mundus fuerit conditus nec alius quivis, cùm hic ſc. optimus DEOque digniſſimus fuerit. Ratio igitur decreti *definita* ab objecto prodit. Si per objecti deinceps partes iveris, quærendo, *cur unicum DEI decretum hunc aut illum optimi mundi eventum voluerit?* Non ſuppetit alia reſponſio, quàm quæ data eſt, ſciſcitanti de toto Univerſo: Nimirum quia hic eventus alio quovis convenientior erat:

Ita servabitur Petrus ob fidem, nulli enim rei magis convenit solus, quam fidei : Peribit Judas ob incredulam malitiam ; Nulli enim rei magis perniciēs congruit, quam perfidiæ : Determinata decreti ratio nulla foret, nisi respiceret ad majorem hujus, aut illius eventus in mundo convenientiam. Cave dicas : *Ergo etiam convenientius fuit malum in optimo mundo existere quàm non existere* : Non enim convenientius erat malum *existere*, sed melius erat malum *permitti*, quia in optimo mundo, qui propter DEI sapientiam condi debebat, erat futurum. Nullum cæterà dubium est, quin DEUS malum studiosissime cavisset, si aliud systema perfectius, idemque malo vacuum à divino fuisset repræsentatum intellectu, quod disertissimis verbis innuit Leibnitius in Theodic. §. 22. seqq. Plurimum igitur differt hæc sententia à Reformatorum doctrinis, quippe qui nunquam concedunt, quod DEUS sub alia objecti conditione & qualitate alia decrevisset. Atqui si alius mundus, à quo malum exulasset, hòc fuisset perfectior : DEUS illum condidisset, non potest igitur non objecti conditiones intueri, quod Reformati negant.

(f) Vid. Theod. Leibnit. §. 84.

§. 22.

*Transitus ad Sententiam Viri.* Cur autem hac toties Lectori per se intelligenti *hactenus injungo*? Quoniam Vir omnino doctissimus & pacis studiosissimus Gymnasii Cassel. Professor Vitus multo conatu id egir, ut Leibnitium inter Supralapsarios numeraret. Laudo institutum

tum Viri, quod ad conciliationem ecclesiasticam pertinet, hæreo autem circa modum illud exsequendi, quò bellum majori bello componere velle videtur. Quid enim potest esse intempestivius, quàm sub incundæ pacis primordia alterius partis assclas, ut fecit Clariss. Vitus in Apolog jam imperios pag. 350. jam impudentes & imprudentes p. 364. jam obtusissimos in præfat. §. 13. jam aliis convitiis innumeris vocatos dehonestare. Quid potest esse magis inexpectatum, quàm ne ipsi quidem summo Viro Cancellario Tubing. Pfaffio consummatæ eruditionis & pacis gloriâ celebratissimo non parcere, cùm tamen, qui pacem promovere studet, alios irritando pacem non impediat. Respondebo egomet ad præcipua sine æstu, ut decet, utpote semper Irenicus in *praxi*, & quantum per veritatis causam fieri poterit, etiam in *doctrina*. Ubi exstiterit Irenicus ex utroque, nihil potest eò in humanis cogitari præstantius: Ubi vero alterutrò carendum, Irenicum in *praxi* alteri, qui ex doctrina modo talis est, longissime anteponerem.

§. 23.

Omnes Excellentissimi Viti machinas pro su- *Dubium à*  
*pralapsarismo* adstructas demoliri, instituti hujus *Vito ob-*  
 non est; ostensâ tantum nonnullarum laxitate & *versum.*  
 vitiò, de cæteris tum judicium ferri poterit. Contra sententiam v. g. *Lutheranorum*, quos non majori jure tales adpellat, quàm Reformati quidem *Calviniani* vocandi sunt, de gratia, cui resisti potest, ita arguit. (u) *Quidquid in arbitrio hominis fuerit, quamobrem alius pro alio salu-*  
*icem*

tem consequatur, aut erit malum aut indifferens, aut bonum. Sed cum neque malum esse possit, à quo uno post universalem gratiam hominis, salus pendet, nec etiam indifferens, ut sapienter Lutherus p. 73. demonstrat: nemo sana mentis illud, quod à nostro arbitrio, prater gratiam ad nostram conversionem requirunt, non verè bonum existimaret. Id igitur aut à gratia est, & sic sola gratia omnis in hominibus regenerandis aut non regenerandis discriminis causa est: aut à libero arbitrio, & Lutherani adeo contra Lutherum & suos libros Symbolicos cum Erasmo aliquid boni à libero hominis in peccatis adhuc mortui arbitrio proficisci posse volunt, quod alii prae aliis conversionem, fidem & salutem consequantur.

(u) Vid. Apolog. Viti p. 135. seqq. §. 17.

§. 24.

*Responsio.*

Si quis omnem v. g. glaciem, quoties perrumpitur, irresistibiliter, fas sit voci, diffringi probaturus, ita ut nec summa ejus inertia duritiesque motui impresso obistere potuisset, argueret: Aut id quod fractam glaciem à non perrumpenda distinguit, est motus, (boni quid) aut quies, (mali quid,) aut indifferens. Atqui nec potest esse motus, cum nihil ad sui fracturam conferat glacies, nec ambigere inter motum & quietem, cum omnino resistat, ergo est quies, eoque semper frangitur necessario. Quid responderes? *Clariss. Vite!* diffringi glaciem ob finitudinem virium resistendi, hinc & nunc autem ob virium morticium impingentium superpondium, inde tamen non sequi, quod resistendi limes à vi motrice superatus quidquam contulerit ad fracturam: Adderes futurum fuisse possibile, ut  
vires

vires resistendi, hîc & nunc in aliis circumstantiis gelu majore exortô, fuissent superiores viribus motricibus, ut immota mansisset glacies. Cum Evangelici gratiæ resisti posse docent, & aliquando non resisti, ita quidem ut ab hac conditione eventum salutis suspendant, An inde sequitur, quod liberum arbitrium actione positivâ emendationem promoveat? Non - resistendo haud agimus, sed actionem contumaciæ ulteriorem suspendimus, Non resistere, fines virium, non vires ipsas arguit. An non - agendo agimus? Absurde! atqui id fieri debet, si argumentum tuum Clarissime Vite! contra Adversarios valeret. Dirige igitur tela in Pelagianos, semipelagianos, & Arminianos, qui actionem quandam hominis naturalem in operatione Spiritus S. intervenite contendunt, non contra Evangelicos, qui conditionem salutis in *non agendo* ponunt. (x)

(x) Simile de glacie ideo adhibui, quoniam eo usus est Leibnitijs in Præfat. Theod. pag. m. 47. & quoniam ex eo intelligi potest, quæ mens Viri illustris fuerit in hac doctrina, an Reformatis adscribi possit, qui profitetur, *hominem non resistendo gratiam admittere, & resistendo amittere* cit. loc. quod nemo Reformatorum dixit unquam. Plura dabimus in seq. discursu. *Non resistere* duplici sensu dicitur; vel hoc, ut positivo actu contumaciam coortam horro suis viribus vincat, quô significatu in hominem non cadit: vel innuitur, ut homo in certo oblectandi gradu tantum subsistat, ut gratia spiritus hic & nunc afficiens major & fortior sit illâ resistendi vi. quo sensu homini tribuendum est. Pendet igitur salus non ab arcana voluntate, rationibus in DEO solo quærendis, sed à conditione hominis, & gradu resistendi, i. e. à ratione *objectiva*. Duo h. l. investigari possunt. *Cur gradus resi-*

resistendi tantopere in diversis hominibus variet? præterea quantus esse debeat, ut irrito effectum gratia opereatur. Primum decidit Leibnitiuss loc. citat. pronuntians, varietatem illam circumstantiarum, in quibus homo versetur, diversitati, gratia afflantis aliis aliisque gradibus, animi denique multiplici dispositioni tribuendam, hac tamen omnia necessitatem non impenere: Altera quaestio accurate definiri non potest. Ei tamen illustrandæ inservit distinctio inter varios resistendi modos. Alius est naturalis & perpetuus, alius morosus, hoc jam Theologi discrimen observarunt. Sed & ipse morosus resistendi conatus duplex est: alius, quo obluatur homo effectui adminiculorum pædagogicorum, alius quo repugnat Spiritus S. per verbum operantis efficaciam. Adminicula pædagogica proficiuntur vel à lumine naturali. ejusque usu, vel à tractatione externa Verbi divini legitima, ut Scripturam legas, legendo animum advertas, ut cupidus voluntatem DEI exstas discendi. Qui his adminiculis obluatur, gradum resistendi summum conscendit, nec via ordinaria revocatur ad frugem. Hoc sensu in arbitrio hominis positum, resistere, & non resistere, sed priori sensu homo non potest non, & naturaliter, & morose Spiritus operationi resistere. De posteriori conatu repugnandi intelligi debet regula: *Faciendi quod in se est, DEUS non denegat gratiam.* De qua eximiam dissertat, nuper edidit Cancellar. Tub. Pfaffius. Nimirum *faciendi quod in se est*, i. e. adminiculis pædagogicis recte utenti, plura enim homo in peccatis mortuus præstare nequit. *DEUS non denegat gratiam.* Judicet Lector, an Leibnitiuss supralapsariorum, ne dicam de cæteris, numero habendus, qui hanc regulam æternæ veritatis judicat in Theod. §. 95. *Faciendi quod in se est, DEUS non denegat gratiam.* An quisquam supralapsariorum admisit unquam, pendere à facto hominis, ut non denegetur gratia? Immo vero, si regulam non explicasset, magis videretur Semipelagianis, quàm supralapsariis favere. Cum dixi in antecedentibus, resi-

stendi



stendi suspensionem poni in aliquo non agendo, locutus sum de absentia pugnae ulterioris, qua operationi Spiritus oblectamur, non autem de ea, quâ definimus resistere adminiculis paedagogicis. Hæc enim pugnae absentia, quâ respondere paedagogica cessamus: in positivo actu recti sc. usus luminis naturalis, & tractandi verbi, legendo, attendendo, collocatur. Dices: Ergo tandem salus omnis vertitur in actione naturali, recto rationis usu, frequentando templo, legendo verbum, quid autem est Idolum liberi arbitrii erigere, si hoc non est? Cave confundas distinguenda. Qui liberi arbitrii efficaciam negant, in spiritualibus eam negant, non in naturalibus: Jam vero has actiones spirituales esse, nemo tuorum adversariorum dixit unquam: Cur autem penderent, inquis, ab operationibus natura ea, qua ad regenerationem pertinent? Non penderent ab iis tanquam à causis, sed tanquam à conditione sine qua non, ut à remotione valvarum conclave non illustratur sed à Solis lumine. De actibus paedagog. vid. dissertat. Dn. Pfaffii de pacto inter Patrem & Filium in divinis p. 12-13. Formula Concordiæ docet adminiculis paedagogicis utenti non defuturam gratiam L. L. symb. p. 671.

§. 25.

Audiamus nunc porro provocantem suos adversarios Clariss. Vitum. *Qua hactenus de divina præscentia adversus Te, doctissime Mosheimi! dixi ea xideatur exceptione majora - - - Tantum hunc meo argumento tribuo ut totâ hâc me causâ cecidisse ultro largiurus sim, si, non dicam mihi, sed idoneo cuivis arbitro, sed iis fidei tua sociis, qui sapiunt, sed ipse denique tibi respondendo, argumentandoque feceris satis - - Tu. m est ex duobus his Te laqueis in quos Te indui, expedire. Primum ut contra me (y) doceas, vel non eadem iniqua divina bonitati, sanctitati, justitiae ex*  
Luthe-

*Lutherana præscentia & predestinatione videri consequi, quæ ut ex supralapsariorum hypothese eliceretur magnopere contendisti: vel alia ratione expectari posse. quam quâ supralapsarii etiam suam sententiam à tuis criminationibus defendere possint. Deinde ut demonstres, æternam eamque infallibilem divinam præscentiam tueri posse, qui neque supralapsarius sit, nec Manichæus, neque cum Spinoza sentiat, neque brutum quoddam fatum DEO superius admittat. Eloquentissimi Viri in locis, quæ citatum antecedunt, & consequuntur, labor omnis in eo versatur, partim ut probet, tantundem difficultatum ex præscentia DEI, quam Evangelici profiteantur, elici posse, quantum obverti queat supralapsariis, partim eo spectat, ut monstret, (z) posse DEUM ea agere Superiorem legibus, (aa) quæ ad rationes humanorum officiorum exigi nec possint nec debeant. Hinc eo nisi urget de permissione mali dubia, quò vix Bælius ea potuit exaggerare unquam. Dispari tamen Consilio. Bælius enim id agebat, ut Manichæos ex ratione invictos comprobaret: Vitus autem statuit extorquere Adversariis responsionem supralapsariorum de mali permissione: non scilicet ad regulas humani Tribunalis exigendas esse DEI vias.*

(y) Verba sunt Viti in Apolog. pag. 302. §. 48.

(z) Hoc intendit Vir Clar. in Apolog. (c. 326, per multas paginas sequentes.

(aa) Vid. Apolog. ejusd. p. 348. sub fin.

§. 26.

*Responsio.*

Facilis est ex mente Leibnitii responsio ad utrumque. Omnes Viti machinæ prosteruntur.

87

& quidquid ex præscientia DEI lapsum multo ante videntis permittentisque contra bonitatem, justitiam &c. causatus est, id omne mox evanescet, ubi per *sublimiores omnino rationes stetisse dicimus, quò minus malum DEUS impediret.* Hæc vero decisio satis consentanea est Evangelicorum de conditionatis decretis doctrinæ. Urget enim posterior rationes *objectivas*, nec docet DEUM eligentem, nisi ratio fuerit determinata in conditione electi: Prior vero Leibnitii explicat clarius, quænam sit illa ratio ab objectis petita electionem determinans? scilicet, maxima objecti cum gloria DEI convenientia. Ita Mundus hic præsens non est decretus, nisi sub conditione optimi, omitendus profecto, si optimus non fuisset: Ita partes hujus mundi, quotquot bonæ sunt, non electæ nisi sub conditione optimi. Petro decernitur salus, quia convenientius est, ob fidem decerni illam, quàm non decerni, destinantur adminicula salutis, quia accommodatius est, destinari sub his circumstantiis, quàm non destinari. Ita decernitur hoc vel illud malum permittendum, quia satius est id permittere, quàm absolute obstaré. Diversissima vero est supralapsariorum sententia. Destinat DEUS gloriam in illustranda justitia & misericordia, non quia objectum justitiæ & misericordiæ *tale est, vel tale; sed quia vult:* Eligit Numen hos, reprobat illos, non quia ratio majoris convenientiæ reprobandi hos, illos eligendi, est in *objecto*; sed quia minus determinata habetur in *subjecto*: *quia stat pro ratione voluntas.* Non igitur potest supralapsariorum DEUS excusari, qui nulla ratione, quàm suâ despoticâ volunta-

Cc

lunta.

luntate ductus, peccatum permittit, hos amat, illos odit, dignos amore aut odiô in servatore quôdam, aut extra eum, parùm curandô, arbitrium duntaxat sequendô. Excusari vero, immo summo opere laudari Evangelicorum & Leibnitii DEUS & potest, & debet, quia *nihil facit nisi cum ratione*, detestatus despoticam sine causa exsertam auctoritatem, qui permittit peccatum, quia sine ratione totiusque Universi detrimento non erat absolute impediendum, qui amat & odit, nonnisi amore & odio dignos. Eat nunc Clar. Vir, & agnoscat, tam absurda ex Evangelicorum doctrina non sequi, quam ex Supralapsariorum.

## §. 27.

*Occurrit  
hic cate-  
ris.*

Cætera nunc sponte corruunt. Præscientiam DEI tueri potest, qui nec cum supralapsariis, nec cum Manichæis, nec cum Spinoza sentit. Supralapsarius docet, *præscire DEUM omnia; quia cuncta decrevit*, v. g. *Et ipsum malum, cujus tamen culpam non contrahat, quia lege est omni superior.* Manichæus fingit, *præscire DEUM bonum, Et malum ipsum, quô tamen non coinquinetur, cum abs malo DEO trahat ortum.* Spinozista omnia tribuit fato. Sed ecce patet via quarta, quæ est veritatis, quam ii calcant, qui injungunt, præfagire DEUM cuncta, perspectis quoque, quæ futura erant, malis, sed absque omni labe contrahenda; quia ad malum cavendum tantam curam adhibuit, quanta cum ratione potuit: i. e. quia convenientius egit, malum permittendô, quam absoluta peccatae sufflaminandô. Qui autem tanto molimine, astu & facundia in Apolog. p. 284. stabilitâ  
DEI

DEI præscientiâ , promiscuam rerum omnium necessitatem obtrudere conatur ; neglectâ adversariorum , quæ impugnanda fuisset eorum sensû , *distinctione inter necessitatem consequentia , & consequentis , hypotheticam & absolutam* , is , ita me DEUS amet , aërem verberat , & irritis ictibus petit nescio quos Adversarios. Potuisset Vir doctissimus ex Bulfingero notiones *necessitatis & contingentia* (bb) explicatiores haurire , nec non intelligere , quod præscientia DEI res determinatas præstet , *necessarias* non faciat , quod plurimum intersit inter id , quod *unice futurum* , & alterum , quod *unice possibile* est : Non ipsi difficile fuisset cognoscere , omne necessarium esse determinatum , sed non vicissim , omne necessarium certum , sed non vicissim : Præscientiam tam non nocere sive libertati sive contingentia , quantum abest ut Astronomi præsagium inferat necessitatem Eclipsi.

(bb) In Dilucid. p. 41. seq. p. 76. seq.

§. 28.

Prævideo fore , ut in risum propendeat Vir eruditissimus nondum hęc lecto paragrapho. *Annon* , inquiet , *ostendi hoc simile longe ineptissimum esse ? Ab Astronomo non pendet Eclipsis , pendent vero à DEI decreto omnia ; immo vero invertendum est simile : Quemadmodum Astrorum cursus causarum concatenatâ serie , quâ necessitas continetur , perficitur : ita & hominum facta DEUS necessario nexu coherens præsentit.* (cc) Sed salva res est. Quemadmodum ab æterno possibile fuit , creati contingentes partim , partim liberas creaturas : Ita tantum

*Si essentia sunt necessaria decretum Dei nec libertatem nec contingentiam tollit.*

quod nunquam fuit, aut futurum est; Si secundum placuerit, *DEum* sc. odio habere illud bonum, tum est ex parte malignus, quò nihil dici potest scelestius: Si primum adoptaveris, *DEum* illud bonum amare, tum vult utique omne bonum ferire, etiam id quod non evenit, quale est v.g. salus reprobis, cum autem *rationabiliter*, liceat ita loqui, omne fieri non possit, facit certe tantum, quantum præstari potest, i.e. decernit *optimum*. Datur igitur voluntas antecedens, & consequens, quam tantopere impugnat Hottingerus cit. loc. Quod enim *DEUS* pro se sub certo ordine vult, nec tamen existit, id pertinet ad voluntatem antecedentem, quod vero *actum* præstat, quia ex omnibus bonis, quæ amavit, cum ratione, & salva sapientia fieri potuit, id est voluntatis consequentis. Majori jure egomet ad solvendum hoc argumentum Reformatos omnes animose provocarem, quam *VITUS* adversarios in Apolog. p. 364. §. 60. provocavit, nisi vereretur, ne eam temeritatem pro *thronismo* haberent Viri eruditi. Id habeo tamen perspectum, quod hoc ratiocinium nemo unquam distinxit, & ex instituto examinaverit, quoniam à nemine, quod sciam, ita instructum est. Audiamus verba Eülfingeri in Dilucid. p. 474. 475. *Intendis DEus omne bonum, decernit optimum. Non igitur locutio est exclusiva, cum dicitur, DEum velle & eligere optimum, quasi in divino consilio, ubi systema optimum ceteris imperfectioribus præfertur, divina voluntas inclinatoria sese abstraheret ab eo omni, quod in optimo mundo futurum non esse prævidet. Vult optimum per hoc quia vult omne bonum. Igitur non vult exesse ex suo opere hoc vel illud bonum, quod in optima serie absuturum est: v. g. non vult negligere aut exesse salutem reprobis, quæ non futura est, hæc est Leibnitii sententia à discipulo exposita, cur ergo Vitus illustrem Virum supralapsarius adscribit? Vult illud cum ceteris simul omnibus, per viros in illo opere præsentis possibilibus, inesse operi; Non vero illius præsentiam ita ab-*  
*luta*

lute decernit, ut eandem mediis quoque talibus efficiat, quæcum effectu suo spectata ἀποτέλεσμα præstarent imperfectius eo ipso, quod iidem non adhibitis futurum fuisset. Falluntur igitur hic, qui formulam (DEUS vult optimum in toto universum) ita intelligunt, ut putent, eum non solum velle præsentiam ejus boni, per quod optimus est, sed & absentiam illius boni, sine quo nihilominus est adhuc optimus: vel etiam, velle DEum, ut viribus creaturarum naturalibus non præstetur id bonum, quodsi mediis absoluta efficacia extraordinariis tantum obtineretur, ἀποτέλεσμα imperfectius exhiberet illò, quod non obstante creaturarum visio per divinam gubernationem cohibentem & corrigentem, nunc obtinetur. Vid. Leibnit. Theod. §. 25.

§. 21.

*Quæ igitur via, inquis, ineunda est? quem decretorum DEI constituam ordinem? jampridem* Non datur  
ordo decre-  
torum  
Dei.  
*everfò absolutismò* respondit Leibnitius. (1) *De-*  
*cretum DEI, etiam formaliter & in signo rationis*  
*nonnisi unicum est, quod eo spectat, ut optimi*  
*rerum possibilium systema creetur, in quo possi-*  
*bile ab æterno fuit, collocari Petrum in his cir-*  
*cumstantiis, ut fidem in Christum concipiat, Ju-*  
*dam autem in aliis, ut fidem non concipiat. Ecce*  
*determinatam rationem, quare hic præcise mundus*  
*fuerit conditus nec alius quivis, cum hic sc. opti-*  
*mus DEoque dignissimus fuerit. Ratio igitur de-*  
*creti definita ab objecto prodit. Si per objecti*  
*deinceps partes iveris, quærendo, cur unicum*  
*DEI decretum hunc aut illum optimi mundi even-*  
*tum voluerit? Non suppetit alia responsio, quàm*  
*quæ data est, sciscitanti de toto Universo: Nimi-*  
*rum quia hic eventus alio quovis convenientior erat:*

Bb 5

Ita

Ita servabitur Petrus ob fidem, nulli enim rei magis convenit solus, quam fidei : Peribit Judas ob incredulam malitiam ; Nulli enim rei magis perniciēs congruit, quam perfidiæ : Determinata decreti ratio nulla foret, nisi respiceret ad majorem hujus, aut illius eventus in mundo convenientiam. Cave dicas : *Ergo etiam convenientius fuit malum in optimo mundo existere quàm non existere* : Non enim convenientius erat malum *existere*, sed melius erat malum *permitti*, quia in optimo mundo, qui propter DEI sapientiam condi debebat, erat futurum. Nullum cæterà dubium est, quin DEUS malum studiosissime cavisset, si aliud systema perfectius, idemque malo vacuum à divino fuisset repræsentatum intellectu, quod disertissimis verbis innuit Leibnitius in Theodic. §. 22. seqq. Plurimum igitur differt hæc sententia à Reformatorum doctrinis, quippe qui nunquam concedunt, quod DEUS sub alia objecti conditione & qualitate alia decrevisset. Atqui si alius mundus, à quo malum exulasset, hòc fuisset perfectior : DEUS illum condidisset, non potest igitur non objecti conditiones intueri, quod Reformati negant.

(i) Vid. Theod. Leibnit. §. 84.

§. 22.

*Transitus ad Sententiam Viti.* Cur autem hac toties Lectori per se intelligenti hætenus injungo ? Quoniam Vir omnino doctissimus & pacis studiosissimus Gymnasii Cassel. Professor Vitus multo conatu id egir, ut Leibnitium inter Supralapsarios numeraret. Laudo institutum



tum Viri, quod ad conciliationem ecclesiasticam pertinet, hæreo autem circa modum illud exsequendi, quò *bellum majori bello componere velle videtur*. Quid enim potest esse intempestivius, quàm sub ineundæ pacis primordia alterius partis assclas, ut fecit Clariss. Vitus in Apolog. jam *imperitos* pag. 350. jam *impudentes & imprudentes* p. 364. jam *obtusissimos* in præfat. §. 13. jam aliis *convitiis innumeris* vocatos dehonestate. Quid potest esse magis inexpectatum, quàm ne ipsi quidem summo Viro Cancellario Tubing. Pfaffio consummata eruditionis & pacis gloriâ celebratissimo non parcere, cum tamen, qui pacem promovere studet, alios irritando pacem non impediat. Respondebo egomet ad præcipua sine æstu, ut decet, utpote semper Irenicus in *praxi*, & quantum per veritatis causam fieri poterit, etiam in *doctrina*. Ubi exstiterit Irenicus ex utroque, nihil potest eò in humanis cogitari præstantius: Ubi vero alterutrò carendum, Irenicum in *praxi* alteri, qui ex doctrina modo talis est, longissime anteponerem.

§. 23.

Omnes Excellentissimi Viti machinas pro *su-* *Dubium à*  
*pralapsarismo* adstructas demoliri, instituti hujus *Vito ob-*  
non est; ostensâ tantum nonnullarum laxitate & *versum.*  
viriò, de cæteris tum judicium ferri poterit. Contra sententiam v. g. *Lutheranorum*, quos non majori jure tales adpellat, quàm Reformati quidem *Calviniani* vocandi sunt, de gratia, cui resisti potest, ita arguit. (u) *Quidquid in arbitrio hominis fuerit, quamobrem alius pro alio salu-*  
*tem*

tem consequatur, aut erit malum aut indifferens, aut bonum. Sed cum neque malum esse possit, à quo uno post universalem gratiam hominis, salus pendet, nec etiam indifferens, ut sapienter Lutherus p. 73. demonstrat: nemo sana mentis illud, quod à nostro arbitrio, prater gratiam ad nostram conversionem requirunt, non verè bonum existimàrit. Id igitur aut à gratia est, & sic sola gratia omnis in hominibus regenerandis aut non regenerandis discriminis causa est: aut à libero arbitrio, & Lutherani adeo contra Lutherum & suos libros Symbolicos cum Erasmo aliquid boni à libero hominis in peccatis adhuc mortui arbitrio proficisci posse volunt, quod alii prae aliis conversionem, fidem & salutem consequantur.

(\*) Vid. Apolog. Viti p. 135. seqq. §. 17.

§. 24.

*Responsio.*

Si quis omnem v. g. glaciem, quoties perrumpitur, irresistibiliter, fas sit voci, diffringi probaturus, ita ut nec summa ejus inertia duritiesque motui impresso obistere potuisset, argueret: Aut id quod fractam glaciem à non perrumpenda distinguit, est motus, (boni quid) aut quies, (mali quid,) aut indifferens. Atqui nec potest esse motus, cum nihil ad sui fracturam conferat glacies, nec ambigere inter motum & quietem, cum omnino resistat, ergo est quies, eoque semper frangitur necessario. Quid responderes? *Clariss. Vise!* diffringi glaciem ob finitudinem virium resistendi, hîc & nunc autem ob virium mottricium impingentium superpondium, inde tamen non sequi, quod resistendi limites à vi mottrice superatus quidquam contulerit ad fracturam: Adderes futurum fuisse possibile, ut vires

vires resistendi, hîc & nunc in aliis circumstantiis gelu majore exortô, fuissent superiores viribus motricibus, ut immota mansisset glacies. Cum Evangelici gratiæ resisti posse docent, & aliquando non resisti, ita quidem ut ab hac conditione eventum salutis suspendant, An inde sequitur, quod liberum arbitrium actione positivâ emendationem promoveat? Non - resistendo haud agimus, sed actionem contumaciæ ulteriorem suspendimus, Non resistere, fines virium, non vires ipsas arguit. An non - agendo agimus? Absurde! atqui id fieri debet, si argumentum tuum Clarissime Vite! contra Adversarios valeret. Dirige igitur tela in Pelagianos, semipelagianos, & Arminianos, qui actionem quandam hominis naturalem in operatione Spiritus S. intervenite contendunt, non contra Evangelicos, qui conditionem salutis in *non agendo* ponunt. (x)

(x) Simile de glacie ideo adhibui, quoniam eo usus est Leibnitius in Præfat. Theod. pag. m. 47. & quoniam ex eo intelligi potest, quæ mens Viri illustris fuerit in hac doctrina, an Reformatis adscribi possit, qui profitetur, *hominem non resistendo gratiam admittere, & resistendo amittere* cit. loc. quod nemo Reformatorum dixit unquam. Plura dabimus in seq. discursu. *Non resistere* duplici sensu dicitur: vel hoc, ut positivo actu contumaciam coortam homo suis viribus vincat, quò significatu in hominem non cadit: vel innuitur, ut homo in certo obluçtandi gradu tantum subsistat, ut gratia spiritus hic & nunc afficiens major & fortior sit illâ resistendi vi, quo sensu homini tribuendum est. Pendet igitur salus non ab arcana voluntate, rationibus in DEO solo quærendis, sed à conditione hominis, & gradu resistendi, i. e. à ratione *objectiva*. Duo h. l. investigari possunt. *Cur gradus resi-*

resistendi tantopere in diversis hominibus variet? præterea quantus esse debeat, ut irrito effectum gratia operetur, Primum decidit Leibnitius loc. citat. pronuntians, varietatem illam circumstantiarum, in quibus homo versetur, diversitati, gratia afflantis aliis aliisque gradibus, animi denique multiplici dispositioni tribuendam, hac tamen omnia necessitatem non imponere: Altera quaestio accurate definiri non potest. Ei tamen illustrandæ inservit distinctio inter varios resistendi modos. Alius est naturalis & perpetuus, alius morosus, hoc jam Theologi discrimen observarunt. Sed & ipse morosus resistendi conatus duplex est: alius, quo oblectatur homo effectui adminiculorum pædagogicorum, alius quo repugnat Spiritus S. per verbum operantis efficaciz. Adminicula pædagogica proficiuntur vel à lumine naturali. ejusque usu, vel à tractatione externa Verbi divini legitima, ut Scripturam legas, legendo animum advertas, ut cupidus voluntatem DEI exstas discendi. Qui his adminiculis oblectatur, gradum resistendi summum conscendit, nec via ordinaria revocatur ad frugem. Hoc sensu in arbitrio hominis positum, resistere, & non resistere, sed priori sensu homo non potest non, & naturaliter, & morose Spiritus operationi resistere. De posteriori conatu repugnandi intelligi debet regula: *Faciendi quod in se est, DEUS non denegat gratiam.* De qua eximiam disertat, nuper edidit Cancellar. Tub. Pfaffius. Nimirum *facienti quod in se est*, i. e. adminiculis pædagogicis recte utenti, plura enim homo in peccatis mortuus præstare nequit, *DEUS non denegat gratiam.* Judicet Lector, an Leibnitius supralapsariorum, ne dicam de cæteris, numero habendus, qui hanc regulam æternæ veritatis judicat in Theod. §. 95. *Faciendi quod in se est, DEUS non denegat gratiam.* An quisquam supralapsariorum admisit unquam, pendere à facto hominis, ut non denegetur gratia? Immo vero, si regulam non explicasset, magis videretur Semipelagianis, quàm supralapsariis favere. Cum dixi in antecedentibus, resi-

stendi

ſtendi ſuſpensionem poni in aliquo non agendo, locus ſum de abſentia pugnæ ulterio-  
ris, qua operationi Spiritûs obſtamus, non autem de ea, quâ deſini-  
mus reſiſtere adminiculis pædagogicis. Hæc enim pu-  
gnæ abſentia, quâ reſpuere pædagogica ceſſamus: in  
poſitivo actû recti ſc. uſus luminis naturalis, & tractandi  
verbi, legendo, attendendo, collocatur. Dices:  
*Ergo tandem ſalus omnis vertitur in actione naturali,*  
*recto rationis uſu, frequentando templo, legendo verbo,*  
*quid autem eſt Idololum liberi arbitrii erigere, ſi hoc non*  
*eſt?* Cave confundas diſtinguenda. Qui liberi arbi-  
trij efficaciam negant, in ſpiritualibus eam negant,  
non in naturalibus: Jam vero has actiones ſpirituales  
eſſe, nemo tuorum adverſariorum dixit unquam; *Cur*  
*autem penderent, inquis, ab operationibus natura ea,*  
*qua ad regenerationem pertinent?* Non penderent ab iis  
tanquam à cauſis, ſed tanquam à conditione ſine qua  
non, ut à remotione valvarum conclave non illu-  
ſtratur ſed à Solis lumine. De actibus pædagog. vid.  
diſſertat. Dn. Pfaffii *de pacto inter Patrem & Filium in*  
*divinis* p. 12-13. Formula Concordiæ docet admini-  
culis pædagogicis utenti non deſuturam gratiam L. L.  
ſymb. p. 671.

§. 25.

Audiamus nunc porro provocantem ſuos ad- *Aliud du-*  
verſarios Clariff. *Vitum.* *Quæ hætenus de divi-* *bium Viti*  
*na præſcientia adverſus Te, doctiſſime Mosheimi!*  
*dixi ea xideatur exceptione majora - - -* *Tantum*  
*huic meo argumento tribuo ut totâ hâc me cauſâ ceci-*  
*diſſe ultro largiturus ſim, ſi, non dicam mihi, ſed idoneo*  
*cuivis arbitro, ſed iis fidei tua ſociis, qui ſapiunt, ſed*  
*ipſe denique tibi reſpondendo, argumentandoque feceris*  
*ſatis - - Tuum eſt ex duobus his Te laqueis in quos Te in-*  
*dui, expedire. Primum ut contra me (y) doceas, vel*  
*non eadem iniqua divina bonitati, ſanctitati, juſtitia ex*  
*Luth-*

*Lutherana præscientia & prædestinatione videri consequi, quæ ut ex supralapsariorum hypothesis eliceretur magnopere contendisti: vel alia ratione expectari posse, quam quâ supralapsarii etiam suam sententiam à tuis criminationibus defendere possint. Deinde ut demonstres, æternam eamque infallibilem divinam præscientiam tueri posse, qui neque supralapsarius sit, nec Manichæus, neque cum Spinoza sentiat, neque brutum quoddam fatum DEO superius admittat. Eloquentissimi Viri in locis, quæ citatum antecedunt, & consequuntur, labor omnis in eo versatur, partim ut probet, tantundem difficultatum ex præscientia DEI, quam Evangelici profueantur, elici posse, quantum obverti queat supralapsariis, partim eo spectat, ut monstret, (z) posse DEUM ea agere Superiorem legibus, (aa) quæ ad rationes humanorum officiorum exigunt nec possint nec debeant. Hinc eo nisi urget de permissione mali dubia, quò vix Bælius ea potuit exaggerare unquam. Dispari tamen Consilio. Bælius enim id agebat, ut Manichæos ex ratione invictos comprobaret: Virtus autem statuit extorquere Adversariis responsionem supralapsariorum de mali permissione: non scilicet ad regulas humani Tribunalis exigendas esse DEI vias.*

(y) Verba sunt Viti in Apolog. pag. 302. §. 48.

(z) Hoc intendit Vir Clar. in Apolog. (. 326. per multas paginas sequentes.

(aa) Vid. Apolog. ejusd. p. 348. sub fin.

§. 16.

*Responsio.*

Facilis est ex mente Leibnitii responsio ad utrumque. Omnes Viri machinæ prosteruntur.

&c

& quidquid ex præscientia DEI lapsum multo ante videntis permittentisque contra bonitatem, justitiam &c. causatus est, id omne mox evanescet, ubi per *sublimiores omnino rationes stetisse dicimus, quò minus malum DEUS impediret.* Hæc vero decisio satis consentanea est Evangelicorum de conditionatis decretis doctrinæ. Urget enim posterior rationes *objectivas*, nec docet DEUM eligentem, nisi ratio fuerit determinata in conditione electi; Prior vero Leibnitii explicat clarius, quænam sit illa ratio ab objectis petita electionem determinans? scil. maxima objecti cum gloria DEI convenientia. Ita Mundus hic præsens non est decretus, nisi sub conditione optimi, omitendus profecto, si optimus non fuisset: Ita partes hujus mundi, quotquot bonæ sunt, non electæ nisi sub conditione optimi. Petro decernitur salus, quia convenientius est, ob fidem decerni illam, quàm non decerni, destinantur adminicula salutis, quia accommodatius est, destinari sub his circumstantiis, quàm non destinari. Ita decernitur hoc vel illud malum permittendum, quia fatius est id permittere, quàm absolute obstaré. Diversissima vero est supralapsariorum sententia. Destinat DEUS gloriam in illustranda justitia & misericordia, non quia objectum justitiæ & misericordiæ *tale est, vel tale; sed quia vult:* Eligit Numen hos, reprobat illos, non quia ratio majoris convenientiæ reprobandi hos, illos eligendi, est in *objecto*; sed quia minus determinata habetur in *subiecto*: *quia stat pro ratione voluntas.* Non igitur potest supralapsariorum DEUS excusari, qui nulla ratione, quàm suâ despoticâ vo-

luntate ductus, peccatum permittit, hos amat, illos odit, dignos amore aut odio in servatore quodam, aut extra eum, parum curandò, arbitrium duntaxat sequendò. Excusari vero, immo summo opere laudari Evangelicorum & Leibnitii DEUS & potest, & debet, quia *nihil facit nisi cum ratione*, detestatus despoticam sine causa excessum auctoritatem, qui permittit peccatum, quia sine ratione totiusque Universi detrimento non erat absolute impediendum, qui amat & odit, nonnisi amore & odio dignos. Eat nunc Clar. Vir, & agnoscat, tam absurda ex Evangelicorum doctrina non sequi, quam ex Supralapsariorum.

## §. 27.

Occurrit  
hic casus  
76.

Cætera nunc sponte corruunt. Præscientiam DEI rueri potest, qui nec cum supralapsariis, nec cum Manichæis, nec cum Spinoza sentit. Supralapsarius docet, *præscire DEUM omnia*; quia *cuncta decrevit*, v. g. *Et ipsum malum, cuius tamen culpam non contrahat, quia lege est omni superior.* Manichæus fingit, *præscire DEUM bonum, Et malum ipsum, quò tamen non coinquinetur, cum abs malo DEO trahat originem.* Spinozista omnia tribuit fato. Sed ecce patet via quarta, quæ est veritatis, quam ii calcant, qui injungunt, prælagire DEUM cuncta, perspectis quoque, quæ futura erant, malis, sed absque omni labe contrahenda; quia ad malum cavendum tantam curam adhibuit, quanta cum ratione potuit: i. e. quia convenientius egit, malum permittendò, quam absoluta pestis sufflaminandò. Qui autem tanto molimine, æstu & facundia in Apolog. p. 284. stabilità  
DEI



DEI præscientiâ , promiscuam rerum omnium necessitatem obtrudere conatur ; neglectâ adversariorum , quæ impugnanda fuisset eorum sensû , *distinctione inter necessitatem consequentia , & consequentis , hypotheticam & absolutam* , is , ita me DEUS amet , acrem verberat , & irritis ictibus petit nescio quos Adversarios. Potuisset Vir doctissimus ex Bulfingero notiones *necessitatis & contingentia* (bb) explicatiores haurire , nec non intelligere , quod præscientia DEI res determinatas præstet , *necessarias* non faciat , quod plurimum intersit inter id , quod *unice futurum* , & alterum , quod *unice possibile est* : Non ipsi difficile fuisset cognoscere , omne necessarium esse determinatum , sed non vicissim , omne necessarium certum , sed non vicissim : Præscientiam tam non nocere sive libertati sive contingentia , quantum abest ut Astronomi præsagium inferat necessitatem Eclipsi.

(bb) In Dilucid. p. 41. seq. p. 76. seq.

§. 28.

Prævideo fore , ut in risum propendeat Vir eruditissimus nondum hęc lecto paragrapho. *An-* *Si essentia sunt neces-*  
*non*, inquit , ostendi hoc simile longe ineptissimum esse ? *Ab Astronomo non pendet Eclipsis , pendent vero à DEI decreto omnia ; immo vero invertendum est simile : Quemadmodum Astrorum cursus causarum concatenata serie , quâ necessitas continetur , perficitur : ita & hominum facta DEUS necessario nexu coherencia præsentit.* (cc) Sed salva res est. Quemadmodum ab æterno possibile fuit , creari contingentes partim , partim liberas creaturas : Ita tantum *saria decretum Dei nec libertatem nec contingentiam tollit.*  
Cc 2 abest;

abest, ut Numinis decretum, quod isthas res possibiles existentiam mactat, in iis mutare quidquam possit, ut potius nihil addat quam *possibilitatis complementum* i. e. existentiam. Si quid mutare instituit voluntas DEI; non variat rei *essentiam*, ut ex *possibili* hoc redderet *impossibile prorsus*, sed *existentiam* porius, quæ à DEI nutu pendet. Itaque Decretum DEI non magis contingentiam rerum & libertatem tollit, ac Astronomus præsciendo Eclipseos contingentiam evertit. In eo ponitur discrimen, ut Numen res præscitas, quæ existunt alterate possit, Astronomus non possit, sed id ad variandam *essentiam* nihil pertinet. Quocirca si rerum *essentia*, seu *possibilitates*, libertatem & contingentiam involvunt, invariata manet utraque, accedente licet existentiam per decretum DEI. (dd) Quisquis propterea per Decretum DEI rebus necessitatem imponi contendit, *eum oportet ostendere, res non fuisse possibiles, sine decreto DEI*; Nam si res possibiles sunt etiam tum, quum à voluntate DEI discesseris; non poterit eas arbitrium DEI aliter condere, quàm eò modò, quò possibiles erant: atque adeo, si possibilis fuerit libertas, contingentia, &c. Decretum DEI creaverit liberum hominem, contingentem, ubi visum fuit, nec ejus sustulerit naturam; Aliter enim non conderet, quod condere voluit, sc. rem, quæ *possibilis* est, hanc nec aliam.

(cc) Ita ad simile de Astronomi præfagio respondet Vitus in Ap. p. 306.

(dd) Brevibus rem ita habe. Aut res possibiles sunt ante DEI decretum, aut non: Si prius placuerit, non potest DEUS eas alio modo creare, & existentiam donare

nate

nare, ac possibiles sunt; decretum igitur libertatem, si quæ possibilis condenda foret, non tollit: Si posterius, tum præter rationem essentialiæ arbitrarie cooptantur. Quod si igitur nulla datur libertas, nulla contingentia: probandum est vel eas esse impossibiles, quod nemo temere demonstraverit, vel libertatem & contingentiam à DEO non manifestam existentiam, quod facile refutatur, si examinemus, num definitio libertatis possibilis in ullam rem creatam cadat? Fac eam definitionem in rem unam alteramque cadere, libera ea erit, non obstante DEI decreto, quod nonnisi complementum possibilitatis exhibet. Provocarem ego potiori jure Dn. Vitum ad irrefragabile hoc ratiocinium solvendum, nisi me puderet uti thrausismis.

## §. 29.

Tandem inquirendum erit; *An merito supralapsariismi coarguatur illustris Leibnitius*; quem ut in suas partes trahat omnem lapidem movet doctiss. Vitus. Non alienum erit examinare opinionis rationes. (cc) Ipse, inquit, sc. Leibnitius à supralapsariis reliquis non differt, nisi quatenus aut DEUM sine certa gravique causa, consilii de servandis, damnandisque rationem invisse ex indifferente voluntatis libertate, supralapsarii existimant - - - nam cum hi mali originem ad voluntatem divinam fere referant, ille (Leibnitius) eandem altius adhuc scrutatur, & ex ipso intellectu divino repetit, magis adhuc, quam qui hactenus existimabantur supralapsarii, supralapsarius est. Non igitur ipsam supralapsariorum hypothesin, quæ malum ex DEI decreto futurum statuunt, rejecit, sed quod aut indifferente libertate hac in re usum velint, aut eas rationes divini consilii reddant, quas ipse (Leibnitius) minus probat.

An Leib-  
nitius Su-  
pralapsa-  
rius.

(cc) Vid. Apolog. Viti §. 61. p. 365.

Cc 3

§. 30.

## §. 30.

*Responsio.*

Obstupui cum hæc legerem, vel enim Vir longe eruditissimus systematum de prædestinatione atque decretorum ordinem se nosse dissimulat, vel affectu, quò per librum omnem calebat, disputandi abreptus, non continuo in memoriam revocavit, omne discrimen systematum de prædestinatione in allegandis aliis aliisque rationibus, vel *objectivis*, vel *subjectivis* verti. Concedit Vir Doctus Leibnitium alias rationes decreti urgere, quam supralapsarios, novit rationem Leibnitii esse ab *objecto*, i. e. optimo mundo petitam, en admittit igitur *definitionem decreti conditionati* à Leibnitio crediti, *definitum* vero non admittit, eumque supralapsariis adgregare constituit. Hæc solent evenire iis, qui saltim ex vocabulorum sono, nec ex idearum intuitu philosophantur. Varietas rationum de errendi varia de prædestinatione systemata parit. Quodsi igitur Leibnitius, uti concedit Antagonista, alias DEI rationes eligendi assignavit, quam supralapsarii: profecto etiam aliud systema habuit quàm hi, neque cum iis sociandus est. Si Vir excellentissimus distincte cogitasset, *quæ sit definitio ordinis decretorum*, in quem omnium circa hoc negotium doctrinarum diversitas resolvitur: Non potuisset tam dissentanea scribere, concedendò, in systemate Leibnitiano alias prædestinandi rationes indicari, quam in supralapsariorum, & nihilominus hoc confundere cum illo. Quid *ordo Decretorum sit?* supra commonefeci. Est nimirum nexus quò *unum decretum alterum respicit tanquam ejus motivum*. Nemo

teme-

temere negaverit hanc definitionem. Itaque ſi fatente Viſo doctiſſ. Decretum DEI in Leibnitii ſententia alia motiva habet, quam in ſententia ſupralapſariorum, alius ibi ordo, aliud ſyſtema oritur. Quomodo ergo Leibnitii ſyſtema poteſt cum ſupralapſariorum eſſe unum; quod quippe eſt aliud, ut modo demonſtravi?

§. 31.

In ſententia ſupralapſariorum DEUS primo decrevit manifeſtare miſericordiam, & juſticiam, in damnandis nonnullis, cæterisque ſervandis; In Leibnitii ſyſtemate deſtinat Numen non ſpeciali gloriâ hujus aut illius adtributi, ſed gloriâ poſſibilem omnem, ex creando optimo comparandam, tum demum quia cum optimo malum connexum erat, decernit eodem actu non malum, ut ipſi affingitur, ſed permiſſionem mali, eoque demum exercitium juſtitiæ. Ex mente ergo ſupralapſariorum decretum manifeſtandæ juſtitiæ motivum nullum habet determinatum, eſt igitur figmentum, ob axiomâ ſuperius; Ex mente Leibnitii decretum mali permittendi & juſtitiæ exercendæ motivum determinatum habet, ſc. *nexum mali cum Mundo optimo*. Ex definitione ptoin ordinis, in ſyſtemate Leibnitii cogitatio divîna de juſtitiâ illuſtranda non eſt prima, uti prima eſt penes ſupralapſarios, ſed eſt *ſecundarium* decreti de optimo principalis *adjunctum*: quam cogitationem exercendæ juſtitiæ DEUS non ſuſcepiſſet, niſi malum in optimo mundo fuiſſet. Ergo alius hîc ordo quam ibi conſtituitur. Si ſupralapſarios audias, DEUS non habet rationes *objectivas*

*Differen-  
tia Leibnitii  
& ſupralapſa-  
riorum*

Ita servabitur Petrus ob fidem, nulli enim rei magis convenit solus, quam fidei: Peribit Judas ob incredulam malitiam; Nulli enim rei magis perniciēs congruit, quam perfidiæ: Determinata decreti ratio nulla foret, nisi respiceret ad majorem hujus, aut illius eventus in mundo convenientiam. Cave dicas: *Ergo etiam convenientius fuit malum in optimo mundo existere quàm non existere*: Non enim convenientius erat malum *existere*, sed melius erat malum *permitti*, quia in optimo mundo, qui propter DEI sapientiam condi debebat, erat futurum. Nullum cæterà dubium est, quin DEUS malum studiosissime cavisset, si aliud systema perfectius, idemque malo vacuum à divino fuisset representatum intellectu, quod disertissimis verbis innuit Leibnitius in Theodic. §. 22. seqq. Plurimum igitur differt hæc sententia à Reformatorum doctrinis, quippe qui nunquam concedunt, quod DEUS sub alia objecti conditione & qualitate alia decrevisset. Atqui si alius mundus, à quo malum exulasset, hõc fuisset perfectior: DEUS illum condidisset, non potest igitur non objecti conditiones intueri, quod Reformati negant.

(1) Vid. Theod. Leibnit. §. 84.

§. 22.

*Transitus ad Sententiam Viti.* Cur autem hac toties Lectori per se intelligenti hætenus injungo? Quoniam Vir omnino doctissimus & pacis studiosissimus Gymnasii Cassel. Professor Vitus multo conatu id egir, ut Leibnitium inter Supralapsarios numeraret. Laudo institutum

tum Viri, quod ad conciliationem ecclesiasticam pertinet, hæreo autem circa modum illud exsequendi, quò bellum majori bello componere velle videtur. Quid enim potest esse intempestivius, quàm sub incundæ pacis primordia alterius partis assclas, ut fecit Clariss. Vitus in Apolog. jam imperitos pag. 350. jam impudentes & imprudentes p. 364. jam obtusissimos in præfat. §. 13. jam aliis convitiis innumeris vocatos dehonestare. Quid potest esse magis inexpectatum, quàm ne ipsi quidem summo Viro Cancellario Tubing. Pfaffio consummatæ eruditionis & pacis gloriâ celebratissimo non parcere, cùm tamen, qui pacem promovere studet, alios irritando pacem non impediat. Respondebo egomet ad præcipua sine æstu, ut decet, utpote semper Irenicus in *praxi*, & quantum per veritatis causam fieri poterit, etiam in *doctrina*. Ubi exstiterit Irenicus ex utroque, nihil potest eò in humanis cogitari præstantius: Ubi vero alterutrò carendum, Irenicum in *praxi* alteri, qui ex doctrina modo talis est, longissime anteponerem.

§. 23.

Omnes Excellentissimi Viti machinas pro *sub-* *Dubitium* *&*  
*pralapsarismo* adstructas demoliri, instituti hujus *Vito ob-*  
non est; ostensâ tantum nonnullarum laxitate & *versum,*  
vitiò, de cæteris tum judicium ferri poterit. Contra sententiam v. g. *Lutheranorum*, quos non majori jure tales adpellat, quàm Reformati quidem *Calviniani* vocandi sunt, de gratia, cui resisti potest, ita arguit. (u) *Quidquid in arbitrio hominis fuerit, quamobrem alius præ alio salu-*  
*tem*

tem consequatur, aut erit malum aut indifferens, aut bonum. Sed cum neque malum esse possit, à quo uno post universalem gratiam hominis, salus pendet, nec etiam indifferens, ut sapienter Lutherus p. 73. demonstrat: nemo sana mentis illud, quod à nostro arbitrio, prater gratiam ad nostram conversionem requirunt, non verè bonum existimàrit. Id igitur aut à gratia est, & sic sola gratia omnis in hominibus regenerandis aut non regenerandis discriminis causa est: aut à libero arbitrio, & Lutherani adeo contra Lutherum & suos libros Symbolicos cum Erasmo aliquid boni à libero hominis in peccatis adhuc mortui arbitrio proficisci posse volunt, quod alii prae aliis conversionem, fidem & salutem consequantur.

(\*) Vid. Apolog. Viti p. 135. seqq. §. 17.

§. 24.

*Responsio.*

Si quis omnem v. g. glaciem, quoties perrumpitur, irresistibiliter, fas sit voci, diffringi probaturus, ita ut nec summa ejus inertia duritiesque motui impresso obistere potuisset, argueret: Aut id quod fractam glaciem à non perrumpenda distinguit, est motus, (boni quid) aut quies, (mali quid,) aut indifferens. Atqui nec potest esse motus, cum nihil ad sui fracturam conferat glacies, nec ambigere inter motum & quietem, cum omnino resistat, ergo est quies, eoque semper frangitur necessario. Quid responderes? *Clariss. Vite!* diffringi glaciem ob finitudinem virium resistendi, hinc & nunc autem ob virium morticium impingentium superponendum, inde tamen non sequi, quod resistendi limites à vi mortice superatus quidquam contulerit ad fracturam: Adderes futurum fuisse possibile, ut  
vires



vires resistendi, hîc & nunc in aliis circumstantiis gelu majore exortô, fuissent superiores viribus morticibus, ut immota mansisset glacies. Cum Evangelici gratiæ resisti posse docent, & aliquando non resisti, ita quidem ut ab hac conditione eventum salutis suspendant, An inde sequitur, quod liberum arbitrium actione positivâ emendationem promoveat? Non - resistendo haud agimus, sed actionem contumaciæ ulteriorem suspendimus, Non resistere, fines virium, non vires ipsas arguit. An non - agendo agimus? Absurde! atqui id fieri debet, si argumentum tuum Clarissime Vite! contra Adversarios valeret. Dirige igitur tela in Pelagianos, semipelagianos, & Arminianos, qui actionem quandam hominis naturalem in operatione Spiritus S. intervenite contendunt, non contra Evangelicos, qui conditionem salutis in *non agendo* ponunt. (x)

(x) Simile de glacie ideo adhibui, quoniam eo usus est Leibnitius in Præfat. Theod. pag. m. 47. & quoniam ex eo intelligi potest, quæ mens Viri illustis fuerit in hac doctrina, an Reformatis adscribi possit, qui proficetur, *hominem non resistendo gratiam admittere, & resistendo amittere* cit. loc. quod nemo Reformatorum dixit unquam. Plura dabimus in seq. discursu. *Non resistere* duplici sensu dicitur: vel hoc, ut positivo actu contumaciam coortam homo suis viribus vincat, quô significatu in hominem non cadit: vel innuitur, ut homo in certo obluendi gradu tantum subsistat, ut gratia spiritus hic & nunc afficiens major & fortior sit illâ resistendi vi, quo sensu homini tribuendum est. Pendet igitur salus non ab arcana voluntate, rationibus in DEO solo quærendis, sed à conditione hominis, & gradu resistendi, i. e. à ratione *objectiva*. Duo h. l. investigari possunt. *Cuius gradus resist.*

resistendi tantopere in diversis hominibus variet? præterea quantus esse debeat, ut irritò effectū gratia operetur. Primum decidit Leibnitiū loc. citat. pronuntians, varietatem illam circumstantiarum, in quibus homo versetur, diversitati, gratia afflantis aliis aliisque gradibus, animi denique multiplici dispositioni tribuendam, hac tamen omnia necessitatem non impenere: Altera quæstio accurate definiri non potest. Ei tamen illustrandæ inservit distinctio inter varios resistendi modos. Alius est naturalis & perpetuus, alius morosus, hoc jam Theologi discrimen observarunt. Sed & ipse morosus resistendi conatus duplex est: alius, quo obluetur homo effectui adminiculorum pædagogicorum, alius quo repugnat Spiritus-S. per verbum operantis efficaciz. Adminicula pædagogica proficiuntur vel à lumine naturali. ejusque usu, vel à tractatione externa Verbi divini legitima, ut Scripturam legas, legendo animum advertas, ut cupidus voluntatem DEI exstas discendi. Qui his adminiculis obluetur, gradum resistendi summum conscendit, nec via ordinaria revocatur ad frugem. Hoc sensu in arbitrio hominis positum, resistere, & non resistere, sed priori sensu homo non potest non, & naturaliter, & morose Spiritus operationi resistere. De posteriori conatu repugnandi intelligi debet regula: *Facienti quod in se est, DEUS non denegat gratiam.* De qua eximiam dissertat, nuper edidit Cancellar. Tub. Pfaffius. Nimirum *facienti quod in se est*, i. e. adminiculis pædagogicis recte utenti, plura enim homo in peccatis mortuus præstare nequit, *DEUS non denegat gratiam.* Judicet Lector, an Leibnitiū supralapsariorum, ne dicam de cæteris, numero habendus, qui hanc regulam æternæ veritatis judicat in Theod. §. 95. *Facienti quod in se est, DEUS non denegat gratiam.* An quisquam supralapsariorum admisit unquam, pendere à facto hominis, ut non denegetur gratia? Immo vero, si regulam non explicasset, magis videretur Semipelagianis, quàm supralapsariis favere. Cum dixi in antecedentibus, resi-

stendi

stendi suspensionem poni in aliquo non agendo, locutus sum de absentia pugnae ulterioris, qua operationi Spiritus oblectamur, non autem de ea, quâ definitum resistere adminiculis paedagogicis. Hæc enim pugnae absentia, quâ respicere paedagogica cessamus: in positivo actu recti sc. usus luminis naturalis, & tractandi verbi, legendo, attendendo, collocatur. Dices: Ergo tandem salus omnia vertitur in actione naturali, recto rationis usus, frequentando templo, legendo verbo, quid autem est Idololum liberi arbitrii erigere, si hoc non est? Cave confundas distinguenda. Qui liberi arbitrii efficaciam negant, in spiritualibus eam negant, non in naturalibus: Jam vero has actiones spirituales esse, nemo tuorum adversariorum dixit unquam: Cur autem penderent, inquis, ab operationibus natura ea, qua ad regenerationem pertinent? Non penderent ab iis tanquam à causis, sed tanquam à conditione sine qua non, ut à remotione valvarum conclave non illustratur sed à Solis lumine. De actibus paedagog. vid. dissertat. Dn. Pfaffii de pacto inter Patrem & Filium in divinis p. 12-13. Formula Concordiæ docet adminiculis paedagogicis utenti non defuturam gratiam L. L. symb. p. 671.

§. 25.

Audiamus nunc porro provocantem suos adversarios Clariss. Vitum. *Quæ hætenus de divina præscientia adversus Te, doctissime Mosheimi! dixi ea xideatur exceptione majora - - - Tantum huic meo argumento tribuo ut totâ hâc me causâ cecidisse ultro largiturus sim, si, non dicam mihi, sed idoneo cuivis arbitro, sed iis fidei tuæ sociis, qui sapiunt, sed ipse denique tibi respondendo, argumentandoque feceris satis - - Tuum est ex duobus his Te laqueis in quos Te indui, expedire. Primum ut contra me (γ) doceas, vel non eadem iniqua divina bonitati, sanctitati, justitia ex*  
*Aliud du- bium Viti*  
*Luther*

*Lutherana præsscientia & prædestinatione videri consequi, quæ ut ex supralapsariorum hypothesei eliceretur magnopere contendisti: vel alia ratione expecari posse, quam quâ supralapsarii etiam suam sententiam a tuis criminationibus defendere possint. Deinde ut demonstrares, æternam eamque infallibilem divinam præsscientiam tueri posse, qui neque supralapsarius sit, nec Manichæus, neque cum Spinoza sentiat, neque brutum quoddam fatum DEO superius admittat. Eloquentissimi Viri in locis, quæ citatum antecedunt, & consequuntur, labor omnis in eo versatur, partim ut probet, tantundem difficultatum ex præsscientia DEI, quam Evangelici profiteantur, elici posse, quantum obverti queat supralapsariis, partim eo spectat, ut monstret, (z) posse DEUM ea agere Superiorem legibus, (aa) quæ ad rationes humanorum officiorum exigi nec possint nec debeant. Hinc conisistit ut urget de permissione mali dubia, quò vix Bælius ea potuit exaggerare unquam. Dispari tamen Consilio. Bælius enim id agebat, ut Manichæos ex ratione invictos comprobaret: Virtus autem statuit extorquere Adversariis responsionem supralapsariorum de mali permissione: non scilicet ad regulas humani Tribunalis exigendas esse DEI vias.*

(y) Verba sunt Viti in Apolog. pag. 302. §. 48.

(z) Hoc intendit Vir Clar. in Apolog. (. 316. per multas paginas sequentes.

(aa) Vid. Apolog. ejusd. p. 348. sub fin.

§. 16.

*Responsio.*

Facilis est ex mente Leibnitii responsio ad utrumque. Omnes Viti machinæ prosteruntur,

&

& quidquid ex præscientia DEI lapsum multo ante videntis permittentisque contra bonitatem, justitiam &c. causatus est, id omne mox evanescet, ubi per *sublimiores omnino rationes stetisse dicimus, quò minus malum DEUS impediret.* Hæc vero decisio satis consentanea est Evangelicorum de conditionatis decretis doctrinæ. Urget enim posterior rationes *objectivas*, nec docet DEUM eligentem, nisi ratio fuerit determinata in conditione electi: Prior vero Leibnitii explicat clarius, quænam sit illa ratio ab objectis petita electionem determinans? scilicet, maxima objecti cum gloria DEI convenientia. Ita Mundus hic præsens non est decretus, nisi sub conditione optimi, omitendus profecto, si optimus non fuisset: Ita partes hujus mundi, quotquot bonæ sunt, non electæ nisi sub conditione optimi. Petro decernitur salus, quia convenientius est, ob fidem decerni illam, quàm non decerni, destinantur adminicula salutis, quia accommodatius est, destinari sub his circumstantiis, quàm non destinari. Ita decernitur hoc vel illud malum permittendum, quia satius est id permittere, quàm absolute obviare. Diversissima vero est supralapsariorum sententia. Destinat DEUS gloriam in illustranda justitia & misericordia, non quia objectum justitiæ & misericordiæ *tale est, vel tale; sed quia vult:* Eligit Numen hos, reprobant illos, non quia ratio majoris convenientiæ reprobandi hos, illos eligendi, est in *objecto*; sed quia minus determinata habetur in *subjecto*: *quia stat pro ratione voluntas.* Non igitur potest supralapsariorum DEUS excusari, qui nulla ratione, quàm suâ despoticâ vo-

Cc

lunta.

luntate ductus, peccatum permittit, hos amat, illos odit, dignos amore aut odio in servatore quodam, aut extra eum, parum curandò, arbitrium duntaxat sequendò. Excusari vero, immo summo opere laudari Evangelicorum & Leibnitii DEUS & potest, & debet, quia *nihil facit nisi cum ratione*, detestatus despoticam sine causa exsertam auctoritatem, qui permittit peccatum, quia sine ratione totiusque Universi detrimento non erat absolute impediendum, qui amat & odit, non nisi amore & odio dignos. Eat nunc Clar. Vir, & agnoscat, tam absurda ex Evangelicorum doctrina non sequi, quam ex Supralapsariorum.

## §. 27.

*Occurrit  
huc cate-  
ris.*

Cætera nunc sponte corruunt. Præscientiam DEI tueri potest, qui nec cum supralapsariis, nec cum Manichæis, nec cum Spinoza sentit. Supralapsarius docet, præscire DEUM omnia; quia cuncta decrevit, v. g. & ipsum malum, *cujus tamen culpam non contrahat, quia lege est omni superior.* Manichæus fingit, præscire DEUM bonum, & malum ipsum, *quò tamen non coinquinetur, cum abs malo DEO trahat ortum.* Spinozista omnia tribuit fato. Sed ecce patet via quarta, quæ est veritatis, quam il calcant, qui injungunt, præscire DEUM cuncta, perspectis quoque, quæ futura erant, malis, sed absque omni labe contrahenda; quia ad malum cavendum tantam curam adhibuit, quanta cum ratione potuit: i. e. quia convenientius egit, malum petimittendò, quam absoluta peccatae sufflaminandò. Qui autem tanto molimine, astu & facundia in Apolog. p. 284. stabilitat

DEI

DEI præscientiâ, promiscuam rerum omnium necessitatem obtrudere conatur; neglectâ adversariorum, quæ impugnanda fuisset eorum sensû, *distinctione inter necessitatem consequentia, & consequentis, hypotheticam & absolutam*, is, ita me DEUS amet, aërem verberat, & irritis ictibus petit nescio quos Adversarios. Potuisset Vir doctissimus ex Bulfingero notiones *necessitatis & contingentia* (bb) explicatiores haurire, nec non intelligere, quod præscientia DEI res determinatas præstet, *necessarias* non faciat, quod plurimum intersit inter id, quod *unice futurum*, & alterum, quod *unice possibile est*: Non ipsi difficile fuisset cognoscere, omne necessarium esse determinatum, sed non vicissim, omne necessarium certum, sed non vicissim: Præscientiam tam non nocere sive libertati sive contingentia, quantum abest ut Astronomi præsagium inferat necessitatem Eclipsi.

(bb) In Dilucid. p. 41. seq. p. 76. seq.

§. 28.

Prævideo fore, ut in risum propendeat Vir eruditissimus nondum hęc lecto paragrapho. *An non, inquiet, ostendi hoc simile longe ineptissimum esse? Ab Astronomo non pendet Eclipsis, pendent vero à DEI decreto omnia; immo vero invertendum est simile: Quemadmodum Astrorum cursus causarum concatenatâ serie, quâ necessitas continetur, perficiuntur: ita & hominum facta DEUS necessario nexu coherentia præsentit.* (cc) Sed salva res est. Quemadmodum ab æterno possibile fuit, creati contingentes partim, partim liberas creaturas: Ita tantum

*Si essentia sunt necessaria decretum Dei nec libertatem nec contingentiam soluit.*

Cc a

abest;

abest, ut Numinis decretum, quod isthas res possibiles existentiam faciat, in iis mutare quidquam possit, ut potius nihil addat quam *possibilitatis complementum* i. e. existentiam. Si quid mutare instituit voluntas DEI; non variat rei *essentiam*, ut ex possibili hoc redderet impossibile prorsus, sed *existentiam* potius, quæ à DEI nutu pendet. Itaque Decretum DEI non magis contingentiam rerum & libertatem tollit, ac Astronomus præsciendo Eclipseos contingentiam evertit. In eo ponitur discrimen, ut Numen res præscitas, quæ, existunt alterate possit, Astronomus non possit, sed id ad variandam *essentiam* nihil pertinet. Quocirca si rerum *essentia*, seu *possibilitates*, libertatem & contingentiam involvunt, invariata manet utraque, accedente licet existentiam per decretum DEI. (dd) Quisquis propterea per Decretum DEI rebus necessitatem imponi contendit, eum oportet ostendere, res non fuisse possibiles, sine decreto DEI; Nam si res possibiles sunt etiam tum, quum à voluntate DEI discesseris; non poterit eas arbitrium DEI aliter condere, quàm eò modò, quò possibiles erant: atque adeo, si possibilis fuerit libertas, contingentia, &c. Decretum DEI creaverit liberum hominem, contingentem, ubi visum fuit, nec ejus sustulerit naturam; Aliter enim non conderet, quod condere voluit, sc. rem, quæ *possibilis* est, hanc nec aliam.

(cc) Ita ad simile de Astronomi prælagio respondet Vitus in Ap. p. 305.

(dd) Brevibus rem ita habe. Aut res possibiles sunt ante DEI decretum, aut non? Si prius placuerit, non potest DEUS eas alio modo creare, & existentiam donare



nare, ac possibiles sunt; decretum igitur libertatem, si quæ possibilis condenda foret, non tollit: Si posterius, tum præter rationem essentialis arbitrarie conpiantur. Quod si igitur nulla datur libertas, nulla contingentia: probandum est vel eas esse impossibiles, quod nemo temere demonstraverit, vel libertatem & contingentiam à DEO non subtractam existentiam, quod facile refutatur, si examinemus, num definitio libertatis possibilis in ullam rem creatam cadat? Fac eam definitionem in rem unam alteramque cadere, libera ea erit, non obstante DEI decreto, quod nonnisi complementum possibilitatis exhibet. Provocarem ego potiori jure Dn. Vatum ad irrefragabile hoc ratiocinium solvendum, nisi me pueret uti thra-somismis.

§. 29.

Tandem inquirendum erit: *An merito supralapsariismi coarguatur illustris Leibnitius?* quem ut in suas partes trahat omnem lapidem movet doctiss. Vitus. Non alienum erit examinare opinionis rationes. (cc) Ipse, inquit, sc. Leibnitius à supralapsariis reliquis non differt, nisi quatenus aut DEUM sine certa gravique causa, consilii de servandis, damnandisque rationem inivisse ex indifferenti voluntatis libertate, supralapsarii existimant - - - nam cum hi mali originem ad voluntatem divinam fere referant, ille (Leibnitius) eandem altius adhuc scrutatur, & ex ipso intellectu divino repetit, magis adhuc, quam qui hactenus existimabantur supralapsarii, supralapsarius est. Non igitur ipsam supralapsariorum hypothesin, quæ malum ex DEI decreto futurum statuunt, rejecit, sed quod aut indifferente libertate hac in re usum velint, aut eas rationes divini consilii reddant, quas ipse (Leibnitius) minus probat.

*An Leibnitius Supralapsarius.*

(cc) Vid. Apolog. Viti §. 61. p. 365.

## §. 30.

*Responsio.*

Obstupui cum hæc legerem, vel enim Vir longe eruditissimus systematum de prædestinatione atque decretorum ordinem se nosse dissimulat, vel affectu, quò per librum omnem calebat, disputandi abreptus, non continuo in memoriam revocavit, omne discrimen systematum de prædestinatione in allegandis aliis aliisque rationibus, vel *objectivis*, vel *subjectivis* verti. Concedit Vir Doctus Leibnitium alias rationes decreti urgere, quam supralapsarios, novit rationem Leibnitii esse ab *objecto*, i. e. optimo mundo petitam; en admittit igitur *definitionem decreti conditionati* à Leibnitio crediti, *definitum* vero non admittit, eumque supralapsariis adgregare constituit. Hæc solent evenire iis, qui saltim ex vocabulorum sono, nec ex idearum intuitu philosophantur. Varietas rationum de errendi varia de prædestinatione systemata parit. Quodsi igitur Leibnitius, uti concedit Antagonista, alias DEI rationes eligendi assignavit, quam supralapsarii: profecto etiam aliud systema habuit quàm hi, neque cum iis sociandus est. Si Vir excellentissimus distincte cogitasset, *qua sit definitio ordinis decretorum*, in quem omnium circa hoc negotium doctrinarum diversitas resolvitur: Non potuisset tam dissentanea scribere, concedendò, in systemate Leibnitiano alias prædestinandi rationes indicari, quam in supralapsariorum, & nihilominus hoc confundere cum illo. Quid *ordo Decretorum sit*? supra commonefeci. Est nimirum *nexus quò unum decretum alterum respicit tanquam ejus motivum*. Nemo

temere negaverit hanc definitionem. Itaque ſi fatente Vitô doctiſſ. Decretum DEI in Leibnitii ſententia alia motiva habet, quam in ſententia ſupralapſariorum, alius ibi ordo, aliud ſyſtema oritur. Quomodo ergo Leibnitii ſyſtema poteſt cum ſupralapſariorum eſſe unum; quod quippe eſt aliud, ut modo demonſtravi?

§. 31.

In ſententia ſupralapſariorum DEUS primo decrevit manifeſtare miſericordiam, & juſtitiam, in damnandis nonnullis, cæterisque ſervandis; In Leibnitii ſyſtemate deſtinat Numen non ſpeciatim gloriam hujus aut illius adtributi, ſed gloriam poſſibilem omnem, ex creando optimo comparandam, tum demum quia cum optimo malum connexum erat, decernit eodem actu non malum, ut ipſi aſſingitur, ſed permiſſionem mali, eoque demum exercitium juſtitia. Ex mente ergo ſupralapſariorum decretum manifeſtandæ juſtitia motivum nullum habet determinatum, eſt igitur figmentum, ob axiomata ſuperius; Ex mente Leibnitii decretum mali permittendi & juſtitia exercendæ motivum determinatum habet, ſc. *nexum mali cum Mundo optimo*. Ex definitione ptoin ordinis, in ſyſtemate Leibnitii cogitatio divina de juſtitia illuſtranda non eſt prima, uti prima eſt penes ſupralapſarios, ſed eſt *ſecundarium* decreti de optimo principalis *adjunctum*: quam cogitationem exercendæ juſtitia DEUS non ſuſcepiſſet, niſi malum in optimo mundo fuiſſet. Ergo alius hîc ordo quam ibi conſtituitur. Si ſupralapſarios audias, DEUS non habet rationes *objectivas*

*Differen-  
tia Leibnizii & Supralapſariorum*

decernendi gloriam justitiæ, verum duntaxat *sub-*  
*jectivas*, quia sic decernere vult: Si Leibnitium  
 sequaris, DEUS plane nullas rationes nisi mere  
*objectivas* respicit, non ita decernit, quia vult;  
 sed quia objecti conditio hæc optima est, non  
 autem alia, quia partes in objecto v. g. salus Pe-  
 tri convenientior est, quam perniciēs, nimirum ob  
 fidem. Si vel unicum supralapsarium allegare pos-  
 sit Vitus doctissimus, admittentem *rationes obje-*  
*ctivas*, totâ hac causâ cecidero. Iterum atque  
 iterum inculco, ut, modeste tamen, provoca-  
 tum velim heic publice Professore Casselensem,  
 velit, si placuerit, vel unicum nominare Supra-  
 lapsarium, qui rationes decreti divini *objectivas*  
 concedat. Per orbem, qua patet, omnem vulga-  
 tum est, in eo poni decretorum absolutorum à  
 conditionatis discrimen, ut illa nonnisi rationes  
*subjectivas* in DEO eligente, hæc autem *objectivas*  
 in te electâ requirant.

## §. 32.

Viti du-  
 bium re-  
 movetur.

Non possum satis mirari cætera, quæ excell.  
 Vitus subjunxit. Leibnitium scil. magis adhuc su-  
 pralapsarium esse, quam sint ipsi supralapsarii, quia  
 originem mali altius scrutetur, & non ex voluntate  
 divina, cum supralapsarius, sed ex ipso DEI intel-  
 lectu repetat. Quæso, quò non abripit æstus di-  
 sputandi? an cui potest competere definitio, in  
 quem non cadat definitum? Num quis potest esse  
 animal rationale, ac tamen Elephante? An quis  
 mali originem ex intellectu potest repetere divino,  
 & tamen non esse conditionati Decreti Patronus?  
 Cur ex cognitione vocabulorum symbolica argui-  
 mus

mus, miſſâ idearum intuitivâ? Quid loquimur quæſo?, ſubſtituamus ideas & definitiones in locum vocabulorum, queis utimur! Qui eſſentiarum omnium eoque & mali, ceu limitationis earum originem ab intellectu divino arceſſit, quid ille loquitur? ſubſtituamus definitionem: Eo ſpectat ſententia, *Intellectum DEI res omnes repræſentare, ut adhuc poſſibiles tali, vel tali modo, ſi con- di deberent, affectas, obtuliſſe igitur voluntati infi- nitam iſtam cognoscendi vim varia, ex quibus vo- luntas optimum eligeret, quia ut tale fuit repræſen- tatum, ex quibus voluntas cooptaret res, quia tales ſint repræſentata, non quia velit*: aliter intelle- ctu opus non eſſet. Cur igitur intellectus DEI res repræſentans decretum antecedere debet? Annon ideo, ut rerum poſſibilium condiciones perſpiciat, ut poſthac voluntatis decretum pro ratione obje- cti repræſentati decidere queat? Si tantum decedit ita, *quia vult*, intellectus prævia cognitione opus non eſt. Quocirca vel ignariſſimus videt, quia electionis ratio in repræſentatione intellectus quaeratur, ſtabiliri rationes *objectivas*, quæ *absolu- tiſimum* funditus evertunt.

§. 33.

Dat etiam Clar. *Vitus* p. 366. verba Leibnitii ex Theod. P. II. §. 239. quæ ita habent: L'on ne voit pas auſſi, comment celui, qui non ſeulement fait, qu'un homme puiſſe tomber, mais qui diſpoſe les circonſtances en ſorte, qu'elles contri- buent à le faire tomber: N'en ſoit point compable, S'IL N'Y A D'AUTRES RAISONS, QUI L'

*Aliud du-  
bium Vi-  
ſolvitur.*

**OBLIGENT.** Subjungit: *Aut fallor ego vehementer, aut eo consilio ultima verba, quæ ad naturam hujus periculi pertinent, omisit doctiss. Mosheimius, ut vel me tacite argueret erroris &c.* Neque igitur hoc loco ipsam supralapsariorum hypothesin, sed rationes tantum, quas quidem hypotheseos sua reddunt, refutavit Ill. Leibnitius. Ipse enim ejusdem rei aliam tantum rationem ibi reddit. Aut fallor ego potius vehementer, aut quia aliam permissi mali rationem & motivum reddit, aliud exhibet systema. Nam in varietate motivorum decernendi, ordo decretorum collocatur varius. Annon omnes decreta DEI de malo admittunt? & Evangelici & Reformati? in quo nam ergo ponitur sententiarum varietas? quod Evangelici alias allegant rationes, quàm Reformati, eoque ipso diversum ex motivis diversis Decretorum ordinem constituunt. Evangelici hanc rationem allegant, ut ex Buddæo citavi in anteced. cap. 6. §. 6. *Quod contra debitum fecisset DEUS malum absolute impediendò: Vel quod idem s. nat, ex mente Leibnitii, quia omnibus circumstantiis computatis convenientius fuit permittere peccatum, quàm impedire, i. e. quia hic mundus fuit DEO convenientior:* Reformati contra supralapsarii rationem non permissi, sed ut putant, decreti mali in eo quærunt, quia DEUS superior legibus, ad regulas rationis humane judicari non debeat: Breviter, quia DEUS est Dominus, Despota, cujus stat pro ratione voluntas. An forsitan etiam nullum discrimen est inter Evangelicos & Reformatos, quia in allegandis tantum decreti de malo rationibus variant? An prorsus Evangelici pro

pro supralapsariis habendi? Cur igitur eos tantopere objurgas? criminaris, perstringis? Absit, inquires, ut nullum discrimen inter utrasque partes esse quisquam affirmet. Atqui eodem argumento probare potero, nullum esse discrimen inter Evangelicos & Reformatos, quò tu ostendere voluisti, *Leibnitium esse supralapsarium*. Nimirum quia, si tu audiaris, eadem prædestinationis sententia invariata manere potest, etsi ratiões prædestinandi aliæ allegentur: Poterit etiam una esse Evangelicorum & Reformatorum doctrina circa hoc punctum, quia nonnisi in assignandis Decreti rationibus diversa sentiunt.

§. 34.

Continuat suum discursum Excell. *Vitus præ-* *Aliud Viti*  
*terea h. m. Cave existimes, Leibnitium, cum sape* *dubium.*  
*prævisi permissique peccati & impœnientie finalis men-*  
*tionem facit, eamque prævisionem Decretis divinis*  
*priorem constituit, cum supralapsarius non sentire.*  
*Toto enim Cœlo Leibnitiana hæc præscientia & per-*  
*missio à Lutherana differt: Quæso autem cur? Illa*  
*enim, cum tantum circa peccatum versetur, quate-*  
*nus possibile est, & quatenus futurum esse non pote-*  
*rat, nisi ex DEI decernentis voluntate, tota supra-*  
*lapsaria est: Lutheranorum autem, cum circa pec-*  
*catum versetur, quatenus futurum jam est, & qua-*  
*tenus futuri hæc mali existentia non ex DEI volun-*  
*tate pender, sed ex indifferente creaturarum mentium*  
*arbitrio, aut Manichaam esse, aut contradictoriam*  
*supra demonstravi. - Dicit igitur non potest (ff)*  
*quantum supralapsarius Leibnitius in Lutherana licet*  
*Eccle-*

*Ecclesia sinu natus & educatus profuerit? Magnum enim hoc humani ingenii prodigium præclare sensit &c. Dici vix potest quantum à vera Leibnitii sententia aberret Clariss. Vitus. Non credidissem fieri posse, ut, qui vel fando duntaxat de Leibnitii sententia cognosset quidquam, adeo detorqueret ejus doctrinam.*

(ff) Lege hæc verba in Apolog. Viti p. 368. 369.

§. 35.

*Responsio.*

Primum falsissimum est, præscientiam Lutheranorum, quos ita male vocat, circa peccatum versari, quatenus futurum jam est, & quatenus futuri hæc mali existentia non ex DEI voluntate penderet. Quis Evangelicorum unquam affirmavit Præscientiam DEI versari circa malum olim futurum sine DEI decretò? annon omnes fatentur permissionem mali, non vero malum ipsum à DEI sanctissima voluntate oriri, decerni? Non igitur futurum esset malum, nisi decrevisset DEUS permittere, sed aliud est velle peccatum fieri ab aliis, ut Reformati DEO affingunt, aliud velle permittere ob graves rationes, ut peccatum fiat ab aliis: Id quod Evangelici contendunt. (gg) Atqui hæc ipsissima est Leibnitii sententia. Nunquam ille docuit, DEUM in optimo mundo peccatum velle, sed velle permittere, quoniam cum optimo mundo adhuc ut possibili spectato, conjunctum erat. Decreto igitur optimo mundo, rationabiliter, fas sit verbo, non poterat non ejus quoque existentiam permittere. Hinc si cum ratione potuisset separari ab optimo mundo nunquam fuisset futurum. An hæc quisquam supra-



pralapsariorum dixerit? Evolvat, quæso, Lector extra partium collocatus studia Theodic. Leibnizianæ paragraph. 22. 23. 24. 25. quibus nihil potest extare disertius: Distinguit Leibnizius inter voluntatem DEI antecedentem & consequentem, quam distinctionem nemo Reformatorum adoptavit unquam, immo nuper demum Clar. Hottinger peculiari dissertatione adgressus est: Inculcat Vir illustris: *Voluntate antecedente DEUM velle omne bonum, quia bonum est, licet nunquam futurum*, eoque hæc adplicandò, vult & salutem reprobis, licet non futuram, saltem ideo quoniam bona est, quis Reformatorum hoc admiserit? Addit, Deum velle *serio omnes homines salvos*, quid potest esse clarius? An hæc in mentem venerunt Reformatis, annon huic veritati πῦξ καὶ λαξ repugnant? Pergit generosissimus Baro, *voluntatem antecedentem adeo efficacem, ut nisi fortiores rationes, voluntatis consequentis, intervenire, effectus secuturus esset. i. e. salus reprobis futura esset: quomodo hæc cum sententia tua conciliabis? doctissime Vite!*

(22) Ita Buddæus in Theol. Dogmat. p. 577. Cum David de Simei dicit, *Dominum dixisse ei, ut malediceret Davidi* 2. Sam. 16. v. 10, 11. Nemo profecto sibi persuadebit per revelationem quandam peculiarem DEUM hoc iussisse, vel præcepisse Simei. Unde longe est manifestissimum, nil aliud sibi velle Davidem, quam hoc non sine Numinis voluntate & permissione fieri ut Simei maledicat. Quis non hinc intelligit, Evangelicos malum futurum non statuere sine DEI decreto, sed permittente, non efficaciter operante, quod Reformati mal'ent. Infinitis testimoniis, hanc doctrinam Evangelicorum esse, demonstrare possem, nisi ineptum foret, Soli lucem velle affundere.

## §. 36.

Quantum  
Leibnitius  
à Refor-  
matis d.f.  
ferat.

Idem Illustr. Leibnitius Theod. §. 22. voluntatem antecedentem ita describit, ut non nudam *velleitatem*, sic enim barbare loquuntur, indicasse luce meridianâ clarius sit. Quid est barbarum *velleitatis* monstrum? *Quum voluntas tendit, aut in rem fieri nesciam per se, aut in talem, cujus impetranda laborem aversatur.* Aut insensatus est, qui Leibnitianam voluntatis antecedentis definitionem ita exponit, aut cognosceret toto cœlo eam à *velleitate* diversam. Dicit enim ex voluntatibus antecedentibus earumque pugna oriri consequentem, quemadmodum in Mechanica concursu tendentiarum mobilis, ἀποτέλεσμα resulter, quod omnibus tendentiis prioribus, quoad fieri possit, satisfaciat. Num parentis voluntas, qui & locupletem & piam Filio sponsam adjungere vult, circumstantiarum autem concursu impedita in probitate sponsæ adquiescit, *velleitatis* titulo meræ dehonestanda est; Annon voluntas hæc consequens est effectus antecedentis; Atqui similia perfecte de DEO docet Leibnitius cit. loc. Prodeant nunc Reformati, qui ita animo affecti sunt, non erit spes pacis forsan tantopere remota.

## §. 37.

Illustratur  
porro:

Quid de Cæteris quæso doctrinis Leibnitii dicam eodem locô expositis? Annon scribit, *velle DEUM omne bonum antecedenter, optimum vero*, quia omnia bona simul in systemate non impetrantur, *consequenter*? Quid potest esse explica-

plicatius , quàm cum paragr. 25. Theod. ait : *Voluntatem consequentem, qua circa malum tanquam objectum versetur, nonnisi permissivam esse.* Numquid ita sentiunt supralapsarii ? Quis nescit eos in permissionem gravissime invehì ? Quem fugit eos malum absoluto , pro justitia illustranda , DEI decreto , non autem permissioni tribuere ? Non illi dicunt ut Leibnitius , *velle DEUM omne bonum , etiam quod nunquam evenit , aut eveniet ,* Non asserunt , *si fieri per rationes sublimiores potuisset , DEUM quoque bonum , quod non sit , procuraturum fuisse :* Sed id contendunt , malum decrevisse DEUM , sine ratione objectiva , non esse tamen , cur ei culpam affricemus , *quia sit legibus superior.* Id injungunt , quod non sit eventurum bonum , plane nunquam DEUM voluisse.

§. 38.

Ut sententiam Leibnitii distinctius expositam vindicarem , Viri illustris non tam existimationi, quam religioni Evangelicorum debebam. Pergam ad cætera , quæ nunc succurrunt. Poireti philosophicus absolutismus, de quo supra , theologicoReformatorum *Metaphysica Poireti Reformatis favet Leibnitii Evangelicis.* *Absolutismo* præstruitur tanquam speciei Genus. Quod ille generatim de omni divina actione foras prodeunte affirmat , hi ad prædestinationem & electionem adplicant. Quemadmodum ille negat , DEUM ulla ratione ab objecto petita decernere quidquam , ita hi speciatim in negotio salutis sentiunt idem. *Consentanea igitur magis docent, qui Poireti essentias arbitrarias ex Reformatis amplectuntur ,* Non potest enim absolutum decretum sine illis consistere.

V. g.

v. g. Excellentissimus Virtus cum omni orationis limpidissimo flumine in eo est, ut probet *præscientiam DEI* (*hh*) *rebus*; *actionibusque cunctis*, & *liberis omnino imponere necessitatem*; In eo com-  
monstrando adeo efferbuit, ut Evangelicos id ne-  
gantes *capta rationis*, *extrema dementia*, *stoliditatis*  
coarguerit, omnibusque propemodum convitiis,  
*pacis Ecclesiasticæ causâ*, p. 307. 308. oneraverit.  
At si calculos recte subduxerimus, tota vis hujus  
doctrinæ in opinionem arbitrariarum essentiarum  
erumpit.

(*hh*) Vid. Apolog. Vid. p. 307. 308. seqq.

§. 39.

*Absolutis-  
mus peni-  
tus ever-  
titur per  
dogma de  
essentiis  
necessariis.*

Corroborabo quæ dixi, argumentò. *Qui  
essentias necessarias statuit, ille fallitur, quum De-  
cretum DEI rebus necessitatem asserere pronuntiat*.  
Atqui excellentiss. Virtus non falli se credit, ergo  
necessarias rerum essentias improbat: vel ita: Dn.  
Virtus essentias necessarias statuit, ergo in Apolo-  
gia fallitur. Prima propositio facillimè demon-  
stratur, postquam Minor hypothesein continet,  
experientiamque. Quodsi essentia necessaria  
sunt, voluntas DEI, sive decretum eas non al-  
terat. Per *essentias intelligo rerum possibilitates*. *Li-  
bertas & contingentia essentia non destituuntur, sunt  
enim absque dubio possibiles*; id quod ex superio-  
ribus in Cap. IV. §. 13. dictis cognoscitur. In  
*Libertate momenta quinque distinguenda dixi, qua-  
tuor ab experientia probavi, quantum à ratiocinio*.  
Existit igitur libertas, quia quinque ejus requisi-  
ta existunt, si existit, possibilis est, nam ab actu  
ad potentiam V. C. Quisquis propterea essentias

i. e. possibilitates necessarias statuit, admittere quoque debet ab æterno possibilem, idque necessario fuisse libertatem, i. e. *facultatem agendi & non agendi, agendi hoc & illud, positis omnibus ad agendum circumstantiis.* Decretum DEI quum res possibles existentes facit, aut rem creandam, possibilem hætenus, *mutat in essentia, i. e. possibilitate præcise hac, aut non mutat: si mutat, reddit ex possibili impossibile, ex libertate possibili libertatem impossibile, quod absurdum: Si non mutat in rebus quidquam, tum non variat possibilitatem hanc aut illam, v. g. libertatem, si quam condere vult, nihil addens nisi possibilitatis complementum & futuritionem.* Quemadmodum igitur ab æterno non impossibile erat existere facultatem agendi & non agendi, &c. ita licet nunc quidem per Decretum DEI existat libertas, eadem erit, qua antea. Ergo fallitur, qui essentias necessarias docet, & nihilominus Decretum rebus necessitatem imponere contendit: quod erat demonstrandum. Aut igitur clariss. Vitus *essentias* necessarias admittit, tum non docet consentanea, deceptus quippe, quum pronuntiavit, *decretum DEI libertatem tollere*: Aut arbitrarías essentias cum Poiteto cooptat, tum alienissima à vero scribit, aut credit. Si ratiocinio hoc compulsus de distinctionibus dispicere occipiat, divisurus necessitatem in varias species, caveat, ne Advertarii eum propriis telis adgrediantur, easdem distinctiones ipsi obvertendò.

§. 40.

Sæpe quaesitum est: *Nam Evangelici, an Reformati ad Rados in explicanda prædestinatione re-*

*Quale  
Rados*

Dd

cur-

apud Ev-  
angelicos  
sit, quale  
apud Re-  
formatos.

currant? Meâ tenui sententiâ utrique ed confu-  
gere debent, sed non sine discrimine palpabili.  
Bâdos, quod Dn. Reformati invenisse sibi per-  
suadent sine ratione *objectivâ* locum habere dicitur  
in sola DEI voluntate: Id autem, quod Evange-  
lici agnoscunt, consistit ratione firmatum *objecti-  
vâ*. Reformatæ Ecclesiæ Bâdos non solum non  
*comprehendi* sed nec *concipi* potest, (ii) non *concipi*  
*dicitur*, quod ratione caret *sufficienti* eâdemque  
*determinatâ*; sic *determinatè* nihil adest, cur præ-  
cise Petrus nec alius quivis ex massa hominum  
corrupta saluti fuerit destinatus, quia disceditur  
à conditione objecti, subsistendò in absoluta à  
rationibus DEI voluntate; quod copiose expo-  
sui supra: Non *comprehendi* vero dicitur, cujus  
ratio quidem *determinata* habetur, sed quod *in-  
telligendò* non potest *exhauriri*. Evangelicorum  
Bâdos *concipi* potest, *comprehendi* licet non pos-  
sit. Reformatorum Bâdos incognitum est &  
secundum rationes *generales*, & *speciales*: si quæsi-  
naveris, cur Petrus serveatur, nec alius quivis repro-  
bus? nec summam nec per partes eundo respondere  
poteris, sufficiat tibi, quod ita voluerit DEUS,  
volueritque, quia voluerit, non respiciendò conditio-  
nem objecti: Evangelicorum autem Bâdos ob-  
scurum quidem secundum rationes *speciales*, non  
verò *universales*. Si fueris sciscitatus, cur Petrum  
servaverit Numen? exclusis aliis, summam ratio  
reddi potest, quod convenientius fuerit ob fidem  
hominis hic & nunc conceptam; sin institeris,  
cur in his circumstantiis fuerit præ aliis colloca-  
tus, ut fidem conceperit, quam ceteri neglexerunt?  
denuo respondendum, quia in optimo systema-

te res aliter disponi non debebant, idque summam quæstionem definit: sed in specialiora non est, cur descendas. Nam si circumstantias, in quibus pereundi occasionem sumserat Nero Tyranus, examinare, hominis temperamentum, educationem, illecebras & quæ sunt alia inquirere, si, cur ab his parentibus, nec aliis Christo addictis, genitus fuerit, excutere, atque judicare institueres: annon omnia DEUS aliter coordinare, fataque Tyranni ita dirigere potuisset, aut debuisset, ut homo scelestissimus ab aliis parentibus natus, in diversis circumstantiis versatus, fieri in servatorem concepisset: immensum tibi aperiretur mare infinitarum meditationum, quas intelligendo nunquam exhaustires, cum nosse tamen summam sufficiat, habere Te DEUM, qui, omnibus his circumstantiis exactissime ab æterno pensatis, ex ratione Universi publica per immensum patente, statuerit convenientius esse Neronem his inferere rerum eventibus, quam aliis quibuscunque. Sufficit quod, si Lumen Naturæ Tyrannus dextre adhibuisset, pædagogia ad gratiam nunquam fuisset defutura, ut expressis vocibus Leibnitius innuit in Theod. §. 95. Sufficit, uti monebam, quod summam Numen faciat convenientius perpetim, quodque Neronem non absolute ab omni salutis spe exclusit.

- (ii) Hanc distinctionem inter id quod concipi aliquando potest, comprehendere non potest, lege apud Leibnit. in dem vertheibigten Systemate harmoniæ præstabilitæ p. 10. sub not. (c) Sub finem, claudo hanc disceptationem simili quod § 16. sub not. (s) inchoavi. Quod si inter typos belli gerendi oblatus Regi unus, idemque optimus sit, qui suadeat Exercitum in cras mittere,

quibus acerrima praelia occasionem quibusdam militibus dant capessendi fugam, inque supplicii discrimen incurrendi; Annon sufficit militibus, si certo sciant, hunc modum belli gerendi causae publicae maxime salutarem, nec sine ejus detrimento sapienter mutari? An βαδρος tale non concipi potest, cur se hic miles poena occasionem, ut & delicti repereris, quia conveniens Reipublica est bellum ita, adeoque acriter suscipi, quam modò leni? Num βαδρος comprehendi debet, ut milites conclavis regii omnia documenta perlustrant, suffragia Ministrorum ponderent, itinerum Exercitus fortuitos casus exploratos habeant, & nihil vicissitudinum belli nesciant, quò distinctissime pervideant origines occasionis, quā commilito ad aufugiendum, & supplicium merendum inductus fuit? Haudquaquam fane! Quis affirmet vero, Regem, quia hunc belli gerendi typum, in quo militem punitum iri praefagitur, elegerit, voluisse ut miles pereat? Quis ad instar supralapsariorum causetur, Regem, cum de optimo belli persequendi typo eligendo statuerit, statim initio id consilium agitalle, ut auctoritatem suam in supplicio quorundam militum, ansam fugiendi sumtorum, declararet? Annon quilibet intelligit, Regem omni nisi declinaturum fuisse militis poenam, si per sublimiorem optimi typi, ad gerendum bellum, rationem id fieri decuisset? Num dubitandum est Regem voluntate antecedente maxime sermo salutem puniti voluisse? Cum ergo in Leibnizii sententia, Regi talis DEUS similis sit, cur cum in supralapsariorum partes trahere volunt? An Rex peccatum militis, ut supplicium sequeretur decrevit? Annon potius decernendo optimum belli typum permissionem ejus statuit? An hoc decretum non ab absoluto supplicii, gloriae causa infligendi, decreto longissime differt? sed & annon uno decreto post examinatum typum omnia acta? sint militum vires cundi & pugnandi omnes à Rege ipso, nihil ipsis remaneat quam resistendi contumacia; manebit profecto semper talis Rex culpae omnia expertus.



expers, etiam coram hominibus morosissimis, ita ut eo nihil sapientius, justius nihil excogitari unquam possit. Regem hunc DEUM veneror, der da recht hat in seinen Worten / und rein bleibet / wann er beurtheilet wird.

## CAPUT X.

## De Justificatione.

## §. I.

JUSTIFICATIONEM, quæ sola fide, Christi sanguine Articuli  
gravissimi.  
nixa, continetur, præclarissimum Religionis Protestantium Palladium esse, toto corde profiteamur omnes. Indignum eorum facinus non potest non reprehendi, qui tantum viliori pretio cimelium venum exponere, vel & spurio illud logomachiarum radio micare contendunt. (a) Non ego vel tanti facerem Philosophiæ genus ullum, quod melliflua hujus doctrinæ solatia disturbarer, aut nullo consensu cum eisdem posset componi. Tradit Philosophia Leibnitii aliquot notiones generales in disciplina morali, quæ fidei de justificatione caput eximie, nisi fallor, illustrent. Dispicimus de illis breviter vel propterea, quod instituti ratione id facere jubemur.

- (a) Non dicam de Poirero, Dippelio, Fanaticisque qui *Christi pro nobis* gravissimum dogma obscurantes vim omnem DEO placendi quærunt penes Servatorem in nobis habitantem, quod eo ineptius est, quo periculosius salutis ordinem intervertit. *quo conjungenda separas*: Loquar tantum de iis qui nimio, ut fieri soles, pacis studio ducti, parumper deflexerunt. Si vera sunt, quæ Bossuetus Episcop. Meld. Histoire des

variations Livr. III. n. 42. 43. p. 124. 125. de Bucero tradit, parum absuit, quin hic doctrinam de justificatione per solam fidem pacis causa, sed veritatis detrimento, proderet. His enim Bucerum in solenni conventu verbis usum scribit: *Puisque Dieu jugera chacun selon ses œuvres, il ne faut pas que les bonnes œuvres faites par la grace de Jesus Christ, & qu'il opere lui-même dans ses serviteurs, ne MERITENT la vie éternelle; non point à la vérité pour leur propre dignité, mais par l'acceptation & la promesse de Dieu & le pacté fait avec lui. Car, c'est à telles œuvres, que l'Ecriture promet la récompense &c.* De quibus verbis Vossius in epist. 457. p. 403. col. 1. ita judicat: *Non possum non sanis iudicium operare quibusdam, qui hoc nostro seculo plurimas admodum turbant hoc paradoxo: sola fide nos servari, cum viderent tamen hoc eo rapi ac si iustitiam sola animi existimatione finirent, & bona opera secluderent. Qua jam illa charitas, qua huic malo uno verbulo dedignatur mederi, ut dicerent fide formata justificamur.* Quoties ad hæc talia jam responsum est? vid. Synops. Theol. purior dogmat. Hoffmanni Profess. Tubing. p. 179. 180. aliosque innumeros, ubi de justificatione commentati sunt. Logonachias cætera in articulo de justificatione non prorsus deesse largior: ubi v. g. quæritur: *an fides quæ viva, aut quæ est viva servet?* ubi de formula Amsdorffii explicanda agitur, cæterisque similibus: sed quod ad quæstionis caput pertinet, *quânam potissimum re à peccatis liberati DEO rigidissime judicanti possimus probari?* existimo licet hanc, si ullam aliam maxime res, & quidem gravissimas attingere. Sed de his dicendi jam non est locus.

## §. 2.

Definitio  
meriti &  
mercedis.

Nisi explicatiores meriti & mercedis (b) notationes exhibeantur, non poterit justificationis dogma ulla ratione collustrari. *Qui non perfecte debuit in alios confert, na ut vires suas aliorum ver*

vertere potuisset, is dicitur *mereri*. Si jus accesserit ex lege compensationem postulandi, *meritum* oritur *rigorossissimo sensu intellectum*. Merito respondet merces, *quæ compensatio est debita operi, quò meremur.* (c) Sunt hæ definitiones haustæ ex doctrinis recentiorum, si quam ergo lucem rebus affundunt, (d) usus earum negari non potest, nec debet.

(b) Patres Primitivæ Ecclesiæ & speciatim Ignatium non favere merito operum, quod Pontificii vellent, dissertatione probavit Historico-Theol. Joh. Georg Jo- chius Tremouxiæ 1716. Observavit jam Joh. Dallæus de usu Patrum LI. cap. 5. p. 149. *Quislibet Patres certis in suo stylo idiotismis uti.* Quodsi in modo loquendi aliquando cum Græcis aut Recentioribus conveniunt, multum tamen differunt significatu. Errant, qui meritum operum suo sensu se apud Patres legere putant, quum voces *merere*, *mercedem* reportare &c. inveniunt. Legendus est in hanc rem Isaac Casaubon. in notis ad Ælii Spartiani Adrianum Cæsarem p. 40.

(c) Similia propemodum tradit auctor Anonymus *Monstri Politici detecti* cap. 10. ubi de merito operum adversus quendam Apostatam agit, in quem vehementer invehitur.

(d) Expendantur verba Bülfingeri in Dilucid. p. 502. §. 446. *Pendet, inquit, (meritum) ex eo, quod præstari ab homine homini possint, quæ non antea debebat perfecte, in æstimatione saltem civili.* 2. *Quod item vires agendi habeat non illi debitas, à quo expectat remunerationem.* Hæc meriti notio adeo liquida est, ut non videam, an ab ipsis Romanensibus repudiari queat?

### §. 3.

DEUM imperare rebus creatis omnibus jure eo, quo majus ne cogitari quidem potest, ita videtur in promptu esse, ut nulla egeat disputatione. *An Deum liceat de- vincere merito?*

D 4

Etiam-

Etiamsi sint qui de fundamento ejus imperii non omnino consentiant. (e) Imperanti debetur obsequium. Summo in civitate Imperanti, summa obedientia *ibidem*. Summo autem totius orbis Imperanti summum debetur obsequium *in omni omnino genere*. Quidquid ergo DEI causa facimus boni, cum lege ejus æstimandum sit, id prorsus debetur. Cum autem is tantum mereatur, qui non perfecte debitum in alios confert, perspicuum est, nos nullo DEUM merito unquam obstricturos, quidquid enim facimus, debitum est. Si ea loquor, quæ & in aliis systematis pervulgata sunt, vitio id verti mihi nolum; sufficit monuisse, pro ratione instituti, universales hujus Philosophiæ notiones ejusmodi esse, ut & omnium, certe multorum consensu firmentur, & usum in Theologia præstent non contemnendum.

(e) Famosa est Hobbesii sententia de Imperitiam generatim spectati, quam speciatim divini fundamento. Namque in libello de cive cap. 15. p. 112. *his*, inquit, *quorum potentia resisti non potest, & per consequens DEO omnipotenti jus dominandi ab ipsa potentia derivatur*. Quod idem in Leviathan, cap. 22. p. 167. affirmat. Consentanea hæc erant cum scopo Hobbesii in stabilenda Monarchia, quam suo tempore in Anglia vastatam vidit Hobbesius. Lege Vitam Hobbes, p. 45. Judicium Cartesii de hac sententia invenitur apud Baillet *Vie des Cartes* Tom. II. p. 174. ubi Monarchicum statum libello suo Hobbesium probare voluisse, idque in gratiam Civium, observat. Non desunt, qui fundamentum Imperii, speciatimque divini in excellentia natura quærent. Quorum numero est Moses Amyraldus *dissert. de jure DEI in creaturas*. Quo & spectat Dæmocriti effatum apud Grot. Libr. II. cap. 20. §. 3. de jure bell. & P. Φύσες τὸ ἀρχεῖν ὁμνίαν τῷ χριστῶν.

Contra Pufendorff. de Jur. Nat. & G. L. l. cap. 6. §. 9. Hobbesium refutat. Pro sententia Amyraldi etiam pugnatum in Belgio vid. Osiand. Anti Turret. l. p. 156. 157. *Infima radix imperii omnis est convenientia rerum.* Ex convenientia nascitur summum beneficium creationis, conservationis; Cur enim DEUS nos mactat his beneficiis? quia *convenientius* judicat gloriam illustrare, quàm non illustrare, quia convenientissimum illi obtemperare. Ex beneficio hoc insigni JUS oritur generalissime spectatum, i. e. *facultas agendi pro rerum convenientia.* Si lex vel divina vel humana facultatem isthanc confirmaverit, obversatur jus speciale locum inter homines tenens. Nisi forte jus DEI in homines sua ipsius lege confirmari dixeris, Quod per me fieri licet. Similis ratio est ultronei consensus, qui jus in Imperantem transfert. *Cur consentiunt vel tacite, vel expresse in alterius imperium?* quia id salutaris judicant? *cur non refragandum est consensu semel facto?* ne turbetur tranquillitas vel externa, vel interna animi, qua lex naturæ continetur. Cum justitia dicatur benignitas sapienter administrata, patet, quomodo *notionem juris* cognitione attingas? Tumultuario discursu utor, quia per instituti rationem distinctiore uti non licet.

## §. 4.

Revocanda est ad animum *justitia* idea delineata in antecedentibus. Est nimirum, quod plus decies monui, *benignitas administrata pro rerum congruitate sapienter.* Summa igitur justitia benignitatem exercet sapientissime non solum, sed & semper ac certissime, ut ne in uno casu esse desinat summa. Inferior justitia administrat quidem benignitatem sapienter, sed ita, ut & aliquando non sapienter eam comprobare, inque contrarium vitium degenerare queat. Lex igitur huic præscribi debet, quæ est norma ostendens, quando

*Exponitur  
ulterius.*

do

do & quomodo rebus convenienter agi deceat. Quisquis igitur ab altero compensationem exigere potest, non solum propter convenientiam sui operis cum expectanda compensatione, sed & ob legem, quâ illam superiores confirmârunt, ille meritum præstitit, riguroso sensu acceptum. Cum autem nonnisi ea iustitia ad compensandum legibus adstringatur, quæ imperfecta & inferior est, qualis in DEUM non cadit: sequitur etiam, neminem accurate loquendo à Numine (f) quidquam mereri. Et quoniam omne meritum aliquid in alios confert per vires, quæ & alioquin impendi potuissent: tum ne laxiori quidem sensu, quo remunerante lex non obligat, à DEO inire meritum possumus. Omnes enim nostræ ipsi debentur vires.

(f) Mirum videri debet, quod Joh. Claudius singulari eruditione ac zelo pro reformatâ fide conspicuus inexpectatam hanc sententiam docuerit: *Non omne genus bonorum operum ab Apostolo in justificatione hominis peccatoris excludi, quorum quadam non per viam meriti, sed per viam conditionis ibi interveniant.* In explicat. Epistolæ S. Pauli ad Roman. ex versu 28. cap. 3. *L'Ouverture de l'Épître de S. Paul aux Romains &c.* Cumque propterea à nonnullis Hollandiæ Theologis confutatus esset, obviam ivit in declarationibus, scandalis ex libro, explicatio Epistolæ ad Romanos, inscripto, *injuste acceptis, oppositis Londini 1687. éclaircissemens sur les scandales &c.* Cum tamen idem hic Claudius scriptis adversus Pontificios editis, incomparabilem famam nactus sit, Ms. Port-Royal occasionem dedit scripto: *La perpétuité de la foi de l'Eglise Catholique touchant l'Eucharistie.* Cui Claudius respondit. Cumque responsionem adversarius examinandam sumeret, secuta est *Reponse aux deux Traités inti-*

*intitulez : La perpetuité de la foi de l'Eglise Catholique  
touchant l'Eucharistie, Sed hæc non sunt hujus loci.*

## §. 5.

Ex nostra definitione intelligitur triplici *Meriti di-*  
sensu adpellari meritum, quod observatu, in ex- *versa si-*  
tricandis his controversiis, longe est dignissimum. *gnificatio.*  
Primum stricto & adcurato sensu est, cum bonum  
in alium conferimus compensatione æquandum,  
non solum ob convenientiam, quia vires agendi  
& alibi impendere potuissimus, sed & ob legem,  
quæ remunerationem præcipit. Huic merito mer-  
ces respondet perfecto jure debita, qualis ex pacto  
v. g. Operariis mercede conductis aliisque simili-  
bus adjudicatur. Talem ut à DEO impetremus,  
plane fieri nequit. Laxiori sensu meritum voca-  
tur, cum officia aliis præstamus, quæ propter nul-  
lam legem compensanda sunt, sed ob convenien-  
tiam duntaxat, quia vires potuissimus ad alios ad-  
plicare. Horum in classe meritorum numerantur  
*beneficia*, quibus alii alios demerentur, nulla ta-  
men compensationem postulante lege. Sed ne  
hoc quidem merito DEUM licet devincire. *Quis*  
*prior ei quidquam dedu*, quis beneficiis eum affecit,  
aut afficere potuit? *ut jus haberet expectandi remu-*  
*nerationem?* Rom. 11. v. 35. Hactenus duplex  
meriti, licet inæqualis, genus motivum remunc-  
randi præbet, propter convenientiam, ut actio-  
actione, res re æquetur.

## §. 6.

Vocatur tertio meritum *sed improprie* id, *Tertia me-*  
quum quis officia præstat ita, ut aliò ea conferre *riti signifi-*  
non *catio.*

non licuisset, quorum & remuneratio nulla lege inculcata est, destinatur autem ob favorem Remunerantis. Motivum compensandi priora duo merita sumitur à studio æquandi paria paribus, motivum vero remunerandi meritum hoc tertii generis depromitur ab operis rectitudine comparata ad obligationem operantis. Hoc sensu potuit Adam in statu integritatis demereri DEUM licet enim omnia ipsi debebat, nec etiam DEUS remunerandi lege tenebatur, ita tamen recta (g) ad normam obligationis ejus fuere opera, ut DEUM commoverint, non æquandi studiò, quod inter optis finitum, & æternam gloriam non datur, sed adprobandi recta instinctu, decernere compensationem. Hujus generis merita, si quidem rectitudinis & internæ gloria florent, sunt præclara subditorum erga Patriam aut Ecclesiam opera. (h) Quidquid facimus in munere nostro constituti, id perfectò jure Reipublicæ, ac Ecclesiæ Christi debetur; Nisi igitur summus Magistratus remunerationem suo ipsius motu ultroneò destinaverit, non est cur meritis nostris gloriantes superbiamus, sive orationibus funebribus aliisque monumentis curemusea conservanda. (i) Ne hoc quidem modo in statu peccati DEUM ullò devincire meritò possumus, quoniam opera nostra rectitudine omnimodà plane destituuntur.

(g) *Merita Adam, licet naturalia saltem fuere merita gratia, merita improprie.* Sunt verba Dn. Pfaffii Canc. Teb. in dissertat. de pacto inter DEUM Patrem & Filium confecto, &c p. 4. not. (h) confer quoque primam de eo argument. dissert. p. 18. Forſan & meritis in rem literariam claruit? quis id sibi persuaderet? Rabbini adeo insulsi sunt ut Adamum librum de Creation



tionem Mundiconcinnasse dicant; Vid. Heidegg. Histor. Patr. Tom. I. p. 481. Adde Salian. T. I. p. 230. Quid quod nonnulli Psalmum 92. Adamo tribuant: Vid. Casp. Schott. Techn. curios. p. 556, *in primis vero* Petr. Lambeck. in prodrom. Histor. Litterar. L. I. cap. III. & IV.

- (b) Reipublicæ in qua degimus, debentur, secundum DEUM, omnia. *Partem ortus nostri patriasibi vendicat*, Cicero in officiis scribit L. I. Oratoris igitur panegyricæ & encomiasticæ fœtus sunt meritorum laudes, quibus hos aut illos in Patriam fuisse inclusos non sine vanitate scribunt. Majoris tamen faciendos in Republica Viros honestate & eruditione claros, quàm inutiles, multo minus illos ob virtutem affligendos, luce meridiana clarius est. Quis non detestatur Civem Atheniensem, qui cum roicaretur, cur Aristidem patriam pellendum scriberet, aut quid Aristides commisisset, cur tanta poena dignus diceretur, respondit, se indignare Aristidem, sed sibi non placere, quod cupide elaborasset, ut præter ceteros justus adpellaretur. Vid. Cornel. Nepot. in Vita Aristidis. Sic & Cardinali Bellarmino, quo minus Papa crearetur, impedimento fuerunt merita, ut memoris prodidit auctor de Paulo V. Conclav. p. 512.
- (c) Si rectissime facta in Rempublicam merita proprie appellanda non sunt, quid de iis sentiendum, quæ privatæ utilitatis studio suscepta, & larva virtutis, curæque pro publica salute recta meritorum speciem mentiuntur?

## §. 7.

Nulla igitur significatu DEUM homo sibi *Occupatio obsequio.* met obstringere per meritum potest. Sed forsitan DEUS se ad nostram imbecillitatem accommodat, forsitan non vult summo jure nobiscum agere, sed actiones nostras nostro arbitrio subjicit, eo consilio ut (k) aliquid mereri possimus. In hoc effugium omnis Romanensium disputandi vis erumpit. Videbimus. Funda-

Fundamentum obsequii, quod DEO debetur *Creatio* est & *conservatio*. Itaque in ipsa rerum natura, nullo facto aut consensu jacere solet. Id est momenti maximi. Quia obedientia parentibus debita naturalis est ex fine educationis, ad quam ob generationem obligamur, orta propter evitandas officiorum confusiones, matrimonia filiorum matrumque, aut filiarum & patrum in infinitum prohibita sunt. Neque enim potest per institutum accessorium, quale conjugium habetur, obligatio à natura coorta sufflaminari; cum tamen nihil obstat quo minus obligatio per consensum introducta alià ejusdem generis, quæ pariter ex facto hominum, aut consensu nascitur, suspendatur: Nil impedit fœminam summæ rerum præesse subiecto marito. Imperium quippe mariti consensu (l) fundatur mutuo. Pater vero subditus non veneratur Filium Regem nisi jam emancipatum, quando arctius obsequii vinculum cessavit, remanente in filio tantum veneratione quadam, & pristinorum beneficiorum memoria. (m) Perpetua vero naturalis obligatio ad præstandum obsequium nullo facto accessorio, repugnante naturali convenientia, turbari potest.

(k) Cum Protestantes objiciunt Pontificiis: *Omnia præterquam DEO deberi, qui vero solvat, nihil mereri:* respondent: *DEUM nobiscum summo jure non agere, actiones nostras nostro arbitrio & dominio subijcere, ac certo pretio nobiscum pacisci* &c. vid. Burghaber *Controvers.* 57. Parte Poster. §. 18. p. 370.

(l) Sic Anna Angliæ Regina Georgium Daniæ Principem Maritum habuit, non Regem, sed sibi subiectum.

(m) Est forsitan cujus animum subeat, *instantiam à Patre suscito, qui filio Regi pareat, satis ostendere, quod*

Et naturali obligationi aliquando deroget obligatio ex instituto demum superveniens: Patri filium naturâ debere obsequium, eo tamen non obstante posse obtemperare filio Regi, cujus imperium non nitatur causa naturali; nec responsionem sufficere, Filium v. g. per electionem prius Regem fieri non posse nisi matura sit ætatis. Et patria potestate exierit: Eoque hanc rationem ab officiorum confusione depromptam parum esse efficacem, Filiam v. g. Parenti nubere hand posse ob rationem honesti & decori, non iusti. vid. Thomam, in fundament. Jur. Nat. & Gent. edit. quart. p. 258. Verum dispar est ratio: Patri filia debet perpetuam venerationem, quæ in arctissima societate, qualis est conjugalis, prorsus absorbetur, in civili autem societate, ubi summo imperio filius potitur, latissime patens conjunctio innumerosum non impedit reverentiam Filii regis erga Patrem subditum. In matrimonio conjugum amor requiritur, qui venerationem filiarum filiorumque everit, diversa est ratio imperii Civiles, neque enim hoc reverentiæ parentibus debitæ obstat.

## §. 8.

Cum nulla obtemperandi à natura profecta *Responsio.* necessitas factò aut arbitrario instituto subsequenti debeat impediri, *salvâ rerum convenientiâ*: cognoscitur sapientiam DEI, quæ rerum congruitates observat, non permittere ut suò DEUS exigendi nostram obedientiam naturâ debitam jure cedat, ut ab ipso merita inire possimus. Quantum abest ut Pater se abdicet jure dirigendi actiones filii nondum domo sua egressi, & inspectione egentis. (Tali enim filio assimilandi omnes homines si cum DEO Creatore suo conferantur:) Tantum abest ut id faciat hominum causa DEUS. Quomodum ineptum foret, si parens cum filio pacisceretur, ut posthac obedientiam naturâ sibi debi-

debitam in sua potestate haberet, meritiq; loco Parenti offerret: Ita etiam incongruum foret de DEO talia cogitare. Quod autem incongruum est, id sapientia divina detestatur; Cumque *justitia sit benignitas per sapientiam administrata*, fatendum est, benignitatem DEI hęc incongruō modō inire cum hominibus pactum non posse, i. e. justitiam obstat, quo minus, ut Pontificii volunt, DEUS adeo liberaliter nobiscum paciscatur, ad præstandos nos meritorum capaces, quod erat probandum. (n)

(n) Probavimus vero omnia, ut vides ben. L. ex definitionibus *meriti & justitia*, quas adcommodatas valde Leibnitiū exhibuit.

### §. 9.

De imputatione  
aliena justitia.

Sed nunc arcem causæ petimus, quæ in imputatione alienæ justitiæ collocata est. Justificatio per opera capitali defectu & hiatu laborat. qui omnium distinctissime per notiones generales hujus Philosophiæ detegitur. Liceat Justitiæ definitionem repetere. Nimirum qui *sapienter benignum* se præbet, is *justus* adpellatur. Cap. antec. VIII. probavimus per justitiam DEI fieri non posse, ut peccata DEUS impunia dimittat: Sapientiam quippe DEI, quæ cum benignitate copulata justitiam parit, non posse non dissensum per peccata systemati illatum, sive præteritum, sive futurum compensare, ne lacuna remaneat, quæ sapientissimo systematis præsidii jure imputetur. Respicit igitur justitia peccatum quoque præteritum & quidem (o) maxime; Aliter enim satisfactione opus non foret; quoniam omnia præsentia deli-

delicta tandem præterita fiunt, quo pacto tandem nullum plane expiandum foret.

- (o) Falsum est, omnem pœnarum finem futurâ vel puniti vel aliorum emendatione contineri vid. Kulpis ad Grot. II. 20. p. 115. maxime respicitur præteritorum expiatio, seu turbati ordinis compensatio.

### §. 10.

Quodsi igitur peccatorum culpâ exsolvimur *Quæ probatur.* per justitiam quandam inhærentem, in actu non forensi, sed physico positam, tum plane negliguntur peccata præterita. Per nullam operationem, si ab imputatione in doctrina morali discesseris, ne per divinam quidem, *factum infectum reddi potest.* Implicat quippe contradictionem, factum quod est physice, eo modo per actionem physicam fieri non factum. *Ubi tò possibile est actu, vocatur præsens, quod ab actu recidit in statum possibilitatis, dicitur præteritum.* (p) Præteritum igitur non amplius existit, quod autem non existit, in id & non operari licet. Fac ergo perfectâ nos exornati justitia inhærente, *quod tamen largiri ex animi sententia nolumus;* An ista justitia inhærens actu suo physico ulterius porrigitur quàm ad præsens, aut, si durat, ad futurum? an peccata etiam olim commissa, quorum, ut probavi, in Judicio DEI maxima habetur ratio, potest reddere infecta, ut queant condonari? An culpa præteritorum non est ens morale, quod nulla præsentis physica operatione irritum reddi potest?

- (p) Lege hanc præsentis & præteriti definitionem apud Thurnigium in instit. Ph. W. p. 52. §. 52.

## §. II.

*Vindica-  
surque.*

Nihil factum infectum reddere potest, quàm æstimum morale, cum actio mala olim commissæ, *cujus auctor quis habetur*, ita ut propter eam ad reddendam rationem adstringi possit, *utque*, quod inde oritur, in eum redundet, (q) censetur non commissæ, declaratur fictione morali, sed maxime fundatâ, pro infecta, & quidem actu forensi in judicio superioris. Peccata igitur hominis justificati præterita tolluntur, nec aliter quidem tolli possunt, quàm actu forensi; physico enim actu ea deleri contradictionem involvit. Quod cum ita sit, nihil superest, quàm ut vel ob propriam inhærentem justitiam pristina justificati peccata actu forensi aufertenda dicant Pontificii, aut ob alienam Christi: Hoc si dixerint, causâ ceciderunt; Prius si affirmaverint, ne sic quidem vel tantillum proficiunt. Primo enim sua merita ringi causantur sanguine Christi, quò ipso saltem *mediatam* justitiæ Servatoris ad præterita peccata tollenda imputationem concedere debent: Deinde eâdem ratione, quâ Adversarii alienæ justitiæ imputationem negant; *quia non datur (r) sapiens sine inhærente sapientiæ dono, albedo sine presente physico accidente &c.* potest etiam propriæ justitiæ ad præterita crimina delenda imputatio oppugnari: neque enim inhærens qualitas ea purgat, cùm jam sint præterita. Quum autem hoc non obstante actu forensi ea deleri posse negare nequeant: non est cur impossibilem dicant alienæ imputationem justitiæ, imò vero quia potior est servatoris justitiæ, cur eam primo imputandam non continuo faterentur? (a)

(q) Est hæc definitio imputationis Pufendorffiana in L. de O. H. & C. L. I. Cap. 1. §. 17. Non pudet me contra Pontificios ad hunc libellum provocare, ipse enim Papa Innocentius XI. in defensione jurium suorum ad opus Pufendorffii provocavit vid. Thomafii *kleine Schrifften* p. 219. 220.

(r) Alienæ justitiæ imputationem impossibilem judicant Pontificii vid. e. g. Burghaber *Controv.* § 1. Part. prior. p. 319. §. 7. *Concilium*, inquit, *Triaentinum non tantum affirmat modum præsentem justificandi intrinsecum sed simul etiam negat possibilitatem omnis alterius modi justificandi, per formam nobis extrinsecam & moraliter imputatam.* Probavimus h. l. contrarium.

## CAP. XI.

### De Lege divina.

#### §. 1.

**C**essante otio, quoniam officii ordinaria redeunt munia, abruptendum est hujus libelli filum. Pauca igitur adhuc & summatim adtingam. Num *leges divinae præsertim naturales consiliorum loco habenda sint nec ne?* inter summos Viros disputatum est. (a) Qui in legibus naturæ nonnisi consilia agnoscunt, hac potissimum ratione (b) ducuntur, quia ratio sibi relicta nesciat, quod DEUM concipere debet, ut Dominum, qui pœnas externas arbitrarias velut inferre iis qui contra præcepta juris naturæ faciunt, quia videat, omnes pœnas transgressores juris naturalis secutas, esse naturales, adeoque improprie dictas. Sed ex Leibnitii ac Wolffii mente componi forsitan lis non sine utriusque partis calculo potest. Regula ad quam obligamur (motivo

*An lex  
naturæ  
consilium.*

tivo certo impellimur) *componere actiones liberas, generalissimo sensu adpellatur lex*, (c) sejungendo cogitationem auctoris, à quo isthæc regula præscripta sit. Hoc sensû, prout consilium definiveris, lex naturæ, i. e. regula ex humanæ naturæ consideratione hausta, abstrahendo à Numine, quod Legislatoriæ voluntatem addit, est consilium. Quid enim est consilium quàm regula aliquid faciendi, cujus motiva ex ipsa negotii indole petuntur, discedendo ab omni alio respectu? Contra si Illustris Vir, Consiliorum naturæ Assertor, ultra procedat affirmando, *naturam sibi relictam nescire, num isthanc naturæ regulam DEUS Legislatoriæ voluntate velit, jubeat, mandet, cum non adsint pœnæ arbitrariæ, sed nexu tantum naturali consequentes*: Non difficile est contrarium ex Leibnitii & Wolfii cogitatis ostendere, atque com-  
monstrare, regulatæ naturæ legis faciem induere, quoniam supervenerit DEI tanquam Supremi Imperantis mandatum, perinde ac si Principis jussus consilium, quod ægroto Medicus rationibus ab ipsa rei natura depromptis præbuit, confirmaret, & legis loco illud à decumbente haberi vèllet. Posset profectò eo casu, pro diversa regulæ ægroto præscriptæ consideratione, jam consilium dici, quatenus cogitando sejungeremus Principis voluntatem, jam vero etiam lex, in quantum regula ista cogitaretur cum omni respectu interno & externo; Qui, quò locò talis habenda sit regula, anxie disputarent, non adeo dissentirent, quin facillime conciliari possent. Habuit enim Princeps rationem ægroto præcipiendi, ut Consilium Medici exsequendo salutem suam non posthaberet; Quemod-  
modum



modum etiam DEUS rationem habuit, ea omnia, quæ lege naturæ continentur, præcipiendi, & suâ firmandi auctoritate, ita quidem, ut illa ratio præcipiendi nunc in se spectata, absque DEI voluntate legislatoria superveniente, non dissimilis sit consilio, cui obtemperamus ob intrinsecam ejus bonitatem; nunc vero ratio illa considerata, prout auctoritate DEI corroboratur, legis accuratius appellatæ formam nanciscatur.

(a) Inter summum Virum Christ. Thomassium in observat. Halens. T. VI. observat. 27. p. 255. In fundamentis Juris N. & Gen. L. I. c. 5. §. 37. edit. quart. & ex altera parte inter Albertum Riperum in dissert. de legib. div. in gener. & legibus positiv. Univers. Buddeum in Theol. Moral. P. II. c. 1. §. 10. seqq. cui vero respondit Thomassius in præfat. edit. quart. p. 12.

(b) Hanc rationem allegat illustris Thomaf. in fundam. J. N. & G. L. I. c. 5. §. 37.

(c) Consideret quæto Lector hanc Wolffianam legis eandemque generalissimam definitionem in Moralib. Cap. I p. 14. §. 16. eine Regel / darnach wir verbunden seynd / unsre freye Handlungen einzurichten / heisset ein Gesetz: Intelliget profecto, sponte sua evanescere, quod præstantissimi Viri opposuerunt sententiæ Wolffii de lege naturæ locum habitura, si vel maxime DEUS non existeret, aut quod in effectu perinde est, si vel maxime ignoraretur: Loquuntur enim Adversarii de lege suo sentu, qui ab hoc diversus est, acceptâ, mirum haud videri debet, quòd utraque pars in sua opinione non commota dubiis alterius perstiterit, neutra enim verò destituebatur suo sensu. Primò lex naturæ, i. e. regula ex naturæ humanæ consideratione hausta obligaret, i. e. ex sensu Wolffiano in Moral. §. 8. motiva hoc aut illud recte agendi subministraret, etiam ei, qui DEUM exsistere nesciret: Secundo Lex naturæ sensu Buddæano, quatenus est decretum auctoris naturæ humanæ,

non obligaret , propter defectum superioris , sensu stricto : Uterque dixit vera , nec tamen non pugnavit uterque.

## §. 2.

*Lex natura-  
ra est pro-  
pria lex suo  
sensu.*

Quodsi probari potest, naturam sibi relictam perspectum habere , quod DEUS sit respiciendus non solum ut consilii benigni auctor sed & ut legislator , cessabit illustris Thomassii dubium , atque adeo quod alterò respectu consilium est , altero lex proprie dicta esse poterit. Atqui probârunt id recentiores. Quando imperans vult , ut subditi ad hanc vel illam normam actiones componant suas, (d) lex proprie dicta omnium consensu oritur. Jam vero DEUM hominibus ceu inferioribus imperare certum est , quisquis igitur probaverit, *DEUM voluisse ut homines regulam isthanc ex natura contemplatione desumptam observent*, is legem proprie dictam ostenderit. In hanc igitur sententiam i. onnemo Recentiorum ita philosophatur. *Ut ab aeterno possibile fuit , per certas actiones liberas conditionem hominis fieri vel deteriorem, vel perfectiorem ; Ita DEUS certum rerum possibilium ordinem i. e. Mundum decernendo ob rationem optimi , voluit etiam , ut homo condendus has nec alias susciperet actiones , quibus conditio ejus non deterior sed perfectior , sed melior evaderet ; Cumque regula , quâ jubemur facere , quod nostram conditionem ut & aliorum quorumvis meliorem reddat , legis naturalis titulo veniat ; intelligitur , DEUM voluisse , ut regula isthac observetur i. e. ut regula illa fieret lex stricto sensu dicta , quod erat probandum. (e) Regula ex consideratione humanæ naturæ v. g. sociali-*

cialitatis &c. ad honeste vivendum petita præcipit, ut *quilibet faciat, quod ad meliorem suam & aliorum quorumvis conditionem præstandam aliquid confert.* Ant igitur DEUS summus hominum cunctorum Imperans voluit hanc regulam ab hominibus observatam aut noluit. Si prius, tum regula voluntate summi imperantis lex proprie dicta evadit: Si posterius arrideat, DEUS aut erit parum benignus & sapiens, quia non optime consultum cupit generi humano, aut erit non omniscius, quippe qui forsan ignoravit, dari talem regulam naturæ, quâ observatâ hominum conditio posset reddi melior. Utrumque est absurdum. Ergo prius adfirmandum, voluntatem DEI regulam naturæ à nobis observatam cupere, i. e. legis loco habendam velle.

(d) Hæc est definitio Pufendorfiana *legis* in L. de Jur. Nat & Gent. L. I. c. 6. §. 4. & de off. H. & C. L. I. c. 2. §. 1. emendata parumper à Thomasio in Jurisprud. div. L. I. c. 1. §. 29. ubi legem *jussum imperantis* vocat; non *decretum superioris*. Buddeus legem appellat *decretum Regentis* in Theol. mor. P. II. c. 1. §. 3. Sed non differt. à nobis. Barbeyracius ad Pufend. de jure naturæ & gentium L. I. c. 6. §. 4. p. 89. & §. 15. p. 109. quædam desiderat non magni momenti.

(e) Est hoc argumentum Wolffii paulo a' iter inflexum in Moral. p. 19. §. 29. ad quod provocat in annotat. ad Buddei consilium p. 33. sub not (x) quidquid obvertitur Wolffio in der bescheidenen Antwort auf Hr. Wolffens Anmerkungen p. 32. 33. *Moralitatem sc. objectivam Wolffii differre ab ea quam Theologi doceant, excludi enim à Wolffio voluntatem DEI, quam ceteri à moralitate ista non excluderint, statuere etiam Wolffium leges natura etiamsi DEUS nullus existeret &c. id omne ex hæcenus dictis declarari potest: Non enim excludit Wolffius voluntatem à lege naturæ in sensu*

*diviso* i. e. quatenus à DEO præscribitur ut modo citavimus ex Moral. §. 29. sed *in sensu composito*, quatenus consideratur ut *ipsa* regula honeste vivendi ex naturæ hum. consideratione orta, non cogitando, quò Auctore sit constituta? Hoc fit propter Atheos, ut & ipsi talem regulam honeste vivendi ex naturæ contemplatione agnoscant, si vel maxime naturæ auctorem proterve negent. Ubi legem naturæ sine DEI notitia locum habere Wolffius contendit, accipit vocem sensu postremo, quod jamjam monui. Ex his in scriptis criticis Dn. Buddæi & Wolffii omnia judicari possunt. vid. die nöthige Zugab zu Herrn Wolffens Bedencken §. 31. p. 96. In dem bescheidenen Beweis/ daß das Buddeanishe Bedencken noch fest stehe p. 46. §. 2. eadem obijciuntur, quæ Wolffius diluit in dem klaren Beweis &c. p. 79. quæst. 17.

## §. 3.

Responde.  
tur ad ar.  
gumenta  
contraria.

Sed consideranda est ratio, quâ inductus Vir illustris legem naturæ merum consilium esse voluit. *Pœna est malum arbitrarium, quod infligitur ob malum actionis, atqui violatores legum naturalium manent mala seu pœna naturali nexu coherentes, ergo proprie dicta pœna non coërcentur, eoque nec ipsa lex stricto sensu hoc nomine digna, sed potius consilii titulo vocanda est.* Verum enimvero & ea mala quæ naturali nexu imminet legis naturæ violatoribus, pendent ab arbitrio DEI, eoque sunt mala arbitraria, quatenus Numen supremum ipsius naturæ auctor est, sine cujus arbitrio res nullæ existunt. Licet enim ipsa mali ex peccato naturâ secuti *possibilitas* à DEI voluntate non oriatur; *rerum enim essentia non sunt arbitraria*; tamen nisi Deus voluisset, ut res ab aeterno possibiles hoc aut illo modo

modo, existerent, eoque mala naturaliter propter aliquod crimen possibilia actu ipso orirentur, oriri profecto non potuissent. Diversa igitur ratio est DEI, & Imperantis humani. Quoniam ab imperante humano non pendet malum naturæ crimen secutum; neque enim v. g. per arbitrium Regis stat, ut crapulam excipiant capitis dolores, ideo opus est malis à Regis nutu profectis, quæ per naturam inflicta non essent: Contra à DEO immittuntur & ea mala, quæ ex natura delicti per se resultare solent; DEUS enim est auctor, quare natura hæc existat, nec alia, quare v. g. hominis corpus tale existat, quale mero nimio obrutum non potest non sentire incommoda. Non sunt igitur mala naturalia à DEI arbitrio secernenda, sed conjungenda potius. (f)

(f) Hæc fuit inter alia ratio condendi rerum ordinem præsentem, quia ita comparatus est, ut pleraque peccata malis puniantur naturalibus. DEUM igitur si respexeris, mala crimen naturaliter manentia arbitraria sunt, nec necessaria, potuisset enim DEUS res aliter coordinare, si voluisset; Sed si creatas res cogitaveris, naturale omnino est, quod ex actione per se, quia talis est, sequitur. Velim igitur ut summa cura observetur *naturales pœnas dici tantum propter res creatas, non propter Creatorem*, quippe penes quem naturale est arbitrium, quia non existit per se, sed ejus nutu.

#### §. 4.

Ad hanc responsionem accedit alia momenti *Nova responsio* multo gravissimi, quam eadem Recentiorum disciplina subministrat. (g) Sæpe ejusmodi mala & bona turpem aut honestam vitam comitantur, quæ naturali nexu cum honestate aut turpitudine non

coherent, sed ex parte hominum casu immissa videntur, ex parte vero DEI propter liberam dispensationem adjudicata sunt. Mala & bona motiva sunt vel agendi aliquid, vel & averfandi. DEUS igitur, qui ab æterno decrevit, ut hic rerum ordo, nec alius, & quidem propter has perfectiones existeret, voluit etiam ut mala illa & bona non per naturam, sed liberam DEI dispensationem secuta, motiva essent fugiendi turpitudinem, & colendi honestatem. Connectit itaque DEUS Legislator summus mala & bona arbitraria speciali sensu, i. e. pœnas & præmia propriissime, & sensu humano adpellata cum actionibus creaturarum rationalium, confirmatque legem naturæ obligatione peculiari. Voluisse DEUM propter fata illa specialia & arbitraria, ut homines virtutem colant, vitia detestentur, dubium relinquitur nullum, aliter enim fata illa non destina-ret. Atqui voluntas Legislatoris quocumque modo de faciendis aut omittendis declarata, non potest esse, nisi lex arctiori sensu vocata.

(g) Vid. hoc argumentum apud Wolffium in Moral. p. 20, §. 30. seq.

### §. 5.

*Qua vindicatur.*

Dubium, quod heic suboriri posset, pridem Vir celebris sustulit è medio. (h) Occurritur nobis sequenti ratiocinio. *Sape flagitiosissimos homines prosperrima fortuna uti, contra bonos agitari adversa, iniqua, & omnium judicio immerita. Quod si igitur ex fati de voluntate DEI recta faciendi, & omittendi turpia statuendum; futurum esse ut non desint, qui ratiocinentur, DEUM secundâ flagitiosorum*

forum fortuna eorum crimina approbata & perpetrata velle, quo nihil scelestius cogitari possit. Responsio autem est in promptu. Primo quidem complures pro piis habentur, qui fato adverso sint indigni, cum ramen honestatis speciem mentientibus nemo sit calamitatibus dignior. Post notandum, secundam fortunam vel scelestissimis motivo esse non continuandi peccatum, sed potius declinandi. Nisi enim gnaviter insensari sint, præclare intelligunt, in se ipsis nihil esse, quod tam prosperos successus meruerit, itaque non possunt non eos benignitati divinæ ferre acceptos, eoque DEI veneratione duci, & amore, quo pacto benignitas DEI ad respicientiam allecat. Præterea sæpe maxima fortuna summi mali est prænuntia. Tolluntur in alium lapsu graviare ruant. Ex adverso iniqua, quæ cum conflictamur, fortuna sæpe ad res florentes & prosperas præparat, spectatosque reddit virtute. Quid? quod frenum injiciat affectui ad prava tumultuando connitenti, qui, si calamitate non vinciretur, exultando jugum excuteret, modumque transiliret mirifice. Quidquid igitur fatorum nobis evenit, id omne ad fugienda peccata, & persequendam virtutem ex DEI mente referendum, quo ipso voluntas ejus Legislatoria cum maxime declaratur.

(h) Responsio est Wolfii in Moral. p. 21. §. 31. Adde & Thumig. in institut. Philosoph. practic. Wolfian. p. 12. 13. §. 35.

### §. 6.

De moralitate, quam vocant, objectiva non hodie demum disputari cœptum est. (i) Quam  
detri. *De moralitate objectiva.*

detritum hoc dogma videatur, dubitari tamen non debet, quin maximi sit in Theologia usus. Observavi esse, qui id propterea tantum damnarent, quod à Scholasticis profectum intelligerent: perinde ac si omne, quod à Scholasticis accepimus, futile prorsus & ineptum esset. (k) Scholasticorum detestatio adeo apud nonnullos efficax est, ut vel sola eorum mentio horrorem incutiat doctrinæ, quæ ab eis traditur. *Multi quum vitant vitia in contraria currunt.* Loquor cum Poëta, sed aliquanto mitius. Virtus plerumque in mediocritate posita est. Arbitror non esse prorsus damnandos Scholasticos, nec etiam semper audiendos, adhibendum potius prudentem rerum delectum. Dico igitur ingenue, *sine moralitate*, quam vocant, *objectiva*, *gravissimas Theologorum doctrinas in periculum incurrere.* Audiemus quem usum tam contempti dogmatis Leibniti alii que adnotaverint.

- (i) Quis nescit, quot inde à Puffendorffii temporibus scripta in utramque partem emissâ sint? Eridis Scandicæ, operi Pufendorffiano subjunctæ non exigua pars in hac lite agitata versatur. Jagerus in Tract. de legibus passim moralitatem objectivam tuctur. Pertinent huc Velthemii duæ dissert. de quæstione: *Num actus dentur per se honesti aut turpes?* Wernsdorff. in disputat. de absolutismo morali eoque Theol. p. 17. Hochstetter in Colleg. Pufendorffii exerc. 2. §. 7. exercit. 4. §. 15. Joh. Jacob Müller in institut. ethic. P. I. c. 2. §. 10. Förtisch in nucl. controuv. nob. P. I. disp. 6. §. 14. p. 169. Leibniti, & Wolffius. Valde dubito an ullus veterum Theologorum illustrium arbitriam moralitatem adoptaverit? vid. annotat. Wolffii ad consilium Budd p. 33. Reprehendit quidem eruditissimus Vir in respons. ad annotat. p. 32. hoc effatum de Theologis veteribus; Respondet vero Wolff, in der Zugab &c. p. 98.



(k) De Scholasticorum usu ill. Leibnitiſ Recueil. T. II. p. 137. ita judicat : Les Peres de l'Eglise ont rejetté ce qu'il avoit de mauvais dans la Philosophie des Grecs ; Mais les Scholastiques ont tâché d'employer uiliment pour le Christianisme , ce qu'il y avoit de passable dans la Philosophie des Payens. J'ai dit souvent, *aurum latere in stercore illo Scholastica barbariei* ; Et je souhaiterois qu'on pût trouver quelque habile homme versé dans cette Philosophie Hibernoise ou Espagnole , qui eût de l'inclination & de la capacité pour en tirer le bon, &c.

## §. 7.

Per moralitatem objectivam non omnes intelligere , quod intelligi debet, certissimum est. *Definitio hujus moralitatis.* Hinc illæ dissensiones , hinc tot variantium sententiarum pugnæ. Si ipsius moralitatis nominatæ distinctam animo volverent ideam Pufendorfiani , & qui moralitatem tuentur arbitrariam , fieri non posset , ut cæteris contradicerent. Videre propterea licet omnes arbitrariæ justitiæ Patronos aut aliter sibi objectivam moralitatem , quam impugnant , concipientes , aut mirantes , id à suis adversariis inculcari , quod ipsi non negent. Id non potest non esse argumento , quod genuina impugnatæ sententiæ notione destituantur. *Per moralitatem objectivam intelligitur apud omnes ratio divina legis , ex ipsa objecti , circa quod leges divine versantur , indole petita.* Hinc adpellatur objectiva moralitas , quia ratio ejus non est in subjecto præcipiente tantum , in sola ejus voluntate , sed in objecto , de quo præcipitur. Hinc adpellatur honestas & turpitude , quæ per se talis sit , *metonymice* , ponitur enim vox honestatis , quæ alias esse.

effectum designat, pro causa, seu potius pro ratione honestatis. Quæ ratio, sicut immutabilis nec à sola DEI voluntate pendula est: ita honestas salutatur etiam per se talis, intrinseca, & fundamentalis. (l) Haud scio an hoc sensu vel ipsi Pufendorffiani, qui tantopere Scholastica dogmata sentientes exsibilant, moralitatem objectivam audeant improbare? (m) Quis enim neget habuisse DEUM hoc vel illud præcipiendi per legem naturæ, rationem?

(l) Ne dicas, quæso, nos aliter jam declarare moralitatis objectivæ ideam, quàm Scholasticos, si hoc sensu Veteres eam accepissent, nunquam Pufendorffium ejusque Affectus adversus eam pugnatores fuisse. Erras, si credis alio sensu à quoquam unquam moralitatem isthanc intellectam fuisse. Barbaras quidem in ea describenda voces adhibuerunt, vera autem vocum sententia, si examinetur adeuratiùs, cum nostra definitione adeuratissimè consentiet. Lege v. g. Hochstetterum in Colleg. Pufendorff. Exercit. II. §. 7. invenies ita differentem: *Theologi puriores* NB pro certo habuerunt, esse quadam per se citra omnem impositionem honesta ac turpia, Deumque talia legem naturæ præcipisse, non quod ipsi ita placuerit, sed quod per se bona vel mala cognoverit: Ecce! provocat ad rationem legis ab obiecto desumptam. Ipsa ratio igitur legis naturalis est illa honestas voluntatem DEI antecedens. Allegat Vir pie doctus Leibnitium ita philosphantem: *Ut proportionum & æqualitatum: ita & æquitatis & convenientiæ regula æternis rationibus constant.* Vides igitur honestatem per se talem explicari per rationes æternas, quibus DEUS impulsus legem naturæ tulit. Nisi quilibet Scholastici sint ita quoque explicandi, causa cecidero omni. Explicatam aliquot, si temporis id permitteret angustia.

(m) Gavisus fui, postquam cognoscerem, Excellentissimum Dn. Buddeum, eo ipso scripto, quo mirifice

Wolf.

Wolffii moralitatem objectivam impugnat, concedere definitionem moralitatis objectivæ, quamquam definitum rejiciat. Largitur enim, semper posse allegari rationem naturalem, cur DEUS in lege naturali hoc aut illud vetuerit, præceperitque? in der bescheidenen Antwort auff des Wolffs Anmerkungen: Man distinguirt, inquit, eben deswegen die natürliche Gesetze von den willkührlichen / daß jene ihren Grund in der Natur haben / und man also eine natürliche Ursach angeben könne / warum GOtt diß oder jenes verbotten oder befohlen? p. 34-5-8. Atqui ecclebeirime Vir! si hoc concedis, concedis adversario omnia. *Hoc volumus*, habuisse DEUM hoc vel illud præcipiendi in lege naturali gravissimam rationem, eandemque rationem fuisse æternam, immutabilem salvâ DEI sanctitate, neque pendulam ab arbitrio, seu æquipollenter indifferenti voluntate divina. Hanc rationem legis vocamus honestatem fundamentalem, quia est legis fundamentum, adpellamus objectivam, quia petitur ab objecto, circa quod lex versatur. An inficiari quisquam audeat, hanc fuisse mentem Scholasticorum? Jam autem si hoc verum est, & Atheus perspicax has rationes à socialitate aliisque objecti circumstantiis deprontas pervidere, iisque ad recte agendum impelli potest, etiamsi DEUM, cujus legislatoria voluntas accedat, negaverit. Ratio itaque legis vocatur à Wolffio Lex naturæ, generali sensu, quatenus regulam subministrat ex natura objecti haustam ad actiones liberas dirigendas. Fit autem lex stricte dicta, quæ superiorem arguit, quando voluntas DEI legislatoria supervenit. Quoties adversarios invito conatu adgredimur, quorum voces non edurum, sed nostro sensu intelligimus!

## §. 8.

Evolutâ moralitatis objectivæ idea, pronum *Probatur*  
erit eam firmare argumentis quælibet dubia supe- *moralitas*  
rantibus. (n) Aut DEUS rationem habuit præci- *isthac.*  
piendi ea quæ lege naturali cauta sunt, aut non ha-  
buit.

buit. Postremum si dixeris, peccas primo in axioma generale sufficientis rationis, secundò blasphemix v. g. turpitudine à sola DEI voluntate spre-tà ratione discernentis penderet, posset itaque ejusdem voluntatis alio decreto, tam honesta præstari blasphemia, quàm nunc turpis est: Primum vero si placeat, ut *cum ratione dixeris DEUM præcipere, quæ continentur lege naturali*: Quæro: num rationem præcipiendi admittas *objectivam, an subjectivam*. Si prior arrideat, præsto est, ex definitione paulo ante data, objectiva moralitas: Sin autem *subjectiva* præcipiendi ratio se tibi commendet, quænam alia erit, quam voluntas DEI vel sola, vel quæ sancta. De sola voluntate, eadem quæstio recurrit, utrum præcipiat cum aut sine ratione, & id quidem sine fine: Ad voluntatem sanctam vero, si cum Pufendorffio in angustias redacto, temet contuleris, causa cecidisti. Sancta enim voluntas non potest non arguere rationes ferendæ legis objectivas i. e. moralitatem objectivam. Sanctitas voluntatis est *ea DEI virtus, quæ nonnisi bonum vult, & nonnisi malum verè tale aver-satur*. Roganti ergo, *cur hæc lex naturalis, de nemine ledendo, lata sit?* respondendum: quia DEI voluntas sancta, i. e. quia nonnisi bonum vere tale vult, & contrarium derestatur, erit igitur actio præcepta per se bona, conveniens, rationem complexa in se, cur sanctitas voluntatem impulerit, ut præciperetur potius, quàm prohiberetur.

(n) Præsentis ratiocinio in compendium misi potissimum causæ præsidium, quod Pufendorffii Antagonistæ urserunt. Inter quos fuerunt Josua Schvvarzjus, Nic. Becmannus, Joh. Ad. Scherzerus, Valentinus Velthe-mus,

mius, Valentinus Alberti, Joh. Joachim Zenzgrav. Samuel Strimelius, Fridericus Gelenius. Vid *Vitam & famam, sataque litteraria Pufendoriana, quæ tum germanica versione Menzambani Lipsia prodierunt an. 1710.* Addatur Thomafius in paulo pleniori *hystoria Juris naturalis.* cap. 6. §. 14. seqq. qui tamen moralitatem objectivam in Fundamentis Juris Nat. & Gent. pristino honori restituit L. 1. c. V. §. 50. seq. p. 156. & adoptavit. Contra legatur Pufendorf. in specim. contro. c. 5. Budd. in institut. Theol. moral. L. II. c. 2. §. 29. not. Thomaf. in Jurispr. div. L. I. c. 2. §. 74. seqq. Buddus in Philos. pract. P. II. c. 2. §. 39. Syrbius in der ausführlichen Abfertigung derer unbefugten Beschuldigungen Confer. Gottlieb Etolle in der Historie der Gelahrtheit P. III. c. 2.

## §. 9.

His præstructis non alienum erit, indicare, quibuscum gravibus Theologiæ doctrinis moralitas objectiva copuletur. Primo quidem dum agnovere Theologi non infimæ notæ, quod sine moralitate objectiva discrimini exponatur necessitas satisfactionis Christi. (o) De qua re mentionem feci Cap. 8. §. 10. Quodsi enim, non dico, à voluntate DEI, sed à sola voluntate DEI pender, ut malum quid sit morale, aut vero bonum; eadem profecto facilitate, quâ DEUS, hoc ut malum esset, statuit, poterit etiam statuere, ut ejus culpa auferatur, eoque præstare, ut satisfactione tam cruentâ opus non sit. Quemadmodum enim Rex, sine fundamento in re ipsa, præcipiens, ut aliquid vitetur, subsecutò non solum Principis filii, sed & cujusvis Clientis peccatò, pœnam libere decretam tollere, atque ita delinquentem periculò liberare potest: ita etiam DEUS

Nexus doctrinæ  
cum articulo fidei.

honestatem, quæ à sola sua voluntate penderet, In-  
cet à rebus creatis violatam condonare, eoque ipsa  
voluntate, quâ statuisset, irritam, & pœnâ va-  
cuam declarare potuisset. Quod quantopere pu-  
riori Theologiæ adversetur, dici vix potest.

(o) Ita de hoc argumento differit Hochstetterus pie  
eruditus in Colleg. Exercitat. l. §. 18. p. 31. 32.  
33. Est moralitas objectiva, fundamentum finis pœ-  
narum interni, qui est satisfactio iustitiæ, compen-  
satorius scil. & expiatorius. Quem qui impenitentem ha-  
bent, & profundiora Theologia, quantamque à Filio  
DEI satisfactioem exegerit, non expendunt, mo-  
ralem disciplinam, habitu solum ad vitam civilem  
respectu, non in abstractione aut generaliore habitu  
excolunt: eos non miramur, heic dissentire, vel  
communiori via insistere. Caterum non altercandi  
libidine hac traduntur, neque Scholastica sunt,  
nisi omnia, quacunque res & distinctos earum conce-  
ptus curatius secernunt, invidiosè hodie nomine velis  
traducere. Certe Jesuitarum probabilissimum vehemen-  
ter evortit gravis hac solidaque illatio. Adde Wolf-  
ium in der nöthigen Zugab zu den Anmerkungen  
über Herrn Buddai Bedenken p. 90.

### §. 10.

*Alia con-  
nexio.*

Est & aliud Theologiæ incommodum longe  
maximum, quod negatâ hâc veritate existit. Po-  
tissima obedientiæ DEO debitæ præstantia in eo  
vertitur, ut spiritu ducti spontaneo filiorum  
amore Creatorem & Servatorem prosequamur,  
haudquaquam vero servili metu impulsu ei obtem-  
peremus. Timor filialis est, quum omittimus  
mala & bona colimus ob amorem Præcipientis,  
quem novimus gravissima ratione & commodi  
nostri causa commotum hoc aut illud mandasse.

Metus

Metus autem servilis est is, quò mala declinamus, facimusque bona propter metum pœnæ, quæ transgressori statuta est, ita quidem ut subinde clandestino legis tantâ sanctione pœnali munitæ odiò flagremus. Illic in metu filiorum constituti amamus præceptum, ac toto corde paremus, quia cum ratione intrinseca, etiamsi à pœna discederemus, conjunctum esse intelligimus: Hic vero in metu servili odimus clam legem, externo tantum opere parentes, ne in pœnæ incurramus discrimen. Non perspicimus enim aliam legis rationem, quam nudam Domini voluntatem, quæ rem nobis ingrattam, sine causa interna obsequii jucunditatem pariente, inculcare solebat. (p) Moralitas objectiva est, ut indicavi, quæ à DEO præcipitur cum summa ratione ex objecto legis depromta: Arbitraria vero moralitas, quam inculcat DEUS saltim propterea, quia vult, ita ut si quæras, quare v. g. *nemo sit ex lege natura ledendus?* nulla alia possit allegari ratio, quam quia DEUS ita voluit. Non potest igitur non illa objectiva spiritum parere spontaneum, metumque generare filialem, perspectâ ratione, quam DEUS, ceu Pater, nostri boni causa ex ipso objecto desumpsit, ut hoc præciperet: Ex adverso Moralitas arbitraria, quæ fugienda & facienda saltim ideo inculcat, quia Deus vult, & nulla ratione movet, nisi pœnarum representatione, non potest non metus servilis esse secunda mater.

(p) Vid. de Timore servili & filiali Wolff. Moral. c. 1. p. 462. §. 694. seqq. add. Budd. Theol. Moral. c. 1. §. 22. p. 13. Bonetæ de animi & corpor. passion. P. I. §. 15. P. II. §. 30. seq. Wetsensfeld, in Ethol. practic. 2. c. 20. §. 10.

## §. II.

Alia com-  
pexio.

Nec in eo subsistit arbitrariæ moralitatis pestilentissima feracitas, sed & ulterius gangræna serpit, reclusâ absolutorum DEI decretorum janua. Qui in uno decreto quidquam potest statuere absque ratione objectiva, & v. g. præcipere, saltem quia vult, ut hoc illudve inferiores faciant atque omittant, is & in aliis decretis sine ratione objectiva à conditione rei decretæ petita pro arbitrio disponere omnia poterit. Quemadmodum igitur DEUS absoluto decreto à conditione objecti plane non pendulo voluit, ut jam alterum bonum sanctumque foret, alterum vero nefas, & malum: sic eodem decreto ad objecti conditionem plane non respiciente, hunc pœnis æternis destinare, alterum cœlestibus gaudiis consecrare quiter, nulla ratione objecti habitâ, de quo statuitur. Cur unum decretum absolutum foret, nec tamen alterum? Cur sine ratione objectiva DEUS posset pro lubitu *malum culpæ*, quale esse debeat, statuere, nec tamen etiam sine ratione objectiva infligere *malum pœnæ*? Sunt enim hæc valde cognata; quæ unius conditio est, talem esse & alteram oportet. Nec intelligitur, cur alterum ab altero possit sejungi, nisi manifestò hypothesi inservire, ac nonnulla quidem decreta conditione objecti formata, cætera vero absoluta contendere velis.

## §. 12.

Occupatio  
objectio-  
num.

Non moramur itaque, quæ Viri eruditi Leibnitio objiciunt (q) *Ecquis Auctor*, inquit non-nemo, *determinans qualitates morales justis & injustis aliis, quam DEUS omnipotens, qui, licet ab æterno*



aterno ita determinavit, pro causa tamen determinationis istius utique habendus, nisi causam DEO priorem statuere velimus - - - Alia questio est, an ista determinatio inverso modo potuerit fieri à DEO, justum pro injusto haberi, quam nullibi Pufendorsius affirmavit, licet petulantiam esse dicat de potentia DEI in hac causa otiose disputare. Hic sedet ulcus, hoc fuisset sanandum. Quicquid à DEI voluntate pendet sola, potest & aliter determinari, quia voluntas est libera facultas faciendi hoc & illud &c. Qua quæso ista consequentia: Origo moralitatis ex determinatione DEI est, qui futuras hominum actiones ex suo arbitrio determinavit, & quæ justæ, quæ injustæ esse debeant, secum constituit: E. DEO liberum fuit ex justo injustum, & ex injusto justum efficere. Cur hæc non legitima foret consequentia? Si determinatio libera fuit, potuit & aliter fieri, eoque justum declarare injustum, liberum enim est, quod fieri potest hoc, & illò modo. Sed cur solo determinationis vocabulò uteris? Cur non addis, liberamne intelligas an necessariam determinationem DEI? Nôsti omnino objectivæ moralitatis Patronos cum Leibnitio non inficiari, quod justum & injustum DEUS determinaverit, credere eos tantum, factum & esse necessariò, ne se seipsum abnegaret. Scilicet id agis, ut glaucoma lectoribus objicias, ne intelligant, in quo vertatur litis cardo, eò consilium spectat tuum, ut lector suspicetur, statuere Leibnitium veritates à DEO non pendentes. Absit autem id quàm longissime! A DEO determinantur omnia, sed quædam necessario per principium contradictionis, quædam libere, per principium sufficientis rationis.

- (9) Vid. Responſion. Weber. ad Leibn. Epistolam, quæ exat in Büchersaal T. I. p. 836. & quam ſeparatam ſubjunxit Editioni Puſend. libri de offic. Hom. & Civ. p. 28.

## §. 13.

Continua-  
tio.

Ut res, pergit Vir doctus, evadat manifestior, do-  
instantiam. DEUS, dum solare, i. e. lucidum & cali-  
dum corpus ex arbitrio libero producere voluit, sine du-  
bio ipsi hæc qualitates physicas assignavit, & determi-  
natione sua attribuit, antequam reapse existerent.  
Jam quæro an inde sequatur, DEUM, posita ista li-  
bera determinatione lucis & caloris, potuisse corpus  
solare quoddam opacum & frigidum creare? Id nui-  
nemo largitur, ita sane injuriam faciunt Puſendor-  
fio, qui talibus consequentiis suspectas reddere conantur  
ejus doctrinas. (r) Multa in hoc discursu vel am-  
bigua, vel à vero aliena. N. scio, quæ mens sit  
excellentissimi Viri, quum dicit, DEUM libero  
arbitrio Soli, antequam existeret, qualitates caloris  
& lucis assignasse. An id ita intelligendum?  
DEUM præstitisse possibilitatem alicujus cor-  
poris lucidi & calidi antequam existeret? Profecto, si  
id innuit, Patronus est essentiarum arbitrarium  
cum Poireto, atque cum imitando distinguere  
debet possibile anteideale, & possideale, ut assermet,  
etiam ipsum possibile hujus generis à libera DEI  
idea pendere quod est absurdum. (s) Res enim  
non est his aut illis qualitatibus possibilis, quia  
DEUS ita libere vult h. m. possibilem, sed quia  
non involvit contradictionem: Aut vero signifi-  
cat Vir celebris, qualitates physicas caloris &  
lucis fuisse jam ante decretum DEI possibles, hoc  
autem

autem pertinuisse tantum ad earum, quum nondum existerent, ut barbare loquar, *futureitionem*, tum profecto necessarias admittit essentias, adeoque etiam *morales essentias justæ & honestæ necessarias*, haudquaquam verò arbitrias concedere debet, (r) id ipsum est, quod volumus. Liberum igitur DEI arbitrium in condendo corpore lucido & calido pertinet modo ad *existentiam* ejus, non ad *possibilitatem*, errat, si credit, penes voluntatem DEI liberam steterisse, quasunque qualitates soli assignare, *antequam existeret*. Si enim alias assignasset, non creavisset solem, sed aliud quiddam, quod pro sole haberi non potuisset. Observo *οἱ ἐν παροῳ*, Adversarios objectivæ moralitatis non posse ad argumenta sibi obversa respondere, nisi vel aperte cum Poireto faciant, dicentes, DEUM rebus antequam existerent liberrime qualitates certas assignasse, & hoc vel illo modo possibiles reddidisse; (quod Weberus concessisse videtur) vel sibi contradicant, nam si non datur libera qualitatum, antequam res existant, assignatio, si quod sol fieri debet, fatente Webero, non potest condi corpus opacum & frigidum: tum sane res ante decretum possibiles sunt, nec ab arbitrio libero, quæ possibiles, pendent, quò ipsò victas nobis præbent manus.

(r) Verba sunt Weberi in responsione ad Epistol. Leibnitii citat. p. 28.

(s) Weberi Responsio aut arguit cum Poireto omnium rerum essentias arbitrias aut nihil contra Leibnitium præsidii in ea habetur, DEUS non potest solem aliter condere quam quidem possibilis est, ante decretum; ergo nec alias leges ferre quam quæ æternâ rerum convenientiâ comprehenduntur. Semper igitur justum

seu conveniens quiddam, & possibile, decretum DEI & Creatoris & Legislatoris antecedat. Vid. de arbitriis essentis Poret, in cogitat. ration. p. 395. L. III. cap. 10. § 5. Ubi ait ipsas veritates posse à DEO pro lubitu mutari, aliò atque aliò statui modò, quò nihil ineptius excogitatum est unquam.

(f) Vid. Hochstetter in Colleg. Pusend. Exerc. II. §. 7. not (a). Qui veritates morales à DEI solo arbitrio derivat, eum oportet inde arcescere omnes veritates in universum. Morales enim sunt cæterarum species.

## §. 14.

*Solventur  
alia dubia*

Alius quidam Vir & eruditionis & meritum in orbem litteratum gloriâ florens his contra doctrinam præsentem ratiociniis utitur. (u) *Agessis, quare ex Scholastica sententibus, cur auloxupia sit prohibita? Si responderint, quia sit turpis per se, difficultates orientur insuperabiles: Non poterunt explicare quomodo per se turpis sit? Etiam si enim ad actionis consuetudinem provocaverint; tamen eis probandum erit, vitam esse bonum, hominemque ad eam tuendam obstrictum; Atqui hic est offensionum lapis: Neque enim obligatio ulli nisi ex lege oriri potest. Talia, quæ à Viro perspicaci & judicioso proficiuntur, satis mirari non poteram. Non sentio Scholastica nisi quæ vera fuerint, Vir summe! sitamen ex me quæres, cur auloxupia per se sit turpis? rogarem etiam Te, num Tu in probanda isthac turpitudine ex lege naturali, ad solam DEI voluntatem provocare instituas? sin quæstionem affirmes, tota juris disciplina frustranea, nihilque necessarium est, quam ut theses præceptorum hujus juris tradamus, subjungendo, ita velle, jubere,*

*man-*

*mandare* DEUM. Sed quæso unde nôsti hoc velle, jubere &c. DEUM ? Annon rationes allegandæ sunt ex ipsa objecti, de quo quæritur, indole & natura? Atqui illæ rationes homicidio v. g. ejusque circumstantiis intrinsecæ turpitudinem ejus *objectivam* ostendunt, ex qua demum de voluntate DEI prohibitoria judicari potest. Adverte igitur animum, si placet! *Nisi detur objectiva moralitas, totum jus natura corruet.* Unde nôsti enim hoc esse juris naturæ præceptum? Annon ex rationibus ex ipsa actionum indole & circumstantia petitis? Atqui has nullas, & per se indifferentes ais, à voluntate DEI si discefferimus: Quomodo ergo vis cognoscere DEI voluntatem in jure naturæ declaratam, cum objecti ipsius convenientiam & disconvenientiam i. e. turpitudinem & honestatem objectivam neges? Respondeo igitur directè. Eo argumento ego in *ἀντοξείας* turpitudinem per se radicatam probo, quò tu voluntatem DEI probare, & interdictam à DEO hanc actionem demonstrare in animum induxeris tuum. Nimirum voluntatem DEI investigas, ut inquiras, an actio, de qua statuendum, per se habeat quid voluntate DEI indignum. Si quid habet, tum judicas *eam à DEO prohibitam*, si nil tale complectitur, recte inferis, *ergo est licita*, vel siquid in ea DEI voluntate dignum sit, *præcepta*. Illam internam vero actionis sive dignitatem, sive indignitatem vocamus jure objectivam turpitudinem vel honestatem, imo existimo, nullum unquam scholasticum, licet sæpe multi obscure locuti sint, aliter sensisse, quàm ita. Quodsi ergo veritatis vim

**P**ersentifcas, & hanc objectivam moralitatem te omnino non negasse cauferis; indicio id est, quod vel non recte perspexeris adversariorum mentem, vel orta hujus explicationis luce ad Te redire cœperis, veritatem, quam rejeceras, agnoscendo.

(u) Vid. Walchium in Philof. Lexic. p. 1830. sub Tit. *Moralitas*.

### §. 15.

*Strictim  
responde-  
tur ad cœ-  
tera.*

Quæ subjiciuntur de obligatione semper & nonnisi ex lege profecta, ea vera sunt de obligatione externa, non de ea, quæ objecto interna est. (x) qualis à recentioribus definitur *per connexionem motiui cum actione*, (y) sic & cætera, quæ Vir celebris (z) objecit soluta sunt facilia. Qui ante oculos habuerit explicationem nostram supra traditam, ei non amplius obscuræ erunt voces in hac doctrina adhibitæ: *Antecedenter & consequenter ad voluntatem DEI*. Quibus tamen & abstinere possumus si aures offendantur. *Peccatum quidem à Johanne àuouia vocatur* 1. Joh. 3. v. 4. nec tamen inde consequitur, moralitatem omnem *sola*, ut Auctor concludit, lege contineri. Quis enim non videt Apostolum loqui de moralitate formata, non objectiva, quæ formatae fundamentum est & ratio.

(x) De interna obligatione Thomafius in Fund. Jur. N. & Gent. L. I. c. 4. §. 61. p. 135. *Obligatio inquit, duplex est, alia interna, quæ oritur ex conscientia periculi (incommodi) naturalis vel externa quæ oritur ex spe & metu ab arbitrio pendens superiorum.*

(y) Vid. hanc obligationis internæ definit, apud Wolff. in Moral. C. 1. p. 8. §. 3.

(z) Sunt hæc argumenta Dn. Walchii in Lexico Philof. p. 1830. 1831.

### §. 16.

## §. 16.

In definitione modo dictæ obligationis à Vi-  
ro longe modestissimo pariter ac doctissimo defi-  
derata sunt complura. (aa) Ait Vir laudatissimus,  
*a definitione obligationis*, quâ per connexionem  
actionis cum gravi motivo describitur, *abesse ido-*  
*am DEI*, superioris, *qua abesse non possit*. Recte  
id affirmat de obligatione externa & per legem  
formata, non de obligatione interna, & ex actionis  
suscepiendæ indole petita. Hanc licebit vocare  
obligationem, nam definitiones nominales  
sunt arbitrariæ. (bb) Persequitur suum discursum  
Vir idem præstantissimus. *Insignem hac definitio*  
*confusionem invehit*, & officia quævis, cû admissa in  
pristinum chaos recidunt: *Quum enim ubivis ratio-*  
*nes moventes in promptu sunt*, distinguere nullo modo  
possumus, *qua actionum physicarum, qua moralium*  
*sit discrepantia*, *qua officia perfecta sint obligationis,*  
*qua imperfecta*, *quid prudentia sit officium, quid ju-*  
*stia*? Fateor me aliter sentire. Ut motiva variant,  
sic diversa sunt & manent actionum genera. Stat  
igitur incolumis omnium officiorum discrepantia.  
Ubi ratio aliquid suscepiendi non fuerit tantum  
convenientia actionis ipsa, sed & Voluntas Su-  
perioris, perfectæ obligationis oritur officium, si  
sola sit convenientia, non accedente motivô à le-  
ge ulla petito: manet officium imperfectæ obli-  
gationis. Vides igitur officiorum discrimen non  
tolli admissâ definitione, quæ generalis est, nec  
differentias motivorum, eoque & actionum ex-  
cludit. Forsan animum subit, *in solo juris natu-*  
*ralis foro versantibus non suppetere adminiculum ex*  
*solis*

*Vindicatur definitio obligationis.*

solis actionum motivis dijudicandi officia perfecta & imperfecta, tum enim & hac de ipsa Legislatoris voluntate queri, utrum praeſto ſit, & actionis motivum praeſtere queat, nec ne? atque adeo nesciri, sine officium perfecta seu imperfecta obligationis, prudentia vel justitia munus? Sed salva res est. Nam & ubi voluntatum DEI in lege naturae declaratae demum investigamus, ex motivorum varietate elucet, quae sit Numinis voluntas in anteponendis aut postponendis his illisve officiis? Quaedam enim ut faciamus omittamusve, suadet necessaria rerum convenientia, sine qua summa confusio oriretur, ut v.g. *neminem laede, pacta servato*, Tanta quum convenientiae necessitas motivum agendi aut omittendi quid, subministrat, recte colligimus, actionem esse justitiae, non prudentiae munus: Ex adverso si cognoverimus, actionis suscipiendae non dari motivum nisi utilitatem & commoditatem: sine periculo decidimus, esse eam prudentiae munus, illic veneramus voluntatem DEI legislatorem ut Regis, hic voluntatem suam ut Patris. Quomodo igitur officiorum potest enasci confusio? quomodo motivis mirifice variantibus, officia invariata in pristinum reciderent chaos? Deinde recurrunt h. l. omnia quae §. 14. inculcata sunt. Annon, antequam de voluntate DEI in lege naturali erudimur, omnes unanimi consensu ex actionum circumstantiis ratiocinantur, quae sit circa eas DEI voluntas, quas perfecte debuiſſe habere deceat, quas imperfecte debuiſſe? Atqui ex eodem circumſtantiarum actionis fonte motiva petuntur: Quodſi ergo ordinariae definitionis Promachi officia varia obligationis



nis distinguere possunt, poterunt id & facere huius definitionis Patroni. Defini, si placet, obligationem scholasticis, iisdemque metaphoricis vocibus, quas aliâ vice detestari soles, *per qualitatem passivam, quâ quis prestare quid aut agere tenetur, per vinculum morale &c.* Si quæstio incideret: *Sisne ad hanc præcise actionem hic & nunc obligatus ex lege naturali, nec ne?* An præsidium quæris in definitione tua, annon cum recentioribus ex actionum circumstantiis judicas, justane sit an turpis? atqui hoc est obligationem investigare ex motivis, quippe quæ circumstantiis continentur. Ostendit nostra definitio originem obligationis legis naturalis, estque genetica, ob quam causam summopere laudanda venit. *Nemo enim sine actionum motivis cognoverit, num ad ullam actionem obligatus sit nec ne?* utrum Legislator DEUS actionem præceperit nec ne? si vel centies obligationem urferis, non potes de ea certus fieri, nisi per motiva actionum ex circumstantiis desumenda.

(aa) Vid. Doctiss. Treuer in not. ad Pufendorf, lib. de off. H. & Civ. p. 33, 54. seq.

(bb) Vid. Wolff. in annotat. ad Dn. Buddxi consilium p. 35. not. (y)

### §. 17.

Reliqua à Viro æquissimo, qui Atheismi culpam impugnata à semet sententiæ auctori impingere nolebat, obversa facile solvuntur. Dicit: *si omnia metiamur motivis, cum vix ulla actio excogitari queat, cuius non detur ratio determinans, ne quidem illa, quæ dicuntur indifferentes, v. c. ut dex-*

*Diluantur  
alia.*

*trum*

Num den-  
tur actio-  
nes indiffe-  
rentes,

trum pedem prius moveam, omnes involuturas ob-  
ligationem, nullam ergo datum iri actionem indiffe-  
rentem, sed non fugit excellentissimum Virum  
hæc à recentioribus omnino concedi, imo urgeri.

(ad) Non ergo absurdum est eorum sententia,  
quod exprobratur. Omnia jure naturali deter-  
minata sunt, sed non omnia imputantur ob igno-  
rantiam motivorum & circumstantiarum incredi-  
bilem. Hinc prius dextrum movere pedem vel  
& sinistrum *saltem ex ratione decori* actio morali-  
tatis capax est. Integra societas seu exercitus cum  
corpore humano contenditur 1. Cor. 12- Qui so-  
cietati præest rex, in curandis Reipublicæ nego-  
tiis capitalibus, non potest animum advertere ad  
specialissimas infimorum civium familiares actiones,  
cum summa enim rei & publica Univerſi cura com-  
paratæ evanescent in attentione Principis, ut *infinite*  
*parva in calculo infinitesimali*: (ee) Nemo ta-  
men dixerit illas civium actiones moralitatis in  
foro saltem divino non capaces esse, respectu mem-  
brorum Civitatis, si non respectu Capitis i.e. Re-  
gis. At similis est ratio corporis humani, actio-  
nes membrorum minutissimas Rector corporis ani-  
mus moderari omnes non potest, nec tantopere  
attentionem dividere, ne minuat in actionum  
gravissimarum summa: Interim licet eæ minutæ  
animo non impurentur, parvitas tamen, tantum  
abest, ut moralitatis capacitati eas subtrahat, vel  
determinationem moralem impediat, quantum  
abest ut familiarissimæ infimi ex Civili corpore  
membri actiones non determinatæ, aut incapaces  
moralitatis sint. Quo specialius descendit Prin-  
cipis prudentia sine detrimento negotiorum pu-  
blico-

blicorum, ad specialissima civium facta, eo præstantior est. Quousque se cæteris paribus demittere potest, eo demitti oportet. Si ad omnia specialissima non descendit Regis prudentia, id ex eo fit, vel quoniam omnia pervidere non potest rerum agendarum. singularium motiva, vel quia quidem intelligit, majora tamen & graviora excellentius quiddam agendi motiva habet, minoribus anteponenda, id est, majorem obligationem minori hîc & nunc concurrenti præferendam: Minime autem propterea ad minutissima & specialissima Civium facta non exporrigitur sapiens Regis imperium, quoniam conduceret civitati *absolute loquendo*, ut minus determinata haberentur. Quis enim dubitet, eo majorem futuram civilem felicitatem, quo accuratius consentirent omnes & minutissimæ civium ac domesticæ actiones cum communi civitatis scopo? Quodsi hæc ad hominem adplicentur quippe microcosmum, perspicuum erit, quo simile tendat. Omnes actiones, etiam minutissimæ lege naturali determinatæ sunt, & *obligationis capaces*, quia habent motiva proportionem respondentia, *sed actu non obligant omnes*, vel quia motiva isthæc discerni non amplius possunt, tanquam *infinite parva*, vel quoniam discernuntur quidem, non possunt autem anteponi gravioribus motivis ad præstantius quid agendum, quæ hîc & nunc colliduntur. Sic cum in gravi pugna singulari duello cum hoste decerras, motiva decori in eleganter componendo corpore observare ob *comparativam* vilitatem in hoc certamine non potes. &c.

(cc) Est hoc alterum argumentum Treueri in notis ad Pufend. de O. H. & C. p. 54.

(dd) Vid. Wolff. in Moral. p. 17. 18 §. 27. Das Gesetz der Natur ist das allervollständigste / und hat alles entschieden in einem jeden Fall / unerachtet es bisher noch nicht vollständig ist erkannt worden. Motiva connectuntur cum actionibus minutissimis, non tamen obligant nisi cognita; sicut & in ceterorum philosophia legis obligatio actu non stringit, nisi promulgata. Crassam actionum ἀδιαφορίαν eamque atheam Pyrrhonorum discrimen omne inter turpe & honestum tollentium describit Joh. Joach. Zenzlauer. in specimen, antiquit. moral. dissertat II. Quæ ab omnibus Christianis aliena. Paulo tolerabiliorem Cynicorum ab Antisthene descendendum, qui differentiam decori & indecori auferebant, delineavit Heumann. in actis Philosoph. P. XIII. n. III. p. 899. seqq. Et ab hac Christiani abhorrent. De subtiliori autem ἀδιαφορίæ & olim & nunc disputatum est. Thomistæ indifferentes dati actiones non concedebant, nisi in abstracto, in concreto autem tales esse negabant. Contra quam distinctionem Barbeyrac. in Pufend. de Jure N. & G. L. l. c. 7. §. 5. n. 5. p. 106. nonnulla objicit. Scottistæ contra dari tales & in concreto docebant. Quæ Theologorum sit sententia constat, vid. Buddæi Theol. moral. P. II. c. 1. §. 30. Bajer in Theol. moral. P. III. c. 1. §. 11.

(ee) Vid. Wolffens Anfangs-Gründe der Mathemat. Wissenschaften T. IV p. 254. Mercket wol / daß eine unendliche kleine Gröſſe nur in Ansehung einer andern für nichts zu achten / in sich aber nicht nichts ist. Solche Bewandnuß hat es auch mit der determination der actionen.

### §. 18.

*Solvuntur  
dubia,*

*Quivis, inquit Vir doctus, poterit sibi rationes agendi vel non agendi representare, eoque seipsum obligare, quod tamen absonum est, quum quivis sua voluntate*

voluntati libere nuntium mutere queat, adeoque obligatorium foret non obligatorium. Qui motiva agendi quærit, non obligat seipsum, non enim necit ipse motiva, sed intelligendo detegit, invenit: si finxerit, ficta est obligatio. Non pendent motiva à libero arbitrio, sed ab intellectu, quæ potentia est omnium consensu necessaria, eoque nec nuntium remittere potest, quia facere nequit, ut de motivis non convictus evadat, quum convictus est homo, nisi forte animus indurescat, sed tum simile metui debet circa obligationem à superiore profectam: Forſan & alium ſibi ſuperiorem repræſentare, & pro lubitu ſe ejus obligatione exſolvere poteſt. Quidquid mihi reſponderis, tibi eſto reſponſum. Addit, *adprobata definitione etiam DEUM proprie obligatum ad plura eſſe, cum ſemper motivo ducatur optimo.* Generali ſenſu, quo obligatum eſſe, idem ſonat, ac neceſſitate morali teneri, quo minus concedatur, quid obſtat?

## §. 19.

Cur autem ſignificatum vocis obligandi mutamus, *in re tanti momenti, quæ totius moraliſ obli-* *Nova obſectio.*  
*gationis indolem pervertit? cautius eſt philoſophandum;*  
*Nec talis idea vocabulo ſubjicienda.* Eſt hæc extrema dubitatio, quâ nobis occurrirur. (ff) Pancis accipe rationem aſſignati vocabulo præſenti ſignificatûs grâviſſimam. Qui, num DEUS in lege naturali ad hoc illudve faciendum nos obliget, diſpiciunt, in quonam, amabo, verſantur toti? Annon in eo, ut ex actionum circumſtantiis indeque pendentibus motivis præceptum DEI eruant? Non provocant continuo ad voluntatem ſu-

perioris obligatoriam in probanda lege, sed ex actionis indole & motivo voluntatem obligandi dijudicant: Ergo obligationis definitio ab actionum motivis petita genetica, & prima est, quæ formalem in jussu DEI positam, tanquam superioris, antecedit. *Nostri definitio genesin rei exponit, ordinaria vero characterem rei jam genitæ.* Quanto autem definitiones geneticæ cæteris præstantiores sint, mathematici nōrunt. Quis dicat, *genesin rei explicantes malas obtrudere definitiones?* cum nihil in definitionibus illa explicatione nobilius, nihil adcommodatius sit. Quomodo probabis, *DEUM temet obligandi habere jus?* An ex voluntate obligandi quippe superioris? Petis principium, de ea enim anquiritur ipsa. Nonne provocandum est ad *motivum* beneficii summi in creando te & conservando: Quoniam igitur prima obligationis radix in *motivis* ponitur actionum, quæ & diffunditur per omnes obligationum ramos & surculos, nam & voluntas superioris *motivum* est: intelligitur, hanc generalem obligationis ideam debere cæteris obligationum speciebus præstrui. Ita *obligatio naturalis* erit, motivum ex natura actionis petitum, *formalis*, motivum ex voluntate Imperantis, *obligatio divina*, motivum ex jussu DEI depromptum, *Christiana obligatio*, motivum ex jussu Christi: *Humana* ex motivo Superiorum hominum &c. In eo præstat nostra definitio ordinariæ, quod nostra docet omnium primam investigare obligationem, cæterarum scaturiginem, quâ devincimur DEO: Ordinaria id non ostendit. Nostri latissima est, & omnes species complectitur, etiam *obligationem naturalem*,

lem, à lege naturali, quatenus cogitando Auctorem sejungimus profectam, nec non obligationem internam, quæ est consilii, quod monuit Ill. Thomasius: Ordinaria vero definitio nonnisi ad externam & formalem obligationem pertinet.

(ff) Vid Træuer in not. ad Pufendorf, de O. H. & C. p. 54. p. 55. inter alia sic impugnat definitionem. *Possumus in moralibus supersedere Deo, atque ideâ legis, & ad normam agendi nos obligantem sufficit argumentum solum utilitatis. Atheismus hanc hypothesin (nostram definitionem intelligit) toti Ethicæ substernit.* Possumus in moralibus, hæc definitione admisiâ, supersedere Dei mentione, quamdiu contra Atheos pugnamus ex eorum principiis, καὶ ἀνὰ πῶτα, concedo, Possumus supersedere Dei mentione in moralibus, in nostra ipsorum causa versantes; nego. Si vellemus contra Atheos præstruere dari honestatis normam à Deo superiore datam, peteremus principium. Igitur aliter sunt confutandi, mittimus tantisper mentionem Dei Legislatoris, quæ est in quæstione; Cumque Athei negatò Deo credant, se legis naturalis obligatione exsolutos, ostendimus, eos turpissime falli, nec lucrari negatò Deo quidquam; radicem honesti restare in ipsis objectis, à quibus motiva vitæ innocentis petenda, quod cum non possint non agnoscere, cessante Atheismi causâ, solutioris vitæ spe, cessabit ipse Atheismus. Nihil igitur Atheis cedimus, nisi quod majori lucro sumus recuperaturi. *Atheismus non potest toti Ethicæ definitionem obligationis nostram substernere.* Propriæ utilitatis intuitum substernit Ethicæ, ut Spinozæ exemplo constat, non vero actionum omnium ex motivis æstimationem. *Quantum distat hæc ab illa! Actionum ex motivis delectus complectitur omnia, officia ergo alios quorvis, ex motivo socialitatis, erga se, ex motivo conservationis, erga Deum, ex motivo divinarum perfectionum. At quantum hinc abicit propria utilitatis respectus! Non æstimat actiones ex moti-*

vis plene, qui negatò Deò præstantissima rectè vivendi motiva eludit; Ergo nec dici potest, *stante hac definitione, nos posse in moralibus DEO supersedere.* Quoties reprehendimus optima, non satis ponderata! Sirebelles crederent absentem regem mortuum, legum iuga ob eam opinionem excusluri: An, qui ostenderet, si vel maxime rex esse desisset, alia tamen gravissima leges observandi argumenta exstare, Rebellibus faveret? Num dici posset, ex ejus hypothesi, posse rebelles supersedere regis imperio? Absit! Fiat, si placet, applicatio. Quamobrem tantopere damnamus hanc definitionem? Cum ipse Pufendorfius in obligatione fundanda maxime causas i. e. motiva requirat, his verbis: *qui nullam rationem allegare novit, quare mihi invito velit impingere obligationem, præter solas vires, is terrere quidem me potest, sed metu remotò nihil obstat, quo minus meo potius, quam illius arbitrio agam.* Aut Sol non lucet ipsò meridie, aut ex his verbis patet, obligationis & juris fundamentum esse certa motiva ex rei indole petita, *quia in imperatorum consensu, vel ab eo insignibus sum beneficiis munitus.*

## §. 20.

Solvitur  
dubium  
a lege pos-  
itiva uni-  
versali pe-  
titum, &  
à particu-  
lari:

Restat unicum hætenus, quod supra expositis cum specie posset obverti: *Scilicet leges Dei positivæ aut cum ratione objectivæ à Deo lætæ sunt: aut sine ea; si prius nobis placeret, niterentur positivæ leges etiam moralitate objectivæ (sic enim hanc definivimus) eoque existit confusio legum naturalium positivarumque.* Si posterius autem nobis arrideat, discedimus ipsi à principio sufficientis rationis, quod tantò urgemus opere. Sed res est in vado. Hæbuit Deus rationem objectivam ferendi leges positivas, veruntamen, quæ à particulari gentis, cui præscriptæ fuerunt, indole desumpta, non autem à genio universalis omnium hominum societatis



tatis petita erat, quo quippe discrimine lex naturalis à positivis sejuncta est. In *positivis* condendis ratio est particularis, in naturali ferenda, ratio universalis. In illis formandis respicitur ad certum populum, tempus, locum, in quo vivit, huic autem naturali stabiliendæ subjicitur ratio, quæ intuetur universum genus humanum omni tempore, loco &c. vivens. &c. At enim lex positiva Dei universalis ad omnes homines pertinet supponet quoque rationem universalem, quæ respiciet totius generis humani indolem: Universalis effectus, (lex) universalem rationem poscit. Itaque confundetur hac lex cum jure naturali, quæ duo tamen adeo solicite, à Viris doctis nostro tempore discreta sunt. Sed pace aliorum dicam cum Thomasio in cogitationibus (gg) posterioribus, *Lex positivam universalem destitui fundamento, quæ præcipua opportunitas hujus discipline est, quâ caventur difficultates, talium legum Patronis imminentes.*

Non datur lex positiva universalis.

(gg) Vid. Observat. select. T. VI. num. 27. Præsertim vero fundamenta Juris Nat. & Gent. Cap. Proœmial. p. 9. edit. quart. §. 16. Cum genuina meditatio legis divina in genere etiam figmentum legis hujus universalis cognoscendum me ita manus duxerit, ut qui primus fui, qui idem stabilivi, etiam primus fuerim qui id destruxerit. Vid. observ. 17. §. 23. & paulo plenior. Histor. juris nat. præfat. Quantopere vero de hac lege disputatum sit, nemini non est obvium. Pro lege tant. Hochstetter Colleg. Pusend. Exerc. III. §. 19. p. 135. Weber in dissert. de legibus divinæ positionis universalibus, Grammlich. in Vindiciis harum legum &c. Genzke in Schediasm. moral. de principiis justii &c. Contra eos pugnant Thomasius, Affelæ. Veteres Theologi nihil de ea docuerunt distincte, Vulgo huc

tamen refertur Dannenhauer hod. Phænom. VI. § 2. p. 468. Ex instituto Thomasi posteriores sententias adgressus Albertus Riper. in dissert. *de lege & legibus divinis in genere, & de universalibus in specie.*

## §. 21.

*De incestu  
lineæ col-  
lateralis.*

Examinabo strictim quæ legis positivæ universalis præcepta esse dicuntur. Primo sororum & fratrum conjugia juris naturalis possunt esse interdicta, licet ratio tam gravis ex ipsa natura reddi nequiret. Incestus lineæ rectæ omnium consensu lege naturæ prohibitus est, cum tamen plures de prohibitione isthac comprobanda desperent. Maguam oportet esse fratrum & sororum libidinem, qui tam prope à communi sanguinis ortu distantes, extincto pudore conjungi cupiunt. Libido autem quin regulis honesti adversetur (*hb*) dubium relinquitur nullum. Videndum etiam est an incestus fratrum & sororum non sit universalis juris gentium, (*ii*) de quo viri docti pridem disputarunt.

(*hb*) Vid. Thomaf. Juris Nat. & G. fundam. Lib. III. c. 2. §. 6.

(*ii*) Vid. eundem cit. loc. §. 38.

## §. 22.

*De aliis  
præceptis  
legis posit.  
univers.*

Incestus cum amitis & materteris &c. lineæ ascendenti obliquæ pugnant contra eandem honestatis regulam. Velle enim cum iis coire, qui vel quæ patrum aut matrum loco habendi, non potest non libidinis æstrum prodere horrendum. Debetur quippe parentibus veneratio ejusmodi, qua conjugalit amor pellitur. Polygamiam virilem lege naturali, nulla vero positiva, interdicti

Wolf.

Wolffius demonstrat. (kk) Idem auctor matrimonii vinculum solvi nescium docet argumentis non contemnendis, ex sola quidem sana ratione. (ll) Imperium mariti in uxorem, quod etiam hactenus ex sola positiva lege probari posse putabant, idem scriptor ex jure naturali derivat. (mm)

(kk) Wolff in Moral. C. II p. 27. §. 42.

(ll) Idem cit. loc. p. 30 §. 44.

(mm) Idem cit. loc. p. 41. §. 48 seqq.

### §. 23.

Cætera præcepta majoris videntur indaginis esse, quam ut ad naturæ legem possent referri. *De arbore vetita in Paradiso.* Quid enim de arbore in Paradiso vetita dicendum? Annon Syndici vices Protoplastus agens legem illam accepit loco omnium? est ergo universalis positiva; Nolim Viri illustris (nn) adoptare respon- sionem *de spiritu terrestri in fructu arboris concentrato.* Hæc mihi videtur planior. Potest aliquis legem personalem sibi latam soli violando culpam contrahere toti cuidam societati imputandam. Fac ex pacto duarum gentium bello certantium milites binos utrinque hac electos lege, ut quisquis alterum vicerit, ejus populus etiam Victor censeatur, imputata vel victoria vel clade suis civibus. An eo casu dici posset, (oo) legem de ineundo duello fuisse latam omnibus militibus, an lex ista non est personalis? atqui imputatur tamen ejus violatio, si miles cæterorum Syndicus segnem se præbuerit, reliquis cunctis. Ergo & Adamus licet violando legem de arbore vetita reatum contraxerit nobis omnibus communem, potuit eam legem pro se accepisse solo, ut non opus sit, universalem istam

confingere. Distinguenda est in lege obligatio generalis ad obtemperandum DEO, à personali, quatenus illa ad præsentem casum adplicata fuit. Illam Protoplastus cum nostro detrimento temeravit, hæc autem specialis obligatio, circa arborem veritam non contrectandam, ad nos non pertinuit. Unde probus enim, futurum fuisse, Adamo non peccante, ut illa arbor, post absolutam obsequii explorationem, & ceteris omnibus prohiberetur? Num certo scis, non fuisse tollendam post explorationem? Atqui hæc omnia deberent esse perspecta, si præceptum istud universale fuisset. Syndico sæpe negotiorum expediundorum regulæ præscribuntur, quibus violatis damnum redundat in civitatem, quis autem dixerit, illas regulas universim ab omnibus fuisse observandas civibus?

(nn) Est hæc sententia de Spiritu terrestri in arbore delitescente Thomasi l. c. quem confutavit Hochstetter Coll. Puf. Exerc. III. §. 21. p. 141.

(oo) Similis casus fuit Goliathi duellum cum Davide 1. Sam. 17. v. 9.

### §. 24.

*Lex de  
Sabbato.*

Lex de Sabbato, i. e. celebrando die Saturni, fatentibus cunctis præceptum est ex adparatu ceremoniarum (pp) Ecclesiæ Judaicæ. Sed quatenus unus ex numero septenario dies celebrandus est, juris id positivi universalis esse arbitrantur. (qq) Sunt tamen, qui, quidquid sub lege Sabbati latet, natura notum esse contendunt, (rr) in quo turpiter falluntur. Recte vero, mea tenui sententia, ii judicant, qui juris naturalis esse docent, ut quoddam tempus DEO sacrum habeatur, temporis vero

vero designationem ex alio jure vel ceremoniali in V. T. (ss) vel Ecclesiastico universalis in N. T. derivant, à quo sine summa temeritatis nota recedere ne integris quidem Ecclesiis particularibus liceret. Fuisse enim diem Solis in Apostolica quoque Ecclesia feriatum, puto indubium; Num tamen singulari divina revelatione, aut jussu id factum, ut feriæ Sabbati Judaicæ in diem Solis transferrentur, nondum exploratum est. Itaque consuetudo universalis Ecclesiæ omnis, quæ *jus gentium Christianarum* quæ talium, constituit, demonstrata est. (u)

(pp) Ipse Paulus inter ceremonias per se cessantes in N. T. refert sabbatum Col. 2. v. 16. Rom. 14. v. 5. Gal. 4. v. 10. Præceptum de tempore non est magis positivum universale quam de loco, cui in N. T. nihil alligatum est Joh. 4. v. 21. 23. vid. Budd. Theol. moral. C. III. Sect. II. §. 35. p. 480.

(qq) Ex ordinaria sententia tres distinctæ leges in Sabbati præcepto confluerent, ut Dies præcise septimus, qui Saturni est, cum Judæis celebraretur, fuit legis ceremonialis; ut aliquis ex numero septenario haberetur sacer, esset legis universalis positivæ; Denique ut generatim tempus quoddam divino cultui destineretur, Legis est omnino naturalis. Primum concedo, extremum urgeo, hæreo autem circa secundum, vid. Hoffmanni Synops. Theol. p. 213. §. 3.

(rr) Nathan. Eathon, inquisit. de Sabbato & die Dom. qu. 2. Antonius Walæus de Sabbato cap. 5. homines lege naturali ad Sabbatum celebrandum obstrictos contendunt. Huc pertinet Isaac Athias Judæus in The-  
sibus Anno 1627. Venet. edit. Part. I. n. 157. apud Walchium in Lexic. Philos. p. 2168. Clemens Alexander. L. V. Strom. pag. 600. Euseb. L. 13. præp. evang. c. 7. p. 677. in Homero & Hesiodo vestigia septimi diei cœu sacri reperiri testantur. Mysteria nu-

meri septenarii vid. apud Gellium Noct. Attic. L. III. c. 10. Macrobi. in somn. Scip. L. I. c. V. Censorin. cap. 6. Sed hæc omnia incerta parum aut nihil probant. A Judæis enim notitia Sabbati ad gentes dimanavit, ut non mirum sit, eas simile quid passim tenuisse. Tacit. histor. L. V. cap. 4. de Judæis, *septimò, inquit, otium placuisse ferunt, quia is finem laborum tulerit.* Ex quo testimonio intelligitur famam Sabbati & inter gentes percrebuisse. Adde Justin L. 36. cap. 2. *quo septem dierum jejuniò, per deserta Arabia cum populo suo fatigatus, cum tandem venisset, septimum diem more gentis Sabbathum appellatum* Plutarchi insignem locum vid. apud Budd. Hist. Eccles. V. T. Tom I. Sect. I. §. 31. Confer. Dio Cassius Histor. Libr. 37. p. 38. nec non Martialis. L. IV. epigramm. 4. Naturalis igitur legis hoc præceptum esse ex eo non probatur, quod & gentibus notum & ex parte fuit observatum. Vid. Grot. de verit. Rel. Christ. L. I. c. 16. Huet. demonstrat. Evangel. prop. 4. p. 227. inprimis Syrbius in dissert. de Sabbato gentium. Non prætereundus Buddæus in Select. Juris nat. & gent. p. 234. Wernsdorff in dissert. de Sabbato gentium.

(ss) Eminet h. l. inprimis Joh. Heinec. Heidegger in histor. sacr. Patriarchar. P. I. exercit. III. §. 53. Limborch. in Theol. Christian. L. V. c. 27. §. 7. seqq. Francisc. Gomarus in tr. de origine Sabbati quæ investigatio cum non omnibus placeret *defensionem investigationis* edere instituit. Job. Spencerus de legibus Ebræorum ritualibus L. I. c. 4. Sect. 8. seqq. Cæterum de hac materia ex instituto commentati sunt Joh. Prideaux Joh. Coccejus, Josua le Vasseur. Thomas Brodæus &c.

(tt) Multa Apostoli instituta susceperunt propaganda deinceps per futurum tempus; quæ immediate juris divini non fuerunt. Inter Apostolos v. g. de gentibus Evangelio docendis conveniebat Gal. 2. v. 9. Dubitandum vero est, num id jussu Dei immediato factum, (adprobationem post factum nemo negat) aliter enim pacto opus non fuisset, cum obsequium Deo sine conventionem debeatur. Confer. 1. Cor. 16. v. 1. 2. Pauci sunt

sunt qui eleemosynæ erogandæ institutum singulis diebus dominicis observandum, peculiari revelatione à Deo profectum, eoque Juris universalis positi præceptum esse contendunt, licet Apostolorum jam sit commendatum memoria: Quid obstat igitur, quo minus idem de die Dominica sentiamus, quo minus fateamur, esse ejus ferias juris ecclesiastici sed universalis, à nulla unquam Ecclesia, ullo tempore violandi? Has traditiones Ecclesiæ universales inde ab Apostolorum memoria ad nos propagatas non repudiamus, ut nobis à Rom. Ecclesia falso exprobratur, sed quod & Dn. Pfaffius Tub. aliubi monuit, veneramur sanctissime, *modo universales sint*. Respondet talis ecclesiæ universalis consuetudo firmata consensu omnium, juri gentium, quatenus à jure naturæ distinctum est, de quo tot Grotius sub locò docuit. Sicut enim jus gentium in universali gentium consuetudine communi consensu roborata positum est, atque sanctissime quibusvis observandum: ita consuetudo universalis Ecclesiæ de die Dominica, præsertim cum ratione nitatur factæ eodem temporis intervallo resurrectionis Christi, formam faciemque juris induit, sed ecclesiastici universalis. Approbo verba viri docti, cujus nomen haud obscurum est: *Observatur inter Christianos dies hebdomade primus, & jam Apostolorum tempore observatus fuisse recte concluditur ex Joh. 20. v. 26. Act. 20. v. 7. 1. Cor. 16. v. 2. Apoc. 1. v. 10 Verum non ex obligatione divini præcepti, sed libera electione, attamen convenienti ratione mixta, quia illo die Dominus ex mortuis resurrexit. Hac autem libera electio non facit, ut Dies ille hodie nobis sit arbitrarius: quod enim ante electionem arbitrium fuit, electione facta obligat. Nec absolum est aliquid obligandi vim habere, quod libera omnium, qui ea obligantur, electione, vel etiam à Magistratu imponitur. Et hac ratione continua illa praxis vim legis obtinuit.* Aliter de feriis Apostolorum sentio, quæ juris sunt Eccles. particularis, neque enim Apostoli suos ipsorum celebrârunt dies.

## §. 25.

De Sab-  
bato inde  
à creatione  
Mundi.

Hæc de septimo die post eversionem Judaicam Ecclesiam dicta sufficiant, ex notis paulo præcedentibus. Sed quid de Sabbato habendum, inde à creatione mundi ad Israelitarum Ægypto exentium tempora? An etiam eâ memoriâ septimò die cultui vacabant divino? *Altissimum est ea de re silentium.* Quamvis Vir eruditissimus nullam ejus rei commemoranda rationem forsan fuisse dicat, (uu) in eo tamen meris suspicionibus indulget. Mihi igitur placet illorum decisio (xx) qui perpendunt Mosen Gen. 2. v. 2. mentionem fecisse sanctificati à Deo Sabbati *ut sui temporis homines ad originem rituum à se institutorum attentiores faciat*, causamque alleget statim historiæ initio, ob quam posthac Judæis Sabbatum præscriptum. Huic explicationi non desunt tua argumenta: Nam Sanctificatio Sabbati non incidit in diem septimum post creationem, sed post manna demissam Cælo pluviam Exod. 16. v. 22. 23. Quis probabit autem, hunc diem septimum post manna acceptum, respondere illi septimo, qui à creatione numeratur? Novi quod ad omnia, si ab hoc solo discesseris, cujus feci mentionem modo, respondeant contrariæ sententiæ Patroni, sed in ipsa responsione semper recurrunt ad hypothesin, quæ nullo argumento nititur, nisi uno oraculo Gen. 2. v. 2. de cujus ipsius explicatione agitur. Hinc ea sunt vocanda ad mentem, quæ in loco *de Scriptura interpretatione* cap. 2. dixi.

(uu) Innuo summum Virum Buddæum Theol. Moral. Cap. III. P. II. Sect II § 31. p. 478. Dicit §. 34. Ex silentio Moysi contrarium non colligi, nec consequi, quod Patriar-



*Patriarchæ Sabbathum haud celebraverint, potuisse abesse causam pregnantem, cur hoc commemoraret. Sed in ea ipsa responsione jam supponit, oraculum, de quo, qui explicandum sit? certatur, sensu suo interpretandum esse.*

(xx) Vid. Cleric. Commentar. Pentateuch. in loc. Gen. 2. v. 2. p. 16. b. Limborch. Theol. Christ. p. 478. §. 7. L. V. cap. 28. &c.

## §. 26.

Supereſt unicum adhuc præceptum, quod *Præ-* juris positivi univerſalis eſſe dicitur, de quo nunc *ptum de* diſpiciendum. Nimirum proclivitas animi mala, *concupi-* motusque peccandi, conſenſum voluntatis præcurren- *ſcentia.* tes, jure naturali non prohibentur; cum autem ſacrarum teſtimonio litterarum conſtet, eos imputari, vid. Rom. 7. v. 7. cunctis mortalibus: neceſſe eſt dari jus poſitivum univerſale. Sed argumentum nullo nexu propoſitionum utitur. Confundit enim diſcernenda. Meo tenui judicio diſtingui debet inter jus naturale ipſum, quod multo eſt perfectiſſimum, (yy) ſanctitatisque divinæ omnis complexum arguit, & inter adplicationem ejus ad has aut illas actiones, quæ aliquando ob ignorantiam quorundam datorum i. e. factorum aliquot, manca & mutila evadit. Sic & motus peccandi, voluntatis ad probationem prævolantes, juri naturæ adverſantur, agnoſcente id homine ſolo rationis uſu inſtructo, quamprimum venit in facti notitiam, quæ adplicandæ legi naturali ad hunc caſum inſervit: ſed quamdiu factum antecedens neſcit, non adplicat jus naturale ad caſum præſentem. Si monueris hominem eorum, quæ ad hiftoriam lapſus pertinent ex ſacra ſcriptura, ſc.

*ea quæ nunc involuntaria sint, fuisse olim voluntaria in Adamo nostro omnium capite morali, potuisse eum cavere, ne vel in se, vel posteris tales motus orirentur: profecto tum ex ipso lumine naturali pervidebit; has cupiditates, etiamsi animum occupent invitum & refragantem, contra jus naturale admitti, sentit igitur, se rationi rectæ adversa animo complecti. Interim, ubi facti, quod ad applicationem requiritur, notitia deest, non mirandum, motus omnium primos ad legem naturalem non referri. Aliud igitur est, esse quid contra jus naturale, aliud ob necessarij dati defectum ignorari, num id pugnet contra legem naturalem nec ne? Si quem videas ebrium, nec tamen perspectum habeas, sitne ebrietas ejus voluntaria, annon? haud judicari potest, num actio isthæc legem naturæ violaverit: cum tamen inde non consequatur, actionem istam lege naturali non determinatam, eoque necessariam esse positivam legem; ut de ea ferri sententia queat. Similis ratio est motuum peccati ante voluntatis consensum emergentium. Cum sine revelatione exploratum non habeatur, quæ origo sit illorum motuum, voluntaria, an involuntaria? quæ historia? Non discerni hæcenus potest, quo loco sint habendi, cum tamen in se lege naturali jam sint prohibiti, cujus duntaxat applicatio ad præsentem actionem impedita est, ob sæpe dictam historiæ ignorantiam lapsus.*

(yy) Ita de lege naturali sentit Wolffius Moral, p. 18. §. 27. Fac, aliquem hausto quodam philtro insanum sequioris sexus amorem petulanter contrahere, similesque etiam generare liberos, quibus de impio paren-

† tis facto nihil innotesceret? Annon hi crederent, *delirum*, quo rapiantur, amorem juri naturali haud ad-  
 versum esse, quia inde à nativitate trahat ortum,  
 cum penes neminem stet, quali modo vellet nasci? An  
 tum peculiaris lex confingenda foret, ut homines tales  
 peccati coargui possent? Neutiquam! Amor insanus  
 jam lege naturali fuit cautus, sed ob ignorantiam hi-  
 storiz parentis lex naturæ non applicatur ad præsentem  
 casum. Substituatur nunc in locum hujusmodi libero-  
 rum genus humanum, & in locum parentis Adamus,  
 plana erit similitudinis intelligentia. Quantam hæc  
 observatio utilitatem pariat in confutandis Pontificiis &  
 Arminianis, nullam cupiditatem, nisi voluntariam  
 Decalogo veritatem contendentibus? dici vix potest.  
 Putant Antagonistæ se triumphasse, quamprimum le-  
 gem *non concupiscendi* de voluntario adpetitu peccandi  
 exposuerint, insistant deinceps suæ hypothesei & inter-  
 pretationi, & omnia ex eadem argumenta solvunt:  
 sed plane non triumphant. Ex Wolffii & Leibnitii  
 enim doctrina & motus *primè primi*, quos vocant,  
 juri naturæ ipsi repugnant, quod hoc simili manife-  
 stissime ostenditur, modo quis historiam lapsus Ada-  
 mici dubium non vocet, cujus quippe notitia ad  
 applicandum jus naturæ in præsentem casum necessaria est.  
 Quam historiam adversarii, cum quibus heic nobis  
 res est, non negant, facilius propterea ex concessis  
 redarguendi. Cum tam pravi motus voluntatis con-  
 sensum antecedentes in Adamo ante lapsum exorti non  
 fuissent, & vero Protoplastus sciens & volens legem  
 violando tantam sibi & posteris corruptionem contra-  
 xerit: profecto motus illi, etiamsi nunc hoc rerum  
 statu involuntarii sint, culpa non vacabunt, quod  
 erat probandum.

## §. 27.

Pervenio nunc ad illud causæ præsidium, *Argumen-*  
 quò dari jus positivum universale negandum est. *tum con-*  
 Nulla lex, siue naturalis siue positiva, siue divina, *tra legem*  
 siue *positivam*.

sive humana ferri à prudente Magistratu solet, sine ratione *objectiva*, ex ipsa subditorum indole, natura, temperamento, civitatisque constitutione, loco, situ & tempore &c. petita. Aliæ enim si condantur leges ex rationibus *subjectivis* i. e. proprio Imperantis emolumento, mero arbitrio &c. profectæ, inhumanæ merito censentur. Quales à DEO præscribuntur nunquam. Qui igitur indolem alicujus societatis profundius intelligit, eum fugere haudquaquam potest, quales leges à Magistratu prudenti *ferenda essent*. Non dico, *quæ ferantur*, potest enim Princeps indulgere suo, vel Ministrorum genio, *sed quæ ferenda essent, si mens non levis sit*. Supremum in Cælis Numen nunquam alias leges fert, quam quæ præscribendæ sunt, ex rationibus sc. *objectivis*, quibus solis æquitas continetur, derivandas. Quemadmodum igitur leges civiles humanæ, si justæ fuerint, ex singularum civitatum natura, & indole & intelliguntur & judicantur: Ita etiam leges Dei ex objecti, circa quod versantur, natura semper erunt judicandæ. *Quod si datur Jus Dei positivum universale, aut habebit rationem in objecto, aut non habebit, si posterius dicas, declarabis Deum Despotam iniquum, solis subjectivis ductum motivis, cujus stat pro ratione voluntas, quod non potest non odium Dei, & metum servilem incutere*: Si prius autem attrideat, *respicere Deum rationes objectivas*; quoniam lex, de qua disceptamus, universalis supponitur, ratio ejus *objectiva* tam late patebit, quam hominum societas, cui data est. Itaque non in hujus aut illius populi particularis natura & detri-

indole fundata erit ratio legis, sed in universi generis humani communitate. Qui ergo societatem humanam omnem in se considerat, ejusque naturam & indolem universim investigat; is ex natura isthac perspiciet, cur lex talis lata sit, cur hoc præceptum nec illud? i. e. is versabitur circa legem naturalem, quid enim est lex naturalis, (22) quam quæ ex natura societatis humanæ universim spectata eruitur? Itaque lex ista aut nulla, aut naturalis; nititur enim ratione vel naturali, vel nulla.

(22) Obvertis forsân, posse legis universalis positivæ rationes dari ex objecto desumptas, sed nobis incognitas. Verum parum proficies. Ostendi enim legum, quas ex jure positivo universali derivas, maximam partem, ex manifestis naturæ humanæ societatisque communis necessitatibus posse probari. Quid? quod legis jam latæ, cujus argumentum & sensus constat, ad universum quendam populum pertinentis ratio semper obvia sit prudentibus gentis & ejus naturæ æstimatoribus.

## §. 28.

Turbat, credo, animum dubitatio haud levis, quam velle eximi. Si Polygamia ac reliqua, quæ hæcenus juri positivo universali adscripta fuerunt, ipsa lege naturali prohibita sunt: qui potuit fieri dispensatio? quomodo DEUS isthac obligatione Patriarchas cæterosque exsolvere potuit? *De Polygamia Patriarcharum.* *ius natura est indispensabile, nititur ipsa DEI sanctitate, quæ nunquam non sibi simillima cognoscitur.* Sæpe etiam ad hunc scopulum fui allisus. Periculum autem ideo imminabat, quod magis ex vocum sono, quam idearum intuitu fui ratioçinatus. Quid est lex naturæ? *Iussus DEI cum summa ratione conjunctus, cujus promulgatio profundiori naturæ hominum consideratione absolvitur.* Ut igitur naturæ hu-

H h

mane

manæ necessitates aliquando variant, ita quæ ratio hæcenus summa fuit hoc præcipiendi, succedente alia graviore, definit esse summa, *alia igitur ratio aliam dispensat*, manente regula generali, cum summa ratione præcipiendi i. e. lege naturali stante inconcussa. Audiamus Viri illustrii judicium. *Itaque in iis, quæ (quantum ad jus naturæ) à DEO permittuntur, aut jubentur, aliunde ipsam malitiam rationem cessare dico; Incessus inter fratres & sorores absolute malus non est, sed in liberis Adami ipsa naturali ratione permissus. (aaa) Ratio enim non minus dispensatione utitur quam DEUS.*

(aaa) Vid. Recensum librorum qui prodit Hanoveræ Jul. 1700. p. 379.

#### §. 29.

Continua-  
tio.

DEUS igitur indulgendo Patriarchis Polygamiam, extra hunc casum legi naturæ adversam, non dispensavit in jure naturali, sed sublimior & extraordinaria ratio dispensavit in ratione ordinaria, inconcussio consilio, semper cum summa ratione præcipiendi, permittendi i. e. lege naturæ immotâ. Ut Numen miracula patraturum leges motûs ordinarias non violat, sed suspendit, sapientiam suam istis ostensam non abnegat, sed sublimiori modo commonstrat: sic à præceptis morum naturalibus quosdam eximendô casus, non tam jus naturæ violat, quam ejus adplicationem hic & nunc suspendit, sanctitatemque non temeratur, sed extraordinario modo declarat. (bbb) Habuit enim DEUS gravissimas rationes Polygamiam in V. T. tantisper permittendi, quæ in novo cessantes juri naturæ ordinario vi postliminii reditum con-

conceſſerunt. Vid. Matth. 19. v. 8. Ubi ratio extraordinaria allegatur tolerati divortii, non quaſi hoc lege naturali haud improbatetur, ſed quia ſatius erat unam *inconvenientiam* permittere, quam ea impedita gravioribus præbere occaſionem. Qui igitur collifa hinc ratione ordinariâ gravi, illinc extraordinariâ graviori, hanc anteponit illi, non abnegat ſanctitatem, ſed confirmat; aliter enim ſuſaceret, foret abnegaturus, majus malum eligendo præ minori: non mutat jus naturale, ſed extra ordinem hic & nunc ſequitur legem æquitatis ſublimiorem.

(bbb) Vid. omnino Leibnit. Theod. §. 206, 207.

## CAPUT XII.

### De Lege Ceremoniali.

#### §. 1.

**E**X idea *ceremonia* generatim formata, quam *Definitio Ceremonia.* hodie viri docti ſubminiſtrantur, egregie judicari & confirmari poſſunt omnes veritates, quas Theologi hōc locō inculcant. (a) *Ceremonia eſt ſignum, quō certi inſtituti memoria animum ſubire debet.* Sic ſolemnia, quibus Regum inaugurationo ornatur in memoriam revocare debent Majeſtatem ſupremi Imperantis, ut per ritus ſplendidos in ſenſus incurrentes (b) cō fortius ſubditorum animi ad obſequia præſtanda percellantur.

(a) Non dico per Philoſophiæ præcepta demonſtrari primario theſes theologicas, ſed per eorum cum ſacris conſenſu credo fidei articulos mitiſſe corroborari. Vana enim eſt fides, quæ aperte pugnat cum reſta ratione. vid. diſſert. Prælim. Sect. I.

(b) Vid. Wolff. Moral. p. 105. §. 276.

## §. 2.

Utilitas  
ceremo-  
niarum.

Ceremoniæ igitur non omnes damnandæ sunt. Namque si quid significant, cujus memoria hîc & nunc utilis & necessaria, nec alias facile obvia fuisset; dubium nullum est quin rationi maxime sint consentaneæ. Omne cogitationes initium à sensibus capiunt, quo facto accedente phantasiâ & ratiociniorum ope mens aliis atque aliis cogitationibus afficitur. Cum igitur res nunc quidem sensibus obversæ haud excitassent memoriam ejus, quod cogitari deberet, valde consultum est adhibere ceremonias sensibus subjectas, quo necessaria cogitatio in nobis oriatur. Ex quibus intelligitur quam sapienter à Deo in V. T. ceremoniæ præscriptæ, quarum monitû Patres in Christi futuri recordationem inciderent.

## §. 3.

An ceri-  
moniæ le-  
vit ex Æ-  
gyptiorum?

Quæcunque Theses in præsentî capite Theologi tradunt, eæ omnes, quod mirum videri potest, ex hac recentiorum definitione prono alveo fluunt. *Ceremonia est signum, quò certis instituti memoria animum subire debet.* Quod si malum & superstitiosum fuerit institutum, sistitur per ceremoniam animo, si fuerit sanctum, denuo non potest non præsentē ceremonia cogitatio illius recurrere. Ægyptiorum ritus ad superstitionem & Idololatriam alendam comparatos fuisse, quis nescit? (c) Non est igitur verosimile, Deum populo Israelis eas ceremonias præscripsisse, quarum præsentia ambigua fuisset, recolendæ tam superstitionum Ægypti, quam veri Numinis cultus



rūs memoriæ idonea. (d) quod viri cætera docti nobis persuadere conabantur.

(c) Vid. Joh. Baptista Casalius in opere tripartito de profanis & sacris veteribus ritibus cujus pars prima Aegyptiorum ritus exhibet.

(d) Novi sunt Marshaam in *Canone Chronico*. Spencerus in dissert. de *Urim & Thummim* & de legibus Hebraeorum, qui omnes Judæorum Leviticæ Ceremonias ab Aegyptiis profectas esse statuebant. Judicare hinc licet, quid de nonnullis Ecclesiæ Romanæ ritibus habendum, quos à gentibus derivatos Viri eruditi observarunt. v. g. Mussardus in libro gallico, qui & germ. edius ita inscribitur: *Gründl. d. Vorstellung der vor Zeiten aus dem Heydenthum in die Kirche eingeführten Gebräuche* cum adnot. & pref. de prima orig. cerem. Eccles. Lips. 1695. Plures tamen ritus à Judæis in Ecclesiam propagati. Vid. Budd. in dissert. de ritibus Ecclesiæ Latinæ Judaicis, quæ exstat in parerg. histor. Theol. Idem sentit Augustinus Epist. 119. ad Januar. Tot, inquit, servilibus oneribus Ecclesia premitur, ut tolerabilior sit conditio Judæorum, quum, etiamsi tempus libertatis non agnoverint, legalibus tamen sarcinis, non humanis presumptionibus subjiciantur. Non improbo Tempia, altaria, nego tamen tot ab Apostolis ædificata, aut Romæ octo Tempia à Christi Discipulis condita, quod tamen scribit Ciam-pin Part. 1. de Mus. vet. cap. 18. p. 154.

#### §. 4.

Cerimonia sunt signa, quibus certi instituti memoria animum subire debet, non potuerunt igitur Vet. Testamenti ritus omni prorsus significatu esse cassi, id quod satis testantur Apostolorum scripta. v. g. Hebr. 8. v. 5. Verissima igitur est Theologorum doctrina, quâ typicam his legibus vim assignare cum Scriptura solent. Nec obstat, ritus etiam Novi Testamenti significatu gravidos, nequa-

H h 3

quam

*quam vero typicos.* Alia enim est ratio eorum in antiquo fœdere, quam quæ in novo. Si sola ceremoniis illis veteribus pietas exprimenda, & in memoriam revotanda fuisset, tum nec tanto, nec tali apparatu indiguissent, Quorsum enim sanguis taurorum, hircorum, immensa copia profusus? Annon dixi generatim ceremonias rebus adcommodandas, quas revocare in mentem debent? At quam ei scopo attingendo inepta est sanguinis pecuni profusio, quæ magis crudelitatis quam pietatis ideam excitasset, nisi altius suspiciendum fuisset, ad sanguinem suò tempore à Servatore profundendum peccatorum causâ.

## §. 5.

*Cerimonie* Cerimonie sunt signa; signa non tam vividam animo notionem offerunt, quam res signatæ. Quis non anteponat amorem sponsæ annulo ejus: & quis non majoris faciat potestatem regis ipsam quam diadema, vel tegumentum capitis ex auro confiatum: *quis non præferat sanguinem Christi sanguini Taurorum.* Plus ergo novit & habet, qui rem ipsam novit & habet, quam ejus signa. Necessè est igitur notitiam & felicitatem V. T. Patrum minorem fuisse quam nostram. *Quæ tertia est Theologorum in hoc articulo doctrina.* Maiorem autem, dico, non plane nullam. Patres enim V. T. non tantum norunt ceremonias ut nudas, sed ut significatu certo feraces, aliter enim ceremonias verò sensu tales non cognovissent: Non cognoverunt tantum ceremonias i. e. signa: (quemadmodum subditi coronati regis spectant & intelligunt ornamenta) sed & habuerunt, & possederunt: Qui autem ius gerit in signum, gerit & in rem.

signa.

signatam, qui annulum sponsæ possidet, possidet ipsam. *Fuerunt igitur Patres & Servatoris peculium & hereditas.*

## §. 6.

*Cerimonia est signum, quò certa rei cogitatio in mente excitatur.* Si vis de re cogitandi non antea præsto sit, inutilis est cerimonia huic Personæ. *Quod mentem sanctificat, vim ei indit deliberato cogitandi nonnisi bona.* Cum igitur cerimonia facultatem cogitandi de re non ingenerent, sed modo jam ingeneratam excitent: nulla profecto cerimonia sanctificare potest. (e) Turpissime igitur deceptus fuit Judææ incola, pium & Deo gratum se per observatos ritus fieri persuasus, de qua re præclare Paulus Hebr. 10. v. 1. sqq.

*Ceremonia non sanctificans nec justificans.*

(e) Hæc. est profundissima Judæorum corruptio, cujus non affectus fueris petitionem ideam, quam *leſſâ Limborchii amica collatione cum Erudito Judæo. Oggan- nit Apella: Non perfectiora esse quæ ratio nobis distinet, quæque sint præcepta moralia, quam quæ Deus ipse revelaverit ceremonialia, quorum rationem nos miseri ignoremus; Gravius puniuntur frequenter crimina adversus ceremoniam quam moralem legem commissa: Qui falso pejeraverit, pœnam subiisse; qui vero Sabbatum violaverit, morte debuisse plecti; Nullum discrimen à Deo statutum legum ceremonialium & moralium, Ca. p. civitatem immissam ab terram septimò quovis anno quieti non relictam &c.* Sed facilis est responsio: Si major fuit statuta criminibus contra legem ceremoniam patratis pœna, major etiam proæressis, quæ legi morali adversatur, intercurrit. Sæpe metu adacti quidam pejerare solent non tam graviter plectendi, ut illi, qui petulanter Sabbatum violant, quia non sunt ob Sabbati, quæ ceremoniale præceptum est, violationem puniendi, sed quatenus summâ malitiâ contra legem moralem admissa, temeratum est, vid. Limborch. ipsum cit. loc.

## §. 7.

*Opus operatum  
frigidum.*

Excitant igitur & supponunt ritus cogitandi vim, non ingenerant. Uti vestes non calefaciunt nisi corpus vivum, vim caloris naturalis præquirentes. Cum ceremoniæ sint signa, quibus præsentibus in recordationem certarum rerum venire debet: derestandum est *opus operatum*, quod vocant. Quando scilicet ceremoniæ cortici inhæretur, nec mente agitur ea idea, quæ agitari deberet. Gravissime propterea, at jure optimo in abusus ceremoniarum leviticarum, quæ peragebantur sine debita cogitatione, invehitur Prophetæ Jesaj. c. i. (f).

(f) Alia tamen ratio est sacramenti initiationis. Quin gratiam enim infanti pariat ex opere operato, dubiandum non est. Confert quippe fidem, non supponit, uti S. Cœna.

## §. 8.

*Ceremonia  
levitica  
cessavit.*

*Ceremonia ad animum vocare debet aliusque rei memoriam.* Si res autem ipsa præsto fuerit, signo ejus non erit porro opus. Ceremonias V. T. eo spectasse, ut Christi futuri imaginem animo offerrent, nemque temere negaverit: Adventante igitur Christo ritibus illis V. T. præclare poteramus carere. *Itaque cessavit per se lex isthæ Ecclesiæ ritualis.* Non eget abrogatione quod per se cessat. (g) Quocirca lex ceremonialis adcurate loquendò nec abrogata dici potest. (b)

(g) Si Legem hanc à Christo abrogatam diceret, locus suspicandi relinqueretur, quod & Christus novas leges vel tulerit, vel saltem ferre potuisset. Qui enim antiquas leges abrogare potest, ei licet & novas condere.

(b)

(b) Legem hanc abrogatam ait Jæger Comp. p. 381. Ut cessarunt ritus Judæorum, ita, idem ut fieret & accideret gentium superstitionis ceremoniis, optandum est, quas à Judaicis ortum traxisse jure an falso? quidam affirmant. Daniel Clasenius in *Theologia gentili*. Huetius in *demonstrat*. Evang. Bochartus in *Geograph. sacra*.

## §. 9.

Ex his etiam, quid de adiaphoris in Ecclesia N. T. judicari debeat, intelligitur, quorum causa & olim & nostro tempore certatum est. (i) De Ceremoniis Sacrorum judicatur id negotii datum est, ut inquirat, num ritus ecclesiastici in memoriam revocent, quod revocare debent? Et an ejus cogitatio sine isthoc ritu non sua sponte animum subiisset? (k) Dispiciendum ergo est quid maxime in loco templi publico mentem pii auditoris percellere debeat. Num recte facit, si lætitiā de beneficiis Dei ad animam pertinentibus concipit? Quidni? ergo Musices cerimonia cantionibus interstincta sacris voluptatem sanctam excitaturis laude non caret.

(i) Notæ sunt lites Interimisticæ, quibus, an ea quæ *Cæsar & Imperii ordines Pontificii interim tenenda præscripserunt, adiaphora sint nec ne?* disceptatum est. Facile ex nostrâ generali notione sententia pronuntiari solida poterit. Flavius Princeps eorum fuit, qui se formulæ *Interim* opposuerunt. Hinc scripta edidit complura adversus Adiaphoristas Phil. Melancthonem, Georgium Majorem, Joh. Bugenhagium, quæ à Joh. Balthas. Ritiero in descript. Vit. Flacii p. 279 Joh. Erdmanno Bickio in dem Dreyfachen Interim cap. III. p. 191. commemorantur. Adde Anton. Teissierii *eloges des hommes savans* T. I. p. 438. Schisma Episcopalis & Presbyterianæ in Angliâ Ecclesiâ maximam partem.

ob ceremonias enatum Georg. Hornius docet p. 530. Histor. Eccles. ubi ait, *non defuisse qui improbarent Episcoporum superbam auctoritatem & Hierarchiam, tanquam infa nimis vicinam &c.* vid. Joh. Heinric. Heidegger in corp. Th. Christ. L. XXVII. sect. I. §. 93. p. 606. Quantopere de Liturgia Anglicana (*the common Prayer Book*) pugnatum fuerit, pervulgatum est. Puritani enim eam volebant abrogatam novam substituturi à Richardo Baxtero concinnatam. Hinc colloquium Londini habitum 1660, irritò eventu. Curiosius hoc exponit Nicholusius in adparatu ad defens. Eccles. Anglic. p. 58. Quid Puritani in Liturgia desideraverint Nichols memoriz prodidit c. I. P. II. cap. 4. p. 245. Heinrich Ludolph. Bentheim in dem Engelländischen Kirchen- und Schul-Staat. Non est jam locus his recensendis.

(k) Ita ratiocinatur Wolffius in Moral. Cap. III. p. 105. §. 177.

### §. 10.

De imaginibus in Ecclesia.

Qui Christi in crucem pro nobis acti memoria commovetur in loco sacrorum publico, non potest non adprobari DEO: Cum ergo imagines Servatoris suspensi ex cruce, ei scopo inserviant: non video quamobrem ex templis prorsus ejiciendæ sint, dummodo caveatur idololatria. Judicare hinc licet, quid sentiendum sit, & de motibus Ecclesiæ veteris iconoclasticis, & ex altera parte, de superstitione Ecclesiarum quarundam (l) hodiernarum. Ceremonia est signum, quod ad animum revocare certas cogitationes debet, nisi igitur cogitationes idololatricæ & supersticiosæ sint, non est cur vitia vitantes in contraria curramus, omnibus plane & modestis ceremoniarum vestimentis Religionem denudando. Medio tutissima præbebitur via.

(l)

(l) Valde quidem pleraque suspecta sunt quæ Romanenses de Iconoclastis veteribus referunt, v. g. *resectam à Turca Tyranno Johannis Damasceni, Leonis Isaurici instinctu, manum restitutam fuisse opè imaginis Virgini Mariæ sacræ.* Vid. Maimbourg. *Histoir. des Iconoclast.* Livr. II. p. 123. Non tamen per omnia Iconoclastæ excusandi sunt, nisi forte fuerit ut imaginum in templis præsentia non amplius potuerit propter populi superstitionem ab idololatria sejungi. Vid. Bayle in *Dictionaire Hist. Crit.* sub Tit. *Damascenus* p. 949. Refutavit fabulam Frid. Spanhem in *hist. imag. re. flect. sect.* II. §. 13. Tom. II. operum p. 740.

## §. II.

Actiones, quas intuitu DEI suscipimus, <sup>Cultus</sup> quasque effemus omitturi, si forte ignorantia DEI <sup>non est ponendus in</sup> omnimoda teneremur, vocantur cultus DEI. (m) <sup>ceremonia.</sup> Cumque actiones sint duplicis generis, vel animi, ut *intelligere, velle*, vel corporis, ut *moveri &c.* cultus DEI quoque duplex existit, *internus & externus.* Omne actionis motivum cognitionem mentis arguit, & voluntatem. Si igitur cultus externus i. e. corporis motus ab interno sejunctus fuerit, i. e. ab intellectu & voluntate, definit esse cultus, quia nullo impulsu perfectionum divinarum, nullo motivo DEI ducitur: *Hæc enim est cultus definitio.* Ceremoniæ igitur sacræ cum sint signa, quæ, quid boni cogitare nos deceat, commonefaciunt, quæque admonent, quid DEI causa faciendum? Cultum DEI non constituunt, sed janî in homine plantatum excitant; Absit igitur, ut quisquam maximam cultus partem in iis solis collocare instituat. (n)

(m) Vid. hanc definitionem cultus apud Wolffium in *Moral.* p. 517. §. 757.

(n)

(n) Hic sedet ulcus omnium Ecclesiarum, quatenus depravatæ sunt. De Evangelicorum coetu dicere nil attinet, obviū est, quid in iis populis, eorumque vita & cultu queat desiderari. Notabile vero est de orientali Ecclesia testimonium Salomon Schyveig, L. II. cap. 62. *Itinerar*, p. 215. ubi ait, *in tanta ceremoniarum pompa summam divini cultus rationem amittit, pluris factio parergo, quam ipso ergo.*

## §. 12.

*Ceremonia  
arbitraria  
nec neces-  
saria ad  
salutem.*

Ceremoniæ sacræ sunt signa ex instituto quodam pendentia, non naturæ cursu, quo sensu ignis fumus signum est. Potest igitur res esse sine signo, i. e. cultus sine ceremonia (loquor absolute, non quod id fieri semper expediat) Ceremoniæ igitur possunt esse hæ aut illæ, pro necessitatibus Ecclesiæ. Sicut in omni lingua coli DEUS potest, I. Cor. 14, v. 15. Voces enim quid sunt quam cogitationum signa: sic in omnibus quoque potest coli ceremoniis, quæ nihil sunt, quam signa, quid cogitandum sit de DEO? quo affectu caleheri oporteat? Quidquid proin in DEI cultu arbitrarium, id non pertinet ad necessitatem salutis. Qui ergo ritus obtrudunt(o) sub dispendio vitæ æternæ, decipiunt & decipiuntur vehementissime.

(o) Hæc est verissima Confessorum positio, Vid. Hoffmann. *Commentar. synopt. in Aug. Confess.* p. 295. §. 10. De Ecclesia orientali Spanhem, in *Elench. contror.* p. 406 docet: Græcos existimare, *in ceremoniis ne tantillum quidem salva sua Ecclesia mutari posse*, quo colore hanc opinionem tingant, Ricaut docet, qui in illis oris fuit versatus, cap. 6. p. 32. *Populum sc. iis adjuvatum*: Sed nunquam hoc pacto excusantur ceremoniæ superstitiæ, quales ibidem introductas, nemo nescit.

## §. 13.



## §. 13.

Tandem cum ceremoniarum signa sint monentia, quid cogitari inter sacra debeat, haud vero, *Ritus non sint nimis, nec nulli,* quid cogitari non debeat: Impii sunt illi ritus, qui ad cogitationes & affectus verbo divino contrarios inducunt, ut v. g. in genua provolutus imaginem adores, ut purgatorii terrore concutiaris, ut fiducia meritorum superbias &c. Itaque tales ritus non tolerandi sunt, qui magis de DEO sinistre sentiendi, quam recte, occasionem præbent. Ex eadem ratione cognoscitur, ceremoniarum pompam non debere esse justo majorem, ne animus contra ceremoniarum scopum multitudine obrutus vel ritus non satis distinguendo, vel nimium admirando, cogitanda omittat: Ex adverso juvat, non esse eas aut plane nullas, aut justo rariores animoque efficaciter percellendo incapaces, verum ita potius comparatas, ut significatus altissime animo impressus non tradatur oblivioni, donec redeunte sacrorum vice, nova fieri per eas possit commonefactio.

## CAPUT XIII.

## De Conversione.

## §. 1.

AD finem properare jubet instituti temporisque ratio. Dicam igitur brevissimis quid in hoc articulo adjumenti afferat recentiorum philosophandi methodus. Duo heic extrema declinari debent. Dextrorsum quidem, ne gratiam fingas talem, cui resisti plane nequeat: sinistrorsum vero,

*Duo extrema h. l. vitanda.*

ne

ne vel tantillum tribuas in emendatione hominis viribus naturæ. Si mediam ingressus viam nec hinc nec illinc deflexeris, veritatem omnium recte sentientium iudicio es assecutus.

## §. 2.

*Conversio  
est mira-  
culum.*

Existimo autem Viri illustris & assecularum doctrinam cum eo, quod verum est, amicissimo nexu consentire. Fieri emendationem hominis viribus supra naturam collocatis humanam, unanimi Theologorum bene animatorum calculo comprobatum est. *Miraculum est effectus qui nec ex rei natura nec ex vi mundi huius consequitur.* (a) Itaque conversio miraculum est, (b) quod in anima nostra editur.

(a) Vid. hunc concept. Mirac. apud Leibnit. Tom. I. Recueil p. 48, §. 41. apud Wolffium Metaph. p. 339. §. 633. Bülsfinger. Dilucid. p. 203. §. 212.

(b) Velim expendantur verba Bülsfingeri Diluc. p. 224 §. 231. Nonne id à Theologis dicitur miraculum, quod est supra vires naturæ. Accipe argumentum. Aut operationes in fidelibus spirituales sunt supra vires naturæ, aut non. Si prius sunt miracula, si secundum, adest Pelagianismus. Quid multa? si sunt operationes supernaturales, sunt (respectu naturæ) miracula.

## §. 3.

*In regno  
scil. na-  
turæ.*

Quidquid in anima contingit, quod ejus vires excedit, nec à re creata proficisci potuit, id est miraculum. (c) Non igitur integrum est, ab hac adpellatione conversionem excludere. Si tamen nova tibi videatur vocis impositio, poteris per me (d) distinguere inter naturæ gratiæque regnum. Erit conversio, ad naturæ regnum respectu habito, miraculum, in æconomia vero gratiæ non erit, quatenus gratiæ DEI ordinariæ in isthoc regno vi-  
ribus

ribus procuratur. Contra in hoc regno miraculum dici poterit, quod extraordinarium est, *ut Conversio Pauli, ut inspiratio Prophetarum &c.*

(c) Vid. Wolff, Metaph. p. 416. §. 759.

(d) Lege Bülfing. Dilucid. p. 224. §. 231.

#### §. 4.

Cum ex recentiorum doctrina Conversio sit miraculum, tantum abest, ut homo quidquam ad ejus vel initium vel finem conferre possit, quantum abest, ut v. g. quem natura cæcum protruserat, ad visus sui restitutionem facere nonnihil potuerit. Oculorum quidem acie uti potuit accepto Christi auxilio, sed ad primum usque videndi actum non potuit non esse patiens. Nec solum vires videndi, sed primus etiam actus à Christi operatione pendeat. (e) Secundus autem videndi actus cæterique omnes consecutaria erant miraculi in primo exerti, à viribus nunc videndi dativis ordine profecta. Similis ratio debet esse conversionis, quam in regno naturæ miraculum esse, non temere conducit.

*Homo in ea mente patiens est.*

(e) Vid. judiciosissimi Hoffmanni Synops. Theol. pur. p. 161. §. 2. *Neque etiam vires solum credendi sunt à Deo, sed & ipse actus fidei, & quanquam homo ab hoc denominetur, & formaliter pœnitere & credere dicatur, Deus tamen unice vires pœnitendi & credendi in actum deducit.*

#### §. 5.

Si quidquam igitur Pelagianismum profligat, recentiorum certe dogmata eum evertunt, qui conversionem miraculum adpellant propriissime acceptum. Quemadmodum miraculum sit in momento.

*Conversionis possunt esse certi gradus.*

men-

mento, (f) ita etiam conversio (g). Sicuti tamen miraculi operationes esse possunt complures; ut exemplò cadaverum Ezech. 37. v. 7. 8. constar, *qua orio Dei afflatu primum ossa collegerunt, post carne & venis aucta, deinde cute vestita fuerunt, ut tamen hæcenus deesset halitus; quem tandem Propheta vaticinium inspiravit, ut occiperent vivere: Ita & conversionis certi gradus recte assignantur suis quisque criteriis distincti.* (h)

(f) Hoc demonstrat Wolffius Metaph. p. 376. §. 688. Confer Bulff. Dil. §. 129.

(g) Ita Jægerus Comp. p. 306. *Conversio habet suos actus preparatorios, licet enim ipsa, ut est translatio ex morte in vitam sit momentanea &c.*

(h) Varios gratiæ gradus vid. apud Fechtium in dissert. de ord. & modo grat. Aph. 14. 15.

#### §. 6.

*Conversio  
potest esse  
resistibilis.*

Quemadmodum porro miracula Dei ab hominibus possunt eludi, quatenus conditionem non implent, sub qua patrari possent, ac promissionis fide, deberent; Namque Rex populi Israelitici terram telo non pluries quam ter cum feriret, frequentioris victoriæ spem sibi eripuit, testante id disertis verbis Elisa, qui à facto Regis splendidiorum victoriam sperandam fuisse, sub conditione licet non impleta, confirmat 2. Reg. 13. v. 18 19. Ita prorsus non absurdum est miraculum conversionis suspendi à conditione hominum, posse itaque conditione omissa impediti, i. e. resisti, quando media pædagogica ad imitationem Regis Israelitici non bene adhibentur. Corruunt igitur vel hoc solò exemplò omnes argutiæ eorum, *qui gratia non posse resisti contendunt, qui Deo inglorium putant*

putant, *respicere conditionem*: qui *conditione non resistendi admissâ* hominem aliquid ad sui conversionem collaturum suspicantur: quasi vero rex terram percutiendo victoriam miraculosam promovisset: qui hominem se ipsum discernere sententiâ hac stante criminantur: Corruunt, inquam, hæc argumenta quævis, si Recentiorum doctrina rite imbibatur.

## §. 7.

Scilicet Telluris percussio à Rege suscepta non *illustratur* causa fuit victoriæ, sed *conditio sine qua non*, quod idem de conversione habendum, ad quam procurandam nihil faciemus nisi in foro exteriori actus pædagogicos adhibendo. (i) Quis igitur non videt, nos duos utrinque scopulos §. 1. indicatos præternavigando, veritatis naufragium scite declinasse.

(i) Confer Scherzer, System. p. 155. ubi thesin de homine in conversione non nisi patiente ad forum interius, non ad actus pædagogicos restringit.

## CAP. XIV.

## De Vita &amp; Morte.

## §. 1.

**T**Riplicis esse generis vitam omnem, vel iis *Vita triplex.* notum est, qui nondum ære lavantur. Alia enim vita est *naturalis*, alia *spiritualis*, alia denique *æterna*. Similis ratio est mortis, quæ opponitur vitæ. Quem enim fugit, eam vel *naturalem*, vel *spiritualem*, vel denique *æternam* esse? De tribus his generibus pauca dicemus pro ratione temporis & instituti. (a)

- (a) Pertinet huc Cancell. Tub. dissert. de morte natural. 1722. habita, quâ ego quidem in hoc articulo nihil eruditius legi unquam. Alio consilio Francisc. Bac. Verulam. scripsit historiam vitæ & mortis.

## §. 2.

*Alia Vita  
divisio. Vita  
in corporis.*

Quemadmodum hæc vulgaria sunt, ita parum obvia est distinctio primi membri nova, quæ vitam naturalem complectitur. Pertinet enim vita naturalis vel ad corpus, vel ad animam, vel ad totum suppositum. Definitiones heic adcuratas pariter & secundas recentiorum tradit disciplina. Vita corporis in circulatione sanguinis ponitur (b), seu generatim in tali statu, quod corpus ad movenda membra redditur aptum. Concinit hæc definitio adcurate cum S. Scriptura, ut nihil hac parte objici queat. (c)

- (b) Vid. Wolffii vernünftige Gedanken von den Wirkungen der Natur §. 455. p. 735. Das Leben ist der Zustand des Leibes/ darinn derselbe zur Bewegung seiner Gliedmassen aufgelegt ist. Und demnach siehet man / daß das Leben des Menschen und der Thiere dem Umlauff des Geblütes zuzuschreiben.

- (c) Levit. 17. v. 11. des Leibes Leben ist im Blut. & c. hinc sanguinem fundere, est vitam ponere Joh. 10. v. 17.

## §. 3.

*Anima  
Vita.*

Vita animæ est nihil aliud quam vis operandi i. e. cogitandi & adpetendi, quâ proprie loquendô substantia animæ continetur. Itaque anima quamdiu existit, mori nequit; ipsa enim ejus vitæ radix substantia est. (d) Non dicimus animam cogitationem, sed cogitandi vim. Hæc est

est perdurans, illa transitoria. Hæc complectitur vires, illa determinationem virium, quæ subinde alia atque alia esse solet. Hæc est veluti scaturigo operationum, illa rivus inde profluens. Hæc, unô verbô, est substantia, illa autem accidens. Non exponimur (e) igitur dubiis, quibus Cartesiani premuntur.

(d) Supra docuimus Cap. 2. § 3. discurs. prælim. characterem substantiæ in vi agendi querendum, quod & h. l. adplicandum est. Confer. Braun. in doctrin. scæd. p. 299. §. 15. *Sedulo cavendum est, ne confundamus actum substantialem cogitandi ipsam, cum ejus variis modis ac determinationibus, quales sunt cogitationes particulares. Nam quomodocunque determinetur actus cogitandi ad hanc vel illam cogitationem, tamen actus ipse substantialis semper idem est, cum modi & determinationes essentiam ipsam non destruant.* &c.

(e) Dubia Cartesianis obversa sunt v. g. Si natura mentis consistit in cogitatione, sequitur eam esse accidens; si consistit in cogitatione; anima erit fluxa, peritura, quemadmodum ipsa cogitatio est fluxa, & singulis fere momentis peris: Anima enim non est cogitatio hæc aut illa, sed ipse cogitandi actus substantialis, qui durat, licet series cogitandi modique innumeri esse queant. vid. Braun. in doctr. scæd. p. 306. §. 24. scqq. Potuisssem adcuratius seu saltem secundius, animæ vitam adpellare vim representandi mundum pro situ corporis in universo: Adcommoavi me autem ad sententiam ordinariam, ne quibusdam occasionem suppeditarem, circa hæc recte exposita præter necessitatem hæsitandi.

#### §. 4.

Quid vita corporis sit, quidque vita animæ dixi, nunc explicandum est, quid sit vita totius *Vita totius*  
*Suppositi*  
suppositi ex anima & corpore conflati. Vita suppositi est *Harmonia motuum corporis organici, nec*

*non cogitationum seu idearum appetituumque mentis.*  
 (f) Ubi præsto est harmonia ejusmodi, ibi vivit homo, ubi cessat, moritur. Intelligere hinc licet distinctissime, quid sibi velit obscura Philosophorum locutio *inter totum hominis, & totum hominem* distinguendum. Vita corporis & animæ, quam paulo ante definiimus, exhibet *totum hominis*, harmonia utriusque vitæ, sistit *totum hominem*. Ita *totus homo* moritur, cessat enim harmonia actionum corporis & animi; non moritur autem *totum hominis*, namque & anima post mortem vitam tuetur suam, & corpus (g) existere pergit.

(f) Harmoniam heic voco vitam suppositi, habet enim harmonia inter animæ corporisque actiones locum, juxta omnia omnino systemata, id quod & ipsa testatur experientia. At proportio inter actiones animæ & corporis admitti nequit. *Proportio est comparatio homogeneorum secundum magnitudinem. Homogeneum appellamus, quorum unum aliquoties repetitum potest alterum fieri vel id æquare vel superare.* Atqui ex actione animæ, v.g. appetitu quomodocunque replicato nunquam fieri motus potest corporis, & vicissim. Non deest tamen harmonia inter actiones utriusque generis. Nimirum in harmonia mutationes animæ eandem *inter se* proportionem habent, quam mutationes corporis *inter se* observant. Si motus corporis organici consequens sit v.g. triplo vehementior quam antecedens, potest ei animi respondere appetitus etiam triplo vividior, quam appetitus antecedens, & sic porro. Si alter cessat, potest finire alter, &c. vid. Bulfing. Ham. præst. p. 241.

(g) Lixet corpus resolvatur in cineres, existit tamen secundum partes, cum ne pulvisculus quidem ejusdem sine miraculo perire unquam possit. Definitiones de *vita & corporis & anima* nemo temere vocaverit in du-



dubium. Atqui ex iis patet, vitam utramque ex actionibus hinc animæ, illinc corporis metiendam. Quod si igitur vita est operationum fons, intelligitur quid de Leibnitii sententia judicandum, qui in Monadol. §. 71. *nil in natura sterile, nil mortuum, nihil incultum esse* affirmat: Omne enim ens, ex illustri Vui mente, procul omni dubio, quatenus est *positivum* vim agendi habet, quatenus est *privativum*, vis illa limitata *passivum* in re constituit. Si cum Malebranchio omnes res creatas dixeris mere *passivas*, vel nonnullas certe, rem fingis ex meris defectibus & privationibus constitam: quid enim est, *patiens esse*, quam non agere, i. e. *limitatum esse viribus agendi*? Statuis itaque limitationes sine re limitata, perinde ac si numerum computari posse diceret ex meris subtractionibus. Quocirca negari non debet, omnem rem, quæ & quâ existit, vim agendi habere, magis minusque limitatam, pro re nata &c. Nihil igitur, suò modò, non vivit, quia nihil non quâdam agendi vi præditum est. Nisi forte fuerit ut vitam adpelles tantum *scaturiginem operationum, quæ in sensus incurrunt*, quæ en gros adparent, atque excludas actiones minutiarum nostros fugientes sensus. Ita vero non vivent juxta te animalcula visu minora, & microscopiis detecta, secundo cum plebe senties, non cum Philosophis, Philosophi enim rationes, ob quas hoc aut illud *vita* titulo à plebe insignitur, & in aliis rebus fundatas vident, adeoque ob causas easdem idem de illis judicant, cum interim vulgi judicium omne ex solis sensibus pendeat. Atqui satius est, rationem sequi, quam plebis usum. Si tamen nolis, si communi querela utaris, *mutari per Nos vocabulorum significatus*, quanquam iniuste conqueraris, ut modo probavi: poteris tamen per me libertate tuâ frui, vitæque vocem tam arte circumferi, ac placuerit. Qui interim nos cum ratione h. m. loquentes intelligere vult, ab eo iure poscimus, ut nostram discat linguam, sin autem fuerit refragatus, tantum abest ut iure nos accusare possit, quantum abest, ut qui cum Gallis conversari cupit, merito

querelas fundat gallicam discendi linguam necessitate constrictus.

§. 5.

*Vita suppo-  
siti car-  
nalis.*

Vita suppositi hætenus explicata denuo in aliquot ramos abit. Est enim vel *carnalis* vel *animalis*. Vita *carnalis* est *harmonia actionum animæ & corporis in perpetrando malo*. Si v. g. homo peccat, vult primo peccare ipsa ejusdem mens, secundo respondent ei adpetitui motus corporis vel externi, sicubi ipso opere peccatum admittitur, vel motus interni à cerebro & spiritibus animalibus profecti, quoties nimirum intra conatum malitia subsistit. Nam & singulis cogitationibus sive pravis, sive bonis respondet saltim in cerebro certa mutatio, quod omnes Philosophi ultro fatentur. Hæc vita in sacris adpellatur *Vetus Adam* (*h*) *antiquus homo*, *corpus peccati* &c. Harmonia est vel in actu posita vel in habitu. Si res duæ pluresve aliquoties consentiunt, vel semel, nec pluries, collocatur harmonia in *actu*: Si vero sæpius repetatur, oritur proclivitas consentiendi, eoque *habitus*. Cum vero & à natura possit propensio ingenerata esse; patet, posse existere propensionem consentiendi inter actiones corporis & animæ naturalem, possibile propterea esse *peccatum originale*, de quo plura docent Theologi.

(*h*) Oracula Vet. Test. pro peccato originali facientia nuper in pecul. dissertat. vindicavit Pfaffius Cancell. Tub. Clerici sententia de peccato originali singularis legi potest in Epist. Theol. VI. p. 150. seqq. Accusatur & Elias Du Pin à Petindierio in observationibus ad bibliothec. script. Eccles. quod in primis seculis nihil à Patribus scriptum esse docuerit, distinctæ hujus peccati explic.

plicationi inserviens. Ad quas obferuat. Du Pin T. VI Bibliothec. quædam regessit. Novitatem autem dogmatis de peccato originali, quam Pelagiani Augustino falso evprobrarunt, Præsul Hipponensis ita amolitus est: *Non ego finxi originale peccatum quod catholica fides credidit antiquitus, sed tu, qui hoc negas, sine dubio novus es hæreticus.* vid. L. de concup. & nuptiis L. II. Cap. 12. T. X. oper. p. 210.

## §. 6.

*Vita suppositi animalis est harmonia illarum Vita suppositi anima & corporis actionum, quas homo cum brutis positi communes habet & qua in se seorsum à Subjecto considerata nec mala sunt, nec bona.* Tales sunt v. g. his aut illis propensionibus affectum esse, quæ in anima & corpore sibi mutuò respondeant. Si anima proclivis ad ambitionem existat, vel si hanc peccatis adscribas, uti plerumque adscribi debet, ad appetitum honoris innoxium, qualis in observando decoro & alibi locum invenit; respondet in corpore sanguis flava bile abundans, quod idem de cæteris temperamentis sentiendum est. *Hac de propensionibus animalis vita.* Ad actiones ejusdem sequentes referuntur: v. g. *adpetitus cibi & potus, instinctus procreandi sui simile, amor prolis &c.* Vita isthæc & in statu integro florebat, i. e. instinctum agendi exercebat, (i) in altera autem cessabit. (k) Describitur à Paulo 1. Cor. 15. 8. 45.

(i) Potu enim & cibo Adamus integer utebatur. Falsa & Rabbinica est eorum sententia, qui Adamum Androgynum fuisse volunt ex se ipso liberos procreaturum, uti Poiræti, Peterfenii &c. Impia Beverlandi, quam quo minus tangam, prohibet castitas. Contra notum est adpetitum cibi & potus in altera vita cessaturum. vid. 1. Cor. 6. v. 13.

(k) *Edere enim & bibere cum Christo in gloria regno ineffabile gaudium, non vero alimenti usum denotat.*

## §. 7.

*Ufus distinctionis  
in mat. de  
natura &  
gratia.*

Præclarum hæc distinctio usum præstat in discernendis gratiæ naturæque operationibus. Instinctus vitæ animalis cum gratiæ impulsibus sæpe concurrunt ad eundem finem consequendum, iisdemque mirifice implicantur, ut non exiguam attentionem poscat, evolvere distinguenda. Sæpe Pii homines ad se v. g. suosque curandos feruntur, & instinctu animali (quidquid enim vivit, se conservare studet) (l) & aliquo gratiæ impulsu, quia id jubet DEUS, & eo incitat Spiritus S. &c. Frequenter, quorum emendata est mens, v. g. melancholici à prodigalitate sibi cavent, & per naturam, & per gratiam inducti &c. *Quid jam de his sentiendum?* Aut instinctus vitæ animalis cum gratiæ impulsu concurrat ad faciendum honestum, aut alter cum altero confligit: Si prius contigerit, augetur quidem in persequendo honesto ardor & vehementia, juxta proportionem vero illius augmenti minuitur actionis honestæ laus & pretium, quia potissima instinctus, ut ita loquar, pars animalis vitæ fructus est: Si vero acciderit, ut vitæ utriusque impulsus secum mutuo confligant, tum gratia vel superior evadit, vel victrix existit vita animalis. Priori casu minuitur quidem in bono colendo ardor, sed augetur pretium actionis. Quantum enim est nifus vitæ animalis contrarius, tantum gratiæ effectui derogatur. Fac, extrema fame regnitum laborare, nec habere unde satiari possit, nisi quod occasio offeratur, furtim auferendi

rendi panem inſalutato Domino. Si inſtinctus vitæ animalis ſc. fames ad furtum ſollicitet, gratia autem illi imperet, atdor abſtinentiæ ob naturæ contrariam luſtam languidior erit, victoriæ vero laus longe præſtantiſſima. Poſteriore vero caſu, quo vita animalis evadit ſuperior, peccatum admittitur, cujus culpa tantundem minuitur, quantum impulſus vehementia aucta fuit.

(2) Eleganter Cicero in offic. L. I. cap. 3. §. 1. *Principio generi animantium omni eſt à natura tributum ut ſe, vitam, Corpusque tueatur, declinetque ea, qua nocitura videantur, omniaque, quæcunque ad vivendum ſint neceſſaria, inquireat, & paret, ut paſtum, ut latibula, ut alia ejusdem generis.*

### §. 8.

Quoties igitur animalis vitæ inſtinctus gratiæ niſum ſufflaminat, carnalis evadit, vitam enim carnalem hæmoniam actionum corporis animique in perpetrando malo dixi, quicquid vero gratiæ reſiſtit, contrahit malitiæ culpam. Hac via oſtenditur diſtinctiſſime, quod Auguſtinus in Tract. *de nuptiis & concupiſcentia* probare conſuſeſt, ſc. *homines in peccato poſſe concipi, licet inſtinctus ſobolem procreandi omnium animantium communis ſit.* Nam quoties vita animalis nobiliori inſtinctui obluſtatur, eundemque ſuffocat, non poteſt non commaculari peccato, adeoque fieri carnalis. Cumque vitæ animalis impulſus, qui bruta afficit, nunquam nobiliori inſtinctui reſiſtat, quippe quem nec per gratiam nec per rationem habent; nec non vitæ animalis in Adamo adhuc integro impulſus nunquam imaginis divinæ luminibus ac ductibus repugnaret: intelligitur, poſſe in uno ſubjecto

impulsum eundem esse naturalem & culpâ vacuum, qui in altero crimen habeat; ineptum igitur esse Pelagianorum (m) ratiocinium contra peccari originalis præsentiam formatum, quod huc redibat: *instinctum procreandi sobolem omnibus communem animantibus non posse non expertem criminis esse, eoque omnes in peccato gigni non posse.*

(m) Pelagianorum circa hanc aberrationem sententiam nemo studiosius recoxit, quam Crellius in *Ethica Christiana virtutum & vitiorum*. Gignimur tamen in peccato non solum ob concupiscentiæ excessum, sed & ob corruptionem Parentum hæreditariam.

## §. 9.

*Vita animalis limitatur spiri-  
tuali.*

In cæteris casibus adsignandis non ero prolixus. Fieri potest ut quis peccet contra instinctum & naturæ & gratiæ vid. 1. Tim. 5. v. 8. tum crimen admittitur enorme. Cōtingere potest, ut uterque sit solus, non conjunctus, nec collisus cum altero, ut actio oriatur vel bona vel indifferens, *saltim quoad nos*, de quibus omnibus jam dicendi locus non est. Id obiter duntaxat moneo, spirituales vitam ab animali semper limitari, à carnali vero peccaminosis imbecillitatibus coinquinari. Primum quidem tum fit, quum ob alimentorum parandorum vitæ animali interservientium curam plurimum temporis hujus mundi occupationibus tribuendum debito cultui divino eidemque perpetuo surripitur: Alterum autem contingit, dum hæ & ejusmodi curæ, affectuum excessus &c. languorem, tarditatem, molestiam adpergunt sacris functionibus.

## §. 10.

## §. 10.

Unum ex animalis vitæ operibus summi est momenti, non prætereundum h. l. sicco pede. *De effectu hujus vitæ in inspiratione.* Ad animale vitam referuntur *temperamenta*. Videre licet homines atra bile abundantes, qui in omnibus suis negotiis rigidiores cæteris existunt, anxie solliciti, constantes in consiliis, nec mobiles facile, qui vivacissima phantasia peccatorum Orbis Christiani iudignitatem, judiciorum DEI gravitatem &c. sibi repræsentare possunt: Quod si tales gratiæ nonnullo impulsu afficiantur, dici vix potest, quanta instinctuum utriusque generis commixtio oriatur. Inspiratorum nostro tempore tot dantium turbas exempla id condocere possunt. (n) Hinc vaticinia temperamenti impetu verbis Scripturæ prolata, hinc fervor cuncta reformandi sine consilio quidem incredibilis, hinc alia phænomena, quorum distinctio summam attentionem meretur. Consilium certe DEO obtemperandi firmissimum gratiæ effectus est, sed mirifice & conturbatus, & obliquatus operationum vitæ animalis intercurso. Habes tum naturæ & gratiæ conglomeratum velut effectum, ad quem evolendum nonnisi divina sufficit perspicacia. Facit huc quod Cap. III. discursus præliminaris diximus.

(n) Vid Joh. Gustav. Reinbeckii nöthigen Unterricht von Prüfung der Geister. Halæ 1715. Joh. Joach. Lang, in dem nöthigen Unterricht von unmittelbaren Offenbahrungen Halæ Sax. 1715 Martin. Chladen, in disputat. de inspiratis sine Spiritu. Witteb. 1715. Lysii warhafftige Erzehlungen dessen was mit den Inspirirten zu Berlin vorgegangen 1715. &c.

## §. 11.

## §. II.

*An instin-*  
*tus vite*  
*animalis*  
*mansuri*  
*in Cælo?*

Spiritum S. in Prophetis & Apostolis se ad quorumvis temperamenta & propensiones adcommodasse Theologorum chorus unanimi consensu profitetur. Novum id est argumentum limitantis vitæ animalis spiritualem. Quod obiter tango. *Sed num in cælo vite animalis functiones cuncta cessant sine?* quæstio est longe gravissima. Unam quidem & alteram operationem destructum iri §. 6. docui, de cæteris vero disceptari potest. *An cælestes v. g. eandem ὁπὴν erga relictos liberos post mortem sentient, quam habuerunt ante quam ex hac vita discederent? Sanctificabiturne tantum (o) ille amor, an prorsus evelletur?*

(o) Controversia hæc agitata est vehementi animorum æstu inter Viros doctissimos Ecclesiæ Evangelicæ ante tempus breve. Ministerii Augustani Senior tum temporis Superintendens Herimontanus librum edidit ad *ἡχοδομὴν* præclare facientem, quem inscripsit: *Der Branden Gesundheit und der Sterbenden Leben* in quò ex Ministri ejusdam Stuttgardiani sermone sacro olim habito quæstionem tractavit: *Num Cælestes semetinvicem sint agniture, futurique memores charitatum in hac vita relictarum, immò num aliquando etiam beate defuncti suis in mortalitate adhuc degentibus præsto esse queant?* vid. pag 762. Adgressus est Virum eruditum Lebrecht Petrus quispiam, quem refutavit Dn. Grammlichius in dem Unterricht von dem Zustand der Seelig=Verstorbenen &c & ipse Senior Ulsperger im Send=Schreiben &c Petrus adversarios heterodoxiæ coarguit, hi contra Petrum summæ impietatis accusarunt, compensatis reciproce insultibus. vid. das Send=Schreiben p. 22. *Perinde ac si nemo ab aliis dissentire posset, nisi vel heterodoxus, vel impius.*

## §. 12.



## §. 12.

Meâ quidem sententia non evellitur Amor *Deciditur generatim.*  
 Cœlitum erga relictas charitates, emendatur potius, & sanctificatur. Recordantur ergo propinquorum amicorumque in hac vita, quæ erepri sunt; sed an in eorum etiam cognitionem veniant, quæ illi propinqui post horum obitum suscipiunt, anceps conjectura est. Non provehemur tamen ulterius in decidenda hac lite, quàm hætenus factum, nisi ideam *sanctificationis*, quâ amor cœlitum depurari dicitur, evolverimus.

## §. 13.

Quales sint actiones, *sanctæ, naturales*, *Evolvitur notio sanctificationis speciatim.*  
 an *vitiosæ*? ex motivis & impulsu agendi æstimari debet. vid. Cap. II. dissertat. præliminaris. Actio igitur *mere sancta* est, *qua nonnisi ex motivo illustranda DEI gloriæ editur.* Actio ex parte sancta, cujus generis non omnes quidem, pleræque tamen in hac vita existunt, ea est *qua ex motivo illustranda DEI gloriæ pariter ac ex instinctu quodam animalis vite perpetratur.* Tales sunt, *liberos amare & propinquos ob mandatum Christi, cibum & potum capere in nomine DEI* 1. Cor. 10. v. 31. *Conservationi propria studere &c.*

## §. 14.

Virtutes nostræ omnes, quæ ornatur in hac *Quò sensu beati relictos propinquos amemus?*  
 vita, non exclusis illis quæ à gratiæ regno pendent, locum habent *in* *ut* 1. Cor. 13. v. 10. Cum vero in altera demum vita consummandæ sint, loc. cit. intelligitur, sanctitatem actionum *ex parte* nunc obviam, commutatum iri cum sanctitate *mere*

*mere tali. i. e. ex definitionibus supra traditis, actiones cœlitum nonnisi ex solo & unico motivo illustrandæ DEI gloriæ profecturas, cessaturum igitur suo modo instinctum animale, qui actionis pretium §. 7. minuit. Cum igitur dicimus, perfecte sanctificandum esse amorem beatorum erga propinquos, non autem evellendum: Sensus hic est, ipsam naturalem intelligendi & adpetendi amandive vim, quæ substantia est, mansuram, nullo autem eam impulsu agitatum iri, nisi eo, qui dirigatur in gloriam DEI. Ergo sanctus est perfecte triumphantium in Cœlo fidelium erga suos amor, si in hos non feruntur, nisi ob motivum gloriæ DEI ab eis promotæ, aut promovendæ; ita ut quoties motivum gloriæ cesset, degenerantibus in malignos propinquis, amor cesset, si redierit postliminio, amor instauretur.*

## §. 15.

*Solvitur  
dubium.*

*Ipse instinctus in amore erga charitates naturalis & animalis, cum in filios v. g. tendat, non quia filii DEI sunt, sed quia nostri sunt, sanctitatem limitat, ut animum non occupare tota, quanta quanta est, possit. 1. Thess. 5. 8. 23. Limitatio illa imperfectionem arguit; quæ tum temporis erit auferenda. At, inquis, concessum est modo, instinctum animale sanctificari, non eradicari. Regnum utique gratia & gloria perficit natura regnum, non evertit: ita est profectio: sed velim in animali instinctu distinguas duo. Ipsam primo agendivim, quæ substantia est, & virium deinceps agendi directionem à varietate impulsuum profectam. Ipsam substantiam, quæ ad agendum impellitur, & motivum,*

tivum, quod directionem addit impellendo. Illa in sanctificatione semper præstruitur per se quippe in regno naturæ bonæ: hoc pro necessitate sanctificationis variandum est. Quoniam enim illud amoris motivum, quo in filium v. g. ferimur, *quia noster, non solum quia DEI est per fidem*, aliquando agendi vim dirigere in malum potest, urgendo ad amorem erga filium, qui Deo improbatur: Cognoscitur instinctum animale quatenus accipitur pro motivo à generatione regni animalis desumpto, eradicandum esse in altera vita, quatenus vero accipitur pro vi agendi substantiali, sejungendò cogitationem directionis & motivi, non evellendum esse.

## §. 16.

Pro diversa igitur vocabuli significatione beati erga relictos propinquos amore flagrant, & non flagrant. Flagrant amore sed sanctissimo, ex nullo impulsu quam gloriæ Dei illustrandæ coortò: Non flagrant amplius suorum amore, quatenus motivum amandi à generatione in regno animali facta desumitur. Hoc maxime interest inter amorem Sanctorum hujus & alterius vitæ. Hujus vitæ Sancti præter divinas suos amandi rationes ducuntur & studio in suos, *quia sui, quia à se generati, non solum, quoniam à Deo regenerati sunt.* Hinc & nequissimos filios jamjam damnatos, eoque ad gloriam Dei promovendam ineptissimos deplorando amorem significant, ut exemplo Davidis Absalonem reprobum tanto deflentis opere constat. Alterius autem vitæ Sancti gaudebunt potius de propinquis reprobis, quam con-

*An beati  
de repro-  
bis propin-  
quis con-  
tristentur?*

contristabuntur. Unicum enim amandi motivum habent gloriam Dei, cui illustrandæ, si ineptus evadat propinquus, æternisque nunc sit exponendus pœnis, cessante motivô, cessat amor, imo gloriâ Dei nunc contrariâ viâ per pœnam manifestatâ, de pœnis lætandi motiva sentiunt. Contra mortales horum temporum pii duplici & generis quidem diversi motivo utuntur cognatos diligendi. Amant *ut suos*, non amant solum tanquam *divinos*. Licet igitur *divini* esse propinqui desinant, evanescente alterô motivô; urget tamen alterum, ut & de reprobis, quos adhuc amant, mœstitia afficiantur. Hæc si non distinxerimus, ærem in hac controversia verberabimus, & magno disputandi molimine agemus nihil.

## §. 17.

*Cui non  
contristetur?*

Instinctum animale quâ talem, i. e. quatenus *σὺν* erga filios oritur ex motivo generationis in regno animali, in altera vita desitutum facillime probatur. Ipse generandi instinctus evanescet, teste Christo Matth. 22. ψ. 30. Non ergo vitæ illius majestati consentaneus, eoque imperfectus est. Quicquid ergo ex eo qua tali oritur, v. g. *ut argumenta inde amoris capias*, id auferetur, quod cellissimum sanctificatio fastigium adtingere queat. Quod si difficile conceptu videatur, *quomodo beati parentis v. g. Abrahami erga impium & damnatum filium amor*, v. g. erga divitem epulorem Luc. 16. ψ. 25. cessare queat, si suspiceris, *duraturum amorem*, & *mœstitiam de perniciæ filii excitaturum*: Velim cogites, quid quotidie fiat in summorum principum animis, qui rationem sæpe

sæpe statûs amorî naturali erga propinquos longissime anteponunt, & ejusmodi affectibus adsuefiunt, ut nulla eorum curâ tangantur, nisi quæ cum ratione statûs conjuncta est. Qui si huic obstiterint, funestum exoritur odium. Si tam efficax ratio est statûs in alterandis principum animis, quo non effectu gloriam DEI mentibus cœlitum infixam penitissime conspicuam fore autumas?

## §. 18.

Intelligimus ex his quousque beate defuncto. *De sociali-*  
 rum cum propinquis superstitibus conversatio spe- *tate calis-*  
 rari, aut non expectari queat. Nimirum si ad *rum.*  
 communitatem sanctorum, si ad vitam Ecclesiæ triumphantis & militantis socialem provoces, semper altero oculo isthæc distinctio respicienda est. Societas nulla à beatis expetitur, nisi tantummodo pro necessitate gloriæ DEI, non pro instinctu vitæ animalis qui fertur ad amandos propinquos, *quia sunt propinqui. Cœlites igitur nonnulla de Ecclesia militantis statu resciscere,* problema in utramque partem disputabile, nec sub impietatis intentata nota obtrudendum negantibus; *Praesto autem sapius esse in terra beatos, socialitatisque causa colenda familiariter uti relictis propinquis,* valde obscurum, & incertum est. Quia in sacris de ea conjunctione, præter pauca exempla extraordinaria regulam non continuo fundentia, nihil distincte revelatum legimus.

## §. 19.

Incidimus nunc justo ordine in mentionem *De Vita*  
 vitæ *spiritualis* quæ alterum divisionis primæ mem- *spirituali-*  
 brum

brum constituit. Est vero vita *spiritualis restituta à Spiritu S. Harmonia actionum corporis & animi in persequenda virtute Christiana omni.* Seu si mavis: *Determinatio virium agendi in anima & corpore ad faciendum id, quod DEO & Servatori placet.* Cumque inter actiones DEO placentes prima sit *fides*, quam concipimus in Christum, verissimum est, quod urgent Theologi, *vita spiritualis initium in viribus credendi esse positum.*

## §. 20.

*Visus &  
auditus  
spiritualis.*

*Vita spirituali tam non desunt sensus spiritualis, quam non in vita naturali desiderari solent naturales. Definimus illos brevissime. Visus spiritualis est facultas menti per tertiam divinitatis personam indita distinguendi & dijudicandi veritatem revelatam ab errore, honestatem Christianam à turpitudine Apoc. 3. v. 18. Eph. 1. v. 18. Auditus spiritualis est facultas ab eodem profecta auctore aures prabendi, vel quod in sacris idem sonat, obtemperandi divinae voci. Contrarium utriusque sensus est animus partim excæcatus, partim is, qui ad vocem DEI induruit. Matth. 13. v. 15. De auditu verò spirituali Servator verba facit Joh. 10. v. 27. Oves mea audiunt vocem meam. i. e. obtemperant. Ubi vero est actus obtemperandi, ibi & facultas, eoque sensus spiritualis.*

## §. 21.

*De gustu  
tactu &  
odoratu  
spirituali.*

*Gustus spiritualis est facultas de immensa DEI in Christo benignitate gaudendi, ac de peccatorum mundi horrenda indignitate contristandi.*  
Illa

Illa est dulcedo, hæc autem amaritudo, utraque delibanda à gustu *spirituali*. 1. Petr. 2. v. 3. 2. Cor. 11. v. 29. Tactus *spiritualis* est facultas animadvertendi impulsus gratiæ, divinæque castigationis. Phil. 1. v. 9. Jerem. 5. v. 3. Denique odoratus *spiritualis* est facultas discernendi genuinas preces à fucatis Deoque non probatis. Preces enim *suffitum esse*, quem quæso fugit? confer. Psal. 141. v. 2. Atqui fideles obstricti sunt, ut caveant, ne pro grata DEO oratione offerant misere decepti ingratam. Jacob. 4. v. 3. Facultas vero id dijudicandi recte *olfactus* adpellatur *spiritualis*.

## §. 22.

In vita *spirituali* recte dijudicanda generatim *Dua facultates* duarum est habenda facultatum ratio. Prima pertinet ad *lumen divina cognitionis*, altera ad *ardorem sanctioris affectus* in persequenda honestate Christiana. Affectus addit animo *impulsus agendi*, Lumen vero præstat *impulsus directionem*. Ardor affectus sine lumine cognitionis est *ζῆλος ἀλλ' ἔκαστ' ἐπίγνωσιν* Rom. 10. v. 2. Lumen vero cognitionis sine adfectus ardore est cognitio mortua Rom. 2. v. 19. 20. Utraque igitur debet conjungi facultas. Quantuscunque existat agendi pro divina gloria impetus, si separaveris rerum notitiam, & subactum iudicium, *nec te intentio bona, nec animus Deum colendi* Joh. 16. v. 2. *nec prætectus conscientia juverit, aut coram DEO culpa exsolverit unquam*. Impulsus enim licet vehementissimus absque directione in objectum debitum, tanto plus infert detri-

detrimenti, quanto nifus est rapidior, ut vel fimili globorum maximis tormentis non adverfus hostes, fed socios in bello exploforum illustrari poteft, in quibus nihil defideratur, nifi ićtus directio, & militaris architecti prudentia. Ex adverfo fi vel ad Angelorum cognitionis fastigium eſſes evećtus, ſanćtoque tamen carceres agendi ardore & affectu, nullus exiſteres coram DEO 1. Cor. 13. v. 2. cum architecto militari comparandus, qui theoriam dirigendi & præparandi tormenta exacte perdidiciſſet, ab explodendis tamen iis abſtineret ſemper. ſcil. præſto eſſe debet in vita ſpiritali & *lumen* & *ardor*, & *impulſus* & *directio*. Non eſt cur hoc ſimile in re ſacra rideamus, quos ipſe Spiritus S. cum militibus contendit 2. Tim. 2. v. 3. quorum ićtus non veritatis defenſoribus, ſed errorum & Diaboli ſervis nocere debeant. Ephes. 6. v. 17. accenſo & agendi impulſu, & impulſus ſulcepta prudenter directione.

## §. 23.

**De zelo  
propofito.**

Perſpicuum hinc eſt, quid de iis ſentiendum, qui veritates ſiniſtre intellectas, & ex tranſverſo velut adſpectas, ubi optica tanquam fraude aliam faciem referunt, mirifice perſequuntur, bono animo gloriam DEI cauſſantes, nec non conſcientiæ urgentis rationem interſerentes. *At non ſufficit, conſcientiam prætexere, ſi conſcientia non ſit ſatis informata, novimus enim omnes, dari & erroneam.* Non ſufficit, ardentem gloriæ divini impulſu flagrare, ſi impulſus dirigatur contra veritates, nullæ enim veritates à gloria DEI poſſunt ſejungi.

## §. 24.



## §. 24.

Intelligitur ex præstructis porro, num con- Num vo-  
luntas  
prius emen-  
danda, an  
intelle-  
ctus?  
sultum sit, *emendationem mentis incoare à voluntate?*  
(p) Ardor affectus ad voluntatem pertinet, lumen  
vero cognitionis ad intellectum. §. 22. Diximus  
vero parum prodesse ardorem agendi sine lumine.  
Itaque emendatio voluntatis, ubi quæritur pri-  
mum, instinctum quidem & affectum parit DEO  
serviendi, cum autem mens hætenus ignara sit,  
quorsum ille instinctus debeat dirigi, nondum  
quippe collustrato per cognitionem veritatis in-  
tellectu, potest fieri, ut voluntas præceptis magno  
imperu ruat in modos Numen colendi minus ad-  
probatos, imo prohibitos, idque sub conscientiæ  
prætextu, ex quo oritur pro pietate superstitio,  
pro constantia in veritate obstinatio (*la bigoterie*)  
(q) quibus vitiis sæpe nihil perniciosius excogitari  
potest.

(p) Hæc est sententia Viri pie doctissimi Langii in medic.  
mentis, quam & præter alios multos, notârunt Au-  
ctores *relat. innocentium*. ad ann. 1704. p. 410. seqq.  
Quibus tamen Langius respondit in den aufrichtigen  
Nachrichten part. IV. ad ann. 1704. p. 68. seqq. Adde  
& *Anti-Barbar.* P. II. p. 41. seq. nec non Rectorem  
Gymnasii Berolin. Bodenburgium in epist. gratular.  
anno 1709. edit. Contra Ferberus in dissertat. de *Fana-  
ticis in rectam rationem injuriis* p. 12. varia reponit.  
Sunt plures qui hanc sententiam tuentur, inter quos  
& Thomafius, de quibus dicere non vacat.

(q) Prodiit ante semestrem liber, qui inscribitur: *Gedan-  
cken über die philosophische Bigoterie*. Quo au-  
ctor Leibnizianæ & Wolffianæ Philosophiæ affectas  
perstringit. Sed hæc sane scio, quis magis hujus  
viti

vitii accusandus fuit? Num is, qui in re disputabili impugnatur, seque defendit, an alter, qui primum impugnat, nec se impugnando errasse, profiteri vult, licet monitus? Nullum vero dubium est, quin primis adscribendi sint Leibnitiani, secundis vero Clariss. Walterus in den Eleatischen Gräbern / ubi satis ironice Wolffium vellicavit, ut proin sibi impurare debeat, quod à Müllero Würtemb. pari mensurâ exceptus sit. Etiam si ego nec Walteri satyras in Wolffium, nec Mulleri in Waltherum adprobem, miror tamen esse, qui scommatibus à se in alios scriptis delectentur, ab aliis vero in se retortis incredibili æstu succenseant. *Qui alterum facit, altero non debet commoveri.* Vid. quæ Waltero respondit Bulffing. Diluc. p. 524. §. 460.

## §. 25.

*Dubium  
proponi-  
tur.*

Possset nostræ sententiæ non sine summa specie obverti, *sape litterarum expertes, qui parum cognitionis habeant, ardentius & rectius DEO servire, quam eruditissimos sacrorum Doctores, quorum pietas langueat, & ad conciliandum Numen longe sit ineptissima.* Non est contemnendum hoc dubium, ex quò colligunt, *satius esse de flectendâ prius cogitare voluntate, quam de collustrandò intellectu.* At vero sciendum est, si major inflammet pietatis ardor hominem rudem, quàm doctum quemlibet in hoc studio frigentem, id propterea fieri, quod pauciora cognitionis efficaciarum impedimenta in homine litterarum sacrarum ignaro objiciantur, quàm in impio theologiæ Doctore. Quod si igitur de his judicandum est, in duobus subjectis, altero erudito sacris, altero leviter imbuto, *cetera* debemus cogitare & ponere *paria*. Fac esse eruditum

ditum Theologiæ Doctorem ex parte unâ, & ex altera parte hominem ex plebe infima de summis fidei capitibus vix mediocriter instructum : si in unô non compareat plus impedimenti & resistendi vtrium, quàm in alterô, profecto Theologiæ Doctor ob maiorem cognitionem plus proficiet in pietate, quàm homo ille rudis. Quodlibet enim rerum sacrarum lumen efficax est, & nitum ad virtutem instigandi, qui luminis proportioni respondeat, exercet ; *sin igitur plus luminis adest, plus etiam instinctus animo additur.* Aliter verbum DEI non esset efficax, sed mortua littera, quod est absurdum. Si verbum DEI est efficax, erit eò efficacior pietatis impulsus, quò distinctius divinâ de salute voluntas cognoscitur. Aliter enim verbi efficacia in generali & confusa cognitione poneretur, nec pietatis incrementum responderet illuminationis profectibus, quod contra Coloss. i. v. ii. nemo Theologorum dixerit temere.

## §. 26.

Quodsi igitur Rusticus v. g. sacrarum notitiâ rerum infra mediocritatem subsistens pietate ac DEI Timore vincat multo doctissimum Theologum, pietatis profectò defectus in Theologo non est adscribendus sterilitati cognitionis intellectum ornantis, *perinde ac si emendatio mentis debuisset à voluntate incoari* : est enim rerum sacrarum notitia *semper efficax, conscientia stimulos addendo, ἀναπαιλόγητον hominem redadendò, castigandò &c.* licet non semper cognitio sit *pietatis efficiens* :

*efficiens* : sed causa illius sterilitatis est in impedimentis quaerenda , quibus præ Rustico Theologus obliquatur , v. g. *munerum ambitu* , *gloria cupiditate* , nimio litterarum studio , &c. Cætera igitur non sunt paria , quocirca nec affirmari potest , *perinde esse* , *sive magna intellectus luce collustratur* , *sive minus*. Qui id volunt , fallaciam *non causa ut causa* mihi committere videntur. Quæ enim pietatis vacuitas in Theologo ab aliis causis enascitur , eam luminis , quod intellectui affunditur , inutilitati falso tribuunt , causamque ob eam credunt , quod voluntas prius amore DEI sit imbuenda , quàm intellectus ornandus ejus cognitione , cum tamen vel ignoti , vel non satis noti , utique nulla possit oriri cupido , pro gradu autem cognitionis certâ proportionem amor capiat vel incrementa , vel decrementa , *cæteris paribus*.

## §. 27.

*Causa cur  
sæpe erudi-  
ti impii.*

Est & alia causa , quamobrem sæpe doctissimi litterarum expertibus pietate cedant. Vetsantur enim eruditi sæpe in veritatibus , quæ à pietatis studio sunt paulo remotiores , nec proxime praxin adtingunt. Frequenter & cognitionis latissime patentem amplitudinem magis , quàm profunditatem & inde pendulam assensûs firmitatem respiciunt , quâ deficiente cognitio vim suam per animum pandere non potest. Fieri & solet , ut , dum animus historiarum litterarum studio nimium distrahitur , nec non mediocri præditus judicio controversiis tractandis operam navat,

aut

aut non sentiat veritatum efficaciam aut scepticismo theologico ob litium decidendarum incapacitatem, laborare occipiat, quô, quantum nîsus cognitionis ad honestatem Christianam sufflaminetur, verbis vix exprimi potest. Ex quibus tamen nunquam sequitur, primum in id incumbendum esse, ut misâ collustrandi intellectum curâ, voluntatem emendemus omnium primò. Valeat igitur isthæc sententia, ex qua papismus & superstitio pridem enata est. (r)

(r) Quoniam cum divinarum rerum notitia veritates philosophiæ complures necessario coherant, ut exemplò Metaphysicæ & moralis disciplinæ cognoscitur; quarum illa notiones suppeditat, in quas tandem omnis veritas distincte evoluta, sive naturalis, sive supernaturalis resolvitur; hæc vero Theologiæ morali inprimis ancillatur; negari sanè non debet, ad cognitionem theologicam augendam & his adminiculis opus esse, & sicut illa salvò pietatis profectû negligi non potest, ita & hæc, si per circumstantias fieri possit, non contemnenda, nec tractanda desultorie, nec eos audiendos, qui contrariam viam sive suadent, sive præcunt ipsi.

### §. 28.

In revocandò igitur ad pietatem christianam homine lumen intellectûs semper prælucere debet adfectibus animi, quibus in bonum ferimur, subinde antecedit oportet veritatis cognitio in intellectu, quò sequi in voluntate possit honestatis amor & exercitium. At loquor hîc de *illuminatione*, non de *experientia spirituali*, quarum hæc ab illa differt longissime. Illa enim

*Discrimen  
illumina-  
tionis &  
experien-  
tia spiris.*

enim præcedit emendationem hominis , ad quam sternit tramitem . hæc vero sc. *spiritualis experientia* emendationem hominis sequitur . Illa docet & urget , hæc instillatas doctrinas hîc & nunc adplicat . Illa ad *generalia* potissimum pertinet , repræsentans articulos fidei necessarios , instruens de *virtutum Christianarum cultura* , de *evangelio* , de *lege* &c. Experientia vero *spiritualis singularia* maxime respicit , ipso pietatis usu edocta de individuâ viarum DEI eventibus , de fidelium animorum in sacris gustu sensuque , de specialissima DEI circa suos hæc aut illâ providentiâ . Qui gravioris momenti iter ad externos meditatur , cum præscire antea oportet , *quò locorum excurrere consultum sit , quibus sumibus utendum ? qui comitis viæ adsciscendi ? qua prudentia in progressu apud peregrinos adhibenda ? Quò scopo & sine loca sint adcunda alia ?* quarum cautionum generalium , si vel unica omittatur , præsentissimum est singulis momentis oscitantix periculum . Istânc ego curam cum illuminatione contendo , quæ viæ ad cælos emetiendæ præmittenda est . Sed quemadmodum in ipso constituti itinere *innumera vident , audiunt , sentiunt , de quibus generales ante viæ ingressum regulas tradere , vel quæ cuncta præagire , nemo hominum potuisset* , varianibus in infinitum singulorum peregrinantium fati ; Ita quoque de spiritali experientia specialiora non ante tradi possunt præcepta , quam ipsò factô pietatis stadium incoandò currendi ceperis experimentum .

## §. 29.

De Turcia potest quis innumera legisse *illustratum* itineraria, ut plura nôrit *generalia* de istis oris, *simili*, quàm civium quisquam, ut fata & historias regionis, ut rationem statûs, provinciarum multitudinem, magistratus & divitias, redituum copiam, & cætera quævis habeat perspecta; nihil tamen obstat quo minus idem à vili homine, qui in Turciam ipsò excurrit factô, secundum *specialia* quadam superetur, ita ut de nonnullis locis, quæ ab hoc visitata sunt, plura hic testari & enarrare queat, quam ille literatissimus. Illius igitur exemplum, si cum animo oras illas visitandi conjunctum sit, *illuminationem* refert, quæ regenerationi præstruitur: hujus verò factum sistit *experientiam spiritualem*. Ex quo intelligitur, *quomodo Spenerianorum & Wutebergenfium controversia decidenda*, quomodo verba servatoris Luc. 12. v. 42. cum Pauli iudicio 1. Cor. 4. v. 2. concilianda sint, quorum ille in Christiano & *fidem & prudentiam*, hic vero *solum fidem* requirit: Namque hospitor loquitur de Christiano per *experientiam spiritualem* jamjam exercitato, consecutoque eo modo prudentiam; hic vero differit de fideli in se, primâque & necessariâ ejus virtute, sejungendô cogitationem, numquid illa virtus per subsecuta ornamenta accessoria, *spiritualem experientiam prudentiamque*, ulterius exculta sit, annon?

## §. 30.

Nunc de vitæ æternæ ineffabili gloriâ sub *De vita æterna.* finem quadam dicenda sunt. Erat enim is divi-  
sionis

sionis locus tertius. Voluptas generatim est ex recentiorum doctrina *cognitio perfectionis intuitiva*. (s) Cum vero omnium consensu, saltem plerorumque Theologorum vita æterna in adpectu faciei divinæ posita sit, quanta existat hujus philosophiæ cum sacris consensus iterum cognoscitur. Nimirum intueri faciem DEI longe perfectissimam, non potest non parere voluptatem incredibilem. Cum nihil fiat sine sufficienti ratione, & vero in vita isthac beata nullum cœlitibus peccandi auctoramentum, aut delinquendi illecebræ occurrere queant; certum est, *beatos omnes unâ cum Angelis in bono esse confirmatos*, quæ altera in hoc articulo à Theologis explanata veritas est. In hac vita possunt aliquando peccandi incitamenta non dico, *digniora*, sed *fortiora* esse impulsibus gratiæ inhabitantis, nemo igitur credentium gratia in certis circumstantiis non potest excidere: At alia ratio est vitæ illius felicitis, quæ propter summam perfectionem peccandi irritamenta offerre nunquam potest. Quid *mors jam sit* ex contrario intelligitur *vita*. Qui *non est mortuorum*, sed *viventium DEUS* faxit, ut perpetim viventes cuncti suo nomini benedicamus in secula!

(s) Ita voluptatem definit Wolffius & cum secutus Bulffing. Diluc. p. 276. §. 289. seqq. Non alienum erit ad paragraphum 22. 28. 29. anteced. hanc observationem referre. Est forsan, qui objicit, emendationem voluntatis primo suscipiendam, Paulum enim ante omnia fidem & candorem in æconomio DEI requirere 1. Cor. 4. v. 2. Hanc autem virtutem voluntatis esse, lumen cognitionis per experientiam spiritumalem sensum sensumque comparari, si vel maxime  
zelus



*zelus aliquando pro gloria DEI limites migret, excusari tamen excessum per candorem, quem dixi, semper igitur consultius esse prius de corrigenda voluntate cogitare quam de collustrando intellectu. Sed distinguendum est, ut jam §. 28. occupavi, inter cognitionem intellectus generaliore, quæ est illuminationis, & inter cognitionem individuorum eventuum pietatem colenti obviorem, quæ pertinet ad experientiam spiritualem. Illa docet, hæc applicat. Illa ipsi subternitur candori, tantopere necessario 1. Cor. 4 v. 2. Neque enim fidem suam DEO adprobare potest, qui rerum, quibus in DEUM candor demonstratur, non plene gnarus existat: Hæc autem sci-experientia spiritualis candorem sequitur, multo usu demum acquisita. Qui igitur in zelo pro DEI gloria limites migrat, excusari non potest, si circa cognitionem primam erraverit, veritatesque rejiciat magno æstu, quæ cum credendis & agendis cohærent; Nisi forte dixeris, etiam Pontificios culpa vacare, quum adversus veritates Evangelicas sua conscientia, sed erronea, inducti tantopere deserviunt, existimant enim se DEO probare suum candorem: Qui autem in zelo pro gloria DEI limites migrat, quantum ad cognitionem secundam, quæ experientiæ spiritualis est, & in adplicandis veritatibus versatur, quia nullam veritatem nec directe nec indirecte negat, sed sinistre modo in his aut illis casibus adplicat, excusari omnino debet oraculo Pauli 2. Cor. 5. v. 13. thun wir zu viel / so thun's wir Gott 10. Ita fieri potest ut nimium quidam indignentur vel hæresi apertæ vel vitii auditorum, cum & mediocri zelus sufficere potuisset, dummodo veritatem ipsam non impugnent, licet in ejus adplicatione hallucinentur, veniam tamen merentur, quia candore acti talia susceperunt. At candor non excusat eos qui ipsas veritates quocunque modo necessarias adgrediuntur, est enim ille obtentus Persecutorum veritatis omnium.*

**FINIS.**

## ERRATA.


Pag. 65. lin. 15. leg. *acceptabilius*. p. 78. lin. 7. leg. *delicatis*. p. 80. §. 24. lege : *contemperata*. p. 113. lin. 19. leg. *responderetur*. p. 116. lin. 4. leg. *fastidio*. p. eadem lin. 10. leg. *adesse*. p. 128. §. 14. lin. 17. leg. *nullum*. p. 130. lin. 5. 6. *generalis ergo non manet propositio*, dele particulam *non*. p. 131. verbis : *etiamsi anima ratione antecedente iis afficiatur*, adde *nulla*. p. 131. lin. 26. leg. *coalsuisse*. p. 132. lin. 19. post verbum *inveniatur* adde : *nulla*. p. 137. lin. 20. leg. *apte*. p. 142. not. (xx) lin. 5. leg. *stabilium*. p. 145. §. 5. lin. 10. 11. *non potest anim conferre*, adde : *non potest non conferre*. p. ead. §. 5. lin. 16. leg. *evolutum*. p. 151. lin. 4. leg. *consentaneam*. p. 152. lin. 6. leg. *ipsi*. p. 155. lin. 12. lege : *hodiernum*. p. 159. §. 9. lin. 2. lege : *commoverer*. p. 168. lin. 7. leg. *subji ciuntur*. p. 171. lin. 9. leg. *moveri*. p. 204. lin. 19. lege : *non habent*. p. 204. lin. 21. leg. *pradita*. p. 216. lin. 13. leg. *alteri*. p. 218. not. (gg) leg. *subeunt*. p. 223. §. 2. lin. 14. lege : *quod non extensum sit*, p. 251. §. 12. lin. 16. leg. *probari*. p. 274. lin. 16. leg. *mansissent*. p. 286. lin. 12. leg. *deviatione*. p. 326. lin. 1. leg. *nullum*. p. 331. §. 16. lin. 6. leg. *compositionis*. p. 334. lin. 7. leg. *exprobrares*. p. eadem lin. 13. leg. *eadem*. p. ead. lin. 40. lege : *determinatam*. p. 337. post verba : *suam ab hac separent*, adde : *causam*. lin. 16. Sub initium libri pro *phænomenon*, quod aliquoties occurrit, lege : *phænomenon*. p. 362. §. 20. lin. lege : *tantarum*. p. 414. lin. 15. lege : *qua*.

Hæc propter perpetuam Auctoris absentiam irreperunt.

AØ 1 145 3684







11860



